



HUGENI  
OPERA  
RELICUA

VOL. I





26. Verm. math. ~~Schiffen~~ + 128626 fm

~~No. 20. 197~~

~~7~~

V. 9. 1976


26, 20, c

57/  
5d




vol II = Opuscula postuma  
vide praefatio pagina 7.
















17  
CHRISTIANI HUGENII

Z U I L I C H E M I

*Dum viveret. Zelhemii Toparchæ.*

O P E R A

R E L I Q U A.

T O M U S P R I M U S.




AMSTELODAMI,

Apud JANSONIO-WAESBERGIOS.

M. D. CC. XXVIII.

1728





CHRISTIANI HUGENII

Z U I L I C H E M I


Quam vivit. Nihilominus Toga.

O P E R A

R E L I Q U A

T O M U S P R I M U S

110



502455



A M S T E R D A M I

Apud JANSONI & WASSERGIUS

M. D. CC. XXVIII.



3200



# G. J. <sup>us</sup> GRAVESANDE

L. S.



Uibus summos inter Mathematicos nomen acquisivit CHRISTIANUS HUGENIUS scripta laudare inutile duco. Inter hæc minora multa sunt ab auctore separatim edita ; dissertationesque peculiare in diariis litterariis , aut Mathematicis Collectionibus , disperguntur.

Hæc omnia a me collecta , & ordine disposita , ante quatuor annos Leidæ fuere edita ; sed duobus tunc temporis datis voluminibus non omnia auctoris Opera continentur ; deficiunt ut in præfatione monui tractatus duo , de Lumine uno , de Gravitate altero , ut & volumen Operum Posthumorum.

Hæc autem omnia , quæ in Leidensi editione deficiunt , cum de novo typis mandare vellent Bibliopolæ Amstelodamenses *Waesbergii* , ad quos hujus faciendi jus pervenerat , me rogarunt ut & hisce scriptis operam meam non denegarem , quod , ut tanti viri OPERA OMNIA , eâdem formâ edita , unicum quasi formarent Corpus ,



libenter suscepi, quantum enim hoc omnibus Mathematicum æstimatoribus gratum foret satis superque noveram.

Duobus ergo voluminibus, anno MDCCXXIV. Leidæ apud *Jansonios vander Aa* editis, duo nova adjiciuntur, quorum ultimum, quod Opera continet Posthuma, in duos tomos subdividitur.

In horum autem voluminum primo Tractatus continetur *de Lumine*, & *Dissertatio de Gravitate*, quæ ambo scripta gallice dedit auctor, quam vis primum ut ipse in hujus præfatione monet, in linguam latinam vertere sibi proposuerat.

Ut autem opera omnia latinè ederentur, tractatus hos ambos in hanc linguam verti curarunt Bibliopolæ, quod cum minùs exactè præstitum fuisset, vir Cl. qui nunc, in Academia Frisia Professor, Philosophiam summa cum laude docet, & qui alia nostri auctoris opera quæ belgicè aut gallicè conscripta, cum reliquis Leidæ jam sunt edita, latinitate donaverat, ut eo tempore monui, hanc etiam versionem cum gallicis auctoris verbis contulit, & juxta auctoris mentem emendavit.

Ad



Ad calcem dissertationis de *Gravitate* addidit auctor Theoremata quindecim de *Logistica*, aut *Logarithmica* linearum proprietatibus, sed nullâ adjecta horum demonstratione.

Defectum supplevit Mathematicus subtilissimus GUIDO GRANDUS in tractatu Florentiæ MDCCI edito, & ne quid lector circa theorematum desiderandum haberet, GRANDI demonstrationes HUGENII scriptis addidimus eoque lubentius, quod non tantum singula, de quibus hic agitur, Theoremata demonstrationibus diversis illustrentur, sed & auctor occasione horum multa alia Geometrica, maximis laudis dignissima, tradit. Unicum hoc desiderassem, quod primam decimi quarti Theorematis demonstrationem \* \* vide pag. 264. pratermisisset, quæ difficultate non caret, dum ipsum Theorema sequentibus demonstrationibus plenissimè illustretur.

Non tamen pulcherrimo huic operi hac de causa quid detractum velim, sed ea mente hæc observo, qua GRANDUS ipse summorum Mathematicorum quorundam errorem, in quem in loco de quo agitur ipse incidit, notavit †.

\* 3

† vide pag. 272.  
In



In hac prima Theor. 14. demonstratione seriem adhibet GRANDUS hanc,  $\frac{ddb}{a}$ ,  $\frac{3ddb}{aa}$ ,  $\frac{5ddb}{a^3}$ ,  $\frac{7ddb}{a^5}$  &c, in qua cum unitate infinite parum differt  $a$ , qua de causa pro  $a$  ipsa unitas usurpatur, & ponuntur æquales  $a$ ,  $aa$ ,  $a^3$ ,  $a^5$  &c, quod certe sine errore fieri potest, quamdiu  $a$  ad potestatem finitam elevatur; sed de potestate infinita agitur; quare differentia inter  $a$  & 1. negligi non debet; quod si fiat, omnes ordinatæ Logisticæ fiunt æquales, & hæc mutatur in rectam ipsi asymtoto parallelam.

Dum suam prosequitur demonstrationem Grandus lineas considerat libræ applicatas, quas simul superficiem formare ponit, ita ut singulis latitudinem, quamvis infinite exiguam, tribuat; ad quam cum in demonstratione non attendat, dum superficies infinite exiguas longitudinibus proportionales ponit, singulis eandem tribuit latitudinem, quod, propter inæquales inter puncta quibus lineæ applicantur distantias, fieri non potest, & hoc ipsum merito in aliorum demonstrationibus culpavit.

Error secundus primum correxit, & ad veram  
con-



conclusionem conduxit. Aliquid autem in hac demonstratione deesse satis monet ipse auctor dum ad aliam transit in qua, ut ipse loquitur, majorem *rigorem* observavit.

Transeo nunc ad *Opera Posthuma* de quibus pauca tantum monenda habeo. In omnibus secutus sum editionem quæ jam anno MDCC. ut superius monui publici juris facta fuit; & cujus curam habuere viri celeberrimi BURCHERUS DE VOLTTER & BERNHARDUS FULLENIUS, primus in Academia Batava, secundus in Academia Frisia Professor, qui magno labore hæc auctoris scripta, nondum ad prælum parata, in ordinem reduxere. Unicum hoc mutavi, *Dioptricæ* figuræ ære incisæ in presenti editione sunt, & rejeci tabulas ligno incisas, quæ in prima editione usu venerant, quia, ut viri laudati in sua præfatione monent, non qualem desiderarent artificem invenire potuere.

Ad Calcem tractatus de Horologio oscillatorio Theoremata, demonstrationibus destituta, de Vi centrifuga proposuerat auctor. Hæc nunc in hisce operibus posthumis demonstrantur; & quia ipse



ipse auctor Theoremata in tractatu peculiari demonstravit, ideo ad calcem ipsius tractatus de Horologio oscillatorio non alias demonstrationes adjeci, ut circa theorematum de Logistica factum, quorum Hugonii demonstrationes nullibi extant.

In secundo Diario anni MDCLXIX. Parisiis edito sine demonstrationibus, Proposuerat HUGONIUS regulas de collisione corporum. Has reliquis operibus, jam memoratis, ante quadriennium Leidæ editis, non junximus; ratio est quod hæ ipsæ in hisce operibus posthumis cum demonstrationibus habentur, in tractatu de *Motu corporum*.

\* vide  
pag. 104.

De quo tractatu monere debeo auctorem in fine \* agere de ordine quodam corporum & ipsum indicare velocitatem ultimi corporis in uno casu, & omnium motus quantitatem in alio; habetque numeros 14760000000 & 4677000000000. quos mutare nolui; quia auctor compendio quodam, quod non explicat se ad hos pervenisse dicit.

Errorem autem in primo numero dari certum est, cum secundum bene sit determinatum, cujus semis est primus. Si auctor, qui quatuor primas figuras horum numerorum tantum deter-

mi-



minavit decem voluisset determinare, quod potuisset, cum certo-certius logarithmicis tabulis usus sit, hos habuisset 2338492188000, & 4676984377000.

Huic editioni illam quam potui, libro in alia urbe prælo commisso, curam dedi; schedæ jam correctæ ad me fuere transmissæ, ipsas legi & cum figuris contuli, quod tamen circa secundam in Tractatu de Lumine fuit neglectum quare B. L. rogo ne sequentia menda corrigere recuset  
*pag. 13. lin. pen. opposito lege oppositis. pag. 14. lin. 20. fixis lege fixæ. pag. 15. lin. 9. bb, dd, & cc lege bb, dd, &c. Præterea pag. 135. lin. 11. ordinatorum lege ordinarum; & pag. 239. lin. 9. in marg. lege. fig. 3.*

Negligentia etiam Typothetarum contigit (dum eâdem, ut loquuntur, formâ utuntur, in imprimendis schedis diversis) ut, quæ ad marginem alicujus paginæ indicantur, in sequentibus repetantur, non sine lectoris incommodo cui figura indicatur de qua non agitur.

Quæ potui ad hæc vitanda præstiti, non tamen cum desiderato successu. Remedium autem facile



est, delendo nempe quæ sequuntur. In Trac-  
tatu de Lumine pag. 16. dele TAB. I. fig. 7.  
pag. 57. del. TAB. IV. fig. 3. pag. 75. del.  
TAB. VI. fig. 1. pag. 83. del. TAB. VI. fig. 6.  
Grandi Demons. pag. 172. del. TAB. XII. fig. 8.  
pag. 216. del. TAB. XIV. fig. 4.

*Dabam Leidæ quinto Nonas*  
*Aprilis MDCCXXVIII.*



CHRIS-



PRÆFATIO.

CHRISTIANI HUGENII

TRACTATUS

DE

LUMINE.

\*\* 3





CHRISTIANI HUGENII

TRACTATUS

DE

LUMINE.

3 \*\*

CHRIS





# P R Æ F A T I O.

**T**ractatum hunc jam a duodecim annis, dum in Gallia versabar, conscripsi; illumque anno 1678. cum viris eruditis, eo tempore Academiae Regiae scientiarum sociis, quibus & ipse jussu Regis adscriptus eram, communicavi: Horum plurimi, qui adhuc in vivis sunt, recordare poterunt, se eo tempore cum hunc ipsum prælegebam, adfuisse; quod facilius illi in memoriam revocabunt, qui scientiis Mathematicis animum applicarunt; inter quos nunc tantum nominare possum Celebres viros Cassinum, Romerum, & de la Hire. Et quamvis postea plurima correxerim imò mutaverim, exemplaria, eo tempore excerpta, fidem facient, me attamen nihil addidisse præter conjecturas circa formationem crystalli Islandici, & novam annotationem in refractionem crystalli rupis.

Hæc memorare necessarium duxi ut constaret a quonam jam tempore, hæc quæ nunc edo, meditatus fuerim, non verò, ut illis debitum honorem detraberem, qui eadem, tractare etiam potuerunt, licet eorum nihil quæ scripseram viderint, quemadmodum verè accidit duobus egregiis Geometris Newtono & Leibnizio respectu problematis de figura vitrorum ad colligendos radios, ubi data est una ex superficiebus.

Hoc quæri poterit, cur tamdiu distulerim hæc in publicum edere, ratio est quod libetum hunc satis negligentem linguâ gallicâ conscripseram, eo animo ut in latinam verterem, hoc ita agens ut ad res ipsas melius attenderem. Postea in animum induxi ipsum unâ emittere cum alio tractatu dioptrico, in quo effectus telescopiorum, & omnia quæ ad hanc scientiam pertinent, explico, sed voluptate cessante, ex novis detectis sumendâ, distuli propositum hoc exequi, & nescio quonam tempore id perficere potuissem, quia sæpius distrahor vel negotiis vel novo quodam studii genere. Quod perpendens, tandem præstare judicavi hoc opus, qualecunque est, evulgare, ne diutius differendo, tandem perdatur.



## P R Æ F A T I O.

*Illius generis demonstrationes hic reperientur, quæ non æque ac geometricæ certæ sunt, & quæ etiam multum ab his differunt, nam Geometræ suas propositiones deducunt ex principiis certis & indubitatis, hic principia comprobantur per conclusiones quæ inde deducuntur, cum res ipsa hoc aliter fieri non patiatur. Fieri tamen potest ut hoc pacto ad eum verisimilitudinis gradum perveniamus, qui fere ipsi evidentiae æqualis est, scilicet ubi res, quæ demonstratæ fuerunt per adsumta principia, congruunt perfecte cum phænomenis quæ experientia indicavit; in primis ubi magna illorum datur copia, & adhuc magis ubi nova ex his Hypothesibus deducuntur & prævidentur phænomena, & ubi comperitur effectus nostræ expectationi respondere. Si verò omnia hæc verisimilitudinis argumenta in hocce quod mihi tractare proposui occurrant, ut mihi persuadeo, confirmabitur me optatum in inquisitione successum obtinuisse, & rem ipsam multum cum iis quæ ego dixi differre vix fieri poterit. Credo itaque illos omnes qui rerum causas cognoscere desiderant, & qui mira luminis phænomena admirari norunt aliquam percepturos esse voluptatem ex diversis his speculationibus, quæ ad lumen spectant, ut & ex nova explicatione de insigni hujus proprietate, quæ fundamentum est nostrorum oculorum constructionis, & magnarum illarum inventionum, quæ horum usum insigniter promovent. Spero quoque quosdam fore qui hisce principiis nixi, altius inquirent in hanc materiam, quàm ipsemet facere potui, cum multum absit ut illam exhausserim: Hoc patet ex locis quos notavi, ubi difficultates haud solutas relinquo; & adhuc magis ex iis quas intactas reliqui, ut sunt corpora lucida diversarum specierum, & omnia, quæ ad colores spectant, in quibus nemo hætenus, se felicem habuisse successum, gloriari potest.*

*Tandem plura restant inquirenda de natura luminis quàm me ipsum detexisse credo, & multum illi debebo qui ea supplere poterit, quæ in hisce cognitioni meæ deficiunt.*  
Hagæ 8. Jan. 1690.



# TRACTATUS DE LUMINE.

## CAPUT PRIMUM.

### *De Radiis directis.*

**Q**Uæ ad Opticæ pertinent demonstrationes, ut fit in omnibus disciplinis in quibus Geometria ad corpus applicatur, nituntur axiomatibus ex experientia depromptis, qualia sunt: Radios luminis rectâ lineâ pergere, angulos reflexionis & incidentiæ æquales esse, in Refractionibus radium rumpi juxta regulam sinuum nunc celebratam adeo, & haud minus certam quam præcedentes.

Plerisque, qui de variis Opticæ partibus scripsere, factis fuit visum hæc axiomata præsupponere, sed viri quidam diligentiores eorum originem causasque indagare operæ pretium duxerunt, quippe qui ea ipsa existimarent esse mira naturæ opera. In quibus eum ingentiosa quidem protulerint, sed non tamen talia, quin eruditiores desiderent explicationes quæ satisfaciant magis. Lubet mihi in medium afferre ea quæ hac de re meditatus sum, ut pro virili hujus partis scientiæ naturalis illustrationem adjuvem, quæ non immerito fertur esse difficillima. Agnosco multum me debere illis, qui primi inceperunt densas, quibus hæres involutæ erant, tenebras discutere, spemque dederunt fore, ut explicari possent per causas intellectu faciles. Verum & ab altera parte miror, quo pacto iidem sæpe Ratiocinia parum clara pro certissimis & demonstrativis vendiderint; imo huc usque fuit nemo qui, meo qui-

A

dem



dem iudicio, probabiliter explicuerit prima ista & insignia luminis Phænomena, scilicet cur lumen rectâ duntaxat lineâ progrediatur & quâ possit fieri, ut radii optici variis è partibus profecti sese variis modis fecent, nec sibi officiant mutuo.

Conabor itaque in hoc opere, juxta placita in Philosophiâ hodie recepta, rationes adducere clariores & verò magis similes, primò proprietatum luminis rectâ lineâ progressi, dein ejusdem reflexi à corporibus obviis; quo factò aggrediar docere Symptomata radiorum eorum qui dicuntur refringi, cum permeant corpora diaphana diversæ speciei: ibique agam de effectis Refractionis aëris ex diversis Atmosphæræ densitatibus.

Pergam deinde ad examen causarum miræ illius Refractionis cujusdam CrySTALLI quæ huc ex Islandia advehitur; ultimò denique loco agam de variis corporum pellucidorum & reflectentium figuris, quarum vi luminis radii aut in unum punctum colliguntur aut variis modis dissipantur: ibique patebit quam facile inveniantur, ex Theoria nostra nova, non modo Ellipses, Hyperbolæ, cæteræque lineæ curvæ quas Cartesius subtilissime ad illum effectum excogitavit; at eæ ipsæ quoque quibus constare oportet superficies altera vitri, ubi prior data est aut Sphærica, aut plana, aut cujuslibet figuræ.

Nemini dubium esse potest quin lumen constet ex motu certæ cujusdam materiæ. Sive enim quo pacto producaturspectes, produci hîc in terra observatur ab igne in primis & flammâ quibus profecto insunt corpora quædam rapido motu abrepta, cum dissolvant & fundant corpora solidissima. Sive effecta ejus respicias, apparet, quod lumen, quando collectum est, ut speculorum concavorum ope fit, vim habeat, ignis instar urendi, id est, quod disjungat partes corporum; id quod certissimè motum designat, saltem in verâ Philosophiâ, in qua omnium effectuum naturalium causæ concipiuntur per rationes mechanicas: id quod  
meo



meo iudicio fieri debet, nisi velimus omnem spem abjicere aliquid in Physicis intelligendi.

Cum autem juxta illam Philosophiam pro certo teneamus sensationem illam, quæ *Visio* dicitur, excitari dumtaxat, cum nervi in fundo oculorum à materia quadam agitentur, hoc etiam nos adducit ad credendum, lumen esse motum quendam materiæ lucidum inter corpus nostrumque oculos interjectum.

Inprimis si perpendas quam citissime luminis radii undequaque diffundantur, & quomodo è variis imò ex oppositis partibus profecti sese interfecent nec sibi officiant mutuo, facile comperias corpora lucida non videri ope cujusdam materiæ quæ ab ipsis ad nos perveniat, quemadmodum globus vel sagitta per aërem transit; hoc enim certissime contrariatur duabus hisce, præsertim posteriori, luminis proprietatibus; Aliâ itaque ratione promovetur, quàm ut intelligamus, novisse juvabit, quo pacto sonus per aërem progrediatur.

Novimus sonum ope aëris qui est corpus, quod nec videri nec tangi potest, diffundi circa locum ubi natus est, motu quodam qui successive ab una parte aëris ad alteram pergit; motumque illum fieri undique eadem velocitate; adeo ut debeant efformari quasi quædam superficies Sphæræ quæ continuo latiores fiant, atque nostras demum feriant. Non autem dubium est, quin lumen etiam à corpore lucido ad nos usque pertingat ope motus impressi materiæ interjectæ, quandoquidem, ut jam vidimus, hoc non potest fieri ope corporis cujusdam quod ab objecto lucido ad nos commearet. Quod si nunc aliquo temporis spacio opus est ut lumen ad nos usque perveniat (quod modo examinandum erit) sequetur motum illum impressum materiæ successivum esse, adeoque illum, ut in sono fit, extendi in quasdam superficies undasque Sphæricas: Undas autem voco à similitudine earum, quas in aqua animadvertas facile, si in eam lapidem mit-



tas; illæ enim (quanquam hoc ex alia causa oritur fitque dumtaxat in superficie plana) talem successivam in orbem expansionem repræsentant.

Ut igitur videamus an Luminis extensio successive fiat, considerandum primo est an experimenta quædam contrarium arguant. Quod attinet ad ea quæ hic in terra fieri possunt ope ignium ad magnas distantias accensorum, quamvis inde pateat lumen tempore haud sensibili transire per hæc spacia, jure tamen ac merito dici potest, nimis hæc brevia esse; adeoque inde tantum sequi Lumen quam citissime pergere. Cartesius qui motum luminis instantaneum esse existimabat, longè meliori, nec injuriâ, nitetur experimento quod ex defectibus Lunæ depromebat, quod tamen ut ostendam non convincit; at illud paulo aliter, ac ille, proponam, ut illius consequentiæ omnes intelligantur melius.

TAB. I. Sit A locus Solis, B D pars annuæ orbitæ telluris, A B C  
Fig. I. linea recta quam suppono occurrere in puncto C orbitæ Lunæ, quæ per circulum CD repræsentatur.

Si jam Lumini opus est tempore aliquo, v. g. horâ unâ, ut permeet spatium quod Terram inter & Lunam patet, sequetur, quòd ubi Terra pervenerit in B, umbra illius siue interruptio Luminis nondum pervenerit ad punctum C nec nisi post integram horam illud attinget. Horâ igitur unâ postquam Terra fuerit in B Luna perveniens tandem ad C ibi obscurabitur, at obscuratio illa aut interruptio luminis tantum post alterius horæ spatium ad terram perveniet, sumamus nunc duabus illis horis illam pervenisse in E. Ubi igitur tellus erit in E videbis Lunam obscuratam in C unde profecta est ante horam unam, eodemque tempore cernes Solem in A. Cum enim Sol immobilis sit, ut suppono cum Copernico, & lumen rectis lineis pergat, Sol videri debet semper ubi est. At observatum est usque, inquiunt, Lunam deficientem videri in illo loco Eclipticæ qui oppositus est Soli, & hîc tamen videretur retro.



retro post locum illum, angulo  $GE C$  qui est complementum  $A E C$  ad duos angulos rectos. Ergo hoc experientiae contrarium est, cum Angulus  $GE C$  esset maxime sensibilis & triginta trium aut circiter graduum. Namque ex nostra supputatione quam in tractatu de causis phaenomenorum Saturni videre est, distantia  $B A$  Terram inter & Solem quasi duodecim millia Diametrorum terrestrium complectitur, adeoque quadringentis vicibus major est quam  $B C$ , distantia, Lunae quae triginta continet diametros. Ergo Angulus  $E C B$  erit fere quadringentis vicibus major quam  $B A E$ , qui est quinque minutorum; scilicet via quam conficit terra intra duas horas in sua orbita: ac proinde Angulus  $B C E$  fere 33. grad. sic & Angulus  $C E G$ , qui illum excedit quantitate 5'.

At notandum est velocitatem luminis hoc in ratiocinio positam esse ejusmodi, ut hora indigeat integrâ, ad spatium hinc ad Lunam usque patens emetiendum. Nunc si singas minuto tantum uno opus esse, ut lumen viam hanc conficiat, manifestum est tunc Angulum  $C E G$  tantum fore trium minutorum; & si decem secundae tantum requirantur, Angulum eundem haud sex minutorum fore; cumque ille non facile animadvertatur in observationibus defectuum Lunae, non licebit inde concludere motum luminis esse instantaneum.

Non diffiteor hic supponi stupendam prorsus velocitatem, quae nempe centies millies major esset velocitate soni; Sonus enim, ut observavi saepius 180. hexapedas conficit intra secundam unam, aut, intra singulum arteriae pulsum. at suppositio illa nemini impossibilis videri debet, cum haud agamus de translatione continua corporis tanta cum velocitate, at de motione quadam successiva, quae ex uno corpore in alia transit. Non igitur dubitavi, ubi his de rebus meditatus sum, ponere emanationem Luminis indigere tempore, cum viderem, hoc posito, omnia Luminis Phaenomena explicari posse, quae contrariam sequendo



opinionem omnino non comprehenderentur. Etenim mihi aliisque visum est semper ipsum etiam Cartesium, cui propositum erat clarè & nitidè de omnibus Physicæ subjectis differere, quodque revera melius fecit, quam ante eum quicumque, nihil tamen de lumine ejusque proprietatibus dixisse quod non difficultatibus innumeris intricatum sit, vel & quod possit intelligi.

At quod pro Hypothesi tantum adhibebam, illud ipsum veritatis constantis magnam speciem accepit ab ingeniosa demonstratione Romeri quam hic subjiciam, expectans, ut ipse edat omnia, quæ ad hanc confirmandam faciunt. Illa quemadmodum superior nititur observationibus coelestibus, probatque, non modo lumen in itinere suo tempus impendere, sed & ostendit quanto tempore opus sit, velocitatemque illius esse sexies majorem ac eam de qua supra dixi.

TAB. I.  
Fig. 2.

Utitur ad id defectibus minorum illorum Planetarum qui Jovem circumeunt, ejusque umbram ingrediuntur sæpius, & sic differit. Sit A Sol B C D E orbita annua telluris, F Jupiter G N orbita proximi Satellitum Jovialium, ille enim majoris usus ad id est quam tres reliqui, quia citius revolvitur. G Satelles ille umbram Jovialem ingrediens, & H idem eadem umbrâ egressus.

Igitur posito quod, ubi Terra esset in B paulò ante ultimam quadraturam, visus sit idem Satelles umbrâ egredi, oporteret si terra eodem in loco maneret, similem emerfionem iterum post  $42\frac{1}{2}$  horas videri, quia nempe intra hoc tempus orbitam suam peregerat & rursus Soli oppositus est. Quod si Terra in B versaretur semper, dum v. g. Satelles ille trigesies orbem suum peregisset, illud denuo videret umbra egredi post trigesies  $42\frac{1}{2}$  horas. At cum Terra interea pervenerit in C recesseritque amplius à Jove, sequitur quod, si lumini opus sit tempore aliquo, illuminatio exigui Planetæ serius videnda sit in C quam fuisset in B. Et quod illis trigesies  $42\frac{1}{2}$  horis, addendum sit, insuper tem-



# D E L U M I N E . T

tempus illud intra quod lumen conficit spatium  $MC$ , quod est differentia spatiorum  $CH$ ,  $BH$ . Eodemque modo versus alteram quadraturam, ubi terra pervenit à  $D$  in  $E$  & propior Jovi facta est, necesse est immersiones Satellitis  $G$  in umbram prius observari in  $E$  quam visæ fuissent si Terra mansisset in  $D$ .

Ex multis autem observationibus defectuum illorum factis per decennium integrum differentiae illae valde notabiles inventae fuerunt, quippe decem aut amplius minorum; unde conclusum est Lumini opus esse circiter 22. minutis, ut peragret Diametrum Orbis annui  $KL$ , quæ dupla est distantiae terram inter & Solem interjectae.

Motus Jovis in sua orbita, dum Tellus transit à  $B$  in  $C$  aut à  $D$  in  $E$  comprehenditur in illo calculo, probaturque moram illuminationum illarum & anticipationem Eclipsium neque tribui debere irregularitati quæ reperitur in motu illius exigui Planetæ, neque illius excentricitati.

Quod si consideretur magnitudo vasta diametri  $KL$ , quæ, meo quidem judicio, est fere viginti quatuor millium diametrorum Terræ, patebit quam prodigiosa sit Luminis velocitas. Etenim posito  $KL$  continere dumtaxat viginti & duo millia ejusmodi diametrorum, sequitur, cum intra 22. minuta percurrantur, singula mille diametros intra minutum unum & 16; diametros intra secundum unum vel pulsus arteriæ permeari, quod non minus est quam undecenties centies centum millia hexapedarum; quoniam diameter terræ continet 2865. leucas, quarum 25. continentur in uno gradu, & singula quæque leuca est 2281. hexapedarum juxta mensuram exactam, quam adhibuit Picard, jussu Regis Galliae anno 1669. At sonus, ut supra observatum est, intra secundum unum peragrat tantum 180. hexapedas. ergo lumen plusquam sexcenties millies majori velocitate fertur, quam sonus, quæ tamen longè alia est ac momen-

taneus



taneus motus: eadem enim intercedit differentia, ac finitum inter & infinitum. Quandoquidem ergo motus successivus luminis hunc in modum probatus est, sequitur, prout superius affirmavi, quod soni instar in undulas sphaericas sese extendat.

At lumen & sonus licet hoc habeant commune, tamen quoad reliqua multum discrepant, cum nempe alio modo producat motus, qui est utriusque causa, alia sit materia in qua motus ille fit, & diversus modus sit quo motus ille communicatur. Nam sonus in causa habet concussionem subitam totius corporis, aut maximae illius partis, quae aëra contiguum agitat; lumen autem debet oriri ex singulis partibus corporis lucidi, ut omnes omnino cernantur, quemadmodum infra melius videre est. Nec puto motum illum explicari melius posse quam, si ponamus corpora lucida, quae liquida sunt, ut flamma, &, forsitam, Stellae & Sol, constare particulis fluctuantibus in materia multo subtiliori, quae illas quam rapidissime agitet impellatque in particulas aëtheris, quae illas circumeunt illisque multo minores sunt. Motum autem illum, in corporibus lucidis quae sunt solida, ut carbo metallumve candens, oriri ex concussione violenta particularum ligni aut metalli quarum eae quae sunt in superficie materiam aetheream eodem modo impellunt. Cæterum agitatio particularum illarum, quae lumen producant, desideratur multo magis subita & rapida, quam agitatio corporum sonorum, cum non videamus Lumen; oriri posse ex fremitu corporis sonantis ut sonus ex motu manûs in aëre produci non potest.

Si nunc investigemus quænam possit esse materia illa aetherea, in qua ille se expandit motus à corporibus lucidis oriundus, patebit eundem non esse cum illa quae propagando sono inservit; hæc enim diversa non est ab aëre quem spiramus, quo sublato, altera tamen superstes erit. Et hoc probatur, si corpus sonorum in vase vitreo incluseris, unde



de per machinam Boyleanam, cujus ope hic tot pulchra instituit Experimenta, aërem educas. Quo in Experimento observandum, ut corpori sonoro substernantur vel gossypium vel plumæ, ne tremores suos cum vase includente aut & ipsa machinâ communicet, quod huc usque neglectum est. Tum enim, educto aëre, minimè auditur sonus percussu licet Metalli.

Inde satis liquet non modo aëra nostrum, qui vitrum non penetrat, esse materiam illam in qua se extendit sonus, sed etiam aëra illum non esse materiam, in qua diffunditur lumen, quandoquidem, aëre sublato, non minus lumen penetrat per vitrum, quam antea.

Et postremum hoc patet clarius ex celebrata Torricellii experientia, in qua parvula tubi vibex, ex qua Mercurius decedit, licet aëre omnino vacua, tamen lumen transmittit; quod probat, materiam quandam ab aëre diversam superesse hoc in tubo, materiamque illam penetrasse aut vitrum aut hydrargyrum aut utrumque, quod tamen utrumque impenetrabile est aëri. Cumque eadem in experientia fiat vacuum, infundendo paululum aquæ hydrargyro, concluditur pariter eandem materiam vitrum aut aquam aut utrumque permeare.

Quod ad diversos modos attinet quibus dicimus motum luminis & soni sese successive communicare, facile intelliget quisque quomodo hoc in sono fiat, modo consideret aëra ejus esse naturæ, ut possit facile comprimi redigique in spatium multo minus quam quod naturaliter occupare solet; & eum, proportionaliter prout premitur, niti ut se restituat. Ex hoc enim, si penetrabilitatem, quæ cum ipsa compressione remanet, adjungas, probari videtur aëra constare corpusculis natantibus celerique motu abreptis in materia æthereâ, quæ ipsa partibus multo magis exiguis componitur. Adeoque ut nulla sit causa cur undæ soni sese extendant, præter corpusculorum illorum, ad se mutuo collidentium, vim elasticam, quando paulo  
B  
magis



magis compressa sunt in circuitu undarum illarum quam alibi.

At luminis concitatissimus motus aliæque ipsius proprietates, eodem modo illud propagari non sinunt. Et ostendam quo pacto id fieri posse censeam; sed prius explicandum est quâ ratione corpora dura motum secum invicem communicent.

Si capias plures Globos ejusdem magnitudinis, singulosque materiâ durissima quacunque constantes, & in lineâ rectâ disponas, ita ut contigui sint; si Globo simili primum Globum impellas, motus quasi in instanti transmittetur ad ultimum usque, qui à cæteris se separabit, quamvis eos motos fuisse minimè videris, quin & Globus impellens immobilis manebit. Ubi apparet exemplum motus velocissimi, & eo majoris, quo materia Globorum durior est.

Sed & constat, progressum illum motus non momentaneum esse, sed successivum, proindeque indigere tempore. Nam, si motus, aut, si mavis, inclinatio ad motum, non transiret successive per singulos globos, omnes eodem tempore motum sive inclinationem ad motum acquirerent, adeoque simul omnes moverentur; quod non fit; imo Globus extremus alios linquit, & velocitatem acquirit quam habuerat Globus impellens. Præterea patet ex experimentis plurimis, corpora illa, quæ in duris numeramus (putà chalybem temperatum, vitrum & achatem) elastica esse & quodammodo plicari; non modo cum porrecta sunt in longum, sed etiam ubi formata sunt in globulos, aut alio modo; id est in se ipsa paululum redire eo in loco ubi percussa sunt, statimque priorem figuram iterum induere. Nam inveni, quod ubi impuleram Globum ex vitro vel achate in frustum aliquod densum & grande ejusdem materiæ, cujus superficies plana esset & halitu meo aut alio modo obscurata paululum, quædam maculæ rotundæ supererant majores aut



aut minores, prout major aut minor ictus fuerat; unde manifestum est corpora illa pauxillum cedere, deindeque se restituere; cui tempus impendant, necesse est.

Si nunc motum istum referamus ad motum qui producit lumen, nil vetat quominus credamus particulas æthereas constare materiâ, quæ tam ad duritiem perfectam accedat elateremque habeat, tam promptum quam volumus. Nec necesse est ut examinemus hic, quæ sit causa elateris duritiæque illius, quia longius ab argumento nostro distraheremur. Dicam tamen obiter, posse concipi, quod particulae istæ æthereæ, quantumvis tenues, adhuc aliis particulis constent, & elater illarum consistat in rapidissimo materiæ cujusdam subtilis motu, quæ illas undecumque pervadens earum texturam ita disponit ut præbeat materiæ illi fluidæ patentissimum facillimumque aditum. Hoc autem consentaneum est cum ratione elateris quam adduxit Cartesius, nisi quod non supponam cum illo poros quosdam in speciem canalium rotundorum & cavorum. Neque hoc ulli absurdum aut impossibile videri debet, cum è contrario valde credibile sit, quod Natura in tot miris effectibus edendis utatur progressu infinito variæ magnitudinis corpusculorum, & diversis horum velocitatibus.

At licet ignoramus veram elateris causam, videmus saltem quotidie, multa corpora quæ hanc proprietatem habent, adeoque nil miri facimus, ubi eandem tribuimus corpusculis tenuissimis quæ non videmus, putà materiæ æthereæ. Quod si investigetur alia ratio quâ motus luminis se successive communicare queat, nulla occurret quæ melius conveniat quam elater cum progressu æquali, qui videtur esse necessarius; quia nempe, si motus ille remitteret, prout pluri materiæ se communicaret, longius remotus à fonte luminis, magnam illam velocitatem in magnis distantis retinere non posset. Si vero ponas elaterem esse in materia æthereâ, particulae illius sese restituent æ-



quali velocitate, five parum five multum pressæ fuerint, adeoque lumen æquali velocitate semper progredietur.

TAB. I. Sciendum vero est, etiamsi particulae ætheræe non  
Fig. 3. dispositæ sint rectâ lineâ quemadmodum Globi illi de quibus suprà, sed è contra confusè sint locatæ, ita ut singula quæque plures tangat; id tamen non obstare quò minus motum suum particulae illæ inter se communicent & in anteriora semper provehantur. In quo observari oportet legem motûs quæ huic propagationi inservit, & ab experientia confirmatur. Si globus, ut A, plures alios similes C C C tangat, & impellatur ab alio Globo B, ita ut motum imprimat omnibus C C C quos tangit, transfert in illos omnem suum motum, & post impulsus manet immobilis, ut & Globus B; Etsi non supponantur particulae ætheræe esse figuræ Sphæricæ (neque enim video cur tales supponerentur) facile concipitur, quòd hæc proprietas impulsione tamen contribuat ad dictam motus propagationem.

Æqualitas magnitudinis videtur magis necessaria, quia secus hac enim regula dabitur aliqua reflexio motûs retrorsum, eum à minori particula ad maiorem transit, juxta regulas percussione quas ante paucos annos edidi.

Tamen infra videbimus æqualitatem illam magnitudinis non tam esse necessariam, ut propagetur lumen, quam ut facilius validiusque propagetur; cum sat è etiam verisimile sit particulas æthereas factas fuisse æquales ut tantum effectum ederent, quantum est lumen, saltem in immenso illo spatio, quod ultra Atmosphæram est, quod videtur tantum inservire transmittendo lumini Solis & Syderum.

Ostendi igitur quo modo possit concipi lumen sese diffundere successive per undas sphæricas, quo pacto id fieri possit cum ea celeritate quam Experientiæ & Observationes coelestes postulant. Observandum adhuc est, quanquam partes Ætheris suppositæ sunt in motu perpetuo

tuo



tuo (quod probabile est multis de causis) propagationem tamen successivam undarum inde non posse impediri; quia illa non consistit in translatione particularum illarum, sed tantum in levi concussione, quam, non possunt non communicare partibus vicinis, non obstante omni motu qui agitantur & locum inter se mutant.

Verum particularius adhuc examinemus oportet originem undarum illarum, & modum, quò se extendunt. TAB. I.  
Fig. 4.

Et primo sequitur, ex iis quæ dicta sunt de productione luminis, singulam parvam partem corporis lucidi, Solis v. g. candelæ, vel carbonis ardentis emitte suas undas quarum pars illa est centrum. Si itaque distinguas in flamma candelæ tria puncta A B C. Circuli concentrici circa singulum quodque punctum descripti repræsentant undas quæ inde oriuntur, similesque undæ concipiendæ sunt circa singulum punctum superficiæ, & partis interioris flammæ.

Sed cum percussiones in centro undarum illarum non fiant ordinata serie, ita putandum non est undas ipsas sese paribus intervallis sequi, etsi intervalla videntur paria hacce in figura, id potius feci ut videretur progressus ejusdem undæ æqualibus temporibus quam ut cernerentur plures undæ eodem è centro profectæ.

Cæterum non impossibilis videri debet prodigiosa illa multitudo undarum, quæ sese mutuo interfecant absque perturbatione ulla, aut mutua deletione, cum certum sit eandem materiæ particulam posse inservire pluribus undis quæ diversis imo contrariis è locis veniant; non modo si particula illa propellatur per plures ictus qui sese proximè sequantur, sed etiam per illos qui agant in ipsam eodem instanti; idque propter motum qui successive diffunditur.

Hoc clarius patebit exemplo Globorum illorum materiæ duræ, de quibus suprà, in quos si eodem tempore ex opposito partibus Globos similes A & D impellas; uterque eadem, qua venit velocitate resiliet, cæterique immobiles

TAB. I.  
Fig. 5.

al

B 3

per-



perstabunt, quamvis motus, isque duplus, eos omnes permeaverit. Si autem motus illi contrarii sibi invicem occurrunt in Globo B qui in medio est, aut in alio Globo, puta C, debet intro premi Globus ille, & utrinque resistere, ac proinde eodem instanti inservire transmittendis duobus illis motibus.

At mirum hoc videri potest atque incredibile, quod undulationes, ortæ à motibus corporibusque tam exiguis, possint ad tam immensas distantias diffundi; ut e. g. à Sole aut Syderibus ad nos usque. Undarum enim illarum vis debet remittere, prout longius ab origine sua processere, adeo ut actio singulæ cujusque undæ ita procul dubio infirma futura fuerit, ut oculos nostros fugiat. At non erit, quod miremur amplius, si consideremus longissime à corpore lucido innumeras undas, licet profectas è variis corporis illius punctis, inter se conjungi adeo ut unam duntaxat sensibilibiter componam undam, quæ proinde satis habet efficaciam, ut sentiri possit. Itaque numerus ille infinitus undarum, quæ oriuntur uno eodemque instanti ex omnibus punctis stellæ alicujus fixis, ejusdem forsitan magnitudinis ac Sol; ille unam duntaxat sensibilibiter componit undam, quæ proinde potest satis fortis esse, ut in oculos nostros impressionem aliquam faciat. Præterquam quod è singulo lucido puncto possunt nasci vel brevissimo, quod imaginari queas, tempore multa millia undarum, ope frequentis percussione corpusculorum quæ æthera in illis punctis impellunt; quod confert etiam ad reddendam actionem earum sensibilem.

TAB. I.  
Fig. 6.

Superest considerandum in emanatione undarum illarum, quod singula particula materiæ, in qua unda quævis se extendit, debeat communicare motum suum, non modo particulæ proximæ quæ est in linea recta ducta à puncto lucido, sed etiam cæteris omnibus quæ illam contingunt ejusque motui se opponunt. Ita ut necessario circa quamlibet particulam fiat unda una, cujus particula il-

la



la centrum sit. Sic si  $DCF$  est unda manans è puncto lucido  $A$  ut centro; particula  $B$ , una ex iis quæ continentur Sphærâ  $DCF$ , jam fecerit undam suam  $KCL$ , quæ tanget undam  $DCF$  in  $C$  eodem instanti quo unda principalis manans ex puncto  $A$  pervenit in  $DCF$ ; & patet, quod solum punctum  $C$  ex unda  $KCL$  continget undam  $DCF$ , nempe illud quod est in recta linea ducta ab  $A B$ . Eundem in modum cæteræ particulae quæ continentur Sphærâ  $DCF$  ut  $bb$ ,  $dd$  &  $ee$ , singulae suam undam fecerint. At quælibet ex undis illis non potest non esse infinitè debilis in relatione ad undam  $DCF$ , cui componendæ inserviunt cæteræ in partem suæ superficiei quæ maxime remota est à Centro  $A$ .

Apparet præterea undam  $DCF$  determinatam esse per extremitatem motûs egressi è puncto  $A$  certo temporis spatio, cum nullus sit motus, ultra undam illam, licet aliquis superfit in spatio quo comprehenditur, scilicet in undarum particularium partibus, quæ non tangunt Sphæram  $DCF$ . Neque hoc subtilius aut longius quæsitum esse quisquam putet; postea enim videbimus proprietates luminis cæteraque quæ ad Reflexionem & Refractionem pertinent inde præcipuè explicari posse. Et hoc latuit eos qui primi examinare inceperunt undas luminis, quos inter sunt Hookius in sua Micrographia & P. Pardies, qui in Tractatu quodam cuius partem videndam mihi dedit, & quem perficere non potuit paulò post mortuus, sibi sumpserat ex illis undis probare Reflexionis & Refractionis effecta. At præcipuum fundamentum quod nititur observatione quam modò feci, desiderabatur in illius demonstrationibus, & in cæteris opiniones fovebat multum à meis diversas ut forsitan aliquando patebit, si scriptum illius servatum sit.

Ut veniamus ad proprietates luminis, observandum est primo singulam quamque partem undæ debere ita se extendere, ut extremitates illius semper comprehensæ sint eis-



eisdem lineis rectis ductis à puncto lucido. Sic pars undæ  $BC$ , habens punctum lucidum  $A$  pro centro, extendet se in arcu  $CE$  terminato per rectas  $ABC$ ,  $AGE$ . Enimvero etsi undæ particulares, productæ à particulis quas comprehendit spatium  $CAE$ , ultra hoc spatium etiam progrediantur, tamen, non eodem instanti concurrunt ut simul componat undam quæ terminet motum, nisi præcisè in peripheria  $CE$  quæ est earum communis tangens.

TAB. I.  
Fig. 7.

Exinde videre est cur lumen, nisi radii illius reflexi sint aut fracti, se diffundat tantum per lineas rectas; adeo ut sola corpora illuminet ad quæ via ab origine suâ rectâ patet. ad illa usque. Si enim v. g. esset foramen  $BG$  terminatum per corpora opaca  $BH$ ,  $GI$ , unda luminis egressa è puncto  $A$  terminata semper esset per lineas rectas  $AC$ ,  $AE$ , sicut modo demonstratum est; quia partes undarum particularium, quæ extendunt se ultra spatium  $ACE$ , infirmiores sunt quam ut lumen gignant.

Quantumvis autem exiguum sit foramen  $BG$ , eâdem tamen ex causâ transibit semper lumen rectâ lineâ, quia foramen illud semper satis magnum est, ut possit magnum numerum capere particularum materiæ æthereæ, quippe quæ sint incredibilis prorsus tenuitatis; ita ut pateat, quod singula quæque particula undæ procedat necessario, secundum lineam illam rectam quæ ducitur à puncto lucido. Et hinc radii luminis spectari possunt quasi essent totidem lineæ rectæ.

Cæterum patet ex iis quæ observavimus de debilitate undarum particularium, non necesse esse, ut particulæ omnes ætheris æquales sint inter se, quamquam æqualitas illa ad propagationem motûs plus conferret. Verum enim est inæqualitatem futuram esse in causa cur particula una particulam majorem impellens conetur resilire cum aliqua motûs sui parte; at inde orientur tantum paucae undæ particulares retrorsum versus punctum lucidum quæque



que lumini excitando ineptæ sunt: nulla vero inde nascetur unda quæ ex pluribus constet, veluti C E.

Altera proprietas luminis eaque haud minus admirabilis est, quod duo radii variis imo oppositis partibus profecti agunt alter per alterum, absque ullo impedimento. Unde etiam fit, ut plures spectatores per idem foramen possint videre simul diversa objecta, & ut duo homines possint alter alterius oculos eodem instanti cernere. Juxta autem ea, quæ dicta sunt & de actione luminis & quomodo undæ sese non destruant, neque altera alteram interrumpat, quando sese invicem secant non difficile est phænomena illa intelligere; quod tamen, meo quidem arbitrato, non ita obtinet in Hypothesi Cartesii, qui vult lumen consistere in pressione quâdam perpetuâ quæ tantummodo ad motum tendit. Cum enim pressio illa non possit agere simul ex duabus oppositis partibus in corpora quæ nullam inclinationem habent ad accedendum ad se invicem, nullo modo concipi potest, quo pacto duo homines alter alterius videant oculos, aut duæ faces se mutuæ illuminent.

## CAPUT II.

*De Reflexione.*

Explicatis Phænomenis undarum luminis, quæ extenduntur in homogenea materia, deveniendum est ad ea quæ iis accidunt, ubi in corpora alia incidunt. Ac primum docebimus quomodo ex iisdem undis explicetur reflexio luminis, & cur hæc æqualitatem Angulorum servet. Sit superficies plana & levis ex aliquo aut metallo aut vitro aut alio corpore A B, quam primo sumam esse perfecte levem, (differam enim loqui de asperitate quæ carere non potest, ad finem demonstrationis istius) &

TAB. I.  
Fig. 7.

C

linea



linea  $A C$  inclinata in  $A B$  repræsentet partem undæ luminis cujus centrum adeo remotum sit, ut pars illa  $A C$  considerari possit, tanquam linea recta. Specto enim hæc omnia, quasi essent in uno quodam plano; concipiens Planum, in quo est figura hæc, secare sphaeram undæ in centro & Planum  $A B$  ad Angulos rectos, quod monuisse semel sufficit.

Pars  $C$  undæ  $A C$ , certo temporis spatio, progressa erit ad planum usque  $A B$  in  $B$ , juxta rectam  $C B$ , quam imaginari oportet venire à centro lucido, adeoque perpendicularem esse ad undam  $A C$ . Eodem autem temporis intervallo, pars  $A$  ejusdem undæ, quæ impedita fuit, saltem pro parte quominus motum suum communicaret ultra planum  $A B$ , debet continuasse motum suum in materia quæ est supra hoc planum, idque in spatio, quod æquale sit rectæ  $C B$ , efformans suam undam sphaericam, juxta id quod supra diximus; quæ unda hic repræsentatur per circumferentiam  $S N R$ , cujus centrum est  $A$ , & semi-diameter  $A N$  æqualis  $C B$ .

Quod si porro consideremus cæteras partes  $H$  undæ  $A C$ , patet fore ut non modo pervenerint ad superficiem  $A B$ , per rectas  $H K$  parallelas  $C B$ ; sed etiam produxerint ex centris  $K$  undas particulares sphaericas in diaphano, quæ repræsentantur hic per peripherias, quarum semi-diametri æquales sunt  $K M$ , id est continuationibus rectarum  $H K$  ad rectam usque  $B G$ , parallelam  $A C$ .

Sed circumferentiæ illæ omnino omnes habent pro tangente communi Rectam  $B N$ , eandem scilicet quæ à  $B$  facta est tangens primi ex his circulis, cujus  $A$  erat centrum, &  $A N$  semi-diameter æqualis  $B C$ , ut videre facile est.

Linea igitur  $B N$  (comprehensa puncto  $B$  & puncto  $N$  ubi cadit perpendicularis puncti  $A$ ) quasi efformata est ex illis omnibus circumferentiis, terminatque motum factum à reflexione undæ  $A C$ ; & in ea etiam motus est in multo majori quantitate quam alibi. Idcirco, juxta ea quæ expli-



explicata fuere,  $B N$  est propagatio undæ  $A C$ , quo momento pars illius  $C$  pervenit in  $B$ . Etenim nulla alia est linea, quæ, ut  $B N$ , sit communis tangens omnium dictorum circularum, nisi fortè  $B G$  infra planum  $A B$ ; quæ  $B G$  esset propagatio undæ, si motus per materiam homogeneam potuisset ad materiam infra planum progredi. Quod si quis videre velit quomodo unda  $A C$  successive venerit in  $B N$ , ducantur in eadem figura rectæ  $K O$  parallelæ  $B N$ , & rectæ  $K L$  parallelæ  $A C$ . Ita patebit undam  $A C$  confractam quasi fuisse in omnibus  $O K L$  successive, iterumque rectam fuisse factam in  $N B$ .

Exinde videre est angulum reflexionis æqualem esse angulo incidentiæ. Nam cum triangula  $A C B$ ,  $B N A$  rectangula sint habeantque latus  $A B$  commune, & latus  $C B$  æquale  $N A$ ; sequitur angulos lateribus illis oppositos, & proinde angulos quoque  $C B A$ ,  $N A B$ , fore æquales. At veluti  $C B$  perpendicularis ad  $C A$  designat directionem radii incidentis, ita  $A N$  perpendicularis undæ  $B N$  directionem radii reflexi designat. Ergo radii illi æqualiter inclinantur ad Planum  $A B$ .

Verum in considerandâ præcedenti demonstratione posset quis dicere lineam quidem illam  $B N$  esse tangentem communem undarum circularium in plano figuræ; sed undas illas, cum revera sint sphericæ, habere adhuc infinitas ejusmodi tangentes, nempe omnes lineas rectas, quæ à puncto  $B$  ducuntur in superficie conî formati à recta  $B N$  circa axem  $B A$ . Superest igitur probandum ne minimam quidem in hoc difficultatem esse; simulque patebit cur radius incidens & radius reflexus semper sint in uno eodemque plano perpendiculari ad planum reflectens. Dico igitur undam  $A C$ , cum spectetur tantummodo ut linea, nullum posse lumen gignere. Etenim radius visibilis luminis, quantumlibet sit tenuis, tamen semper aliquam crassitudinem habet; adeoque, ad repræsentandam undam cujus progressus radium illum efformat, loco lineæ  $A C$  concipienda est figura quædam plana, qualis





TAB. I. <sup>Fig. 8.</sup> *lis* est Circulus  $H C$ , ponendo, ut ante, punctum lucidum infinite distans. Facile autem patet, ex superiori demonstratione, ubi unaquæque particula undæ  $H C$  pervenerit ad planum  $A B$ , indeque genuerit singula suam particularem undam; undas illas omnes, ubi  $C$  pervenerit in  $B$  habituras esse commune planum quod illas tangat, circulum scilicet  $B N$  æqualem  $C H$  & quod sectum erit in medio, & ad angulos rectos ab eodem plano, quod ita secat circulum  $C H$  & Ellipsim  $A B$ .


Patet etiam dictas Sphæras particularium undarum non posse aliud commune planum tangens habere, præter circulum  $B N$ ; ac proinde in illo plano major multo erit copia motûs reflexi quam alibi, adeoque planum id transferret lumen continuatum undæ  $C H$ .

Dixi etiam in demonstratione superiori motum partis  $A$  undæ incidentis non potuisse ultra planum  $A B$  se communicare, aut saltem non potuisse in totum. Ubi hoc observatu opus est quod, etiamsi motus materiæ æthereæ se communicaret ex parte ipsi corpori reperiienti, hoc tamen minime potest mutare velocitatem progressus undarum, à qua angulus reflexionis pender. Etenim levis percussio, ut & validissima quævis, undas velocitatis ejusdem in simili materia necessario gignit; quod fit quia corpora elastica, ut supra dictum est, sive leviter premantur sive valide, tamen æqualibus temporis intervallis se restituunt semper. Itaque, in quavis reflexione luminis in quodcunque corpus, Anguli reflexionis & incidentiæ æquales esse debent; etsi corpus ejus esset naturæ, ut aliquid de motu detraheret qui lumen incidens facit. Et vero experientia testis est nullum esse corpus leve, quod reperiens hanc regulam non sequatur.

At hoc imprimis in demonstratione nostra observandum est quod ea non postulat ut superficies reperiens spectetur tanquam planum leve, ut supposuere omnes quicumque













que conati sunt explicare reflexionis phænomena; sed tantummodo ut ei levitas illa tribuatur quæ oritur particulas corporis reperiuntis aliis juxta aliis positis, quæ majores sunt particulis materiæ æthereæ, sicut videre est ubi dicemus de transparentia & opacitate corporum. Cum enim superficies constet partibus ita juxta se invicem positis, particulæque æthereæ supra fluctuent sintque minores, evidens est non posse demonstrari æqualitatem angulorum incidentiæ & reflexionis ex eo quod accidit globo in parietem injecto, quanquam eâ comparatione semper usi sunt alii. E contrario in hypothese nostra res absque ullo labore explicari potest. Namque particulæ hydrargyri v. g. cum ita exiguæ sint, ut in minima quavis superficie visibili, necessario sint concipiendæ ad multa millium millia, dispositæ veluti acervus arenæ levigatus quantum fieri potuisset; tum superficies illa fit levis respectu nostri ut vitrum politissimum, licetque respectu particularum ætherearum semper aspera maneat, manifestum est centra Sphærarum omnium particularum reflexionis, de quibus diximus, esse fere in eodem plano polito; adeoque communem tangentem posse illis convenire satis perfecte, quantum ad lumen gignendum necesse est. Atque hoc unum requisitum est, in nostro demonstrandi modo, ut fiat æqualitas dictorum angulorum, & reliquus motus undiqueque reflexus contrarium effectum producere non poterit.

## C A P U T III.

*De Refractione.*

Quemadmodum phænomena reflexionis explicata fuere per undas reperiuntas in superficie corporum levium; ita nunc explicabimus quid sit perlucidum & refractionis phænomena per undas quæ se extendunt intra & per corpora



diaphana, sive solida sint, ut vitrum, sive liquida ut aqua, olea, &c. Ut autem nemini mirum videatur, quod ponam undis corpora illa permeari, ostendam prius quod hoc non unico modo possibile concipiatur.

Ac primum, etiamsi materia ætherea non pervaderet corpora diaphana, tamen ipsæ corporum illorum particulae possent successive inter se motum undarum communicare, ut particulae æthereæ faciunt; si, æque ac hæ, vi elasticâ instructæ ponantur. Et hoc facile concipi potest, quoad aquam cæterosque diaphanos liquores, quippe qui particulis haud cohærentibus constant. At difficilior idem videtur, quantum ad vitrum aliaque corpora diaphana & dura pertinet, quia non videtur eorum soliditas permittere, ut partim moveantur, quin moveantur simul tota. Hoc tamen minime necessarium est, quia soliditas illa non est talis, qualis nobis apparet, cum probabile sit corpora illa constare potius particulis aliis juxta alias collocatis, quas teneat una conjunctas pressio materiæ alicujus exterioris, & figurarum irregularitas. Nam primo raritas corporum illorum apparet quia facile hæc penetrat materia vorticum magneticorum ut & illa, quæ gravitatis causa est. Præterea dici nequit, corpora illa texturam habere similem illi, quæ est aut spongiarum aut panis levioris, quia à calore ignis liquescunt illa, situsque particularum inter se sic mutatur. Superest igitur, veluti dictum est, ut sint acervus quidam particularum, quæ quidem se contingant, nec tamen solidum unum continuum faciant simul. Quod cum ita sit, motus, quem particulae illæ accipiunt ad continuandas undas luminis, cum se communicet ex una ad alteram, nec tamen inde particulae illæ locum aut ordinem suum mutant, potest facillimè agere, neque tamen ullo modo officere soliditati compositi illius quod nobis visibile est.

Pressionis autem exterioris nomine minime intelligenda est pressio aëris quæ non sufficeret, sed alia quædam materiæ



teriae alicujus subtilioris, quae pressio se manifestat in certa experientia quam fortuna mihi jamdudum obtulit; scilicet in aqua aëre expurgata, quae suspensa manet in tubo vitreo cujus foramen inferius patet, licet eductus sit aër vasculo, in quo includitur tubus.

Potest itaque hunc in modum translucentum corpus concipi, etiam si materia aetherea quae lumini inservit, vitrum non pervadat, neque ullos reperiat poros, per quos se insinuet. At verissimum est materiam illam non modo id permeare, sed etiam facile; quod probat experimentum Torricellianum supra memoratum; quia ubi hydrargyrum & aqua ex superiori parte tubi vitrei cedunt eodem instanti plena materia aetherea videtur esse, quia nempe lumen transit. Sed & alterum experimentum est, quod probat eandem facile penetrare, non modo in corpora dura, sed etiam in alia quaecunque.

Ubi transit lumen per Sphaeram concavam vitream, undique occlusam, constat sphaeram illam non minus materia aetherea refertam esse, quam illam ambientia spatia. Materia aetherea autem constat particulis aliis alias proximè tangentibus. Si igitur ita inclusa esset vitro, ut per poros egredi nequiret, necessario sequeretur illa motum Sphaerae, cum Sphaera moveretur loco; adeoque eadem fere vi opus foret ut certus quidam motus imprimeretur illi Sphaerae positae in plano horizontali, ac si plena esset hydrargyro aut aqua, quia corpus quodcumque resistit velocitati motus, quem ipsi volumus imprimere, pro quantitate materiae quam continet & quae motum illum debet sequi.

At è contrario reperimus Sphaeram resistere dumtaxat impressioni motus, pro quantitate vitri ex quo conflata est; ergo necesse est ut materia aetherea quae vitro continetur, non sit inclusa, sed possit liberrime per poros elabi. Infra videre est eandem penetrabilitatem eodem modo probari in corporibus opacis.

Alteram



Altera ratio, eaque verifimilior, explicandi quomodo corpora sint translucida, est hæc undas luminis continuari in materia ætherea, quæ semper occupat poros & interstitia diaphanorum corporum. Cum enim poros pervadat illa facile & semper, sequitur eos ejusmodi materiâ continuo esse plenos. Quinimmo demonstrari potest interstitia illa multo plus spatii capere, quam particulæ cohærentes quibus constant corpora. Etenim si verum est quod modo diximus, requiri vim aliquam ad imprimendam certam velocitatem horizontalem corporibus, pro quantitate materiæ cohærentis, quam continent; & si proportio vis illius rationem gravitatum sequitur, quod experientia confirmat; ergo quantitas materiæ quæ constituit corpora, gravitatum etiam rationem sequitur. Videmus autem aquæ inesse tantum decimam quartam partem ponderis quæ inest pari portioni hydrargyri; ergo materia aquæ non occupat decimam quartam partem spatii quod sua massa capit. Verum spatium multo minus occupare debet, cum mercurius levior sit auro, & materia auri admodum parum densa; quod colligitur ex eo quod materia vorticum magneticorum, & ea, quæ gravitatis causa est, aurum quam liberrime pervadant.

Objiat procul dubio quis mirum esse omnino, si corpus aquæ adeo rarum sit, particulæque illius tam exiguam occupent partem spatii extensionis suæ apparentis; quomodo ita compressioni resistat, nec sinat se condensari quantumvis illam premas, imo retineat semper liquiditatem suam, ipso pressionis tempore.

Est sane difficultas non parva quam tamenolvere non impossibile est, si dicas motum rapidissimum concitatissimumque materiæ subtilis qui aquam liquidam reddit, concutiendo nempe ejus particulas, quibus constat, retinere fluiditatem, non obstante pressione applicitâ hucusque.

Itaque cum ejusmodi sit corporum diaphanorum raritas,



tas, facile intelligitur undas continuari posse in materia ætherea quæ particularum replet interstitia. Quin & credibile est, progressum undarum illarum debere intra corpora paulo lentiores fieri, præ exiguis anfractibus, quos eadem particulæ faciunt. Et in diversa hac velocitate luminis ostendam consistere refractionis causam.

Indicabo prius tertium ultimumque modum quo concipi potest corpora esse translucida, nempe ponendo motum undarum luminis se communicare indifferenter, tum particulis materiæ æthereæ quæ occupant interstitia corporum, tum particulis quæ corpora ipsa componunt; adeo ut motus ille ab aliis ad alias transeat. Inferius patebit hypothesim hanc multum conducere ad explicandam quorundam corporum diaphanorum refractionem duplicem.

Objiciat mihi quis, quod, cum particulæ ætheris minores sint corporum diaphanorum particulis, quippe quæ earum intervalla pervadant, sequatur inde, non posse illis multum motus imprimere; responderi potest particulas corporum illorum constare aliis adhuc particulis minoribus, quæque adeo motum ab ætheris particulis accipiunt.

Cæterum, si particulæ corporum diaphanorum habent elaterem paulo minus promptum quam particulæ ætheris, quod nil vetat quominus ponamus, sequitur rursus progressum undarum luminis fore intra corpora illa lentiores, quam est extra in materia ætherea.

Atque hoc omne est, quod verisimilius mihi visum fuit de modo, quo undæ luminis corpora diaphana pervadunt; addendumque est, quâ in re corpora illa à corporibus opacis differant; & hoc eò magis, quod videri posset, propter facilem penetrationem corporum per materiam ætheream, nullum non corpus diaphanum futurum esse. Etenim ex eodem exemplo Sphæræ concavæ, quo usus sum, ut parvam densitatem vitri probarem, & facilem per illam materiæ æthereæ penetrabilitatem, probari

D

posset



posset eandem penetrabilitatem cæteris corporibus metal-  
lisque ipsis convenire. Etsi enim Sphæra esset ex argen-  
to, v. g., certe contineret in se aliquantulum materiæ  
illius æthereæ quæ lumini servit, cum, ubi obturabatur  
Sphæra, erat in ea portio quædam materiæ illius simul  
cum aëre. Attamen ubi Sphæra illa argentea occlusa est  
& plano horizontali imposita, resistit tantum impresso  
motui pro quantitate argenti è quo conflata est. Ergo  
dicendum est, ut supra, materiam ætheream inclusam  
non sequi motum Sphæræ; adeoque argentum non minus  
libere permeari à materia illa, quam vitrum ipsum. Ergo  
particulæ illæ æthereæ frequenter & perpetuo inter poros  
corporum opacorum eunt & redeunt; &, cum propagan-  
do lumini inserviant, videntur corpora illa opaca debe-  
re quoque, ut vitrum, diaphana esse, quod tamen  
non est.

Unde dicemus ergo, opacitatem illorum oriri? an à  
mollitie particularum quibus constant, quia scilicet parti-  
culæ hæ, utpote particulis minoribus constantes, aptæ  
sunt mutare figuram ubi impelluntur à particulis æthereis,  
quarum motum sic retardant, adeoque continuationem  
undarum luminis impediunt? At hoc impossibile prorsus  
est, si enim particulæ metallorum molles sunt, qui fit ut  
argentum lævigatum mercuriusque lumen tam valide re-  
percutiant? Verissimillimum igitur puto corpora metallo-  
rum, quæ fere sola sunt vere opaca, particulas habere  
molles duris intermixtas; ita ut aliæ repercutiant lumen,  
aliæ transitum luminis impedian. Cum contra corpora dia-  
phana particulis tantum duris constent, quæ elaterem ha-  
bent, inserviuntque unà cum Particulis materiæ æthe-  
reæ, ut suprâ observatum est, propagandis undis luminis.

Deveniamus nunc ad explicanda refractionis phæno-  
mena, ponendo, ut jam fecimus, undarum luminis per  
corpora diaphana transitum, & diminutionem velocitatis  
quam undæ ibidem patiuntur.

Præ-



Præcipua proprietas Refractionis est, quod, ubi Radius luminis, ut,  $A B$  est in aëre, & oblique incidit in superficiem levem corporis diaphani, ut  $F G$ , frangatur in puncto incidentiæ  $B$ ; ita ut cum recta  $D B E$ , quæ perpendiculariter superficiem secat, faciat angulum  $C B E$ , minorem  $A B D$ , quem faciebat cum eadem perpendiculari in aëre. Mensura autem angulorum reperietur, si describas circulum è puncto  $B$  qui secet radios  $A B, B C$ . Perpendiculares enim  $A D, C E$  ductæ à punctis intersectionis in rectam  $D E$ , quæ vocantur Sinus Angulorum  $A B D, C B E$ , habent inter se certam quandam rationem, quæ semper eadem est in quibusvis radii incidentiæ inclinationibus, quantum ad certum quoddam corpus diaphanum; quæ est in vitro fere ut 3 ad 2 in aqua fere ut 4 ad 3, & sic in diversis corporibus diaphanis diversa.

TAB. II  
Fig. 1.

Altera proprietas eaque similis priori est ea, quod, nempe refractiones reciprocæ sint inter radios qui ingrediuntur corpus diaphanum, eosque qui exeunt, id est, si radius  $A B$  ingrediendo corpus diaphanum frangitur in  $B C$ , ita  $C B$ , sumptus pro radio qui intra idem corpus est, frangetur egrediendo in  $B A$ .

Ut explicemus ergo phænomena ista ex principiis nostris, sit recta  $A B$  quæ repræsentat superficiem planam, terminantem corpora diaphana  $O$  &  $N$  versus collocata. Cum autem dico planam, non de perfecta æqualitate loquor, sed de ea quam posuimus tractando de Reflexione, idque iisdem de causis. Linea  $A C$  repræsentet partem undæ alicujus luminis, cujus centrum adeo remotum sumatur, ut pars illa possit spectari tanquam linea recta. Ergo pars  $C$  undæ  $A C$ , intra certum temporis spatium, perveniet ad planum  $A B$ , juxta rectam  $C B$ , quam imaginari debemus oriri à corpore lucido, & quæ proinde secabit  $A C$  ad angulos rectos. At, intra idem temporis intervallum, pars  $A$  perveniret in  $B$ , per rectam  $A G$  æqualem & parallelam rectæ  $C B$ ; &

TAB. II.  
Fig. 2.

D 2

pars



pars integra undæ  $A C$  esset in  $G B$ , si materia corporis diaphani æque velociter transmitteret motum undæ ac materia ætheria. Verum ponamus lentius transmittere, ex. gr. tertiâ parte. Diffusus igitur erit motus à puncto  $A$ , in materia corporis diaphani; per spatium æquale duabus tertiis rectæ  $C B$  suam propriam undam emittentis, juxta ea quæ superius diximus; quæ unda repræsentatur per circumferentiam  $S N R$ , cujus centrum est  $A$ , & semidiameter æqualis  $\frac{2}{3}$  rectæ  $C B$ . Quod si consideremus deinde alias partes  $H$  undæ  $A C$ , apparet eas, eodem instanti quo pars  $C$  venerit in  $B$ , non modo perventuras fuisse ad superficiem  $A B$  per rectas  $H K$  parallelas  $C B$ ; sed etiam effusuras fuisse in diaphano è centris  $K$  particulares undas, repræsentatas in figura per peripherias, quarum semidiametri æquales sunt  $\frac{2}{3}$  linearum  $K M$ , id est  $\frac{2}{3}$  continuationum rectarum  $H K$  ad rectam  $B G$ . Illæ enim semidiametri æquales fuissent lineis  $K M$  integris, si ambo diaphana essent æque penetrabilia. Omnes autem circumferentiæ illæ habent pro tangente communi lineam rectam  $B N$ , eandem scilicet quæ ex puncto  $B$  fit tangens circumferentiæ  $S N R$ ; quam priorem consideravimus. Nam in promptu est videre cæteras omnes circumferentias tangere eandem  $B N$ , à puncto  $B$  ad punctum contactus  $N$ , in quem cadit  $A N$  perpendicularis ad  $B N$ .

Ergo  $B N$ , quæ quasi efformata est ex arcubus exiguis circumferentiarum illarum, terminat motum quem corpus diaphanum ab unda  $A C$  accepit; ibique motus multo majori quantitate est quam alibi. Adeoque linea illa, juxta ea quæ sæpius diximus, est propagatio undæ  $A C$ , eo ipso momento quo pars hujus  $C$  pervenit in  $B$ . Enimvero nulla alia est linea infra planum  $A B$ , quæ ut  $B N$ , sit undarum omnium particularium communis tangens. Quod si scire velimus, quo modo unda  $A C$  venerit successive in  $B N$ , ducantur in eadem figura rectæ  $K O$  parallelæ rectæ  $B N$ , & omnes  $K L$  paral-



parallelæ  $AC$ . Hunc in modum videbimus undam  $CA$  ex recta factam fuisse fractam in omnibus  $LKO$  successive & rursus factam fuisse rectam in  $BN$ . Quod cum evidens sit ex demonstratione superiori, supervacaneum est plura addere.

Atqui, in eadem figura, si ducatur  $EAF$  quæ secet planum  $AB$  ad angulos rectos in puncto  $A$ , &  $AD$  sit perpendicularis undæ  $AC$ ,  $DA$  radium incidentem luminis, &  $AN$ , quæ perpendicularis est ad  $BN$ , radium fractum repræsentabunt; cum radii nihil aliud sint præter lineas rectas, secundum quas undæ luminis se extendunt.

Unde facile est agnoscere præcipuam hanc refractionum proprietatem, scilicet sinum anguli  $DAE$  habere semper unam eandemque rationem cum sinu anguli  $NAF$ , qualiscumque sit inclinatio radii  $DA$ ; & rationem illam esse eandem ac rationem velocitatis undarum in diaphano sito  $AE$  versus cum earundem velocitate in altero  $AN$  versus. Consideratâ enim rectâ  $AB$ , quasi esset radius circuli, sinus anguli  $BAC$  est  $BC$ , & sinus anguli  $ABN$ ,  $AN$ . At Angulus  $BAC$  æqualis est  $DAE$ , cum uterque additus angulo  $CAE$  faciat angulum rectum. Et Angulus  $ABN$  æqualis est  $NAF$ , cum uterque simul cum  $BAN$  faciat Angulum rectum. Ergo sinus Anguli  $DAE$  etiam est ad sinum Anguli  $NAF$ , ut  $BC$  ad  $AN$ . Atqui ratio  $BC$  ad  $AN$  erat eadem ac ratio velocitatum luminis, tum in materia  $AE$  versus, tum in materia  $AF$  versus; ergo sinus quorum Anguli  $DAE$ , &  $NAF$ , erunt ut velocitates supra dictæ luminis.

Ut videamus deinde qualis debeat esse refraction, ubi undæ luminis ingrediuntur corpus aliquod in quo motus propagatur velocius quam in eo unde exeunt, (ponamus iterum juxta rationem trium ad duo) satis est repetere eandem tum constructionem tum demonstrationem quæ

TAB II.  
Fig. 3.

D 3

supra,



supra, modo ubique loco  $\frac{2}{3}$  ponamus  $\frac{3}{2}$ . Ex eadem argumentandi ratione patebit, in altera figura, quod, ubi pars C undæ A C pervenerit ad superficiem A B in B, pars integra undæ A C pervenerit in B N; ita ut B C perpendicularis ad A C sit ad A N perpendicularem ad B N, ut duo ad tria. Et eadem ratio 2 ad 3 erit sinum inter anguli E A D, sinumque anguli F A N.

Hinc videmus reciprocationem refractionum radii ingredientis diaphanum, ejusdemque exeuntis; scilicet si N A incidens in superficiem exteriorem A B, frangitur in A D, radius quoque D A diaphano egrediens frangitur in A N.

Patet ratio quoque phænomeni notatu digni, quod in hac refractione occurrit; nempe à certa quadam obliquitate radii incidentis D A, non potest hic in diaphanum alterum penetrare. Si enim angulus D A Q aut C B A ejusmodi est, ut in triangulo A C B, C B æqualis sit  $\frac{2}{3}$  lineæ A B, aut major; tum A N non potest constituere latus unum trianguli A N B, quia evadit æqualis lineæ A B aut major: adeo ut pars undæ B N reperiatur nullibi, nec proinde A N quæ perpendicularis illi esse debebat. Itaque radius incidens D A tunc non penetrat superficiem A B.

Cum ratio velocitatum undarum est, ut in exemplo nostro, duorum ad tria, quæ est ratio quæ vitro & aëri convenit; tunc angulus D A Q debet esse major 48. grad. 11. min. ut radius D A possit se frangendo transire. Ubi vero ratio velocitatum illarum est trium ad quatuor, quod fere contingit in aqua & aëre; tunc angulus ille D A Q excedat oportet 41. grad. 24. min. Hocque cum experientia plene consentaneum est.

Verum posset quis petere, cum incurfus undæ A C in superficiem A B motum debeat producere in materia quæ est ad alteram partem, cur lumen ibi non transeat? cui facile respondebimus, si superiorum observationum memine-



minerimus. Licet enim innumeræ undæ peculiare diffundantur in materia trans  $A B$  collocata, tamen nunquam accidit undas illas habere eodem instanti eandem lineam tangentem (sive rectam sive curvam) adeoque nulla est linea in quam desinat propagatio undæ  $A C$  ultra planum  $A B$ , neque ubi satis motus ad producendum lumen colligatur. Et haud difficulter rei hujus veritas patebit, nempe, cum  $C B$  sit major  $\frac{1}{2} A B$ , undas, ultra planum  $A B$  excitatas, non habere communem tangentem; si è centris  $K$  describantur circuli qui radios habeant æquales  $\frac{1}{2} L B$  quæ respondent. Omnes enim circuli illi alii aliis inclusi erunt, & ultra punctum  $B$  se extendent.

Hoc autem observandum est quod, cum angulus  $D A Q$  minor sit quam ut sinat radium  $D A$  fractum in alterum diaphanum ingredi, repercussio interior, quæ fit in superficie  $A B$ , multo clarior fiat; quemadmodum facile est experiri cum triangulari prisma: quod nullo negotio ex hypothese nostra explicari potest. Cum angulus  $D A Q$  adhuc ejus est magnitudinis, ut radio  $D A$  possit transitum præbere, manifestum est lumen partis undæ  $A C$  minori spatio contineri, ubi pervenit in  $B N$ . Apparet quoque undam  $B N$  eò minorem fieri, quò angulus  $C B A$  aut  $D A Q$  factus est minor, donec, diminuto hoc ad usque determinationem supra dictam, unda illa  $B N$  quasi tota unum in punctum colligitur. Sive, quod idem est, ubi pars  $C$  undæ  $A C$  pervenit in  $B$ , undam  $B N$ , quæ est propagatio  $A C$ , totam in idem punctum  $B$  reductam esse; quemadmodum, quando pars  $H$  pervenerat in  $K$ , pars  $A H$  tota in idem punctum  $K$  erat reducta. Unde liquet, prout unda  $C A$  occurrit superfici ei  $A B$ , magnam fuisse motus copiam secundum superficiem illam; motumque illum sese intra corpus diaphanum diffudisse & in eo multum virium addidisse undis particularibus, quæ producant repercussionem interiorum in superficiem



ciem A B, ex regulis repercussionis superius explicatis.

Et quoniam, minuto paululum incidentiæ D A Q, unda B N utcunque magna ad nihilum redigitur; (namque, ubi angulus ille est in vitro 49. graduum & undecim minutorum, angulus B A N adhuc est 11. graduum & 21. minutorum, &, ubi angulus D A Q unum modo gradum amisit, angulus B A N ad nihilum est reductus, & proinde unda B N ad unum tantum punctum reducitur) inde venit quod reflexio interior ex obscura subito fit clara, ubi angulus incidentiæ talis est, ut non amplius liberum transitum refractioni præbeat.

Quod autem attinet ad reflexionem interiorem ordinariam, id est, eam quæ fit ubi angulus incidentiæ D A Q satis habet magnitudinis ad faciendum ut radius fractus trans superficiem A B penetrare queat; reflexio illa fieri debet in particulas materiæ quæ corpus diaphanum extrinsecus contingit; & forsitan in particulas aëris aliasque materiæ æthereæ immixtas eaque magis crassas. Quemadmodum ab altera parte reflexio exterior corporum illorum fit in particulas illas, quibus constant, & quæ crassiores etiam sunt materiæ æthereæ, cum ista inter eorum intervalla fluat. Fateor hîc superesse difficultatem aliquam in experimentis, ubi reflexio illa interior fit, licet particulæ aëris nil ad id conferre possint, ut accidit in tubis unde aër exsuctus est.

Coeterum Experientia nos docet ambas illas reflexiones parem fere vim habere, quæ in variis corporibus eo magis intenditur, quo major est corporum illorum refractionis. Itaque manifesto liquet vitrum fortius repercutere quam aquam, & adamantem fortius quam vitrum.

Theoriæ huic nostræ circa refractionem finem imponam, ubi demonstravero propositionem quandam notabilem quæ inde pendet; scilicet radium aliquem luminis, ut ab uno puncto ad alterum transeat, quando puncta illa in di-



diversis sunt diaphanis, frangi eum in modum in superficie plana quæ utrumque medium conjungit, ut quam minimo fieri potest tempore id faciat, sicuti contingit in repercussione adversus superficiem planam. D. Fermat primus proprietatem hanc refractionis proposuit, existimabatque, ut nos ipsi, ac planè diversè à Cartesio, lumen per vitrum & aquam tardius meare quam per aëra. Verum præterea supponebat proportionem illam constantem sinuum, quam modo probavimus ex solis variis gradibus velocitatis; sive, quod idem est, ponebat, præter varias illas velocitates, lumen in transitu suo omnium minimum tempus impendere, ut inde proportionem constantem sinuum colligeret. Demonstratio illius quam videre licet, tum in Libris quos edidit, tum in Epistolis Cartesii, longissima est; ideoque aliam simplicioreni facilioremque proponam.

Sit superficies plana  $K F$ ; punctum  $A$  in diaphano, quod lumen facilius permeat, aëra puta; punctum  $C$  in altero quod difficilius pervaditur, puta aquam; ponamus radium pervenisse ab  $A$  per  $B$  in  $C$  & fractum fuisse in  $B$  ex lege paulo superius demonstrata. Sive datâ lineâ  $P B Q$ , quæ secat planum ad angulos rectos, sinus anguli  $A B P$  habeat ad sinum anguli  $C B Q$  eandem rationem, quam velocitas luminis in diaphano ubi est  $A$ , ad ejusdem velocitatem in diaphano ubi est  $C$ . Demonstrandum est tempora transitus luminis per  $A B$  &  $B C$ , simul sumpta, esse omnium brevissima. Ponamus ergo lumen venisse per alias lineas, & primo per  $A F$ ,  $F C$ , ita ut punctum refractionis  $F$  magis distet quam  $B$  a puncto  $A$ ; & sit  $A O$  perpendicularis ad  $A B$ ,  $F O$  parallela  $A B$ ;  $B H$  perpendicularis ad  $F O$ , &  $F G$  perpendicularis ad  $B C$ .

Cum ergo angulus  $H B F$  æqualis sit  $P B A$ , & angulus  $B F G$  æqualis  $Q B C$ ; sequitur sinum anguli  $H B F$  habiturum etiam ad sinum anguli  $B F G$  eandem rationem, quam velocitas luminis in diaphano  $A$  ad velocita-

E

tem

TAB. II.  
Fig. 4.



tem ejusdem in diaphano C. Atqui sinus illi sunt rectæ  $HF$ ,  $BG$ , sumptâ  $BF$  pro semi-diametro circuli. Ergo lineæ illæ  $HF$ ,  $BG$  habent inter se eandem velocitatum rationem. Itaque tempus luminis per  $HF$ , posito quod radius esset  $OF$ , æquale esset tempori luminis per  $BG$  intra diaphanum  $C$ ; sed tempus per  $AB$  æquale est tempori per  $OH$ ; ergo tempus per  $OF$  æquale est tempori per  $AB$ ,  $BG$ . Rursum tempus per  $FC$  longius est quam per  $GC$ , ergo tempus per  $OF$  erit longius quoque quam per  $ABC$ . At  $AF$  est major quam  $OF$ ; ergo tempus per  $AF$  tanto longius erit tempore per  $ABC$ .

Ponamus nunc, radium luminis venisse ab  $A$  in  $C$  per  $AK$  &  $KC$ ; puncto refractionis  $K$  propiori  $A$  quam punctum  $B$ , & sit  $CN$  perpendicularis ad  $BC$ ,  $KN$  parallela  $BC$ ,  $BM$  perpendicularis ad  $KN$ , &  $KL$  ad  $BA$ .

Hic  $BL$  &  $KM$  sunt sinus angulorum  $BKL$  &  $KBM$ , id est angulorum  $PBA$  &  $QBC$ , adeoque sunt inter se, ut velocitas luminis in diaphano  $A$  ad velocitatem ejusdem in diaphano  $C$ . Ergo tempus per  $BL$  æquale est tempori per  $KM$ , & cum tempus per  $BC$  æquale sit tempori per  $MN$ , tempus per  $LBC$  æquale erit tempori per  $KMN$ . At tempus per  $AK$  longius est quam per  $AL$ ; ergo tempus per  $AKN$  longius est quam per  $ABC$ . Et cum  $KC$  longior sit quam  $KN$ , tempus per  $AKC$  eò longius erit tempore per  $ABC$ . Itaque liquet tempus per  $ABC$  esse omnium brevissimum, quod demonstrandum erat.

## C A P U T IV.

*De Refractione Aëris.*

**D**Emonstravimus, quo pacto motus ille, qui luminis causa est, extendatur per undas sphaericas in materia homogenea; & manifestum est quod, ubi materia non est



est homogœnea, sed ejus generis ut motus citius communicetur unam partem quam alteram versus, tunc illæ nequeant esse sphæricæ, sed diversas figuras induant pro diversis spatiis quæ motus successivus æqualibus temporibus percurrit.

Ex eo primum explicabimus refractiones aëris, qui hinc ad nubes ultraque extenditur; quarum phænomena sunt notabilia; per eas enim sæpenumero videmus corpora quæ fecus præ rotunditate terræ non videremus: insulas nempe & cacumina montium quæ à navigantibus cernuntur. Earundem ope, Sol & Luna videntur orti esse antequam reipsa sint, & occidere tardius quam occidant; ita ut sæpe visa sit Luna deficiens, cum Sol adhuc supra Horizontem appareret. Et inde altitudines Solis, Lunæ, aliorumque Syderum semper videntur paulo majores quam sunt, quod ex iisdem refractionibus oritur, ut Astronomi omnes probe norunt. Atque hoc ex experimento sequenti ad oculum manifestatur. Scilicet si telescopium ita collocaris, ut spectet objectum quod distet semileuca aut amplius, puta turrem sive domum; si ejus ope idem corpus variis horis observes, tubusque eodem modo maneat conversus semper; videbis non easdem semper objecti partes in medio foramine tubi se oculis objicere; at plerumque mane & vesperi, ubi plures sunt vapores prope terram, objecta illa altius adscendere videntur, ita ut media illorum pars aut amplius jam non videri possit; eademque circa meridiem descendant, ubi dissipati erunt vapores.

Qui ad refractionem attendunt dumtaxat in superficiebus quæ distinguunt corpora diaphana diversæ naturæ, illi laborarent non parum in explicandis phænomenis, quæ tamen ex Theoria nostra nullo explicantur negocio. Nemo nescit, aëra illum qui nos circumdat, præter particulas quæ illi propriæ sunt, & fluctuant in materia ætheria, ut jam docuimus, adhuc repleti particulis aqueis, quas calor at-



tollit: & aliunde constat ex certissimis experimentis eo magis imminui densitatem aëris, quo altior est. Sive igitur particulae aquae & aëris, ope particularum materiae æthereae, participant de motu qui luminis causa est, sed ita, ut illae elaterem habeant minus promptum quam hae; sive occurfus & impactus particularum aëris & aquae in propagationem motus particularum ætherearum, progressum harum retardet. Sequitur semper utrasque, cum inter particulas æthereas volitent, debere facere ut aër, ab ingenti altitudine ad terram usque per gradus, viam minus facilem extensioni undarum luminis præbeat.

TAB. II.  
Fig. 5.

Idcirco figura undarum debet fere talis fieri, qualem figura exhibet. Scilicet, si A est lumen aliquod aut apex turris alicujus, qui videri possit; debent undae inde ortae se in altum magis extendere, minusque versus inferiora, sed versus cæteras partes magis aut minus, prout partes illae magis aut minus à duobus iis extremis distant. Quod cum ita sit, sequitur necessario lineam quamlibet, quae unam ex his undis ad angulos rectos secat, supra punctum A transire, præter unicam illam quae horizonti perpendicularis est.

Sit B C unda quae lumen defert ad spectatorem qui in B est, & B D sit recta quae perpendiculariter undam illam secat. Ergo, cum radius sive linea recta, ex qua judicamus quo in loco sit objectum, nihil aliud sit præter perpendicularem undae quae ad oculum pervenit, ut intelligi potest ex iis, quae superius dicta sunt; manifestum est punctum A visum iri, quasi foret in recta B D, adeoque visum iri altius quam re vera est.

TAB. III.  
Fig. 1.

Eundem in modum, si terra est A B, & extremitas atmosphærae C D, quae, ut verisimile est, non est superficies perfecte sphaerica, quandoquidem novimus aëra eo rariorem fieri quo altior est, quia tunc pauciores supra se habet aëra à quo prematur; si undae Solis ita veniant v. g., ut, quamdiu non attigerint atmosphæram C D,



**C**D, ad perpendicularum à recta **A E** secantur: eadem undæ, ubi in atmosphæram intrant, debent velocius versus altiores partes progredi quam eas versus, quæ terræ viciniore sunt. Ita ut, si **CA** sit unda quæ defert lumen ad spectatorem in **A**, pars illius **C** erit magis progressa; & recta **A F**, quæ secat undam illam ad angulos rectos, determinatque locum apparentem Solis, verget supra Solem verum, qui videretur per lineam **A E**. Proinde fieri potest ut Sol, qui absque vaporibus non videri deberet, quia linea **A E** incurrit in rotunditatem terræ, cernatur tamen refractionis ope, per lineam **A F**. At angulus ille **E A F** numquam fere major est dimidio gradu, quia tenuitas vaporum undas luminis leviter tantum immutat. Præterea refractiones non semper omnitempore constantes sunt, præsertim in exiguis altitudinibus duorum aut trium graduum, quod oritur à varia copia vaporum aquosorum, qui è terra attolluntur.

Et hoc in causa est, cur certo tempore corpus aliquod distans lateat pone alterum propius, alio vero appareat, quamvis locus, unde spectatur, idem sit semper. Atque ratio phænomeni illius evidentior fiet, ex iis quæ de curvitate radiorum mox observaturi sumus. Patet ex superius dictis progressum seu propagationem particulæ alicujus undæ luminis, id proprie esse, quod vocamus radium. Radii autem illi, cum sint recti in diaphanis homogeneis, debent curvi fieri in aëre inæqualis penetrabilitatis, quippe qui necessariò sequantur lineam quæ ab objecto ad oculum usque, secat progressionem omnes undarum ad angulos rectos, ut in linea **A E B**, quod infra probabitur; & linea eadem determinat quænam corpora interposita debeant impedire aut non, quominus videamus objectum. TAB. II. Fig. 5.

Et si enim apex turris **A** videatur in **D**, attamen non videretur ab oculo **B**, si turris **H** interposita foret, quia turris ista curvam **A E B** secat. Verum turris **E**, quæ








infra hanc curvam est, non obstat quominus videatur apex A. Prout autem aër vicinior terræ, magis condensatur quam aër sublimior, curvitas radii A E B major evadit; adeo ut aliquando superior sit apice E, quod in causa est cur apex A videatur ab oculo in B; aliquando interrupta sit ab eadem turri E, quod facit ut idem oculus jam non amplius videat A.

TAB. III.  
Fig 2.


Verum ut demonstremus curvitatē hanc istius radiorum ex superiori Theoria nostra, fingamus A B esse particulam alicujus undæ luminis, quæ veniat à parte C, quam possumus considerare tamquam lineam rectam. Ponamus quoque illam perpendicularem esse ad horizontem. Cum locus B propior sit terræ quam locus A, cumque vapores minus crassi sint in A quam in B, unda particularis, quæ procedit à puncto A, extenditur per certum quoddam spaciū A D, dum unda particularis, quæ exsurgit è puncto B, extenditur juxta spaciū minus B E, & A D, B E horizonti parallelæ sint. Præterea, positis rectis F G, H I & ductis ex innumeris punctis rectæ A B, & terminatis in recta, (vel quæ potest considerari ut talis) D E, per varias illas lineas exhibeantur variæ penetrabiles in variis altitudinibus aeris inter A & B; ita ut unda nata è puncto F, se extendet per spaciū F G, undaque, orta è puncto H, per spaciū H I, dum ea quæ emissæ est ex A extenditur per totum spaciū A D.

Nunc si è centris A, B describantur circuli D K, E L qui exhibeant extensionem undarum ortarum ex duobus illis punctis; ducaturque recta K L, quæ duos illos circulos tangat: facile patet eandem illam lineam fore tangentem omnium circulorum qui descripti sunt centris F, H, &c. futurumque ut puncta omnia contactus incidant in partem lineæ illius, quæ est inter perpendiculares A K, B L. Ergo recta K L terminabit motus undarum natarum è puncto undæ A B, motusque ille validior erit inter puncta K L, quam alibicumque, eo ipso instanti











ti, quia infinitæ circumferentiæ ad formandam rectam illam concurrunt. Idcirco  $KL$  futura est propagatio partis undæ  $AB$ , juxta ea quæ diximus, ubi de reflexione & refractione vulgari egimus. Apparet autem  $AK$  &  $BL$  inclinari versus locum, ubi aer minus facilè penetrabilis est; cum enim  $AK$  sit longior quam  $BL$ , eique parallela, sequitur  $AB$  &  $KL$  productas concurrere ex parte  $L$ . Sed Angulus  $K$  rectus est, ergo  $KAB$  necessario acutus est, adeoque minor quam  $DAB$ . Quod si eadem ratione indagare velimus progressum partis undæ  $KL$ , eam reperiemus alio tempore pervenisse in  $MN$ , adeo ut perpendiculares  $KM$ ,  $LN$  inclinentur adhuc magis quam  $AK$ ,  $BL$ . Et hinc patet, radium continuari secundum lineam illam curvam, quæ omnes undas ad angulos rectos fecat, uti dictum est.

## C A P U T V.

*De miranda Refractione Crystalli Islandici.*

1. **A**Dvehitur huc ex Islandia, Insulâ Maris Borealis ad altitudinem 66. graduum, species Crystalli vel lapidis diaphani valde notabilis ob figuram suam aliasque qualitates, sed imprimis ob miras ejus Refractiones. Earum autem causas eò digniores curiosa indagazione existimavi, quod, hoc unum è corporibus diaphanis, circa radios luminis, consuetas regulas non sequatur; necessitas etiam quædam me impulit, ut ad eam rem animum applicarem, quandoquidem refractionis hujus Crystalli nostram opinionem de refractionibus regularibus funditus evertere videatur; quamvis è contrario illam non parum confirmet, ubi ex meis explicatur principiis. In Islandia reperiuntur plurima ejus Crystalli frusta, quorum quædam ad quatuor aut quinque libras vidi. Sed præterea nascitur quoque in aliis Regionibus, namque ejusmodi lapides habui qui in  
Gal-



Galliâ prope Trecas in Campaniâ reperti fuerant, alios qui in Insula Corsica; verum utrique obscuriores erant & in parvis frustulis collecti, ita ut vix animadvertere in eis Phænomenon aliquod refractionis liceret.

2. Prima hujus cognitio, quam publicum inde habuit, debetur Erasmo Bartholino qui Islandicum Crystallum & ejus phænomena descripsit. Nihilo seciùs tamen idem opus aggrediar, tum ut prosim iis qui librum illum non viderunt, tum quia in quibusdam Phænomenis aliquod est discrimen observationes illas inter & meas; perpendique diligentissime proprietates illas refractionis, ut de iis quam certissimus essem, priusquam earum causas indagare fusciperem.

3. Si consideretur, quam durus sit facileque fissilis lapis iste, eum potius talcum dixeris quam Crystallum, quippe quem acies ferrea non ægrius dividat quam talcum aut alabastrum, cui gravitate par est.

4. Frustra illius figuram habent parallelopipedi obliqui, unumquodque ex sex lateribus est parallelogrammum, lapisque findi potest secundum tres suas dimensiones, juxta plana parallela duobus ex his lateribus oppositis, imo ita si velis ut sex latera sint Rhombi æquales & similes. TAB. III.  
Fig. 3. Figura hic adjuncta exhibet imaginem frusti ex hoc Crystallo. Anguli obtusi cujusque parallelogrammi, ut anguli C, D, sunt 101 graduum, 52. minutorum, & proinde acuti, ut A & B 78. graduum & 8. minutorum.

5. Ex angulis solidis duo oppositi dantur ut C, E, quorum uterque constat tribus angulis planis, obtusis & æqualibus. Cæteri sex constant duobus acutis tertioque obtuso. Hactenus cum Bartholino mihi in omnibus convenit, nisi quod parum à me dissentit in angulorum quantitate. Refert præterea quasdam alias hujus lapidis proprietates; scilicet panno alicui affricum paleas allicere similesque res leves, succini instar, & adamantis, vitrique, & laccæ sigillaris. Superficiem ejusdem aquâ immerfi per



per diem unum aut amplius levorem suum amittere. Et si aqua regia superfundatur ebullitionem oriri, imprimis, ut observavi ipse, si in pulverem minuatur. Animadverti etiam flammæ injectum excandescere, neque tamen ullatenus mutari aut minus pellucere, sed igne violento in calcem verti. CrySTALLUS illa ferè æque diaphana est ac crySTALLUS vulgaris & aqua, nullumque colorem habet. At radii illam aliter permeant, faciuntque admirabiles illas refractiones, quarum causas jam explicare conabor; ad finem tractatus prolaturus conjecturas meas de formatione & figurâ extraordinariâ hujus CrySTALLI.

6. In cœteris corporibus diaphanis quæ novimus, una est duntaxat simplexque refraction; in hac vero duæ sunt diversæ. Unde fit ut objecta, quæ per hanc videntur, imprimisque ea, quæ ipsi immediate applicata sunt, videantur duplicia; & radius Solis, incidens in unum è lateribus, bifariam dividatur, sicque CrySTALLUM pervadat.

7. Alia etiam lex generalis in universis corporibus diaphanis est, ut Radius, qui cadit perpendiculariter in superficiem eorum rectâ transeat nullamque refractionem patiatur, & radius obliquus semper frangatur. Verum in hac CrySTALLO radius perpendicularis refringitur, & quidam radii obliqui hanc rectâ permeant.

8. Ut autem particularius hæc explicemus phænomena, TAB III.  
fit rursus frustum ejusdem CrySTALLI A B F E, & dividatur angulus obtusus A C B, unus è tribus, quibus constat angulus solidus æquilateralis C, in duas partes æquales per rectam C G. Concipiamus deinde CrySTALLUM secari à plano quodam, quod per lineam illam & latus C F transeat, quodque necessario perpendicularare erit ad superficiem A B, & sectio illius in CrySTALLO faciet parallelogrammum G C F H. Sectionem hanc sectionem præcipuam crySTALLI vocabimus. Fig 4.

9. Si operiatur superficies A B, & duntaxat relinquatur parva apertura in puncto K, sumpto in recta C G,  
F Soli-



Solique ita exponatur ut radii in superficiem perpendiculariter incidant; radius  $IK$  dividetur bifariam in puncto  $K$ , ejusque altera pars recta perget per  $KL$ , altera secedet per rectam  $KM$  quæ est in plano  $CGHF$ , & quæ facit cum  $KL$  angulum circiter sex graduum & quadraginta minutorum tenditque ad latus anguli solidi  $C$ : & ex eundo ex altera parte Crystalli, redibit per  $MZ$  parallelam  $IK$ . Quemadmodum autem, per refractionem illam insuetam, punctum  $M$  cernitur per radium fractum  $MKI$ , quem suppono ire ad oculum  $I$ , ita necesse est punctum  $L$ , per eandem refractionem, cerni per radium fractum  $LRI$ : ita ut  $LR$  sit quasi parallela  $MK$ , si distantia oculi  $KI$  ponatur esse maxima. Ergo punctum  $L$  videtur, quasi esset in recta  $IRS$ ; sed videtur quoque, ex refractione consueta, in recta  $IK$ : necessario igitur judicatur duplex. Eadem ratione, si  $L$  sit exiguum foramen in papyro aut alia quavis materia, quæ crystallo applicita fuerit, crystallumque versus lucem collocetur, duo videre erit foramina tanto à se invicem longinquiora, quanto crassior erit Crystallus.

10. Rursus si ita colloques crystallum ut radius incidens Solis,  $NO$ , quem sumo esse in plano continuato  $GC FH$ , faciat ad  $CG$  Angulum 73. graduum cum 20. minutis, proindeque sit fere parallelus lateri  $CF$ , quod facit cum  $FH$  angulum 70. graduum cum 57. minutis, ex calculo, quem infra ponam; in puncto  $O$  dividetur in duos radios, quorum alter recta perget per  $OP$  quæ ipsi  $NO$  in directum jacet, eodemque modo ex altero latere crystalli egredietur nec se ullo pacto franget: at contra alter frangetur vergetque per  $OQ$ . Ubi animadverti oportet peculiare esse plano per  $GC FH$  planisque ei parallelis, ut radii omnes incidentes, qui sunt in uno ex his planis, in eo adhuc sint, posteaquam crystallum intrarunt factique sunt duplices; quod aliter fit in radiis aliorum.



rum planorum, quæ crystallum secant, ut deinceps probabimus.

11. Hoc animadverti primum ex his aliisque experimentis, ex duabus illis diversis refractionibus, quas radius patitur hæc in crystallo, alteram ad regulas ordinarias accommodatam esse, quod pertinent radii *KL* & *OQ*. Idcirco priorem hanc ab altera distinxī, eamque diligentissime per exactas observationes dimensus sum; unde inveni proportionem ejus, consideratam in sinubus angulorum quos facit radius incidens & refractus cum perpendiculari, esse præcise ut quinque ad tria, quod observaverat quoque Bartholinus; adeoque illam multo majorem esse quam crystalli rupis aut vitri, quæ est fere trium ad duo.

12. Modus autem faciendi easdem observationes quam exactissime est hujusce modi. TAB. III.  
Fig. 5. Tabulæ lævigatæ applicetur charta in qua describas lineam nigram *AB*, aliasque duas, quæ istam secant ad angulos rectos *CED*, *KML*, à se invicem magis aut minus remotas, prout radium magis aut minus obliquum examinare desideras. Deinde crystallus debet poni in intersectione *E*, ita ut linea *AB* conveniat cum ea, quæ æqualiter dividit angulum obtusum superficiiei inferioris, aut cum alia quavis linea parallela. Tunc si oculum directè colloces supra lineam *AB*, tantum illa apparebit simplex; & observabis partem illius trans crystallum visam, cum partibus ejusdem, quæ extrinsecus apparent, in lineâ rectâ concurrere. At linea *CD* videbitur duplex, eamque facile distingues imaginem, quæ à fractione vulgari oritur; inde quia nempe tibi utroque oculo aspicienti videbitur alterâ elevatior: vel inde, quod si crystallum plurimis modis in papyro vertas, ea tamen firma semper manebit, cum altera imago moveatur, & tota circumvolvatur.

Oculus deinceps collocetur in *I* (manendo semper in plano perpendiculari per *AB*) adeo ut videat imaginem



lineæ  $CD$ , ortam à refractione vulgari, lineam rectam conficere cum reliqua parte ejus lineæ, quæ extra cryſtallum eſt. Si tunc notes in ſuperficie cryſtalli punctum  $H$ , ubi videtur interſectio  $E$ , punctum illud directe erit ſupra  $E$ . Poſtremo retrahatur oculus verſus  $O$ , ſemper in plano perpendiculari per  $AB$ , ita ut imago lineæ  $CD$ , orta à refractione conſueta, videatur unicam formare rectam cum linea  $KL$ , viſa absque refractione; & notetur in cryſtallo punctum  $N$ , ubi videtur punctum interſectionis  $E$ .

13. Tunc cognosces longitudinem positionemque linearum  $NH$ ,  $EM$ , &  $HE$  quæ eſt cryſtalli craſſitudo; quibus lineis ſeorſim deſcriptis in plano, junctisque  $NE$ , &  $NM$ , quæ ſecat  $HE$  in  $P$ , proportio refractionis erit ea quæ eſt  $EN$  ad  $NP$ , quia nempe lineæ illæ ſunt inter ſe, ut ſinus angulorum  $NPH$ ,  $NEP$ , qui æquales ſunt iis quos radius incidens  $ON$ , ejusque refractione  $NE$  faciunt cum perpendiculari ad ſuperficiem. Proportio autem illa, ut jam dixi, eſt ſatis præciſe ut quinque ad tria, eademque ſemper in qualibet radii incidentis inclinatione.

14. Eâdem obſervandi ratione uſus ſum in examinanda ejusdem cryſtalli refractione irregulari inſolitâve. Invento enim puncto  $H$ , & notato, directe, ut dictum eſt, ſupra punctum  $E$ , obſervavi apparentiam lineæ  $CD$ , quæ per refractionem inſolitam formatur; &, oculo ita collocato in  $Q$ , ut apparentia illa lineam rectam conficeret cum  $KL$ , viſa absque refractione; inveni triangula  $REH$ ,  $RES$ , ac proinde angulos  $RSH$  &  $RES$ , quos radius incidens & refractus cum perpendiculari faciunt.

15. Verùm repperi, hac in refractione, rationem  $ER$  ad  $RS$  non conſtantem eſſe, ut in refractione vulgari; ſed variam eſſe pro varia radii incidentis inclinatione.

16. Hoc etiam animadverti quod, cum  $QRE$  faceret lineam rectam, id eſt, cum radius incidens cryſtallum intraret nec frangeretur (quod agnovi inde, quia tunc punctum  $E$ , viſum per refractionem extraordinariam, appareret.



reret in linea  $CD$  visa sine refractione) hoc inquam animadverti quod angulus  $Q R G$  esset  $73$ . graduum cum  $20$ . minutis, ut jam observatum est, adeoque, quod non sit radius lateri crystallo parallelus, qui eam lineam rectam transit absque refractione, ut existimavit Bartholinus; quandoquidem illius inclinatio est dumtaxat  $70$ . graduum cum  $57$ . minutis, ut supra diximus. Quod notandum est, ne frustra laboretur in indaganda causa proprietatis singularis hujus radii, in ejus parallelismo, ad dicta latera.

17. Tandem cum ulterius pergerem in observationibus, TAB. III.  
Fig. 6. ut investigarem hujus refractionis naturam, cognovi illam juxta notabilem sequentem regulam semper fieri. Seorsim describatur parallelogrammum  $G C F H$  factum a præcipua sectione crystallo quam modo determinavimus. Repperi quod, ubi inclinationes duorum radiorum ab oppositis partibus profectorum æquales sunt v. g.,  $V K$ ,  $S K$ , semper eorum refractiones  $K X$  &  $K T$  occurrunt lineæ rectæ fundi  $H F$  ita, ut puncta  $X$  &  $T$  æqualiter distent à puncto  $M$ , in quod incidit refractionis radii perpendicularis  $I K$ : quod locum quoque habet in refractionibus cæterarum sectionum hujus crystallo. Verum antequam aggrediamur illas, quæ habent etiam alias proprietates peculiare, causas superiorum phænomenorum indagasse juvabit.

Ubi explicueram refractionem diaphanorum vulgari, ex emanatione spherica luminis, ut supra, memet iterum applicui ad examinandam hujusce crystallo naturam, quæ antea plane me fugerat.

18. Quandoquidem duæ erant diversæ refractiones, concipiebam duas quoque esse emanationes diversas undarum luminis, quarum altera effici posset in materia æthereæ per corpus crystallo diffusa. Quæ materia, cum multo abundantior esset quam materia particularum crystallo ipsius, efficiendæ transparentiæ sola apta erat ex ante explicitis; tribuique huic emanationi undarum refractionem




regularem cryſtalli, poſito undas illas ut ordinario ſphæricas eſſe; lentiusque intra cryſtallum extendi quam extrinſecus, unde refractionem oriri probavi.

19. Quod pertinet ad alteram emanationem unde irregularis refractione deberet oriri, tentare libuit quid proficerent undæ ellipticæ ſeu potius ſphæroideæ, quas poſui ſeſe indifferenter extendere, tum in materia æthereâ per cryſtallum diffuſa, tum in particulis cryſtalli ipſius, ex ultima mea methodo explicandæ pelluciditatis. Videbatur mihi diſpoſitio vel ſitus regularis particularum illarum facere poſſe ut undæ figuram ſphæroidem induerent (cum ad id ſatis eſſet, ſi motus ſucceſſivus luminis paulo citius in unam partem quam in aliam extenderetur) nec fere dubitabam quin cryſtallus hæc ita facta eſſet particulisque conſtaret æqualibus & ſimilibus, quandoquidem haberet figuram angulosque menſuræ cujuſdam certæ conſtantisque, circa quas particulas earumque formam & diſpoſitionem conjecturas meas in fine tractatus proponam, ut & quædam, quæ illas confirment Experimenta.

20. Quam autem finxeram duplicem luminis emanationem, ea probabilior mihi viſa eſt, poſt certum quoddam phænomenon cryſtalli vulgaris, quod, cum formâ hexagonâ creſcat, videtur quoque conſtare particulis certæ figuræ & certo ordine diſpoſitis. Illud autem erat, quod in illâ etiam cryſtallo duplex eſſet refractione, ut in cryſtallo Iſlandicâ, quanquam evidens minus. Etenim cum plura fruſta incidi curavi in ſpeciem prismaſum læviſſimorum, idque per diverſas ſectiones, obſervavi in ſingulis, per quæ aut candelæ flammam aut plumbum vitrorum in fenestris conſpiciebam, omnia videri duplicia, quamquam imagines paululum tantum à ſe invicem diſtabant. Unde perſpexi cur corpus illud adeo pellucidum adeo inutile eſt in Teſcopiis paulo longioribus.

21. Verum duplex illa refractione, ex meâ Theoriâ ſupra ſtabilitâ poſtulare videbatur duplicem emanationem undarum,











rum, earumque sphaëricarum (quia utraque refractione regularis est) quarum hæ illis forent paulò lentiores. Etenim exinde phænomenon illud modo valde naturali explicatur, positis materiis, ut in crystallo Islandico feci, quæ pro vehiculo undis illis inserviunt. Itaque minus dubitavi postea duplicem illam emanationem undarum in eodém corpore admittere. Cum autem objicere quis posset, si utraque illa Crystallus constaret partibus æqualibus certæ figuræ & certo ordine dispositis, fore ut interstitia, quæ inter eas particulas relicta sunt, quæque continent materiam ætheream, non sufficerent ad undas luminis, quas ibi posui transmittendas. Difficultatem illam removi, considerando nimirum particulas illas utpote texturæ rarissimæ, aut constantes particulis multo tenuioribus, quas inter materia ætherea fluit liberrime; id, quod sequitur etiam ex iis quæ demonstravimus antea de exigua quantitate materiæ quâ constant corpora.

22. Positis igitur undis illis sphæroidibus præter sphæricas, considerare incoepi utrum ad explicanda refractionis irregularis phænomena conducere possent, & quæ ex illis ipsis phænomenis figuram positionemque sphæroidum definire possem; quod mihi ex sententia successit hunc in modum.

23. Primum consideravi undarum sic formatarum effectum respectu radii, qui incidit perpendiculariter in superficiem planam corporis alicuius diaphani, in quo ita se extenderent. Posui  $A B$  pro loco aperto superficiæ; & cum radius perpendicularis ad planum, & procedens à lumine maxime distanti, nil aliud sit ex theoria nostra, præter incidentiam particulæ undæ ad hoc planum parallelæ; posui rectam  $R C$ , parallelam & æqualem  $A B$ , esse portionem undæ alicujus luminis, cujus puncta infinita  $R H$ ,  $h C$  occurrunt superficiæ  $A B$ , in punctis  $A K$ ,  $k B$ . Ergo, loco undarum particularium hemisphæricarum, quæ in vulgari corpore diaphano deberent se extendere è singulo

TAB. IV.  
Fig. I.



gulo quoque ex his ultimis punctis, ut supra explicuimus ubi de refractione actum est, deberent hîc esse undæ hemisphæroides, quarum axes sive magnas diametros posui esse obliquas ad planum  $AB$ , ut est  $AV$  semi axis, aut semi magna diameter sphæroidis  $SVT$ , quæ repræsentat undam particularem ortam à puncto  $A$ , postquam unda  $RC$  pervenit in  $AB$ . Dico autem vel axem vel magnam diametrum, quia nimirum ellipsis eadem  $SVT$  spectari potest, tanquam sectio sphæroidis alicujus, cujus axis est  $AZ$  perpendicularis ad  $AV$ . Verumtamen neutro jam determinato, spectabimus sphæroides illas in iis dumtaxat sectionibus, quæ faciunt ellipses in plano hujusce figuræ. Sumpto autem certo quodam temporis spatio; intra quod à puncto  $A$  sese extendit unda  $SVT$ , necesse erat, ut intra idem tempus, à cæteris omnibus punctis  $K$  &  $B$  efformarentur undæ similes & similiter positæ ac  $SVT$ . Communis verò tangens  $NQ$  omnium illarum semi-Ellipsium erat, ex theoria nostra superiore, propagatio undæ  $RC$ , in corporibus diaphanis propositis: quia nempe in linea illa terminatur, eodem instanti, motus quem effecit unda  $RC$ , incidendo in  $AB$ , ibique motus multo copiosior est quam alibicumque: cum scilicet formetur ex arcubus infinitis Ellipsium quarum centra sunt secundum lineam  $AB$ .

24. Apparebat autem tangentem illam communem  $NQ$  esse omnino parallelam ipsi  $AB$ , cui tamen non directè erat opposita, cum lineis  $AN$ ,  $BQ$  containeretur, quæ sunt diametri conjugatæ ellipsium illarum quæ habent  $A$  &  $B$  pro centris, respectu diametrorum quæ sunt in recta  $AB$ . Ita intellexi, quod difficillimum mihi visum fuerat, nempe quo pacto radius perpendiculariter incidens in superficiem aliquam posset refringi, quando ingrederetur corpus diaphanum; videns quod unda  $RC$  à foramine  $B$  orta extenderet se usque inter parallelas  $AN$ ,  $BQ$ , ipsâ semper tamen parallelâ manente ad  $AB$ : ita ut lumen



lumen hîc non diffundatur per lineas perpendiculares ad suas undas, velut in refractione vulgari fit, sed lineæ illæ undas oblique secant.

Investigans dein cujusmodi possent esse situs formaque sphæroidum illarum in crystallo, consideravi unumquodque ex sex lateribus easdem plane refractiones efficere. Igitur sumpto iterum parallelopipedo  $A F B$ , cujus angulus solidus obtusus, comprehensus tribus angulis planis æqualibus, est  $C$ , suppositis deinde in eo tribus præcipuis sectionibus, quarum prima perpendicularis est ad faciem,  $D C$  transitque per latus  $C F$ , secunda perpendicularis est ad faciem  $B F$ , transitque per latus  $C A$ , tertia demum perpendicularis est ad faciem  $A F$ , transitque  $B C$ ; novem refractiones radiorum incidentium, qui pertinent ad hæc tria plana, plane similes esse. At nullus omnino poterat esse situs sphæroidis quæ eandem posset habere relationem cum tribus illis sectionibus, præter unam hanc sphæroidem cujus axis esset quoque axis anguli solidi  $C$ . Inde comperi axem illius anguli, scilicet rectam illam quæ à puncto  $C$  transibat crystallum cum inclinatione æquali ad latera  $C F$ ,  $C A$ ,  $C B$ ; esse lineam illam quæ determinat positionem axium omnium undarum sphæroidearum quæ concipiebantur oriri ex aliquo puncto intra aut in superficie crystalli sumpto: cum omnes sphæroides illæ deberent esse similes & habere axes parallelos inter se.

26. Considerans posthac planum unius ex tribus his sectionibus, scilicet illius quæ est per  $G C F$ , cujus angulus  $C$  est 109. graduum cum 3. minutis, quandoquidem  $F$  erat supra 70. graduum cum 57. minutis, imaginansque undam sphæroidem circa centrum  $C$ ; noveram, ex iis quæ modo explicui, illius axem debere esse eodem in plano, cujus axeos dimidiam partem notavi per  $C S$  in altera hac figura: & quærens, ex supputatione (quam cum aliis huic tractatui subijciam) angulum  $G C S$ , comperi illum esse 45. graduum cum 20. minutis.

TAB. IV.

Fig. 2.

TAB. IV.

Fig. 3.



27. Ut deinceps noscerem formam illius sphæroidis, id est proportionem semidiametrorum  $CS$ ,  $CP$ , sectionis illius ellipticæ, quæ sunt ad se mutuo perpendiculares, consideravi punctum  $M$ , in quo Ellipsis tangitur à recta  $FH$  parallela  $CG$ , debere esse ita situm, ut  $CM$  cum perpendiculari  $CL$  faceret angulum 5. graduum cum 40. minutis; Quoniam, hoc posito, ellipsis illa satisfaciebat iis, quæ diximus de refractione radii perpendicularis ad superficiem  $CG$ , qui secedit à perpendiculari  $CL$  per eundem angulum. Quo posito, factaque  $CM$  100000. partium, reperi calculo semidiametrum  $CP$  ex 105032. constare, & dimidium axem  $CS$  ex 93410, quæ ratio est fere ut 9. ad 8. adeo ut sphærois illa esset iis quæ similes sunt sphæræ compressæ, productæ per gyrationem ellipseos circa suum parvum diametrum. Reperi etiam  $CG$ , semidiametrum parallelam tangenti  $ML$ , esse 98779. partium.

28. Unde progressus ad investigandum quasnam refractiones radii incidentes obliqui debeant facere, ex hypothese undarum illarum sphæroidearum, vidi refractiones illas pendere à proportionem velocitatis quæ est inter motum luminis extra crytallum in æthere, motumque ejus intra eandem. Nam, posito proportionem illam ejusmodi esse ut, dum lumen in crytallo facit sphæroidem  $GSP$  qualem modo dixi, extra crytallum idem faciat sphæram cujus semidiameter æqualis sit lineæ  $N$ , quam posthac determinaturi sumus; ratio inveniendæ refractionis radiorum hæc est. Sit talis radius  $RC$  qui incidat in superficiem  $KC$ , fiat  $CO$  perpendicularis ad  $RC$ , & in angulo  $KCO$  disponatur  $OK$ , quæ æqualis sit  $N$  & perpendicularis ad  $CO$ . Deinde ducatur &  $KI$  quæ tangit Ellipsim  $GSP$ , & à puncto contactus  $I$  jungatur  $IC$ , quæ erit refraction quæsita radii  $RC$ . Cujus patebit demonstrationem plane similem esse illi quæ usi sumus in explicanda refractione vulgari. Etenim refraction radii  $RC$  nil aliud est præter progressum partis  $C$  undæ  $CO$  continuatæ in crytallo.

At



At partes H ejusdem undæ, dum O pervenit in K, progressæ erunt ad superficiem C K per rectas H  $\alpha$ , & produxerint in crystallo suas undas hemisphæroideas è centris  $\alpha$ , easque similes & similiter positas cum hemisphæroide G S P  $g$ ; quarum & magnæ & parvæ diametri habebunt eandem rationem ad lineas  $\alpha v$  (continuationes linearum H  $\alpha$  ad K B parallelam ad C O) quam diametri sphæroidis G S P habent ad lineam C B aut N. Et facile est videre, quod communis omnium illarum sphæroidum tangens, quæ hîc per ellipses repræsentantur, erit recta I K, quæ idcirco erit propagatio undæ C O, ut & punctum I puncti C, juxta ea quæ demonstrata sunt, ubi de Refractione vulgari actum est.

Quod attinet ad inventionem puncti contactûs I, notum est reperiendam esse, ad lineas C K & C G, tertiam proportionalem C D, ducendamque D I parallelam ad C M antea determinatam quæ est diameter conjugata ad C G; tunc enim, si ducas K I tangit ellipsim in I.

29. Quemadmodum autem invenimus C I, refractionem radii R C, sic inveniemus quoque C  $i$ , refractionem radii  $r$  C qui venit ab opposita parte; modo fiat C  $o$  perpendicularis ad  $r$  C, reliquumque ut supra.

Ubi liquet, si radius  $r$  C æqualiter inclinetur cum R C, lineam C  $d$  futuram necessario æqualem C D, quia C  $k$ , C K sunt æquales, ut & C  $g$ , C G. Et consequenter I  $i$  secabitur in E in partes æquales à linea C M cui  $d i$  & D I parallelæ sunt. Et quoniam C M est diameter conjugata ad C G, sequitur, quod  $i$  I parallela erit ad  $g$  G. Proinde si producantur refractiones C  $i$  & C I donec occurrant tangenti M L in T & in  $t$ , distantiae M T & M  $t$  æquales quoque erunt. Et sic perfecte explicatur ex hypothefi nostra, superius memoratum phænomenon: scilicet quod si sint duo radii æqualiter inclinati, & à lateribus oppositis præcedentes, ut hic R C,  $r$  C, refractiones eorum æqualiter secedunt à lineâ, quam sequitur refractionis radii perpendicularis considerando has deviationes in parallela ad superficiem crystallo.



30. Nunc vero ut reperiatur longitudo lineæ  $N$ , respectu linearum  $CP$ ,  $CS$ ,  $CG$  determinari hæc debet ex observationibus refractionis irregularis, quæ fit in ista sectione crystallicæ; exinde comperio rationem  $N$  ad  $CG$  paullo minorem esse quam 8. ad 5. Et cum ad alia etiam attendam phænomena, de quibus postea differemus, pono  $N$  constare ex 156962. partibus quarum semidiameter  $CG$  invenitur habere 98779, unde hæc ratio est 8 ad  $5\frac{1}{29}$ . Proportio vero illa quæ est inter lineam  $N$  &  $CG$  dici potest proportio refractionis, quemadmodum in vitro proportio 3. ad 2., uti manifestum erit, ubi explicuero summam quâ ratione methodo præcedenti refractiones irregulares inveniri queant.

TAB. IV.  
Fig. 5.

31. Positis igitur iisdem quæ supra, scilicet superficies crystallicæ  $gG$ , Ellipsis  $GPg$ , & lineæ  $N$ ; ac  $CM$  refractionis radii perpendicularis  $FC$ , à quo secedit 6. gradibus & 40. minutis, sit nunc quicunque radius  $RC$  cuius invenienda sit refractionis.

A centro  $C$  semidiametro  $CG$  describatur circumferentia  $gRG$ , quæ Radium  $RC$  secat in  $R$ , & sit  $RV$  perpendicularis ad  $CG$ . Tunc semper, veluti lineæ  $N$  ad  $CG$ , ita sit  $CV$  ad  $CD$ ; & ducatur  $DI$  parallela ad  $CM$ , secans Ellipsin  $gMG$  in  $I$ . Tunc, si jungas  $CI$ , erit illa refractionis quæ sita radii  $RC$ , quod demonstratur hunc in modum.

Sit  $CO$  perpendicularis ad  $CR$ , & in angulo  $OCG$  collocetur  $OK$  æqualis ipsi  $N$  & perpendicularis ad  $CO$ ; ducaturque recta  $KI$ , quæ si demonstratur contingere Ellipsin in  $I$ , evidens erit ex superioribus dictis  $CI$  refractionem esse radii  $RC$ . Cum autem angulus  $RCO$  sit rectus, facile patet triângula rectangula  $RCV$  &  $KCO$  similia esse. Quemadmodum igitur  $CK$  ad  $KO$  ita  $RC$  ad  $CV$ . At  $KO$  æqualis est lineæ  $N$ , &  $RC$  lineæ  $CG$ ; ergo ut  $CK$  ad  $N$ , ita erit  $CG$  ad  $CV$ . Atqui veluti  $N$  ad  $CG$ , ita est, per constructionem,  $CV$  ad  $CD$ .



**CD.** Ergo ut **CGK** ad **CG**, ita **CG** ad **CD**. Quoniam autem **DI** parallela est ad **CM** diametrum conjugatam ad **CG**, sequitur quod **KI** tangat Ellipsim in **I**, quod demonstrandum supererat.

32. Patet igitur, quemadmodum in refractione vulgari diaphanorum certa quædam est proportio constans inter sinus angulorum quos cum perpendiculari faciunt radius incidens & refractus, ita proportionem hic reperiri inter **CV** & **CD** aut **IE**; sive, quod idem est, inter sinum anguli quem facit radius incidens cum perpendiculari, & applicatam in Ellipsi interceptam inter refractionem illius radii & diametrum **CM**. Etenim ratio **CV** ad **CD** semper, ut dictum est, eadem est ac ratio **N** ad semidiametrum **CG**.

33. Addam insuper, antequam ad alia pergam, comparatis simul refractione regulari hujusce crystallo & ejusdem irregulari refractione, hoc observatu dignum esse quod, si **ABPS** est sphaerois juxta quam lumen in crystallo diffundatur certo temporis spatio (quæ diffusio, ut jam dictum est, ad refractionem irregularem conducit) tunc sphaera inscripta **BVST** sit extensio, eodem temporis spatio, luminis quod ad refractionem vulgarem conducit.

Etenim jam antea diximus quod, cum linea **N** sit radius undæ i sphaericæ luminis in aëre, dum in crystallo ea extenditur per sphaeroidem **ABPS**, ratio **N** ad **CH** sit ut 156962. ad 93410. Sed & diximus proportionem refractionis vulgaris esse ut 5. ad 3. id est, cum **N** sit radius undæ alicujus sphaericæ luminis, in aëre, extensionem illius in crystallo facere eodem temporis intervallo sphaeram unam, cujus radius esset ad **N** ut 3. ad 5. Atqui 156962 est ad 93410 ut 5 ad 3 minus  $\frac{1}{2}$ . Itaque parum & forte nil abest quin sit sphaera **BVST**, quam facit lumen pro refractione regulari in crystallo, dum ibidem sphaeroidem **BPSA** efficit pro refractione irregulari, & dum sphaeram radio **N** in aëre extra crystallo.



Etiam si igitur sint, ut asseruimus, duæ diversæ extensiones luminis intra crystallum, apparet tamen alteram alterâ velociorem, dumtaxat in sensu perpendicularium ad axim B S sphæroidis; altero vero sensu, id est in sensu parallelarum eidem axi B S, qui est etiam axis anguli obtusi crystalli, eandem esse utriusque velocitatem.


TAB. V.  
Fig. 2.

34. Probare nunc aggrediar, positâ eâ quam diximus refractione, inde sequi insigne illud phænomenon radii, qui, incidens oblique in superficiem crystalli, illam penetrat sine refractione. Enim vero, positis iisdem quæ prius, radius R C de quo supra diximus, faciat in superficie g G angulum R C G 73. graduum cum 20. minutis inclinatum eandem in partem ac crystallus. Si, ex ratione antejam explicata, quæritur illius refractione C I, reperietur facere præcise rectam lineam cum R C; adeoque radius ille neutiquam à via sua aberrat, juxta experientiam: quod ex supputatione nostra sic probō.


Si C G aut C R sint, ut supra, 98779, C M 10000, angulus R C V 73. graduum cum 20. min., C V erit 28330. Et quoniam C I est refractione radii R C, proportio C V ad C D est, ut 156962 ad 98779, scilicet N ad C G: ergo C D est 17828. Veluti autem quadratum C G ad quadratum C M, ita rectangulum g D G ad quadratum D I; ergo D I seu C E erit 98353. Verum ut C E ad E I, ita C M ad M T, quæ igitur erit 18127. Quâ additâ ad M L quæ est 11609 (scilicet sinus anguli L C M 6 graduum cum 40. minutis, positâ C M 100000 pro radio) exsurgit L T 29736, quæ est ad L C 99324, veluti C V ad V R, id est ut 29938, tangens complementi anguli R C V 73 graduum cum 20. min. ad tabularum radium. Unde colligitur R C I T esse lineam rectam, quod demonstrandum erat.

35. Patebit præterea radium C I, egrediendo per superficiem oppositam crystalli, debere rectâ pergere, ex demonstratione sequenti, quâ probatur reciprocationem refractionis.











fractionum hocce in lapide non minus observari quam in reliquis corporibus diaphanis. Scilicet, si radius  $RC$ , incurtendo in superficiem crystallo  $CG$ , rumpitur in  $CI$ ; radius  $CI$ , qui egreditur per superficiem oppositam & parallelam crystallo, quam pono esse  $IB$ , habebit refractionem suam  $IA$  parallelam radio  $RC$ .

Positis rursus iisdem quæ supra, id est, si  $CO$ , quæ TAB. V.  
Fig. 3. perpendicularis est ad  $CR$ , repræsentet portionem undæ cuius continuatio intra crystallo sit  $IK$ ; adeo ut pars  $C$  continuata fuerit per rectam  $CI$ , dum  $O$  venit in  $K$ . Quod si nunc sumamus alterum temporis spatium æquale priori, pars  $K$  undæ  $IK$ , intra alterum illud temporis spatium, progressa erit per rectam  $KB$  æqualem & parallelam  $CI$ ; quoniam quælibet pars undæ  $CO$ , perveniendo ad superficiem  $CK$ , debet pergere intra crystallo veluti & pars  $C$ : atque eodem tempore, efformabitur è puncto  $I$  in aëre unda sphaerica particularis, cuius semidiameter  $IA$  æqualis est  $KO$ , quoniam  $KO$  æquali temporis intervallo percursa fuit. Eodemque modo, si consideretur quodlibet aliud punctum undæ  $IK$ , uti  $h$  progredietur per  $hm$  parallelam ad  $CI$ , & incurret in superficiem  $IB$ , dum punctum  $K$  percurrit  $Kl$  æqualem  $hm$ : dumque istud conficit reliquum lineæ  $lB$ , efformata erit à puncto  $m$  unda particularis, cuius semidiameter  $mn$  habebit eam rationem ad  $lB$  ac  $IA$  ad  $KB$ . Unde manifestum est undam illam cuius semidiameter est  $mn$ , alteramque cuius semidiameter est  $IA$ , habituras eandem tangentem  $BA$ . Eundemque in modum reliquæ undæ particulares sphaericæ quæ factæ erunt extra crystallo ex impulsione punctorum omnium undæ  $IK$  in superficiem ætheris  $IB$ . Ergo præcisè tangens  $BA$  erit, extra crystallo, continuatio undæ  $IK$ , ubi pars  $K$  advenit in  $B$ . Ac proinde  $IA$ , perpendicularis ad  $BA$ , erit refractione radii  $CI$ , egrediendo è crystallo. Liquet autem  $IA$  esse parallelam radio incia-



incidenti  $RC$ , cum  $IB$  æqualis sit  $CK$ , &  $IA$  æqualis  $KO$  angulique  $A$  &  $O$  recti.

Patet ergo, quod ex hypothefi noſtrâ reciprocatio refractionum reperitur hocce in cryſtallo, quemadmodum in corporibus ordinariis diaphanis, quod reverâ obſervationes mirificè confirmant.

36. Nunc vero ad confiderandas cæteras ſectiones cryſtalli tranſeo & ad refractiones, quæ in iis producuntur, à quibus plurima, ut videbitur, pendent inſignia phænomena.

TAB. V. Sit parallelopipedum cryſtalli  $ABH$ , & ſuperficies ſuperior  $A E H F$  rhombus perfectus, cujus anguli obtuſi æqualiter diviſi ſint per rectam  $E F$ , & anguli acuti per rectam  $A H$  perpendiculararem ad  $F E$ .  
Fig. 4.

ſectio, quam hætenus confideravimus, ea eſt quæ tranſit per lineas  $E F$ ,  $E B$ , & quæ ſimul ſecat planum  $A E H F$  ad angulos rectos; cujus refractiones hoc habent commune cum refractionibus diaphanorum vulgarium, quod planum, ductum per radium incidentem ſecansque ad angulos rectos ſuperficiem cryſtalli, idem eſt in quo reperitur quoque radius refractus. Verum refractiones cujuſlibet alterius ſectionis huiusce cryſtalli hoc admirabile prorsus habent Phænomenon, quod radius fractus egreditur ſemper è plano radii incidentis, perpendicularis ad ſuperficiem, & ſe convertit ad latus inclinationis cryſtalli. Cujus phænomeni cauſas explicabimus primum in ſectione per  $A H$ , ſimulque oſtendemus quæ poſſint in ea refractiones, ex hypothefi noſtrâ, determinari. Sit igitur in plano quod tranſit per  $A H$ , & perpendicularare eſt ad planum  $A F H E$ , radius incidens  $RC$ ; ac reperienda refractione illius in cryſtallo proponatur.

37. E centro  $C$  quod ſumo eſſe in interſectione  $A H$  &  $F E$ , ſingatur ducta hemiſphærois  $Q G q g M$ , qualem lumen debet formare, dum diffundit ſe intra cryſtallum; ac ſectio illius, per planum  $A E H F$ , faciat ellipſim  $Q G q g$ ,



$Q G q g$ , cujus magna diameter  $Q q$ , quæ est in linea  $A H$ , necessario erit una è magnis diametris sphæroidis: quoniam, axis sphæroidis cum sit in plano per  $F E B$ , cui  $Q C$  perpendicularis est, sequitur  $Q C$  esse quoque perpendicularem axi sphæroidis, ac proinde  $Q C q$  unam è magnis illius diametris. Sed parva diamater hujusce ellipsis  $G g$  habebit ad  $Q q$  rationem antea N<sup>o</sup>. 27. definitam inter  $C G$  & magnam semidiametrum sphæroidis  $C P$ , TAB. IV.  
Fig. 3. nempe ut 98779 ad 105032.

Sit longitudo lineæ  $N$  via, quam lumen in aëre conficit, dum in crystallo, e centro  $C$ , sphæroidem format  $Q G q g M$ ; &, ductâ  $C O$  perpendiculari ad radium  $Q R$ , quæque sit in plano per  $C R$  &  $A H$ , collocetur, in angulo  $A C O$ , rectâ  $O K$  æqualis  $N$ , perpendicularisque ad  $C O$ , quæ occurrat rectæ  $A H$  in  $K$ . Posito deinde quod  $C L$  sit perpendicularis ad superficiem crystallo  $A E H F$ , & quod  $C M$  sit refractionis radii qui incidit perpendiculariter in eandem illam superficiem, ducatur planum aliquod per lineam  $C M$  & per  $K C H$ , formans in sphæroide semiellipsim  $Q M q$ , quæ dabitur, cum angulus  $M C L$  datus sit 6. grad. cum 40. min. Constat autem ex superioribus dictis N<sup>o</sup>. 27. planum, quod tangeret sphæroidem in puncto  $M$ , in quo pono rectam  $C M$  occurrere hujus superficiem, parallelum fore plano  $Q G q$ . Si igitur per punctum  $K$  ducatur  $K S$  parallela  $G g$ , quæ parallela quoque erit  $Q X$  tangenti Ellipsi  $Q G q$  in  $Q$ ; ac fingatur planum aliquod, quod transeat per  $Q K S$ , tangatque sphæroidem: punctum contactus necessario erit in Ellipsi  $Q M q$ , quia planum illud per  $K S$ , ut & planum quod sphæroidem tangit in puncto  $M$ , parallelum est  $Q X$  tangenti sphæroidis; hæc enim consequentia in fine hujus tractatus demonstrabitur. Punctum illud contactus sit in  $I$ , sumtis proportionalibus  $K C$ ,  $Q C$ , &  $D C$ , ductâque  $D I$  parallelâ  $C M$ ; ac jungatur  $C I$ . Dico istam  $C I$  futuram esse refractionem quæsitam radii  $R C$ . Quod evidens erit



rit si, spectando  $CO$ , quæ perpendicularis est radio  $RC$ , tanquam portionem aliquam undæ luminis, demonstramus continuationem partis illius  $C$  reperiri in crystallo in  $I$ , ubi  $O$  pervenit in  $K$ .

38. Quemadmodum autem, ubi demonstravimus in capite de reflexione, radios & incidentem & repercussum esse semper in eodem plano, perpendiculari ad superficiem reperiientem, consideravimus latitudinem undæ unius luminis; ita nunc perpendamus oportet latitudinem undæ  $CO$  in diametro  $Gg$ . Sumptâ igitur latitudine  $Cc$  ad partem anguli  $E$ , sumatur simul rectangulum  $COoc$  velut portio aliqua undæ, & compleantur parallelogramma  $CKkc$ ,  $CIic$ ,  $KIik$ ,  $OKko$ . Dum igitur linea  $Oo$  pervenit ad superficiem crystallo in  $Kk$ , puncta universa undæ  $COoc$  pervenerunt ad rectangulum  $Kc$  per lineas parallelas  $OK$ ; atque è punctis incidentiæ illorum formatæ sunt hæmisphæroides particulares intra crystallo, similes & similiter positæ ac hæmisphæroidis  $QMq$ ; quæ necessario tangunt omnes planum parallelogrammi  $KIik$ , eodem instanti quo  $Oo$  est in  $Kk$ . Quod facile est intelligere, cum singulæ quæque ex his hæmisphæroidibus, quæ suum habent centrum in linea  $CK$ , tangant planum hoc in linea  $KI$  (hoc enim demonstratur ut demonstravimus refractionem radii obliqui in sectione præcipua per  $Ef$ ) ac singulæ quæque, quorum centra sunt in linea  $Cc$ , contingant idem planum  $Ki$  in linea  $Ii$ ; existentibus omnibus his similibus hæmisphæroidi  $QMq$ . Quandoquidem igitur parallelogrammum  $Ki$  universas illas sphæroides tangit, idem erit præcisè continuatio undæ  $COoc$  intra crystallo, ubi  $Oo$  pervenit in  $Kk$ , quoniam illic determinatur motus ibique quantitas abundantior est quam alibique: adeoque apparet partem  $C$  undæ  $COoc$  habere continuationem suam in  $I$ , sive radium  $RC$  frangi in  $Ci$ .

Ubi animadvertendum est, proportionem refractionis pro



pro sectione hac crystallo eandem esse ac proportionem lineæ  $N$  ad semidiametrum  $CQ$ : per quam nullo negotio reperientur refractiones radiorum omnium incidentium, eadem ratione quâ supra demonstravimus pro sectione per  $FE$ ; demonstratioque erit eadem. Verum patet, quod proportio illa refractionis minor sit hîc quam in sectione per  $FE$ ; ibi enim erat ut  $N$  ad  $CG$ , scilicet ut 156962, ad 98779, fere ut 8 ad 5: hîc vero est ut  $N$  ad  $CQ$  magnam semidiametrum sphaeroidis, id est, 156962 ad 105032 fere ut 3 ad 2, at paullo minor. Quod perfecte cum observationibus convenit.

39. Cæterum à diversitate illa refractionum singulare in crystallo phaenomenon oritur. Scilicet, si in chartâ collocetur, cui sunt inscriptæ litteræ aut aliæ quævis res illamque observes utroque oculo sito in plano sectionis per  $EF$ , vides litteras sublimiores per hanc refractionem irregularem, quam si oculos habueris in plano sectionis per  $AH$ . Discrimen autem illud patet ex alterâ refractione vulgari crystallo istius, cujus proportio est ut 5 ad 3, & quæ litteras illas semper attollit æqualiter altiusque quam refractionis irregularis facit. Etenim videntur litteræ & chartæ cui inscriptæ sunt, quasi in duobus tabulatis diversis; ubi vero oculi siti sunt in plano per  $AH$  duo illa tabulata sunt quater magis à se invicem remota, quam ubi oculos habes in plano per  $EF$ .

Ostendemus effectum illum ex illis refractionibus sequi: quod simul conducet ad docendum, quis sit locus apparens puncti alicujus immediate sub crystallo positi pro diverso oculorum situ.

40. Ac primum videamus, quantum refractionis irregularis plani per  $AH$  attollere debeat fundum crystallo. Planum figuræ hujus repræsentet sectionem per  $Qq$  &  $CL$ , in qua est etiam radius  $RC$ ; ac planum semiellipticum per  $Qq$  &  $CM$  inclinatum sit ad primum, ut antea, angulo

TAB. V,  
Fig. 5,

H 2

lo



lo 6 grad. cum 40 min. in quo plano tum est  $CI$  refractionis radii  $RC$

Quod si spectetur nunc punctum  $I$ , tanquam in fundo crystalli, videaturque per radios  $ICR$ ,  $Icr$  æqualiter fractos in punctis  $Cc$ , quæ æque distare debent à  $D$ ; & radii illi occurrant duobus oculis in  $Rr$ . Constat punctum  $I$  visum iri elevatum in  $S$  quod concurrunt rectæ  $RC$ ,  $rC$ ; quod punctum  $S$  est in  $DP$  perpendiculari ad  $Qq$ . Si autem ad  $DP$  ducatur perpendicularis  $IP$ , quæ tota cadet in fundum crystalli, longitudo  $SP$  erit elevatio apparens puncti  $I$  supra fundum.

Describatur supra  $Qq$  semicirculus qui secet radium  $CR$  in  $B$ , unde ducatur  $BV$  perpendicularis ad  $Qq$ ; & proportio refractionis pro sectione illâ sit sicut antea, proportio lineæ  $N$  ad semidiametrum  $CQ$ .

Ergo ut  $N$  ad  $CQ$ , ita est  $VC$  ad  $CD$ , quod apparet ex methodo pro reperiendis refractionibus; quam demonstravimus N. 31. Verum ut  $VC$  ad  $CD$ , ita  $VB$  ad  $DS$ . Ergo sicut  $N$  ad  $CQ$ , sic  $VB$  ad  $DS$ . Sit  $ML$  perpendicularis ad  $CL$ , &, quoniam pono oculos  $Rr$  distantes à crystallo pede aut circiter, adeoque angulum  $RSr$  minimum, consideretur  $VB$  tamquam æqualis semidiametro  $CQ$ , &  $DP$  tamquam æqualis  $CL$ ; ergo ut  $N$  ad  $CQ$  ita  $CQ$  ad  $DS$ . Sed  $N$  constat ex 156962 partibus, quarum  $CM$  continet 100000 &  $CQ$  105032. Ergo  $DS$  constabit ex 70283. Verum  $CL$  est 99324, cum sit sinus complementi anguli  $MCL$  6 graduum cum 40. minutis, positâ  $CM$  pro radio. Ergo  $DP$ , spectata tamquam æqualis  $CL$ , erit ad  $DS$  ut 99324 ad 70283. Et hunc in modum cognoscitur elevatio puncti fundi  $I$  per sectionis istius refractionem.

TAB. V.  
Fig. 6.

41. Repræsentetur nunc alia sectio per  $EF$ , in figura 4., &  $G M g$  sit semiellipsis, considerata in Numeris 27. & 28., quæ sit per sectionem undæ sphæroidis cujus  $C$  est centrum. Punctum  $I$  in ellipsi sumptum fingatur rursus in fundo crystalli, cernaturque per  $ICR$ ,  $Icr$  ra-



radios fractos qui incurrunt in oculos ambos; &  $CR$  ac  $cr$  æqualiter inclinentur superficiem versus crytalli  $Gg$ . Hisce sic positis si ducatur  $ID$  parallela  $CM$ , quam summo esse refractionem radii perpendicularis qui incideret in punctum  $C$ , distantia  $DC$  &  $Dc$  æquales erunt, ut facile est videre ex demonstratis No. 28. Constat vero punctum  $I$  videri debere in  $S$  quo occurrunt rectæ  $RC$ ,  $rc$  productæ; & punctum illud  $S$  incidere in lineam  $DP$  perpendicularem ad  $Gg$ : ad quam  $DP$  si ducatur perpendicularis  $IP$ , distantia  $PS$  repræsentabit elevationem apparentem puncti  $I$ . Supra  $Gg$  describatur semicirculus qui fecet  $CR$  in  $B$ , unde ducatur  $BV$  perpendicularis ad  $Gg$ ; &  $NadGc$  repræsentet proportionem refractionis hac in sectione, ut in No. 28. Quandoquidem igitur  $CI$  est refractione radii  $BC$ , &  $DI$  parallela  $CM$ ; necesse est  $VC$  sit ad  $CD$ , ut  $N$  ad  $GC$ , ex demonstratis No. 31; sed ut  $VC$  ad  $CD$  ita  $BV$  ad  $DS$ . Ducatur  $ML$  perpendicularis ad  $CL$ ; & quoniam summo iterum oculos elevatos satis supra crytallum,  $BV$  censetur æqualis semidiametro  $CG$ ; ac proinde  $DS$  erit tunc tertia proportionalis lineis  $N$  &  $CG$ : sic &  $DP$  censebitur æqualis  $CL$ . Cum autem  $CG$  constet ex 98778 partibus ex quibus  $CM$  habet 100000,  $N$  constat ex 156962; ergo  $DS$  constabit ex 62163. Verum  $CL$  determinata etiam est, habetque 99324 partes, sicut dictum est No. 34; ergo ratio  $PD$  ad  $DS$  erit ut 99324 ad 62163. Et sic detegitur elevatio puncti fundi  $I$  per refractionem hujusce sectionis, & patet elevationem illam majorem esse quam per refractionem superioris sectionis, cum ratio  $PD$  ad  $DS$  ibi esset ut 99324 ad 70283.

Verum per refractionem regularem crytalli, cujus supra diximus proportionem esse 5 ad 3, elevatio puncti  $I$  aut  $P$  in fundo erit  $\frac{2}{7}$  altitudinis  $DP$ , sicut videre est in hac figura, ubi, cum punctum  $P$  videatur per radios  $PCR$ ,  $pcr$  æqualiter fractos in superficie  $Cc$ , necesse est punctum illud videatur in  $S$ , in perpendiculari  $PD$

H 3

quod

TAB. V.  
FIG. 7.



quò concurrunt rectæ  $RC$ , & productæ. Et notum est, lineam  $PC$  ad  $CS$  esse ut 5 ad 3, quandoquidem sunt inter se velut sinus anguli  $CSP$  aut  $DS C$  ad sinum anguli  $SPC$ . Ac quoniam oculis  $R, r$ , positis valde distantibus supra crytallum, ratio  $PD$  ad  $DS$  censetur eadem quæ  $PC$  ad  $CS$ , elevatio  $PS$  erit quoque  $\frac{2}{3} P D$ .


TAB. V.  
Fig. 8.

42. Quod si sumatur lineæ rectæ  $AB$  pro spissitudine crytalli, cujus punctum  $B$  sit in fundo, dividaturque lineæ illa, juxta proportionem elevationum repertarum, in punctis  $C, D, E$ ; adeo ut  $AE$  sit  $\frac{2}{3} AB$ ,  $AB$  ad  $AC$  ut 99324 ad 70283, &  $AB$  ad  $AD$  ut 99324 ad 62163: puncta illa dividant  $AB$ , ut in hac figura. Reperietur autem hoc plane cum experientia convenire, id est, si oculos habeas in plano quod secat crytallum, secundum parvam diametrum Rhombi superioris, refractione regularis extollet litteras in  $E$ , videbisque & fundum & litteras, quibus impositus est fundus, per refractionem irregularem exurgere in  $D$ . Contra vero, si oculos habueris in plano quod secat crytallum secundum majorem diametrum Rhombi superioris, refractione quidem vulgaris extollet litteras in  $E$  ut prius, refractione vero irregularis eodem tempore in  $C$  tantummodo; ita ut intervallum  $CE$  futurum sit quadruplum intervalli  $ED$  quod videbatur prius.

43. Inutile foret hic notare in utraque illa oculorum positione, imagines productas ab irregulari refractione non videri directe sub iis, quæ à refractione regulari procedunt; sed ab iis divertere, recedentes magis ab angulo solido æquilaterali crytalli. Hoc enim sequitur ex iis quæ hactenus de refractione irregulari demonstravimus, imprimisque constat ex ultimis demonstrationibus nostris; in quibus videmus, punctum  $I$  (fig. 5. 6.) cerni per refractionem irregularem in  $S$ , in perpendiculari  $DP$ : in qua etiam apparere debet imago puncti  $P$  per refractionem regularem; non vero imago puncti  $I$ , quæ erit fere directe supra idem illud punctum, & altior quam  $S$ .

Quod











Quod autem attinet ad elevationem apparentem puncti I in cæteris positionibus oculorum supra crystallum, præter duas illas quas ad examen modo revocavimus; imago puncti illius apparebit semper per refractionem regularem inter duas altitudines D & C, ab una ad alteram pergens, prout oculi circa crystallum immobilem movebuntur. Hoc totum autem cum hypothese nostra mirifice convenit, ut unusquisque certus erit, ubi docuero quâ ratione reperiri possint refractiones irregulares cæterarum sectionum crystalli præter duas illas, quas consideravimus. Ponamus unam e faciebus crystalli in quâ sit ellipsis H D E, cujus centrum C sit etiam centrum sphæroidis H M E in qua extendit se lumen, cujusque dicta ellipsis est sectio. Et radius incidens sit R C cujus refractione reperienda proponatur.

TAB. VI.  
Fig. I.

Ducatur planum transiens per radium R C, & perpendiculare plano ellipseos H D E, & hoc secans juxta rectam B C K. Dein, in eodem plano per R C, ductâ C O perpendiculari ad C R, in angulo O C K collocetur O K perpendicularis ad O C, & æqualis lineæ N, quam pono esse viam luminis in aere, quo tempore se diffundit intra crystallum per sphæroidem H D E M. Tum in plano ellipseos H D E, ducatur per punctum K, K T perpendicularis ad B C K. Porro si concipiatur planum aliquod ductum per rectam K T, contingensque sphæroidem H M E in I, recta C I erit refractione radii R C, ut facile colligitur ex demonstratis N<sup>o</sup>. 37.

At ostendendum est, quâ definiiri queat punctum contactus I. Ducatur igitur ad lineam K T linea parallela H F quæ contingat ellipsim H D E, punctumque illud contactus sit in H. Deinde ductâ rectâ per C H, quæ occurrat K T in T, fingatur per eandem C H & per C M, quam sumo esse refractionem radii perpendicularis, planum, quod faciat in sphæroide sectionem ellipticam H M E. Certum est planum, quod transibit per rectam

K T



K T contingetque sphæroidem, contacturum illam esse in puncto quodam ellipseos H M E, ex lemmate demonstrando in fine hujusce capitis. Punctum autem illud necessario est punctum I quæsitum, quandoquidem planum ductum per T K non potest nisi in uno puncto sphæroidem contingere. Punctum vero I determinatur facile, cum ad id satis sit, si ducas è puncto T, quod est in plano ellipseos, tangentem T I, eo modo qui demonstratus est supra. Etenim data est ellipsis H M E, cujus C H & C M sunt semidiametri conjugatæ; quoniam recta ducta per M, parallela ad H E, contingit ellipsim H M E, ut sequitur ex eo, quod planum ductum per M, parallelumque plano H D E, contingit sphæroidem in puncto illo M, quod videre est No. 27 & 23. Cæterum positio ellipseos istius, respectu plani per radium R C & per C K, data etiam est; unde nullo negotio reperietur positio refractionis C I, respectu radii R C.

Notandum autem est, eandem ellipsim H M E inferre ad reperiendas refractiones cujuslibet alterius radii, qui erit in plano per R C & per C K; quia planum quodvis, parallelum rectæ H F aut T K, quod sphæroidem continget, illam eadem in ellipsi continget, ex lemmate modo citato.

Investigavi hunc in modum singulatim phænomena quæque refractionis irregularis hujusce crystalli, ut certior fierem an ea omnia, quæ ex hypothese nostra sequuntur, cum observationibus revera convenirent. Quod cum ita sit, non mediocre argumentum est veritatis principiorum nostrorum. Sed aliquid addam, quod eadem mirifice confirmat. Loquar scilicet de diversis sectionibus crystalli, cujus diversæ superficies quæ inde oriuntur producant refractiones tales penitus, quales oportet esse ex hypothese mea.

Tab. VI. Ut, quæ sint sectiones illæ, quilibet intelligat, sit  
Fig. 2. A B K E sectio præcipua per axem crystalli A C K, in qua erit quoque axis S S undæ sphæroideæ luminis diffusæ



sæ intra crystallum è centro C; & linea recta, quæ secat S S, in medio & ad angulos rectos, scilicet P P erit una è magnis diametris.

Quemadmodum autem in sectione naturali crystalli per planum parallelum duabus superficiebus oppositis, quod hic repræsentatur per lineam G G, refractione superficieum inde ortarum fit juxta hemisphæroidas G N G, ex explicatis in theoria nostra præcedenti; ita, sectâ crystallo per N N, plano perpendiculari parallelogrammo A B K F, refractione superficieum formabitur per hemisphæroidas N G N: sectâque per P P perpendiculariter eidem parallelogrammo, refractione superficieum formabitur per hemisphæroidas P S P, & sic de coeteris. At vidi, si planum N N esset fere perpendiculare plano G G, faceretque angulum N C G, qui est à latere A; 90 graduum 40. min. hemisphæroides N G N, fieri similes hemisphæroidibus G N G, quandoquidem plana N N & G G erant æqualiter inclinata angulo 45 graduum cum 20 minutis ad axem S S. Proinde necesse erat, si theoria nostra vera esset, ut superficies singulæ, ortæ à sectione per N N, darent omnino easdem refractiones, ac superficies sectionis per G G. Neque modo superficies sectionis per N N, sed etiam universæ aliæ, quæ orirentur à planis inclinatis ad axem S S angulo simili 45. grad. cum 20. min. Ita ut innumeræ sectiones deberent easdem plane refractiones efficere, quas superficies naturales crystalli, aut quas sectio dat quæcunq; parallela uni ex his superficiebus, quæ habetur, ubi lapis ille finditur.

Consideravi etiam, quod crystallo sectâ plano ducto per P P, refractione superficieum debeat ejusmodi esse, ut radius perpendicularis minime frangeretur, & tamen in radiis obliquis esset refractione irregularis diversa à regulari, & quæ objecta crystallo supposita minus attolleret quam refractione regularis.

Observabam præterea, crystallo sectâ aliquo plano per axem S S, quale est planum hujus figuræ, radium perpen-



dicularem refringi non debere; &, quantum ad radios obliquos, diversas esse mensuras refractionis irregularis, pro diverso situ plani in quo erat radius incidens.

Univerſa autem illa phænomena in cryſtallo ita deprehendebantur, adeoque non dubium mihi fuit, quin ubique ſimilem haberem ſucceſſum. Itaque concludi effci poſſe ex hoc cryſtallo ſolida naturalibus ſimilia, & quæ in omnibus ſuperficiebus ſuis eaſdem producent refractiones tum irregulares tum regulares, ac ſuperficies ipſæ naturales, quæ tamen alio prorſus modo ſindentur, nec parallelè ulli è faciebus.

Collegi quoque ex eo conſici poſſe pyramides baſi quadratâ, pentagonâ, hexagonâ aut totidem laterum quot velis, quarum ſuperficies illas eaſdem refractiones haberent ac ſuperficies naturales cryſtalli, exceptâ baſi quæ radium perpendicularem non franget. Singula quæque ſuperficies faciet cum axe cryſtalli angulum 45. grad. cum 20. baſisque erit ſectio perpendicularis axi.

Demum concludi ex cryſtallo illâ conſici poſſe prismata trium aut plurium laterum, quorum neque latera neque baſes, radium perpendicularem frangent, quamvis omnes tamen faciant duplicem refractionem in radiis obliquis. Cubus continetur in his prismaſibus quorum baſes ſunt ſectiones perpendiculares axi cryſtalli, & latera ſectiones parallelæ axi eidem.

Ex omnibus his quoque patet, cauſam irregularis cryſtalli refractionis non hære in diſpoſitione ſectionum, unde conſtare videtur, & ſecundum quas ſecatur tribus diverſis modis; adeoque ibidem fruſtra quæri.

Verum ut, qui cryſtallum ejuscemodi penes ſe habent, ipſimet experiri queant, quæ dixi, docebo quomodo illud ſecuerim expoliverimque. Facile ſecueris operâ rotarum illarum quibus gemmarii & lapidæ utuntur; ſed lævigare illud difficillimum eſt, imo vulgari ratione aſperas potius ſuperficies quam læves efficies.

Igitur



Igitur post tentamina plurima reperi demum nullâ ad hunc usum metalli laminâ opus esse, sed tantum speculo aspero & rudi. Ibi arenæ tenuis & aquæ ope lævigatur paulatim crysallum hoc vitrorum Telescopii instar expoliturque tandem eâdem operâ, & minus minusque materiæ semper adhibendum est. Non potui tamen efficere, ut crysallum nitidum penitus & pellucidum esset; sed æqualitas, quæ exinde superficiebus advenit, facit ut in eis observentur melius refractionis effectus, quam in superficiebus, quæ sunt ubi lapis finditur, & quibus semper aliqua inest inæqualitas.

Quando superficies mediocriter est lævigata, si fricetur olei guttâ aut albumine ovi, pellucidissima evadit, ita ut refractione in ea optime videatur. Atque hoc auxilium imprimis necessarium est, si expolire libeat superficies naturales, easque æquare, quoniam difficilius nitidæ fiunt, quam aliæ sectiones, quæ eo commodius expoliuntur quo minus accedunt ad plana illa naturalia.

Sed antequam libellum huncce concludam, juvat differere de phænomeno quodam prorsus admirabili quod reperi postquam superiora omnia descripsissem. Etsi enim illius causam huc usque non invenerim, nihilo secius indicabo, quo alii illam indagent. Videtur necesse fore ut aliæ suppositiones fierent præter eas quas feci, quæ tamen non minus verisimiles futuræ sunt, postquam tot experimentis fuerint confirmatæ.

Phænomenon autem illud est hujusce modi. Si duo frustra crysalli sumas alterumque alteri applies, aut inter utrumque spatium aliquod relinquant; si singula alterius latera singulis alterius lateribus parallela sint; tum radio aliquo luminis, ut A B, bifariam diviso intra prius frustum, nempe in B D & in B C, juxta utramque refractionem tum regularem tum irregularem, & inde ad alterum frustum perveniente; uterque radius hoc transibit neque amplius bifariam dividetur. Sed is qui factus est è refractione

TAB. VI.  
Fig 3.



ne regulari, ut hic  $DG$ , faciet tantummodo refractionem unam regularem in  $GH$ , & alter  $CE$  irregularem unam in  $EF$ . Idemque contingit non modo hac in dispositione, sed etiam in illis omnibus ubi sectio præcipua utriusque frusti in eodem plano est; neque opus est, ut duæ superficies quæ se mutuo spectant parallelæ sint. Admirabile autem prorsus est cur radii  $CE$  &  $DG$ , emissi ex aëre in crystallum inferius, non dividantur ut primus radius  $AB$ . Hoc videtur Radium  $DG$ , transeundo per crystallum superius, amisisse quod necessarium est ad movendam materiam quæ refractioni irregulâri inservit; &  $CE$  pariter quod opus est, ut moveat materiam quæ refractioni regulâri faciendæ utilis est. At aliud quid ratiocinium hoc evertit. Scilicet si utrumque crystallum ita disponas ut plana, quæ sectiones præcipuas faciunt sese ad angulos rectos secent; sive superficies quas spectant parallelæ sint aut non. Tunc radius qui venit è refractione regulari, ut  $DG$ , unam tantum refractionem irregularem facit in inferiori frusto; & è contrario radius, qui venit è refractione irregulâri, ut  $CE$ , unam tantum regularem.

TAB. VI.  
Fig. 4.

Sed in cæteris positionibus innumeris, præter eas quas modo determinavi, radii  $DG$  &  $CE$  iterum dividuntur bifariam per refractionem crystalli inferioris; ita ut, ex unico radio  $AB$  quatuor conficiantur modo æque clari, modo alii aliis obscuriores, pro diversis utriusque crystalli positionibus: sed qui simul non magis videntur splendere quam radius unicus  $AB$ .

IV 24 T  
e 217

Si nunc consideretur, quod radiis  $CE$  &  $DG$  iisdem manentibus pendeat à positione quam habet crystallus inferior, ut vel bifariam dividantur, vel nullo prorsus modo, ubi is radius  $AB$  dividitur semper; concludendum videtur, undas luminis, ex eo quod priorem crystallum permearint, acquirere certam quamdam formam dispositionemve, per quam, ubi in crystallum incurrunt certo quo-



quodam modo positam, possint movere duas diversas materias quæ duabus diversis refractionibus inserviunt; nec movere, nisi unam si in crySTALLUM aliter positam incurrerint. Quò autem pacto id fiat, nihil reperire potui, quod mihi satisfaceret.

Hæc itaque aliis relinquo meditanda, transeo ad illa, quæ dicenda habeo tum de figura insolitâ hujusce crySTALLI, tum de ratione cur facile findatur tribus modis & parallele alicui è superficiebus suis.

Plurima sunt tum vegetantia, tum fossilia, tum generæ salis congelati, quæ cum certis angulis figurisque regularibus formantur. Neque pauciores sunt flores qui constanter habeant disposita folia in figuram polygoni regularis, trium, quatuor, quinque aut sex laterum, neque unquam amplius. Quòd non indignum observatu est, cum propter figuram polygonam, tum propter certum illum constantemque numerum, quem nunquam excedunt, 6.

CrySTALLUS vulgaris crescere solet in speciem virgarum hexagonarum, adamantesque plurimi nascuntur cum apice quadrato superficiebusque lævibus. Quoddam genus est lapillorum planorum & in se invicem aggestorum, qui figurâ sunt omnes pentagona, angulosque habent rotundos, & latera paululum introrsum flexa; grana salis marini constanter accedunt ad figuram aut saltem ad angulum cubi. In cæterorum salium congelatione & in saccharo ipso reperias alios angulos solidos cum superficiebus omnino planis. Nix tenuis fere semper cadit in speciem stellularum cum sex radiis, aliquando vero hexagona est lateraque habet recta. Sæpius intra aquam, quæ congelare incipit, observavi, quasi quædam folia plana & tenuissima glaciæ, è quorum medio diffunduntur plures rami inclinati angulo 60. grad. Omnia hæc digna sunt quæ accuratissime considerentur, ut noverimus quâ ratione quove artificio natura ibidem agat. Verum non proposui



TAB. VI.  
Fig. 5.

tractare hoc argumentum penitus. Videtur in genere regularitas rerum illarum, ab ordine particularum invisibilium & æqualium, è quibus constant, oriri. Nunc vero ut ad cryftallum nostram Islandicam deveniam, dico, quod si qua esset pyramis ut  $A B C D$ , conflata tenuibus corpusculis rotundis non sphæricis, sed sphæroideis planis, qualia efficerentur per conversionem Ellipsis  $G H$  supra minorem diametrum  $E F$ , cujus proportio ad majorem fere est ut 1. ad 8, Angulus solidus acuminis  $D$  foret æqualis angulo obtuso & æquilaterali hujusce crystalli. Quinimmo dico, si corpuscula illa inter se essent leviter conglutinata, quod ubi rumperes pyramidem, rumperes illam secundum superficies parallelas iis quæ acumen ejus constituunt; ac proinde, ut facile est colligere, inde nascerentur prismata similia iis quæ ex priore crystallo orta sunt, quales exhibet hæc altera figura. Quod fit, quia, ubi hunc in modum rumpitur series una sphæroidum sese totam facile sejungit à serie vicina, cum unaquæque sphærois à tribus tantum sphæroidibus alterius ordinis se sejungat, è quibus una dumtaxat hanc contigit per superficiem suam planam, duæ vero aliæ solummodo per extremas margines. Quod autem superficies illæ ruptæ nitidæ sint & læves, hoc fit quia, si quæ sphærois ex serie vicina emergere vellet, & eam sequi quæ abscedit, oportet se à sex sphæroidibus separaret, quibus retinetur undequaque, & quarum quatuor eam per superficies illas planas premunt. Cum igitur anguli nostri crystalli, & ratio quâ finditur, cum eis penitus conveniant, quæ observari licet in contextu sphæroidum ejusmodi, non leve argumentum est particulas illius eodem modo factas esse & dispositas.

TAB. VI.  
Fig. 6.

Et verisimile est prismata crystalli illius fieri per rupturam pyramidum, cum scripserit Bartholinus reperiri frustra figuræ pyramidalis triangularis. At si massa intus tantum contexta esset ex illis parvis sphæroidibus coacervatis, quæcunque



cunque etiam ejus exterior forma esset, constat ex modo dictis, quod fracta prismata similia produceret. Reliquum igitur est ut videamus, utrum aliæ rationes sint quæ nostram conjecturam confirment, & num non sint, quæ eidem repugnent.

Objici potest crystallum hanc ita coagmentatam duabus aliis adhuc modis findi posse, quorum unus est secundum plana parallela basi pyramidis, nempe triangulo  $A B C$ ; TAB. VI. Fig. 6. alter parallelo plano, cujus sectio designatur lineis  $G H$ ,  $H K$  &  $K L$ . Verum ut utraque divisio possibilis sit, tamen difficilior est quam ea quæ parallela erat alicui ex tribus planis pyramidis; ac proinde si tentes crystallum frangere, findi semper debet potius secundum tria hæc plana quam secundum alia duo. Ubi habes certum numerum sphæroidum ejusmodi, in forma & instar pyramidum disponas, apparet quare duæ divisiones sint difficiliores. Etenim in ea divisione quæ fieret parallela basi, unaquæque sphærois debet se sejungere à tribus aliis quas contingit per superficies planas; quæ arctius premunt quam contactus extremorum marginum. Præterquam quod divisio illa non fiet per series integras, quia sphærois quæque seriei unius parum retinetur ab aliis sex sphæroidibus ejusdem seriei, cum ab illis per extremos dumtaxat margines contingatur. Adeo ut adhæreat facile seriei vicinæ aliæque ipsi eadem de causa, unde superficies inæquales oriuntur. Docet quoque Experientia si crystallum lapide aspero contrahas idque in angulo solido æquilaterali, facile reverà eâ parte illam minuas, sed superficiem hoc modo applanatam lævigare quam difficillimum est.

Quod ad divisionem alteram juxta planum  $G H K L$  pertinet, patebit, quod unaquæque sphærois necessario à quatuor vicini ordinis sphæroidibus abscedere deberet, è quibus duæ illam per superficies planas contingunt & duæ per margines. Itaque divisio illa laboriosior etiam est quam ea quæ parallela est uni è superficiebus crystalli, ubi



ubi singula sphærois à tribus tantum seriei vicinæ premittitur, ab una nempe per superficies planas & à duabus tantum per margines.

Quod tamen mihi indicavit in crystallo esse hujuscemodi stratus, hoc est, apud me habeo fragmentum  $\frac{1}{2}$  libræ quod fissum est per longitudinem, ut prisma prædictum, per planum G H K L, quod patet ex coloribus Iridis per totum planum diffusis, etsi duo fragmenta adhuc cohæreant. Hæc omnia igitur argumento sunt, crySTALLUM ita esse compositam ut dixi; sed experimentum addere libet. Si cultello unam è superficiebus illis naturalibus radas, descendasque ab angulo obtuso æquilaterali, id est, à vertice pyramidis; crySTALLUS videtur esse durissima, quam tamen facile seces, si in contrariam partem cultellum convertas. Atque hoc manifesto sequitur ex situ tenuium illarum sphæroidum, supra quas priori ratione, cultellus labitur, cum, alterâ, ea se subtus dividat, fere ut squammas piscium.

Non mihi suscipiam discutere, quâ ratione tot tamque exigua generentur corpuscula, æqualia sibi invicem & similia, neque quo pacto eximium hunc in ordinem componantur. Utrum formentur primum ac deinde ordinentur, an vero nascantur simul ordinenturque, quod ad verum magis accedere mihi videtur. Verum mysteria illa naturæ obscuriora sunt, quam ut ea, quâ instructi sumus ejus cognitione, explicare possimus. Hoc unum dicam exiguas illas sphæroides fortasse aliquid conferre ad formandas sphæroides undarum luminis, quas supra exposui, cum utraq; eodem modo sitæ sint habeantque axes parallelas.

*Computationes in hoc Capite memoratæ.*

**B** Artholinus in sua de hæc crystallo disputatione, sumit obtusos facierum angulos 101. graduum, quos esse dixi 101. graduum cum 52. minutis. Addit se di-

men-



mensum esse angulos hos immediate super crystallum ipsam, quod difficile est accuratissime facere, quia latera, ut  $CA$  &  $CB$  hacce in figura, solent trita esse, adeoque minime recta. Ut igitur hac de re certior essem, metiri actu volui angulum obtusum quo inclinatae sunt ad se invicem facies  $CBD A$  &  $CBVF$ , scilicet angulum  $OCN$ , ducta  $CN$  perpendiculari ad  $FV$ , &  $CO$  perpendiculari ad  $DA$ . Angulumque  $OCN$  comperi esse  $105$  graduum, illiusque complementum ad duos angulos rectos,  $CNB$ ,  $75$  graduum, ut requirebatur.

TAB. VI.  
Fig. 7.

Ut deinde angulum obtusum  $BCA$  reperirem, finxi sphaeram, cujus centrum esset in  $C$ , & in superficie ejus triangulum sphaericum, formatum per intersectionem trium planorum, quae angulum solidum  $C$ , efficiunt. In triangulo illo aequilaterali, qui sit  $ABF$  in altera hacce figura, videbam singulum quemque angulum debere esse  $105$  graduum, scilicet aequalem angulo  $OCN$ ; & singulum quodque latus totidem habere gradus quot angulus  $ACB$ ,  $ACF$ , aut  $BCF$ . Ducto igitur arcu  $FQ$  perpendiculari ad latus  $AB$  quod dividit aequaliter in  $Q$ , triangulum  $FQA$  habebat angulum  $Q$  rectum, angulum  $A$   $105$  graduum, &  $F$  dimidium tantum nempe  $52$  graduum cum  $30$  minutis; exindeque reperiēbam hypotenusam  $AF$   $101$  graduum cum  $52$  min. & arcus ille  $AF$  mensura est anguli  $ACF$  in figura crystalli.

TAB. VI.  
Fig. 8.

Eadem in figura, si planum  $CGHF$  ita secet crystallum, ut simul dividat angulos obtusos  $ACB$ ,  $MFV$  in duas partes aequales, dictum est No. 10. angulum  $CFH$  esse  $70$  graduum cum  $57$  minutis. Quod facile etiam demonstratur in eodem triangulo sphaerico  $ABF$ , ubi apparet arcum  $FQ$  esse totidem graduum quot angulus  $GCF$  in crystallo, cujus complementum ad duos rectos est angulus  $CFH$ . Atqui arcus  $FQ$  invenitur  $109$  gradus cum  $3$  min. Ergo complementum illius,  $70$  graduum cum  $57$  minutis, est angulus  $CFH$ .

TAB. VI.  
Fig. 7.

K

Dictum



Dictum est N<sup>o</sup>. 26. quod, cum recta CS, quæ in figura 7. est CH, sit axis crystalli, id est æqualiter inclinata sit versus tria latera CA, CB & CF, angulus GCH sit 45 grad. & 20 min. Hoc autem adhuc nullo negotio per idem triangulum sphaericum supputatur. Enim vero ducto altero arcu AD qui secat BF æqualiter, & FO in S, punctum illud erit trianguli illius centrum; & facile est videre arcum SQ mensuram esse anguli GCH, in figura quæ crystallum repræsentat. In Triangulo autem QAS Rectangulo cognitus est angulus A, qui habet 52 gradus cum 30 min., & latus AQ, quod est 50 graduum cum 56 min.; unde reperitur latus SQ 45 graduum & 20 min.

TAB. VI.  
Fig. 9.

Ad Num. 27. ostendendum est, cum PMS sit Ellipsis, cujus centrum est C, & quæ contingit rectam MD in M, adeo ut angulus MCL, quem facit CM cum CL, perpendiculari ad DM, sit 6 graduum cum 40 min.; cumque minor semidiameter CS faciat, cum CG parallelâ ad MD, angulum GCS 45 grad. cum 20 min.; ostendendum est, inquam, cum CM constet ex 100000 partibus, PC majorem semidiametrum ellipsis illius, esse 105032 partium, & CS minorem semidiametrum 93410 tantum.

CP & CS producantur occurrantque tangenti DM in D & Z, & è puncto contactus ducantur MN & MO, perpendiculares ad CP & CS. Nunc cum anguli SCP, GCL, sint recti, angulus PCL æqualis erit GCS qui erat 45 graduum cum 20 min. si vero demas angulum LCM qui est 6 graduum cum 40 min. de LCP qui est 45 grad. cum 20 min. supereft MCP 38 graduum cum 40 min. Si igitur consideremus CM tanquam radium constantem è 100000 partibus, MN, sinus 38 grad. & 40 min. erit 62479. Et in triangulo rectangulo MND, MN erit ad ND, ut radius tabularum ad tangentem 45 graduum cum 20 min. quia angulus NMD æqualis est DCL aut GCS; id est, ut 100000 ad 101170, unde deducitur ND 63210. Verum NC est 78079 ex iisdem partibus

TAB. V.  
Fig. 6.



tibus quarum CM est 100000, quia nimirum NC est sinus complementi anguli MCP, qui erat 38 grad. cum 40 min. Ergo tota DC est 141289; & CP quæ est media proportionalis inter DC & CN, quia MD ellipsin tangit, erit 105032.

Eundem in modum, quia angulus OMZ æqualis est CDZ aut LCZ, qui est 44 grad. & 40 min. cum sit complementum GCS, sequitur quod, ut radius tabularum ad tangentem 44°. 40', ita erit OM 78079, ad OZ 77176. At OC est 62479 ex iisdem illis partibus quarum CM est 100000, quia æqualis est MN sinui anguli MCP 38°. 40'. Ergo tota CZ est 139655; & CS, quæ est media proportionalis inter CZ & CG, erit 93410.

TAB. VI.  
Fig. I.

Eodem loco dictum est CG inveniri 98779 partium; quod ut demonstretur, ducatur in eadem figura PE parallela DM & quæ occurrat CM in E, in triangulo rectangulo CLD, latus CL est 99324 (cum CM sit 100000) quia CL est sinus complementi anguli LCM 6°. 40'. Quandoquidem autem angulus LCD est 45°. 20', ut æqualis sit GCS, reperiatur latus LD 100486: unde si demas ML 11609, supererit MD 88877. Sed ut CD, quod erat 141289, ad DM 88877, ita CP 105032 ad PE 66070. Verum ut rectangulum MEH, sive differentia quadratorum CM, CE ad quadratum MC, ita est quadratum PE ad quadratum CG; ergo etiam ut differentia quadratorum DC, CP ad quadratum CD, ita quoque quadratum PE ad quadratum GC. At DP, CP & PE nota sunt, ergo & ipsum GC quod est 98779.

*Lemma superius sine demonstratione assumtum.*

Si sphæroidem aliquam contingant tum linea recta, tum duo aut plura plana, quæ parallela sint huic lineæ, licet non inter se; puncta universa contactus & lineæ & planorum erunt in una eademque ellipsi, facta à plano quod transit per sphæroidis centrum.

Esto sphæroidis LED contacta à linea BM in puncto B, &

TAB. VI.  
Fig. 10.



& à planis parallelis huic lineæ in punctis O & A, demonstrandum est puncta B, O, & A esse in eadem ellipsi quæ facta sit in sphæroide a plano quod per illius centrum transeat.

Per lineam BM & puncta O, A ducantur plana parallela inter se, quæ, secando sphæroidem, faciant ellipses LBD, POP, QAQ, quæ similes omnes erunt ac similiter positæ, suæque centra habebunt K, N, R, in eadem diametro sphæroidis, quæ erit quoque diameter ellipseos natæ è sectione plani transeuntis per centrum sphæroidis, secantisque plana trium illarum ellipsium ad angulos rectos; Quæ omnia manifesta sunt ex Prop. 15. libri quem de Conoidibus & Sphæroidibus Archimedes scripsit. Præterea duo ultima plana, quæ ducta fuere per puncta O, A, facient quoque, secando nempe plana quæ contingebant sphæroidem in eisdem punctis, lineas rectas ut OH, AS, quæ, ut facile patet, parallelæ erunt ad BM; & omnes tres BM, OH, AS, contingent ellipses LBD, POP, QAQ, in punctis illis BOA: cum simul sint tum in plano sphæroidum illarum, tum in planis quæ sphæroidem contingunt. Quod si nunc è punctis B, O, A, ducantur rectæ BK, ON, AR per earundem ellipsium centra, per quæ etiam ducantur diametri LD, PP, QQ, parallelæ tangentibus BM, OH, AS; Diametri hæ erunt conjugatæ cum dictis BK, ON, AR. Quoniam autem tres Ellipses similes sunt & similiter positæ, habentque suas diametros LD, PP, QQ parallelas, constat earum diametros conjugatas, BK, ON, AR parallelas quoque fore. Et cum centra K, N, R sint, ut dictum est, in eadem sphæroidis diametro, parallelæ illæ BK, ON, AR necessariò erunt in uno eodemque plano, quod per diametrum illam sphæroidis transit; atque adeo puncta B, O, A, in eadem etiam erunt ellipsi, quam facit plani illius intersectio. Quod demonstrandum erat. Manifestum est autem demonstrationem fore eandem, si, præter puncta O A, alia essent



essent in quibus sphæroidem contingerent plana parallela rectæ BM.

## CAPUT VI.

*De Figuris Corporum diaphanorum quæ ad Refractionem Reflexionemque conducunt.*

POSTquam explicui, quo pacto proprietates refractionis reflexionisque sequantur ex iis, quæ posuimus circa naturam luminis & corporum sive opacorum sive diaphanorum; ostendam nunc quam facile & naturaliter ex eisdem principiis deduci possint veræ figuræ quæ inserviunt, aut per refractionem aut per reflexionem, colligendis aut dispergendis radiis luminis, prout velis. Enim vero licet non videam, methodum dari, quâ his figuris utamur in refractione, tum quia difficile est formare perfecte secundum illas vitra Telescopiorum, tum quia in refractione ipsa proprietas est quædam, quæ obstat perfectio radiorum concursui, quod optime experimentis probavit Newtonus; Nihilo secius illarum inventionem referam, quandoquidem ipsa, ut ita dicam, sponte suâ nobis se offert, nostramque de refractione theoriam confirmat, per convenientiam quæ hic reperitur inter radium fractum, radiumque repercussum. Præterquam quod forte inde poterint deduci utilitates, quas jam nondum perspicimus.

Ut igitur ad figuras illas veniamus, primum ponamus TAB. VII.  
Fig. 1. 2. reperiendam esse superficiem CDE quæ colligat in puncto B radios emissos ex A, punctumque D, datum in recta AB, superficiem illius esse verticem. Dico, sive per reflexionem aut per refractionem, necesse esse dumtaxat ut superficies illa ejusmodi sit, ut via luminis à puncto A ad omnia puncta lineæ curvæ CDE, & ab istis ad punctum concursus, qualis est hîc via per rectas AC, CB, per AL, LB, & per AB, DB; ut via illa, inquam, con-




ficiatur ubique temporibus æqualibus : unde curvarum illarum inventio evadit facillima.

Quod enim attinet ad superficiem reflectentem, cum summa linearum  $AC$  &  $CB$  æqualis esse debeat summæ linearum  $AD$  &  $DB$ , apparet  $DCE$  debere esse Ellipsim. Quod vero ad refractionem spectat, si ponamus proportionem velocitatum undarum luminis intra diaphana  $A$  &  $B$  esse, verbi gratiâ, 3 ad 2 (qualem esse demonstravimus proportionem sinuum in refractione) tantum debet poni  $DH$  æqualis  $\frac{3}{2} DB$ ; & deinde, descripto, centro  $A$ , arcu  $FC$ , qui secet  $DB$  in  $F$ , alter arcus describi centro  $B$  cum semidiametro  $BK$  æquali  $\frac{3}{2} FH$ . Intersectio  $C$  amborum arcuum erit unum è punctis quæsitis per quod curva debet transire. Puncto enim illo ita reperto, facile est primo ostendere tempus per  $AC$  &  $CB$  æquale futurum tempori per  $AD$  &  $DB$ .


Si enim ponamus lineam  $AD$  repræsentare tempus intra quod eandem lineam lumen trajicit in aere, patet  $DH$ , æqualem  $\frac{3}{2} DB$ , repræsentare tempus luminis per  $DB$  intra diaphanum, quia ibi eo longiori temporis intervallo opus habet, quo motu tardiori fertur. Idcirco tota  $AH$  repræsentabit tempus per  $AD$  &  $DB$ . Similiter linea  $AC$  aut  $AF$  erit tempus per  $AC$ ; & cum  $FH$  sit ex constructione æqualis  $\frac{3}{2} CB$ , repræsentabit tempus per  $CB$  intra diaphanum; ac proinde tota  $AH$  erit etiam tempus per  $AC$  &  $CB$ . Unde liquet tempus per  $AC$  &  $CB$  æquale esse tempori per  $AD$  &  $DB$ ; eundemque in modum ostendetur, si  $L$  &  $K$  sunt alia puncta in curva  $CDE$ , tempora per  $AL$ ,  $LB$ , & per  $AK$ ,  $KB$  repræsentari semper per lineam  $AH$ ; adeoque æqualia esse tempori per  $AD$  &  $DB$ .

Ut demonstremus deinde superficies, quas curvæ illæ per circumvolutiones suas conficiunt, directuras ita esse radios, quos accipiunt à puncto  $A$ , ut tendant versùs  $B$ ; sumatur punctum  $K$  in curva longinquius à  $D$  quam  $C$ ,  
verum











verum ita ut recta AK incidat extrinsecus in curvam quæ refractioni inservit. Describantur postea centro B arcus KS secans BD in S rectamque CB in R, & centro A arcus DN occurrens AK in N.

Quandoquidem summæ temporum per AK, KB, & per AC, CB æquales sunt; si de priore summa deducatur tempus per KB, & de altera tempus per RB, restabit tempus per AK æquale tempori per AC, CR. Quamobrem quo temporis spatio lumen venit per AK, erit quoque progressum per AC; & emissæ erit unda particularis intra diaphanum è centro C, cujus semidiameter erit æqualis CR: unda vero illa necessario continget peripheriam KS in R, cum CB peripheriam illam ad angulos rectos secet. Sumpto pariter quolibet alio puncto P, in curva, ostendemus intra idem tempus transitus luminis per AK, venisse quoque per AL, & emissam fuisse undam particularem è centro L, quæ peripheriam eandem KS continget. Et sic de cæteris punctis curvæ CDE. Ergo quo temporis puncto lumen pervenerit in K, arcus KRS terminabit motum diffusum ex A in DCK; atque adeo idem ille arcus erit, in diaphano, propagatio undæ ortæ è puncto A, quæ potest repræsentari per arcum DN aut per quemvis alium qui propior sit centro A. Verùm partes omnes arcus KRS extenduntur secundum rectas quæ illi sunt perpendiculares, sive quæ tendunt ad centrum B (hoc enim eodem modo demonstratur quo jam probavimus partes undarum sphæricarum extendi secundum rectas quæ ex illarum centro veniunt) progressusque illi undarum sunt radii ipsi luminis. Ergo radii illi omnes hîc ad punctum B tendunt.

Facile etiam esset reperire in eâ curvâ quæ refractioni inservit punctum C, aliaque omnia, dividendo nempe DA in G, ita ut DG sit  $\frac{1}{2}$  DA, & describendo centro B arcum CX qui secet BD in X, alterumque centro A cum semidiametro AF æquali  $\frac{1}{2}$  GX. Idem effici etiam posset, si descrip-



descripto, ut supra, arcu CX. efficeretur DF æqualis; DX, & è centro A describeretur arcus FC; utraque enim illa constructio, ut facile patet, eadem est ac prima quam vidimus. Manifestum etiam est ex postrema curvam illam esse eandem quam Cartesius in Geometria sua dedit, primamque ex ovalibus suis nuncupat.

Pars una tantum ovalis illius refractioni servit, nempe, si AK est tangens, pars DK cujus K est terminus. Alteram vero partem Cartesius observavit refractionibus quoque utilem fore, si speculum conflare posset ex materia ita facta, ut vim radiorum (sive, ut nostro more loquar, velocitatem luminis, quod ille dicere non potuit, quia lumen instantaneum esse vult) augeret in proportionem 3 ad 2. At ostendimus jam id in nostra ratione explicandæ reflexionis oriri non posse ex materia speculi, imo impossibile prorsus esse.

Ex iis quæ de illâ ovali demonstrata fuere, facile erit reperire figuram, quæ inservit colligendis in unum punctum radiis incidentibus parallelis. Sumptâ enim eadem constructione, positoque puncto A infinite distanti, quod dat radios parallelus, Ovalis nostra sit vera ellipsis, cujus constructio in hoc tantum differt à constructione ovalis, quod FC hic est linea recta perpendicularis ad DB, quæ prius erat arcus circuli. Enimvero cum unda luminis DN repræsentetur pariter per lineam rectam, probabitur puncta omnia illius undæ, quæ extendunt se ad superficiem KD per lineas parallelas lineæ DB, progressura deinceps punctum B versus quod simul advenient. Ellipsim vero, quæ reflexioni inserviebat, manifestum est hic fieri parabolam, quoniam consideratur focus illius A tanquam infinito spatio distans à B; qui hic focus est parabolæ ad quem tendunt reflexiones omnes radiorum parallelorum lineæ AB. Horum autem effectuum demonstratio penitus eadem est, ac præcedens.

TAB. VII.  
Fig. 3.

TAB. VII.  
Fig. 4.

Quod



Curvam vero CDE, quæ refractioni inservit, esse ellipsim, cujus major diameter est ad distantiam inter focos, ut 3 à 2, quæ proportio est refractionis, facile ex Algebraicâ computatione detegitur. Nam si DB, quæ est data, nuncupetur  $a$ , perpendicularis illius DT indeterminata  $x$ , & TC,  $y$ ; FB erit  $a-y$ ; CB  $\sqrt{xx+aa-2ay+yy}$ . Sed natura curvæ est ejusmodi ut  $\frac{2}{3}TC$ , cum CB sit æqualis DB, velut ultima in constructione dictum est; ergo æquatio erit inter  $\frac{2}{3}y + \sqrt{xx+aa-2ay+yy}$  &  $a$ , quâ reductâ, venit  $\frac{2}{3}ay - yy$  æqualis  $\frac{2}{3}xx$ : id est, factâ DO æquali  $\frac{2}{3}DB$ , rectangulum DFO æquale est  $\frac{2}{3}$  quadrati FC. Unde patet DC ellipsim esse, cujus axis DO est ad parametrum, ut 9 ad 5; adeoque quadratum DO ad quadratum distantiae focorum, ut 9 ad 9-5, id est 4: & tandem lineam DO ad distantiam illam, ut 3 ad 2.

Rursum si ponamus punctum B infinite distans, pro prima ovali nostra, comperiemus CDE esse veram hyperbolen, quæ faciet, ut radii emissi è puncto A paralleli fiant; ac proinde ii qui paralleli sunt intra corpus diaphanum, extrinsecus congregentur in punctum A. Notandum autem est lineas CX & KS fieri rectas perpendiculares ad BA, quia nimirum repræsentant arcus circulorum, quorum centrum B infinite distat. Et intersectionem perpendicularis CX & arcus FC daturam esse punctum C, unum ex illis, per quæ curva transire debet. Quod faciet ut partes omnes undæ luminis DN, ubi occurrent superficiei KDE, progressuræ sint per parallelas ad KS, & perventuræ ad rectam illam eodem tempore; cujus rei demonstratio eadem est quâ in priore ovali usi sumus. Cæterum, ex computatione non laboriosa magis quam superior est, reperitur CDE hîc esse hyperbole, cujus axis DO est  $\frac{4}{3}AD$ , & parameter æqualis AD. Unde facile demonstratur DO esse ad distantiam inter focos ut 3 à 2.

Hic est uterque casus in quo sectiones conicæ refractioni



etioni inserviunt, & iidem quos in sua dioptrica explicat Cartesius, qui primus linearum illarum reperit usum, quatenus ad refractionem attinent, ut & ovalium quarum primam jam proposuimus. Altera autem ea est quæ inservit radiis versus punctum aliquod datum pergentibus, & in qua, si vertex excipiens radios est D, accidet, prout ratio A D ad D B data est major aut minor, ut alter vertex transiturus sit inter B A aut ultra A; quorum ultimum si contingat, erit eadem quam Cartesius tertiam nuncupat.

TAB. VII.  
Fig. 6. 7.

Inventio autem constructioque ac demonstratio secundæ istius ovalis eadem est quæ primæ. At notatu dignum est eam uno in casu circulum perfectum evadere, ubi scilicet ratio A D ad D B ea est, quæ metitur refractiones, ut hic 3 ad 2, quam rem jam diu observaveram. De quartâ autem, cum reflexionibus dumtaxat impossibilibus utilis sit, non opus est ut agam.

TAB. VIII.  
Fig. I.

Quod vero attinet ad methodum quâ lineas illas repperit Cartesius, cum ea neque ab illo neque ab alio, quod sciam, post illum explicata sit, dicam obiter qualis mihi fuisse videatur. Reperienda proponatur superficies, quam fecit circumvolutio curvæ K D E, quæ, excipiens radios incidentes emissos è puncto A, eosdem versus punctum B divertit. Considerantes igitur curvam illam ut jam notam, ponentesque verticem esse D in recta A B, dividamus eam in particulas quasi infinitas per puncta G, C, F. Deinde ductis, è singulo quoque puncto, lineis rectis versus A, quæ representent radios incidentes, aliisque item rectis versus B; describantur è centro A arcus circulorum G L, C M, F N, D O, qui secent in L, M, N, O, radios emissos ex A. Demum è punctis K, G, C, F, describantur arcus K Q, G R, C S, F T qui secent radios, ductos versus B, in Q, R, S, T; & ponamus rectam H K Z secare curvam in K ad angulos rectos.

Cum



Cum igitur  $A K$  est radius incidens, refractione illius intra diaphanum  $K B$ , necesse erat, juxta legem refractionum quæ nota erat Cartesio; ut sinus anguli  $Z K A$  esset ad sinus anguli  $H K B$ , ut 3 ad 2, posito hanc esse proportionem refractionis vitri; aut, ut sinus anguli  $K G L$  eandem illam rationem haberet ad sinus anguli  $G K Q$ , spectatis  $K G$ ,  $G L$ ,  $K Q$  tanquam lineis rectis, propter illarum exiguitatem. Verum sinus illi sunt lineæ  $K L$  &  $G Q$ , si accipias  $G K$  pro radio circuli. Ergo  $L K$  ad  $G Q$  debebat esse ut 3 ad 2, adeoque ob eandem rationem  $M G$  ad  $C R$ ,  $N C$  ad  $F S$ ,  $O F$  ad  $D T$ . Ergo etiam summa antecedentium omnium ad omnes consequentes erat velut 3 ad 2. Producto autem arcu  $D O$ , donec offendat  $A K$  in  $X$ ,  $K X$  est summa antecedentium. Producto item arcu  $K Q$ , donec & offendat  $A D$  in  $Y$ , summa consequentium est  $D Y$ . Ergo  $K X$  ad  $D Y$  debebat esse ut 3 ad 2. Unde apparebat curvam  $K D E$  esse ejus naturæ ut, ductis è quolibet puncto, verbi gratia e  $K$ , rectis  $K A$ ,  $K B$ , excessus, quo  $A K$  superat  $A D$ , sit ad excessum quo  $D B$  superat  $K B$ , ut 3 ad 2. Enimvero demonstrari pariter potest, sumpto in curva quolibet alio puncto ut  $G$ , excessum quo  $A G$  superat  $A D$ , scilicet  $V G$ , esse ad excessum quo  $B D$  superat  $D G$ , scilicet  $D P$ , in eadem ratione ut 3 ad 2. Et hanc juxta proprietatem Cartesius in Geometria sua, curvas illas construxit, easdemque facile comperit, in casu radiorum parallelorum, hyperbolas fieri & ellipses.

TAB. VI.  
Fig. 6.

Verum revertamur nunc ad methodum nostram, videamusque quo modo facile conducatur ad reperiendas lineas quas requirit latus unum vitri, ubi alterum est figuræ alicujus datæ, non modo planæ aut sphericæ aut factæ per aliquam è sectionibus conicis (quæ restrictio est quæcum Cartesius problema hoc proposuit, solvendum relinquens posteris) sed generaliter cujuslibet: id est quæ facta fuerit per circumvolutionem alicujus lineæ curvæ datæ, ad



quam solummodo possimus ducere lineas rectas tangentes.

TAB. VIII.  
Fig. 2.


Sit figura data facta per conversionem alicujus curvæ A K circum axem A V, & latus illud vitri excipiat radios emissores è puncto L. Ac demum spissitudo A B medii vitri sit data, ut & punctum F in quod radios omnino omnes cogere vis; qualiscumque fuerit prima refractione facta in superficie A K.

Dico, satis ad id esse si linea B D K, quæ facit alteram superficiem, ejusmodi sit ut via luminis à puncto L usque ad superficiem B D K, & deinceps ad punctum F, conficiatur ubique æqualibus temporis spatiis, quæ singula æqualia sint tempori intra quod lumen trajicit rectam L F, cujus pars A B est in vitro.

Sit L G radius incidens in arcum A K. Refractio illius G V data erit ope tangentis, quæ ducetur ad punctum G. Nunc reperiendum est in G V punctum D, ita ut F D cum  $\frac{3}{2}$  D G, & recta G L, sint æquales tum F B cum  $\frac{3}{2}$  B A, tum recta A L; quæ, ut apparet, constituunt longitudinem datam. Sive, sublatâ utrimque longitudine L G, quæ etiam data est, ducenda dumtaxat est F D supra rectam V G, adeo ut F D cum  $\frac{3}{2}$  D G sit æqualis lineæ datæ: quod problema planum facillimum est; & punctum D unum erit ex iis per quæ curva B D K transire debet. Similiter, ducto alio radio L M, reperiatur illius refractione M O, reperiatur illâ in lineâ punctum N, adeoque quot volueris.

Ad demonstrandum curvæ effectum, describantur centro L arcus circuli A H secans L G in H, & è centro F arcus B P; ac in A B sumantur A S æqualis  $\frac{2}{3}$  H G, & S E æqualis G D. Consideratâ igitur A H tanquam undâ luminis emissâ è puncto L, constat, dum pars illius H pervenerit in G, partem A nondum progressam fore intra corpus diaphanum, nisi per A S; sumo enim, ut supra, proportionem refractionis ut 3 ad 2, Novimus autem











autem partem undæ quæ incidit in G, inde progredi per lineam G D, quoniam G V est refractio radii L G. Ergo quo temporis spatio pars illa undæ venit à G in D, altera quæ erat in S pervenit in E, cum G D & S E æquales sint. Sed dum istæc procedet ab E in B, pars undæ, quæ erat in D, diffundet in aere suam undam particularem cujus semidiameter D C (posito undam illam secare in C rectam D F) erit  $\frac{3}{2}$  E B, cum velocitas luminis extra diaphanum sit ad eandem intra diaphanum ut 3 ad 2. Facile autem demonstratur, quod unda illa tanget in puncto C arcum B P. Cum enim per constructionem  $F D + \frac{1}{2} D G + G L$ , æquales sint  $F B + \frac{1}{2} B A + A L$ ; sublati æqualibus L H, L A, restabunt  $F D + \frac{1}{2} D G + G H$ , æquales  $F B + \frac{1}{2} B A$ . Rursumque, si è latere uno demas G H & ex altero  $\frac{1}{2} A S$  quæ æquales sunt, restabit F D cum  $\frac{1}{2} D G$ , æqualis F B cum  $\frac{1}{2} B S$ . Sed  $\frac{1}{2} D G$  æquales sunt  $\frac{1}{2} E S$ . Ergo F D est æqualis F B cum  $\frac{1}{2} B E$ . Sed D C erat æqualis  $\frac{1}{2} E B$ . Ergo sublati utrimque longitudinibus illis æqualibus, restabit C F æqualis F B; ac proinde apparet undam, cujus semidiameter est D C, contingere arcum B P, quo momento lumen emissum è puncto L pervenit in B per rectam L B. Eadem ratione demonstrabitur, quod intra idem illud momentum, lumen emissum à quolibet alio radio, ut L M, M N, diffuderit motum, qui terminatur ab arcu B P. Unde sequitur, ut sæpius dictum est, propagationem undæ A H, permeatà spissitudine vitri, futuram esse undam sphericam B P; cujus partes omnes progredi debent ad centrum F per lineas rectas, quæ sunt radii luminis ad centrum F. Quod demonstrandum erat. Eodem autem modo reperientur lineæ illæ curvæ in quolibet casu, qui proponi potest, ut patebit ex uno alterove exemplo, quod addam.

Sit data superficies vitri A K, facta per revolutionem lineæ A K, curvæ aut rectæ, circum axem B A. Sit etiam

TAB. VIII.  
Fig. 3.



tiam datum in axe punctum  $L$ ; & sit  $BA$  spissitudo vitri; reperiendaque proponatur altera superficies  $KBD$ , quæ, excipiens radios parallelos ipsi  $BA$ , eosdem ita dirigat, ut, postquam rupti iterum sunt in superficie data  $AK$ , coeant omnes in punctum  $L$ .

E puncto  $L$ , ad aliquod punctum lineæ datæ  $AK$ , ducatur recta  $LG$ , quâ spectatâ tanquam radio aliquo luminis, reperietur refractione illius  $GD$ , quæ producta hinc aut illinc offendet rectam  $BL$ , ut hîc in  $V$ . Erigatur deinde in  $AB$  perpendicularis  $BC$ , quæ repræsentabit undam aliquam luminis ortam puncto  $F$  infinite distanti, quia posuimus radios parallelos. Necessè igitur est partes omnes undæ illius  $BC$  perveniant eodem tempore ad punctum  $L$ , vel partes universæ alicujus undæ, manantis è puncto  $L$ , uno eodemque instanti ad rectam  $BC$  perveniant. Quamobrem reperiendum est in linea  $VGD$  punctum  $D$ , ita ut, ductâ  $DC$  parallelâ ad  $AB$ , summa  $CD & \frac{1}{2} DG & GL$ , æqualis sit  $\frac{1}{2} AB$  cum  $AL$ . Sive hinc & inde sublatâ  $GL$ , quæ data est, oportet ut  $CD$  cum  $\frac{1}{2} DG$  æqualis sit lineæ alicui datæ: quod problema facilius est quam illud præcedentis constructionis. Punctum  $D$ , ita repertum, erit unum ex iis per quæ curva transire debet, & demonstratio eadem futura est ac ante. Ex qua probabitur undas emissas è puncto  $L$ , ubi permeavere vitrum  $KAKB$ , suscepturas esse formam linearum rectarum, ut  $BC$ ; quod idem est ac si dicas radios parallelos evadere. Unde reciprocè sequitur eos, si paralleli incidant in superficiem  $KDB$ , coituros in punctum  $L$ .

TAB. VIII.  
Fig. 4.

Sit etiam data superficies  $AK$ , qualem velis, facta per revolutionem circa axem  $AB$ ; posita spissitudine medii vitri  $AB$ . Datum insuper sit in axe punctum  $L$  pone vitrum, in quod punctum ponitur tendere radios incidentes in superficiem  $AK$ ; reperiendaque præterea proponatur superficies  $BD$ , quæ radios vitro egredientes perinde aver-

tit,



tit, ac si venirent è puncto F quod est ante idem vitrum.

Sumpto aliquo puncto G in linea A K, & ductâ rectâ I G L, pars illius G I repræsentabit unum è radiis incidentibus, cujus reperietur refractio G V; atque in ea reperiendum est punctum D, unum ex iis per quæ curva debet transire. Ponamus jam repertum esse, & è centro L describatur arcus circuli G T, secans rectam A B in T, ubi L G major sit quam L A; aliter enim describendus esset ex eodem centro arcus A H, qui secat rectam L G in H. Arcus ille G T (aut in altero casu A H) erit unda una luminis incidentis, cujus radii tendunt versùs L. Pariter è centro F describatur arcus circuli D Q, qui repræsentabit undam exeuntem è puncto F.

Oportet igitur ut unda T G, permeato vitro, efformet undam Q D, eamque ad rem video tempus luminis per G D intra vitrum debere esse æquale tempori per T A, A B, & B Q, è quibus unica A B etiam est intra vitrum. Sive, sumptâ A S æquali  $\frac{1}{2}$  A T, video  $\frac{1}{2}$  G D debere esse æquales  $\frac{1}{2}$  S B + B Q; & sublato utroque ab F D vel F Q, F D minus  $\frac{1}{2}$  G D, debere esse æqualem F B minus  $\frac{1}{2}$  S B. Quæ ultima differentia est longitudo data, & satis est, è puncto dato F, duci rectam F D in V G, ut hoc ita sit. Quod problema plane simile est ei, quod inservit primæ ex illis constructionibus, ubi F D +  $\frac{1}{2}$  G D æquari debet longitudini datæ.

In demonstratione autem observandum est, ubi arcus B C incidit intra vitrum, concipiendum esse arcum aliquem, qui illi concentricus sit, nempe R X, ultra Q D. Cumque demonstratum fuerit partem C undæ G T pervenire eodem temporis intervallo in D, quo pars T in Q, quod liquet faciliè ex constructione ipsa; manifestum porro erit undam emissam è puncto D contacturam arcum R X, quo momento pars Q pervenerit in R: adeoque

arcum



arcum hunc eodem instanti terminare motum, qui venit ex unda  $TG$ , unde sequuntur reliqua.

Monstratâ linearum illarum curvarum inventionem, quæ inserviunt perfecto radiorum concursui, restat ut rem unam notatu dignam explicemus de refractione inordinata superficierum sphaericarum, planarum, aliarumque; quæ si ignoraretur, possent in dubium vocari quæ sæpius diximus, scilicet radios luminis esse lineas rectas, quæ secant, ad angulos rectos, undas inde diffusas. Etenim radiis, qui incidunt paralleli in superficiem aliquam sphaericam, puta  $A F E$ , sese mutuo interfecantibus, post refractionem suam, in punctis variis, quemadmodum hæc figura exhibet; quales poterunt esse undæ luminis intra diaphanum, quæ secantur ad angulos rectos à convergentibus radiis? Enimvero nequeunt esse sphaericæ. Et quo evadent undæ illæ, postquam dicti radii sese interfecare incipiunt? In hac difficultate enodandâ, videbimus aliquid contingere notatu dignissimum, undasque nihilo secius subsistere semper, licet non totæ transeant, velut fit in vitris compositis, de quibus modo egimus.

TAB. VIII.  
Fig. 5.

Ex iis quæ supra demonstrata fuere, recta  $AD$ , quæ è vertice sphaeræ ducta est perpendicularis axi ad quem radii veniunt paralleli, repræsentat undam luminis; & quo temporis puncto pars illius  $D$  pervenerit ad superficiem sphaericam  $AGE$  in  $E$ , cæteræ partes progressæ sunt ad eandem superficiem in  $F$ ,  $G$ ,  $H$  &c.: & efformarunt suas undas sphaericas, quarum puncta illa sunt centra. Ac superficies  $E K$ , quam universæ undæ illæ contingent, erit propagatio undæ  $AD$  intra sphaeram, quo momento pars  $D$  venit in  $E$ . Linea autem  $E K$  non est arcus circuli, sed linea curva facta per evolutionem alterius curvæ  $ENC$ , quæ contingit omnes radios  $HL$ ,  $GM$ ,  $FO$ , &c. qui sunt refractiones radiorum parallelorum; fingendo filum esse aliquod jacens in convexitate  $ENC$ , quod dum evolvitur describat extremitate sua  $E$  cur-



curvam illam  $EK$ . Posito enim curvam illam sic descriptam esse, demonstrabimus undas formatas a centris  $F, G, H$  &c. illam tacturas esse omnes.

Constat curvam  $EK$ , coeterasque omnes, descriptas per evolutionem curvæ  $ENC$ , positis longitudinibus diversis fili, secturas esse radios omnes  $HL, GM, FO$  &c. ad angulos rectos; adeo ut partes earum, duabus ejusmodi curvis interceptæ, futuræ sint omnes æquales: hoc enim sequitur ex iis quæ in tractatu nostro *de Motu Pendulorum* demonstravimus. Positis autem radiis incidentibus tanquam infinite sibi mutuo vicinis, si duo considerentur, puta  $RG, TF$ ; ducaturque  $GQ$  perpendicularis ad  $RG$ , & curva  $FS$ , quæ secat  $GM$  in  $P$ , descripta sit, per evolutionem curvæ  $NC$ , incipiendo ab  $F$ , quo usque sumo filum se extendere: potest accipi particula illius  $FP$  pro recta, quæ perpendicularis sit radio  $GM$ , itemque arcus  $GF$  pro lineâ recta. Verùm cum  $GM$  sit refractionis radii  $RG$ , &  $FP$  perpendicularis illi,  $FQ$  se habebit ad  $GP$ , ut 3 ad 2, id est in proportionem refractionis, sicut monstratum est supra, in explicanda Cartesii inventionem. Idem contingit in omnibus minoribus arcubus  $GH, HA$ , &c. Scilicet in quadrilateris quibus ii continentur, latus parallelum axi est ad suum oppositum ut 3 ad 2. Ergo etiam ut 3 ad 2, ita erit summa horum ad illorum summam, id est  $TF$  ad  $AS, DE$  ad  $AK$ , &  $BE$  ad  $SK$  aut  $FV$ , posito quod  $V$  sit intersectio curvæ  $EK$ , & radii  $FO$ . Verum, factâ  $FB$  perpendiculari ad  $DE$ ; ut 3 ad 2, ita quoque est  $BE$  ad Semidiametrum undæ sphaericæ emissæ è puncto  $F$ , dum lumen extra diaphanum pervasit spacium  $BE$ . Ergo apparet undam illam secturam esse radium  $FM$  in eodem puncto  $V$ , ubi secatur ad angulos rectos a curva  $EK$ ; adeoque fore ut unda curvam illam tanget. Eâdem ratione probabitur idem esse in coeteris omnibus undis, natis è punctis  $G, H$ , &c. scilicet tacturas esse curvam  $EK$ , quo momento pars  $D$  undæ  $ED$  pervenerit in  $E$ .

M

Ut



Ut autem doceamus nunc quò undæ illæ evadant, postquam radii se interfecare incipiunt: Dico eas inde se replicare & constare duabus partibus cohærentibus; quarum altera est curva facta per evolutionem curvæ ENC in quodam sensu, altera vero curva quoque per evolutionem ejusdem in altero sensu facta. Ita unda KE, procedendo concursum versùs, fit *abc*, cujus pars *ab* efficitur per evolutionem *bC*, quæ portio est curvæ ENC, dum extremitas C manet fixa, pars vero *bc* efficitur per evolutionem portionis *bE*, dum extremitas E immota manet. Deinde eadem unda fit *def*, tum *gbk*, demum CI: unde tunc extenditur absque ullo plexu, sed semper per lineas curvas formatas per evolutionem curvæ ENC, auctæ lineâ rectâ versùs C.

Quinimmo in curva istâ est pars EN recta, quum N est punctum ubi incidit perpendicularis ex centro sphæræ X, in refractionem radii DE, qui, ut nunc pono, sphæram contingit. E puncto autem N incipiunt replicari undæ luminis, ad extremitatem usque curvæ C, quæ reperitur faciendo ut AC ad CX sit in proportionem refractionis, ut hîc, 3 ad 2.

Reperiuntur etiam quælibet alia puncta curvæ NC, ope theorematis quod demonstravit Barrow in duodecima lectione optica, quamquam in alium finem. Et notandum est, posse dari lineam rectam æqualem curvæ illi. Quandoquidem enim simul cum recta NE æqualis est rectæ notæ, quia DE ad AK est in refractionis proportionem; ergo patet, demptâ EN de CK, residuum fore æquale curvæ NC.

TAB. VIII.  
Fig. 6.

Reperientur pariter undæ replicatæ in reflexione speculi concavi sphærici. Esto ABC sectio per axem hemisphærii alicujus cavi, cujus centrum est D, & axis DB, ad quem sumo radios luminis parallellos. Reflexiones omnes radiorum illorum, qui incidunt in quadrantem circuli AB, tangent lineam curvam AFE, cujus extre-



extremitas E est in foco hemisphærii, id est in puncto quod diametrum in duas partes æquales dividit: puncta vero, per quæ curva illa transire debet, reperire licet, sumpto ex A arcu AO, factoque duplo ejus arcus OP; cujus subtendens dividenda est, ita ut pars FP sit tripla partis FO: tunc enim F unum est e punctis quæsitis.

Et quemadmodum radii paralleli nil aliud sint præter lineas perpendiculares undarum incidentium in superficiem concavam, quæ sunt parallelæ AD; liquebit eas, prout offendunt superficiem AB, formare, reflectendo se, undas replicatas, quæ constant e duabus curvis eisque natis ex evolutionibus oppositis partium curvæ AFE, sic, sumptâ AD pro unda incidenti, ubi pars AG occurrit superfici ei AI, id est ubi pars G pervenerit in I; tunc curvæ HF, FI natæ ex evolutionibus curvarum FA, FE, quæ incipiunt ambæ ab F, facient simul propagationem partis AG. Ac paulo post, ubi pars AK offenderit superficiem AM, parte K positâ in M, tunc curvæ LN, NM partis illius propagationem unâ efficient. Atque adeo unda illa replicata procedet semper, donec extremitas N ad focum E pervenerit. Curvam AFE videre est in fumo vel in pulvere volanti, ubi speculum concavum oppositum est soli; sciendumque est illam nihil aliud esse, præter eam quæ describitur a puncto E peripheriæ circuli EB, cum circumvolvitur circulus ille in alterum cujus semidiameter est ED, & centrum D; adeoque curva illa est species quædam Cycloidis, at cujus puncta Geometrice reperiri queunt.

Longitudo illius æqualis est præcise  $\frac{3}{4}$  diametri sphæræ; quod reperitur demonstraturque ope undarum illarum, fere ut curvæ superioris mensura: quanquam posset etiam demonstrari aliis methodis quas prætermitto, quia



quia hoc est extrapropositum meum. Spatium AOB EFA, comprehensum arcu quadrantis circuli, rectâ BE, & curvâ EFA, æquale est quartæ parti quadrantis circuli DAB.


F I N I S.



DISSER-













PRÆFATIO

DISSERTATIO  
DE  
CAUSA GRAVITATIS,  
AUCTORE  
*C. H. à Z.*



DISSERTATIO

DE

CAUSA GRAVITATIS


AUCTORE

C. H. & N.

M 3







## P R Æ F A T I O.

**N**atura vias sequitur obscuras ita atque intricatas, ubi corpora, quæ vocamus gravia, terram versus præcipitat, ut quæcumque adhibeatur aut attentio aut industria, nihil inibi sensus detegere queant. Idipsum Philosophos coegit causam admirabilis illius rei in corporibus ipsis solum quærere, & tribuere illam qualitati alicui internæ & inherenti, quæ corpora ad inferiora & versus terræ centrum impelleret; aut nescio cui appetitui partium ut toti se unirent. Quod erat non causas exponere, sed ponere principia obscura & intellecta à nemine. Ignosci quidem poterat iis, qui sæpenumero solutionibus ejusmodi contenti erant, non vero Democrito ejusque discipulis, qui, cum omnia ex atomis solis explicare susceperant, gravitatem solum adjungere corporibus terrestribus atomisque ipsis; neque inquisivere unde oriri posset. Ex autoribus vero & instauratoribus hodiernis philosophiæ, multi judicavere aliquid extra corpora statuendum esse, ex quo orientur attractiones & fugæ quas in iis animadvertimus; verum haud multo magis in causas penetrarunt quam antiquiores illi Physici. Alii enim confugerunt ad aëra aliquem subtilem & gravem, qui corpora premeret, cogeretque ita descendere; (illud vero est jam supponere gravitatem & ita repugnat legibus mechanicis, velle ut materia liquida & gravis deorsum mitteret corpora quibus circumfusa est, ut è contrario ea deberet sursum mittere, posito, quod ea à se ipsis nullum habeant pondus, quemadmodum lagenam inanem, si aqua merseris, aqua evehit) Alii vero ad spiritus, sive emanationes immateriales: hoc enim nullam lucem rei afferebat, quandoquidem concipere non possumus, quomodo aliquid immateriale substantiam corpoream movere valeat.

Cartesius melius cognovit, quam alii ante eum omnes nihil prorsus in physica intelligi posse, nisi quæ referri queant ad  
prim.



## P R Æ F A T I O.

principia quæ captum non excedant humanæ mentis; cujusmodi sunt ea quæ pendent, & à corporibus spectatis sine qualitatibus ullis, & à motibus corporum. Sed quoniam maxima difficultas in eo erat, ut ostenderet quo pacto tot res diversæ ex his solis principiis sequerentur, exitum minime prosperum habuit in plurimis argumentis quæ examinanda sumpserat, ac præcipue, meo quidem iudicio, in iis quæ ad gravitatem pertinent. Id intelliget quisque ex iis quæ quibusdam locis notavi in illius scripta, ubi plura sane observare potuissem. Attamen tentamina illius, infelicia licet, viam mihi aperuisse ad ea, quæ inveni, fateor.

Non autem hæc edo, quasi omni dubio carerent omnique exceptione forent majora: Nimis difficile est, eò pervenire in huiusmodi inquisitionibus. Putem tamen quod, si præcipua, quâ nitor, hypothesis vera non sit, parum spei supererit, fore, ut vera reperiatur, si consistamus intra limites veræ sanæque Philosophiæ.

Quæ autem hic dico, quatenus ad solam causam gravitatis pertinent, non videbuntur nova iis qui tractatum Physicum Robaltii legerint, quia inibi mea theoria describitur fere tota. postquam philosophus ille vidit meum experimentum circa aquam in modum turbinis circumactam, audivitque quomodo accommodarem ad gravitatem (ut ipse ingenue fatetur) meam opinionem tam verisimilem duxit ut voluerit sequi. Verum cum meis inventis Cartesiana & sua immiscet, multaque hanc rem spectantia prætermittit, quorum & quædam scire non potuit, explicare volui, quomodo ipse rem tractaverim.

Maxima pars huiusce libelli scripta est cum Lutetiæ degerem, ac descripta in Commentariis Academiæ Regiæ Scientiarum, ad eum usque locum ubi loquor de alteratione quæ pendulis accidit à motu terræ. Reliquum post plures annos addidi, ac demum additionem scripsi, eâ occasione quam in principio indicatam reperiatis.



## D E

## G R A V I T A T I S C A U S A

## D I S S E R T A T I O.

**U**T intellectu facilem reperiamus gravitatis causam, videndum est quâ fieri possit, nullis aliis positis in rerum natura corporibus præter ea, quæ ex eadem materia conflata sunt, & in quibus nulla consideratur propensio ad accedendum ad se mutuo, sed tantum variæ magnitudines, figuræ, motionesque; videndum, inquam, est quâ fieri possit ut plurima tamen ex his corporibus actu tendant centrum idem versùs, ibique maneant immota; quod vulgare & præcipuum est ejus, quod gravitatem vocamus, phænomenon.

Simplicitas principiorum memoratorum pauca eligenda relinquit. Etenim unicuique patet statim, non posse probabiliter tribui figuræ aut tenuitati corpusculorum effectum hujusmodi; gravitas enim cum sit nisus quidam inclinatiove ad motum, debet verisimiliter oriri ab aliquo motu. Itaque restat tantum, ut investigemus quo modo hic agere, & in quibus corporibus obtinere possit.

Si corpora spectemus absque qualitate illa quam gravitatem nominamus, motum naturaliter habent aut rectum aut circularem. Prior iis convenit, ubi sine impedimento ullo moventur, alter ubi circum aliquod centrum retinentur, aut circa proprium circumvolvuntur centrum. Novimus aliquomodo naturam motus recti, & leges, juxta quas corpora alia aliis occurrentia motum suum communicent. Sed quamdiu unicum illud genus motus consideramus, reflexionesque quæ inde oriuntur inter partes

N

mate-



## 98 DISSERTATIO

materiae, nihil videmus, quod ea centrum aliquod versus ire compellat. Necessario igitur deveniendum est ad proprietates motus circularis, & videndum num quæ ex iis nobis inservire queat.

Non me latet, Cartesium in physica sua conatum esse explicare gravitatem ex motu certæ cujusdam materiae quæ circa terram volvitur: neque parum est quod hæc ille excogitaverit primus. Sed ex iis, quæ in sequentibus noto, apparebit, in quo ratio illius à mea discrepans sit, ut & in quo deficere mihi videatur.

Consideravit, pariter ac ego, corporum circulariter circumactorum nisum, ut à centro recedant, quæ de re non licet dubitare per experimenta. Enimvero rotando lapidem in funda, animadvertimus manum nostram à lapide illo attrahi, idque eo validius, quo validius rotatur funda, adeo ut etiam funis rumpi possit. Eandem illam proprietatem circularis motus jam antea ostendi, affigendo plura corpora gravia tabulæ rotundæ quæ in centro terebrata erat, & circa axem circumagebatur; & reperi determinationem virium illius & plurima theoremata ad eam pertinentia, quæ videre est ad calcem mei *de motu Pendulorum* libri. Dico, verbi gratiâ, quod si corpus aliquod in orbem actum in extremitates funis extensi horizontaliter, eâ velocitate agatur, quam lapsu suo adipisci possit, cadendo ab altitudine, quæ æqualis sit dimidiæ parti funis, id est, quartæ parti diametri circumferentiæ quam describit; funis ea vi trahetur quâ teneret corpus idem in aëre suspensum.

Nisus igitur ille corporum ut à centro recedant comitatur semper circularem motum; & quamvis effectus ejusmodi gravitati prorsus contrarius videatur, objectumque sit Copernico, debere fieri, per vertiginem terræ intra 24 horas, ut domus hominesque in aërem præcipites dentur; probabo tamen nisum illum quem corpora in orbem circumacta habent ad fugiendum à centro in causa esse, cur



cur alia corpora versus idem centrum concurrant.

Fingamus circa centrum D volvi materiam fluidam contentam spacio A B C, quo exire nequeat, propter alia circumjacentia corpora. Constat partes omnes fluidi illius conari recedere à centro D, sed frustra, quia nimirum partes, quæ deberent in illarum locum succedere, non minus conantur à centro illo fugere. Verum si qua esset pars illius materiæ, puta E, quæ motum circularem coeterarum non sequeretur, aut quæ lentius moveretur quam aliæ, dico quod ea centrum versus impelleretur. Quandoquidem enim aut non conatur aut minus conatur quam partes propinquæ ab eo recedere, cedit actioni earum, quæ minus distant à centro D, & ita locum dabit coeteris accedendo ad illud, quoniam aliter locum ipsis cedere nequit.

TAB. IX.  
Fig. I.

Hoc autem unusquisque videre potest ex experimento, quod consultò ad id feceram, neque indignum est observatu, quippe quod ante oculos gravitatis imaginem statuatur. Vas cylindricum, cujus diameter habebat 8 aut 10 pollices, cujus fundus candidus erat & lævis, & altitudo latitudine minor erat dimidiâ aut tertiâ parte, aquâ implevi, cui laccam sigillarem minutam injeci, quæ cum aquâ paulo gravior esset, statim descendit. Deinde vasculum operui vitro, quod aquam ipsam immediate contingeret, coemetoque circumlini curavi ut nihil inde effugeret. Quo facto vas tabulæ rotundæ de qua paulo ante dixi imposui, eâque circumactâ, animadverti frustra laccæ, quæ fundum tangebant, sequebanturque melius motum vasculi, quam aqua, circum ejus oras se disposuisse, quia majorem vim centrifugam habebant quam aqua. Sed cum aliquamdiu mensam circumegissem, & aqua circularem motum magis magisque adeptâ esset, subito tabulam stiti, eodemque momento lacca ad centrum acervatim confluit; quæ res mihi effectum gravitatis videndum dedit. Hoc vero factum est,



est, quia aqua, non obstante vasculi quiete, motum suum circularem retinuerat, ac proinde quoque vim suam centrifugam; lacca vero motum omnem aut fere integrum amiserat, quia contingebat fundum, qui immotus hærebat. Observavi quoque pulverem illum ad centrum per lineas spirales descendere, quia nimirum ab aqua adhuc paululum abripiiebatur. Quod si autem hoc in vase collocetur aliquod corpus, ita ut motum aquæ sequi nequeat, sed solummodo ad centrum tendere, tum illuc rectâ descendet.

TAB IX. *Fig. I.* Esto, verbi gratiâ, L exiguus globus qui possit libere in fundo volvi, inter fila A A, B B, tertiumque K K paulò ad altitudinem majorem horizontaliter per medium vas extensa. Statim atque vas quieverit, globus ille centrum D petet. Et observandum est hocce ultimo in experimento posse effici corpus L ejusdem gravitatis ac aqua, & negotium meliustunc succellurum; adeo ut, absque ullâ differentiâ gravitatis corporum, quæ sunt in vase, motus solus hic effectum gravitatis producat.

Experimentum, quod Cartesius in una ex epistolis suis, quæ typis editæ sunt, proponit, à nostro multum differt. Nam ille implet vas A B C minutis globis plumbeis, quibus miscet lignum in exiguas partes discissum aut aliam quamcumque plumbo leviolem materiam; iisque omnibus simul circumactis, ait lignum versus mediam partem vasis impulsus iri; quod non difficile crediderim, modo continuo leviter percutiantur margines vasis, ut facilius utraque materia se separet. At hoc quod hic evenit minime idoneum est ad repræsentandum gravitatis effectum, cum inde concludi deberet, ea corpora graviora esse in quibus minus inest materiæ; quod contrarium est iis quæ in vera gravitate animadvertere est. Idem in aliâ epistola dicit injicienda esse in aquam turbinis in modum abreptam exigua fragmenta ligni, quæ inquit, versus mediam aquam enatabunt. Quod si de ligno intelligat quod aquæ innatat, ut videtur facere, nulla erit convenientia;



si vero illud velit ad fundum præcipitari, idem erit experimentum ac illud, quod paulo ante proposui. Lignumque circa centrum coibit: sed id continget, quia, tacto fundo vasis, motus circularis illius retardatus fuerit, de hac autem causa Cartesius tacuit.

Reperto itaque semel in natura effectui qui similis sit effectui gravitatis & cujus causa sit perspecta, superest ut videamus num possimus ponere, simile quid respectu Terræ contingere, id est, num detur motus materiæ qui corpora centrum versus cogat descendere, simulque ad cœtera omnia gravitatis phænomena accommodatus sit.

Posito terram motu diurno rapi, aeraque & æthera qui illam cingunt, habere eundem motum, nihil adhuc in eo est unde gravitas oriri queat; cum, ex experimento paulo superius narrato, corpora terrena non deberent sequi motum circularem materiæ cœlestis, sed respectu illius esse quasi quieta, si ab illa versus centrum impelli debuissent.

Quod si quis vellet materiam cœlestem eandem in partem volvi cum terra, sed multo velocius; sequeretur fore ut motus ille concitatus materiæ, quæ tota, continuo, & eandem partem versus pergeret, sentiretur, secumque abriperet corpora quæ in terra sunt, quemadmodum aqua in experimento nostro secum tulit laccam: quod tamen contingit minime. Sed præterea motus ille, circum axem terræ, non posset in omni casu impellere corpora quæ eundem motum non sequuntur, nisi versùs eundem axem; ac proinde corpora gravia non caderent perpendiculariter ad horizontem, sed ad axem mundi: quod cum experientia pugnat.

Ut explicem igitur gravitatem, qualem ipsam concipio, sumam, in spacio sphærico, quod continet terram corporaque terræ circumflua, ad magnum intervallum usque dari materiam quamdam fluidam quæ constet particulis tenuissimis, varietque & rapidissime in omnem partem



agitetur. Quæ cum egredi nequeat spatio illo, quod alia corpora ambiunt, dico quod motus ejus fieri debet partim circularis circa centrum; neque ita tamen ut tota versùs eandem partem volvatur: sed tantum ut plerique ex variis ejus motibus fiant in superficiebus sphæricis circa centrum ejusdem spatii, quod idcirco fit etiam centrum terræ.

Illius autem motus circularis causa est, quia materia aliquo spacio contenta movetur facilius eum in modum quam per motus rectos sibi invicem contrarios, qui reflectendo se mutuo, (quia materia egredi nequit è spacio quo includitur) tandem in circulares mutantur.

Effectumque illum motûs observare licet ubi argentum per Cupellam probatur; globus enim plumbeus argento intermixtus, cum partes habeat violenter agitatae à calore, indefinenter circum centrum suum volvitur, nunc hinc nunc illinc continuo locum suum mutans: idque summâ celeritate, ut oculus vix possit animadvertere. Idem contingit in gutta sebi candelarum, quando, suspensa ad apicem emunctorii (*mouchettes*) admovetur candelæ, tunc enim velocitate quam maximâ circumvolvitur.

Fateor guttam illam sæpius se totam circumagere in hanc vel illam partem, prout flamma candelæ eam tangit. Verum in materia mea coelesti idem fieri non debet, quia ubi semel habet motum in quaslibet partes, necesse est ut retineat semper, etsi mutatus sit in sphæricum; quandoquidem nulla est causa cur motus partis unius in partis alterius motum ita ageret, ut tota massa necessario in eandem partem volveretur. Quin immo è contrario lex naturæ, de qua alibi dixi, ejusmodi est, in mutuo occurso corporum, quæ diversimode agitata sunt, ut eandem semper quantitatem motus eandem partem versùs retineant.

Etiamsi autem motus illi circulares, in tot tamque varias partes intra idem spacium, videantur debere sibi invicem



vicem contrariari, & se mutuo sæpe impedire; tamen, per mobilitatem magnam materiæ & exiguitatem partium illius quam nequidem imaginandi vi assequi possumus, fit ut varias agitationes illas facile patiatur. Ubi turbata est aqua in phiala vitrea, videre est quot & quam diversis modis partes ejus agitari valeant. Cogitet unusquisque liquiditatem materiæ cœlestis longe majorem liquiditate aquæ, quæ cum constet partibus gravibus aliisque in alias congestis, ideo ad motum iners fit. Contra vero materia cœlestis, quippe quæ libere moveatur quoquo versus, facillime accipit varias impressiones, à variis occurribus suarum partium, vel ab impulsione aliorum corporum vel levissimâ; quæ si ita non essent, aer non adeo facile, ac jam fit, motæ manui cederet. Itaque considerandum est motus circulares materiæ illius fluidæ, circa terram, sæpissime aut interrumpi aut mutari in alios; sed tamen multo plures persistere quam deflectere à viâ sua: quod ad propositum nostrum satis est.

His positis haud difficile est explicare quî motus ille gravitatem producat. Si enim materiam inter fluidam, quæ dicto spatio volutatur, partes sint multo crassiores quam eæ ex quibus constat, aut corpora facta ex pluribus particulis simul conjunctis & si illa corpora non sequantur rapidum dictæ materiæ motum, necessario impellentur versus centrum motus, ibique, si sufficiens adsit copia, formabunt globum terrenum, posito illum jam non existere. Hoc autem proficiscitur eadem causa, quæ facit, in experimento nostro, ut lacca sigillaris ad centrum vasis coeat. In hoc igitur posita est probabiliter gravitas corporum: quæ dici potest nihil esse præter conatum materiæ fluidæ, quæ in orbem volvitur circum telluris centrum quoquo versus, ut à centro illo fugiat, eoque adigat corpora quæ motum eum non sequuntur.

Ratio vero, cur corpora gravia, quæ videmus descendere, non sequantur motum sphæricum materiæ fluidæ,  
satis



satis clara est, cum enim sit motus ejus modi quoquo versus, impulsionem quas corpus aliquod inde accipit, tam subito aliæ alias excipiunt, ut minus intercedat temporis quam necesse est quò motum sensibilem acquirat. Quandoquidem autem hæc ratio sola non sufficit ad impediendum quominus corpora tenuissima eorum, quæ sub aspectum cadere possint, puta pulverem in aëre volantem, hinc & inde pellantur rapiditate motus illius; sciendum est exigua illa corpora non innatare soli materiæ liquidæ quæ gravitatem efficit: sed præter hanc esse alias materias easque constantes è crassioribus particulis, quæ maximam spatii partem occupant quod nos ambit imò & coelum ipsum. Particulæ autem illæ, licet variis modis agitæ & inter se reflexæ, tamen non sequuntur motum subitum materiæ liquidæ, quoniam, cum sint aut contiguæ aut vicinæ, nimia magna quantitas deberet simul moveri. Notum est circa terram dari primò particulas aëris, quas statim probaturi sumus crassiores esse particulis materiæ nostræ fluidæ. Dico insuper aliam esse materiam cujus particulæ sunt aëre tenuiores & materiâ fluidâ crassiores, quod confirmatur experimento nostro, quod machinæ pneumaticæ ope fit. Illico enim observare licet effectum materiæ alicujus invisibilis, quæ gravitat, ubi nullus aer est, quoniam aquam tenet suspensam in tubo vitreo, cujus pars aperta in aliud vas aquæ plenum immersa est; ibidemque facit fluere aquam Siphonis recurvi, quemadmodum in aëre fieret: modo, his in experimentis, aqua purgata fuerit aëre, quod fit, si eam paucis horis in vacuo colloques. Inde apparet primò particulas corporis illius gravis invisibilisque multo minores esse particulis aëris, ut pote quæ permeant vitrum, quod excludit aëra, ibique gravitatem suam demonstrent; ac deinde patet particulas easdem debere tamen crassiores esse materiâ fluidâ, quæ gravitatis causa est, ut corpus ex illis coalescens non sequatur hujus motum, quod si præstaret,



# DE CAUSA GRAVITATIS. 105

ret, non esset grave. Potest fieri ut nos circumfluant plurima quoque alia materiæ genera, eaque alia aliis tenuiora, quibus tamen omnibus materia fluida, quæ gravitatis causa est, tenuior sit; eaque omnia igitur obstabunt, quo minus pulveris moti grana abripiantur motu illius materiæ, cum hæc eundem motum non sequantur.

Neque est ut pro commentitiis habeantur varii illi gradus exiguorum corpusculorum, eorumdemque admirabilis tenuitas. Etiam si enim quædam in nobis sit propensio ad credendum corpora, quæ vix visibilia sunt, jam fere esse tam tenuia quam fieri possunt, ratio tamen nos docet eandem proportionem quam mons habet ad granum arenæ, granum illud posse habere ad alterum granum, istudque ad tertium aliquod, & sic quam diu velis.

Summa vero tenuitas partium materiæ nostræ fluidæ quoque summè necessaria est ad explicandum insigne gravitatis phænomenon, cur scilicet corpora gravia inclusa vase aliquo ex vitro, aut metallo, aut alia quavis materiâ, semper æque gravitent. Quamobrem necesse est materia nostra fluida liberrime pervadat corpora omnia vel solidissima, & eadem facilitate quâ aëra ipsum.

Atque hoc confirmatur ex eo quod, si illa permeandi facilitate destitueretur, lagena vitrea æque gravis esset ac corpus solidum ex vitro ejusdem magnitudinis; corporaque omnia solida ejusdem voluminis æque gravia essent: quandoquidem, ex theoria nostra, gravitas cujusque corporis determinata est ex quantitate materiæ fluidæ, quæ debet in ejus locum cedere.

Materia igitur illa facile transit per interstitia particularum, è quibus coalescunt corpora, non vero per particulas ipsas; & quod varia corpora varie gravia sint, ut v. g. lapides, metalla &c. inde fit, quia, quæ graviora sunt, plures ejusmodi particulas continent, non numero, sed volumine: in earum enim locum materia



ria fluida tantum cedere potest. Quoniam autem alicui dubium esse posset, utrum particulæ illæ sint prorsus solidæ, quippe quæ à materia nostra penetrari nequeunt; (Si enim solidæ non sint, aut etiam si sint vacuæ, deberent idem efficere, ex ea ratione quam modo adduxi) demonstrabo eas solidas prorsus esse, adeoque gravitatem corporum præcise sequi proportionem materiæ, ex quâ componuntur.

In quem finem id observatum volo, quod contingit in collisu duorum corporum quæ sibi occurrunt horizontali motu. Certum est, resistantiam, quâ corpora motui horizontali obnituntur, ut globus marmoreus vel plumbeus lævi tabulæ impositus, non oriri à pondere eorum terram versus, quandoquidem motus lateralis non eos à terra removeret, adeoque nullatenus contrariatur actioni gravitatis, quæ deorsum illa impellit.

Sola ergo quantitas materiæ in unum compactæ, quam unumquodque corpus continet, causa est hujus resistantiæ; adeoque si 2 corpora æqualem quantitatem materiæ contineant, æqualiter reflectentur, vel ambo immota consistent, prout aut dura aut mollia fuerint. Sed experientia docet, quoties duo corpora aut æqualiter reflectuntur aut cursum sistunt, postquam æquali celeritate sibi occurrerint, corpora illa æque gravia esse. Ergo sequitur, quod ea quæ æqualem continent materiæ quantitatem æqualis sunt gravitatis: quod demonstrandum erat.

Cartesius hac de re longe alia existimabat, ut & de meatu libero materiæ quæ gravitatis causa est, per corpora, in quæ agit. Quod enim hocce posterius spectat, putabat illam materiam impediri, occursum terræ, quominus pergeret moveri rectâ lineâ; atque ea de causa à terra, quantum posset, recedere. Qua in re mihi videtur non attendisse satis ad proprietatem illam gravitatis de quâ modo disserui; si enim motus materiæ illius impeditus sit à terra, non amplius libere pervadet metalla neque



vitrum. Unde sequeretur plumbum inclusum phialâ amissurum esse pondus suum respectu phialæ illius, aut saltem pondus illud diminutum iri. Præterea, si corpus grave in puteo aut in foveâ vel profundo cuniculo collocaretur, multum de gravitate sua deberet perdere. Sed quantum scio, aliquid deperdi experientia non ostendit.

Quod ad alterum attinet, contendit Cartesius, etiam si massa auri esset vigesies gravior quam portio aliqua aquæ ejusdem magnitudinis, aurum tamen tantummodo habere quater aut quinquies tantum materiæ quantum aqua: primo, quia ab utraque massa deducendum est (dicere potius debuerat adjiciendum) pondus æquale propter aërem in quo ponderantur; ac dein, quia aqua, & cæteri liquores, aliquam levitatem habent respectu corporum durorum, quoniam nempe priorum partes perpetuo agitantur motu.

Sed possumus respondere priori argumento, cum gravitas aëris, qui nos circumdat, sit ad gravitatem aquæ tantum ut 1 ad 800, id esse parum ponderis, quod æqualiter addendum erit ponderi, tum aëris tum aquæ, reposito bilancis ope. Altera vero ratio, si bona esset, eadem portio aquæ multo gravior esset congelata quam liquida, metallique massa gravior quam metallum idem liquefactum: quod adversatur experientiæ. Præterquam quod non videam quî conceperit, agitationem partium corporum liquidorum iis levitatem conciliare, id est conatum ad recedendum à centro, cum ad id desideraretur motum illum fieri in orbem circa terræ centrum, aut validiorem esse superiora versus quam inferiora: quod nunquam dixit, quippe qui è contrario affirmaverit partes liquorum moveri quoquo versùs indiscriminatim.

Neque magis attendisse videtur quàm velox debeat esse materia fluida, ut corpora tam gravia evadant quam pleraque reperiuntur; secus enim comperisset motum quem habent aut aquæ aut cæterorum liquorum particulæ



nullo modo comparari posse cum motu materiæ illius quæ gravitatis causa est.

TAB. IX.  
Fig. I.

Ego vero diligenter indagavi gradum velocitatis illius, ita ut putem propemodum me assecutum esse quanta debeat esse. Cum autem plures inde effectus pendere possint, non supervacaneum erit ostendisse quid calculus meus produxerit & in quo nitatur. Esto igitur eadem figura quæ prius. Cum gravitas corporis E sit perfecte æqualis nisi quo portio æqualis materiæ fluidæ contendet recedere à centro D, aut potius cum sint unum & idem; oportet libram plumbi, verbi gratia, tantum gravitare terram versus, quantum massa materiæ fluidæ æque magna ac massa plumbi (intelligo magnitudinem partium solidarum) gravitat sursum versus ad recedendum à centro, vi motus sui circularis. Materia enim tum plumbea tum fluida non differunt in hypothesis nostra. Ergo possumus affirmare, quod libra plumbi tantum gravitat deorsum, quantum gravitaret sursum, si ad eandem semper distantiam à centro, tam celeriter circumageretur quam materia fluida. Sed reperio, ex theoria mea de circulari motu, quæ plane cum experientia convenit, corpus in circulo revolutum, si quis velit conatum illius ad recedendum à centro æqualem esse conatui gravitatis simplicis; reperio, inquam, oportere ut corpus illud singulas revolutiones conficiat intra idem tempus, quo pendulum, æque longum ac semidiameter circuli illius, duas vibrationes conficit. Necesse igitur est videamus, quanto temporis spacio pendulum æque longum ac semidiameter terræ duas illas vibrationes conficere queat. Quæ res facilis est ope proprietatis notæ pendulorum, & longitudinis illius, quod singulis minutis secundis vibrationem peragit, estque 3 pedum  $8\frac{1}{2}$  linearum, mensuræ Parisiensis. Reperio igitur requiri ad duas illas vibrationes horam unam cum  $24\frac{1}{2}$  minutis, posita, ex accurata dimensione Picarti, semidiametro terræ longâ 19 615 800 pedes ejusdem men-



mensuræ. Ergo velocitas materiæ fluidæ, circa superficiem telluris, debet æqualis esse velocitati corporis quod circum terram volvetur intra idem spatium horæ unius cum  $24\frac{1}{2}$  min. Quæ celeritas, propemodum, est decies & septies major quam celeritas puncti alicujus sub Æquatore; quod eandem viam conficit, respectu stellarum fixarum, ut debet hic accipi, intra 23 horas cum 56 minutis: ut liquet ex proportionem inter tempus illud, & spatium horæ unius cum  $24\frac{1}{2}$  minutis, quæ est fere ut 17 ad 1.

Non me latet, rapiditatem tantam videri posse incredibilem, si quis ipsam compareret cum moribus quos hic videmus. Id tamen difficultatem parere non debet, & sane respectu spheræ aut magnitudinis terræ non valde mira illa videtur. Si enim v. g. ex globis, quos in usum Geographiæ construunt, terrestrem consideres, in eo queingas tibi punctum quod unum tantum gradum intra 14 minuta secunda vel arteriarum pulsus emetiatur, quæ est memorata materiæ velocitas; motus hic valde mediocris tibi videbitur aut etiam lentus.

Cæterum plures sunt effectus naturales, qui videntur postulare materiam violento motu agitatam, & per poros corporum facile penetrantem. Hujusmodi est vis pulveris pyrii, qui, accensus motum suum concitatum neque à se habet neque ab eo qui ignem admovet, consequenter necesse est accipiat ab aliqua materia quæ motu eo gaudet, & quæ, ubique præsens, semper agat, ubi omnia apte convenienterque disposita repperit. Eiusmodi quoque est, meo judicio, vis elateris, tum in chalybe aliisque corporibus solidis, tum in aëre; quibus & addi potest vis in musculis animalium, quam commodè explicabis, per fermentationem quamdam sanguinis ortam è succo nervorum. Sed unde veniet fermentationis istius vis, nisi ab aliquo motu externo? Nec melius concipies fortem illam gelu vim, nisi recurras ad impulsione violentam materiæ alicujus, quæ aut extendat glaciem, intro-



introducendo nimirum in eam alias particulas, aut bullas quæ in ipsa formantur, augendo copiam aëris in his contenti. Hoc autem tantâ violentiâ fit, ut sclopetâ, quibus aqua inclusa fuerat, diffindi viderim.

Ut autem ad gravitatem revertar, summa celeritas materiæ, quæ ejus causa est, docet nos cur corpora gravia cadendo motum suum accelerent, etiam cum jam acquisiverint rapidissimum. Etenim materia fluida cum multo celerior sit quam globus tormenti bellici, qui in aëre recidit, in quem perpendiculariter emissus fuerat; globus ille, ad finem lapsus sui, eodem fere modo ab illa materia premitur, adeoque celeritas illius inde magis magisque crescit. E contrario autem, si materia motum tantum haberet mediocrem, eo accepto, globus non acceleraret casum suum; quia aliter deberet eandem illam impellere materiam ita, ut in locum globi succederet majori celeritate quam ipsa habet.

Hinc denique hauriri potest ratio principii, quod assumpsit Galilæus ad demonstrandam proportionem accelerationis corporum cadentium, scilicet velocitatem eorum æqualiter augeri temporibus æqualibus. Cum enim corpora successive pellantur à materia quæ nititur in eorum locum succedere & sicut dictum est modo, indefinenter eademque vi premantur; saltem in casibus, circa quos experimenta instituere possumus; sequitur necessario augmentum velocitatum proportionale esse augmento temporum.

Explicui itaque, ex hypothesi quæ nihil impossibile involvit, cur corpora terrestria ad centrum tendant; cur actio gravitatis nequeat impediri interpositu ullius corporis noti: cur partes interiores cujuslibet corporis ad gravitatem illius universæ conferant; ac demum cur corpora cadentia semper ac semper fiant velociora idque in proportionem temporum. Nec plures hactenus observatæ erant gravitatis proprietates.



# DE CAUSA GRAVITATIS. III

Supereſt adhuc alia, quæ haud minus certa exiſti-  
mata fuit, nempe corpora æque gravia eſſe ubicumque  
terrarum, quod cum aliter obtinere nuper obſervatum  
ſit, operæ pretium eſt inquirere unde id oriatur, & quid  
inde ſequi debeat.

In Caiana, regione Americæ diſtanti tantum 4 aut 5  
gradus ab Æquatore, dicitur inventum eſſe, quod Pendu-  
lum ſingulis minutis ſecundis vibrationem peragens, brevius  
ſit quam Lutetiis lineâ  $1\frac{1}{4}$ ; unde ſequitur, ſumptis pendulis e-  
juſdem longitudinis, pendulum Caianae paulo tardius moveri  
quam Lutetiis. Quod ſi pro vero habeatur ſemel, dubium eſſe  
nemini poteſt quin hoc manifeſte arguat lentius ibi deſcen-  
dere corpora gravia quam in Gallia. Cum autem diverſitas illa  
tribui non poſſit tenuitati aëris, quæ major eſt in zona  
torrida, quandoquidem effectus plane contrarius inde ori-  
ri deberet; reſtat, meo quidem iudicio, ut dicatur idem  
corpus levius eſſe ſub Æquatore quam in climatibus inde  
remotis. Statim atque novum illud phænomenon acce-  
pimus, agnovi cauſam oriri poſſe à motu diurno terræ,  
qui cum major ſit in unaquâque regione, prout Æqua-  
tori eſt magis vicina, debet producere conatum propor-  
tionatum ad rejicienda corpora à centro, adeoque partem  
aliquam de gravitate detrahendam. Quota autem pars ſit  
in corporibus ſub Æquatore locatis, non difficile eſt æ-  
ſtimare ex iis quæ explicuimus ſupra, cum enim inveneri-  
mus, ſi terra decies & ſepties citius quam nunc volvere-  
tur, vim centrifugam ſub Æquatore fore æqualem gravi-  
tati corporis; neceſſe eſt, ut motus diurnus terræ prout  
nunc eſt, detrahat de gravitate partem, quæ ſit ad gra-  
vitatem integram ut 1 ad quadratum 17, ſcilicet  $\frac{1}{17}$ ; quia  
nimirum vires, quibus corpora à centro circa quod volvun-  
tur, recedunt, ſunt inter ſe ut quadrata velocitatum eo-  
rundem, ex meo theoremate tertio *De Vi centrifuga*.  
Quandoquidem igiur ſingulum quodque corpus, ſubter  
Æquatorem, ſit levius  $\frac{1}{17}$  quam eſſet, ſi terra circa  
axem



axem suum non volveretur; sequitur, ex legibus mechanicis, longitudinem penduli debere ibi minorem fieri <sup>ut</sup> ut viam suam intra idem tempus conficiat, ac faceret terrâ immobili.

Sed ut detegamus, quotâ parte minui debeat Pendulum quod è Gallia sub lineam æquinoctialem fertur, considerandum est, jam illud brevius esse l' utetiis quam si terra immota esset; quia nimirum, motus diurnus sub illo parallelo facit etiam suum conatum, ut repellat corpora à centro terræ. Conatus tamen ille minor est quam sub æquatore, tum quia circulus motûs minor est, tum quia non pellit corpora rectâ fursum, sed tantum perpendiculariter ad Axem terræ, sicut hacce in figura videre est. Circulus  $P A Q E$  repræsentat terram sectam à plano transeunte per utrumque Polum  $P, Q$ . Centrum est  $C$ . circulus Æquinoctialis  $E C A$ : parallelus Parisiensis  $D O N$ . Parisii in  $D$ :  $K H$  repræsentat funem sustinentem massam plumbi  $H$ , quod recedit à perpendiculari  $K D C$ , quia rejicitur, per motum circulearem, secundum lineam  $O D M$ , quam pono transire per pondus  $H$ .

TAB. IX.  
Fig. 2.

Nunc si lubeat scire qui debeat esse situs fili  $K H$ , & quanto minus plumbum  $H$  sic gravitet, quam si penderet perpendiculariter secundum  $K D$ . considerare oportet punctum  $H$  ac si trahatur à tribus filiis  $H C, H M, H K$ ; è quibus  $H C$  centrum terræ versus trahit toto pondere quod haberet plumbum, si terra immota staret:  $H M$  trahit juxta propriam directionem, cum ea vi quam dat motus terræ in circulo  $D N$ ; &  $H K$  trahitur aut trahit cum ea vi quæ quæritur. Productâ igitur  $C H$ , & ductâ  $K L$  parallela  $D M$ , notum est tria latera trianguli  $H L K$  proportionalia esse potentiis quæ trahunt punctum  $H$ ; & latus  $L H$  respondere ei quæ trahit per  $H C$ , latus  $K L$  ei quæ per  $H M$ , ac latus  $H K$  ei quæ trahit aut sustinet plumbum per filum  $K H$ . Sed triangulum  $K D H$  censetur habere latera sua æqualia lateribus trianguli  $H L K$ , quia



quia  $CHL$  est quasi parallela  $CDK$ . Ergo latera trianguli  $KDH$  respondent iisdem potentiis, scilicet latus  $KD$  gravitati absolutæ ponderis  $H$ , quam haberet, si terra staret immobilis:  $DH$  potentiæ quam illi tribuit motus diurnus: &  $KH$  gravitati quæ quæritur. Sed triangulum illud  $KHD$  datur. Quandoquidem enim novimus conatum circulare, sub  $\text{Æquatore}$  in  $E$ , esse  $\frac{1}{289}$  ponderis absoluti; & conatus ille est ad conatum in  $D$  aut in  $H$ , ut  $EC$  ad  $DO$ , quæ sunt in ratione data; sciemus igitur etiam, quæ pars ponderis absoluti sit conatus centrifugus in  $D$  aut in  $H$ : sive ratio  $DK$  ad  $DH$  nota erit, quippe quæ conslet ratione  $289$  ad  $1$ . & ratione  $EC$  ad  $DO$ . Sed angulus quoque  $HDK$  est notus, utpote qui æqualis sit angulo latitudinis Parisiorum, nempe  $48$ . graduum cum  $51$ . minutis. Ergo nota etiam erit ratio  $DK$  ad  $KH$ , quæ ratio est gravitatis absolutæ corporum ad gravitatem quam habent Parisiis, ut & longitudinis penduli in terra immota ad longitudinem quam habere debet sub hoc parallelo, secundum ea quæ superius dicta sunt. Cum vero longitudo penduli pulsantis secunda sit data Parisiis, nota erit etiam ea quam in terra immobili haberet, & quænam sit utriusque differentia, & quanto differentia illa minor sit quam illa  $\frac{1}{289}$  quam sub  $\text{Æquatore}$  repereramus.

Ut igitur hoc facile supputemus & sine triangulorum calculo, sciendum est, id quod probabimus statim, scilicet, ut quadratum radii  $EC$  est ad quadratum  $DO$ , sinus complementi latitudinis Parisiorum, ita est  $\frac{1}{289}$  differentia aut imminutio penduli sub  $\text{Æquatore}$ , ad differentiam aut imminutionem penduli Parisiis. Quam inde colligo esse  $\frac{1}{289}$  longitudinis penduli in terra immota, vel sub Polo. Quandoquidem autem Pendulum secunda indicans Parisiis est  $3$ . pedum &  $8\frac{1}{2}$  linearum, sequitur longitudinem penduli in terra immobili vel sub Polo esse  $3$  pedum &  $9\frac{1}{2}$  linearum; unde, demendo partem  $\frac{1}{289}$ , quæ



valet  $1\frac{1}{2}$  lineam, habebitur longitudo Penduli secunda indicantis, sub *Æquatore*, 3 nempe pedes cum  $7\frac{2}{3}$  lineis. Pendulum itaque illud brevius erit quam Parisiis  $\frac{1}{2}$  lineæ, quod paulo minus est quàm quod repererat Richerius in Caiana, lineam nempe unam cum quadranti.

Verum non possumus omnino confidere primis illis observationibus, quarum nulla describitur circumstantia, multoque adhuc minus, ut puto, iis quæ dicuntur factæ esse in Gadalupa, ubi Penduli Parisini imminutio reperta fuit 2 linearum. Spero fore diuturnitate temporis ut certiores fiamus exactè de variis illis longitudinibus, cum sub *Æquatore* tum in aliis climatibus; & certe res digna est quæ summâ diligentia indagetur, etiamsi nullum alium inde colligeremus fructum, nisi ut, ex theoria illa, corrigi possent motus horologiorum pendulorum & accommodari ad metiendas longitudes in Mari. Horologium enim v. g. quod semel Parisiis bene constitutum fuisset, si transferretur sub *Æquatore*, retardaretur circiter minuto uno cum 5 secundis intra 24 horas, ut facile est supputare ex superiori ratiocinio, & sic proportionaliter, pro singulis diversis gradibus latitudinis. Ubi reperietur retardationes illas sequi inter se eandem satis præcile proportionem quam diminutiones penduli; & maximam retardationem, qualis esset horologii sub *Æquatore* quod fuisset constitutum sub Polo, futuram singulo quoque die fere  $2\frac{1}{2}$  minutis. Supputatis igitur huiusmodi tabulis corrigi posset harum ope motus horologiorum & iis uti possemus non minus certe quam si motus ille esset ubique æqualis.

Nunc ut demonstremus quod paulo ante posuimus, ubi indagavimus scilicet quæ sit diminutio Penduli Parisiis; (res autem ubicumque eadem est) cum nota est quantitas diminutionis sub *Æquatore*, sumatur in eadem figura K F æqualis K H, & sit H G parallela axi P Q. Demonstratum est H D esse ad D K, ut conatum centrifugum,



DE CAUSA GRAVITATIS. 115

fugum, in D aut H, ad pondus absolutum in terra immobili. Sed ut EC aut CD ad DO, id est ut GD ad HD, ita est conatus centrifugus in E, sub Æquatore, ad conatum in D. Ergo ut GD ad DK, ita erit conatus centrifugus in E, ad pondus absolutum in terra immota. Et linea GD erit diminutio Penduli quæ requiritur sub Æquatore, ex supradictis. Sed FD est diminutio Parisiis facta, & GD est ad DF ut quadratum GD ad quadratum DH; quia propter exiguum angulum DKH, HF spectari potest tamquam perpendicularis ad GD. Ergo diminutio sub Æquatore facta ad eam quæ Parisiis fit, est ut quadratum GD ad quadratum DH; id est, ut quadratum CD aut EC ad quadratum DO; quod erat demonstrandum.

Supereft ut, in eadem figura, consideremus angulum HKD, qui notat quanto plumbum KH quietum declinet à perpendiculari KD. Ac reperio angulum illum sub parallelo Parisino habere 5 minuta cum 54 secundis, & paulo majorem esse debere sub 45 gradu latitudinis.

Declinatio illa longe contraria est ei opinioni quæ semper pro vera habita fuerat, nempe funem, è quo pendet plumbum, rectâ versus terræ centrum tendere. Angulus autem ille, cum sit decima pars gradus unius, ejus magnitudinis erat, ut facile deberet animadverti tum per observationes Astronomicas, tum per eas, quæ instituuntur cum libellâ. Ut enim de posterioribus hisce tantum loquar, nonne deberet, septentrionem versus, linea libellæ sub horizonte inclinari? Quod tamen neque observatum est unquam, neque revera fit. Cujus rationem ut asseram, quæ ipsa pro paradoxo haberi potest, dico terram non esse plane sphæricam, sed figuram habere sphærae versus utrumque polum inclinatæ, qualem fere faceret Ellipsis circa minorem axem suum circumacta. Id oritur à motu diurno terræ, sequiturque necessario è declinatione plumbi, quam dixi. Quoniam,



cum descensus corporum gravium parallelus sit lineæ suspensionis illius, necesse est superficiem uniuscujusque liquoris ita se componere, ut lineam illam perpendicularem habeat, secus enim descendere posset amplius. Proinde superficies maris est ejusmodi ut filum suspensum ubique perpendiculare habeat supra se se. Unde sequitur lineam libellæ, eam nempe quæ filum plumbi suspensi secat ad angulos rectos, debere horizontem ostendere, prout facit; cum solâ altitudine loci, ubi sita est libella, fiat ut paulo altius visus dirigatur. Sed cum terræ latera sint vulgo elevata eodemque fere modo, respectu maris; sequitur, quod totum illud coalescens ex terris & maribus necessario reductum sit ad figuram illam sphæroideam, quam superficies maris necessario accipit. Credibile autem est terram in figuram ejusmodi abiisse, ubi partes ejus collectæ sunt vi gravitatis, quippe hæc etiam tum habebant motum suum circularem 24. horarum.

## ADDITAMENTUM.

PAULO postquam superiora scripseram, examinato diario navigationis, ad Promontorium Bonæ spei, susceptæ jussu Directorum Societatis Indiarum Orientalium, cum horologiis nostris pendulis; ac perlecto eruditissimo Newtoni Opere inscripto, *Philosophiæ naturalis principia Mathematica*; in utroque plura reperi quæ extendendo huic tractatui materiem mihi suppeditabant. Ac primum quod attinet ad varias longitudes pendulorum in variis climatibus, de quibus etiam egit; existimo me invenisse, horologiorum illorum ope, non modo confirmationem evidentem effectûs istius per motum terræ, sed etiam mensuræ longitudinis illorum, quæ plane convenit cum eo, quem mox proposui, calculo. Correctis enim ex calculo illo locorum longitudinibus, quas emensi fuerant horologiorum ope, redeundo è promontorio Bonæ spei ad  
Texe-



Texelium usque in Hollandia (iis enim in abitu usi non fuerant) comperi viam navis multo melius in Tabula esse descriptam quam fuerat prius sine hac correctione; adeo ut, cum in portum illum appulissent, vix errassent, aut sex leucis in longitudine ita emendata. Posito longitudinem Promontorii bene descriptam fuisse à P. P. Jesuitis, cum hoc præternavigarunt anno 1685 euntes ad Siam, eamque esse 18 gradibus magis ad orientem quam Parisinam; quod etiam aliunde scio à vero non longe abscedere. Res tota singulatim exposita est in relatione de hoc itinere Pendulorum dictis Dominis Directoribus factâ; iisdemque, relatione meâ visâ, & examinandâ datâ pluribus viris doctis, placuit mandare, ut alterum fieret experimentum, quò ita per plura experimenta certi essemus de præstantiâ inventi. Qui futurus sit autem itineris illius exitus, & imprimis in eo quod pertinet ad variationem pendulorum, videbimus brevi; certumque est eam posse certius cognosci horologiorum illorum ope, per accelerationem nempe & retardationem, quas in iis observare est, quam si metiaris longitudinem penduli quod secunda indicat, in diversis regionibus. Interea, cum in tentamine, de quo dixi, experientia tam bene cum ratiociniis meis convenerit, satis iis fido ad pergendum in hac speculatione, quæsiturus primum, quænam sit forma terræ, quandoquidem, ut dixi, non est sphaerica.

Juvabit ad id eam spectasse tanquam aquâ penitus inundatam, aut potius, ac si tota ejus massa in aquam resoluta foret; apparet, ex dictis, superficiem illius debere esse ejusmodi, ut ubivis filum è quo plumbum pender, illi occurrat ad angulos rectos, habitâ ratione gravitatis simul conatus centrifugi, qui filum avertit à directione sua versus centrum. Si enim filum non occurreret superfici ei ad angulos rectos, non posset hæc manere in eodem situ.

Positis igitur iisdem ac in ultima figura Tractatus superioris, ut & quæ ibidem explicita sunt, sed forma terræ



TAB. IX.  
Fig. 3.

paululum minutâ & versus Polos complanatâ, ita ut axis  $PQ$  brevior sit diametro  $EA$ ; ducatur  $BDSR$  parallela  $KH$ , secans  $EA$ ,  $PQ$  in  $S$  & in  $R$ . Cum filum  $KH$  sustinens plumbum, aut potius illi parallela  $BD$ , occurrere debeat superficiei maris ad angulos rectos; filumque illud ita pendeat ut  $KD$  sit ad  $DH$ , aut  $DC$  ad  $CS$ , velut gravitas absoluta ad vim centrifugam in  $D$ : quæ ratio componitur ex ratione gravitatis absoluta ad vim centrifugam in  $E$ , quæ est ut 289 ad 1. & ratione vis illius ad vim centrifugam in  $D$ , quæ est ut  $EC$  ad  $DO$ ; apparet naturam lineæ curvæ  $EDP$  determinatam esse per proprietatem perpendicularis suæ, ut  $DR$ ; id est, ductâ unâ ejusmodi perpendiculari, rationem  $DC$  ad  $CS$  debere semper componi ex ratione datâ & ex ratione  $EC$  ad  $DO$ . Sive, ut inde colligi facile potest, ratio  $DO$  ad  $CS$  vel  $OR$  ad  $RC$  debet semper constare ex ratione data, quam diximus, & ex ratione  $EC$  ad

Difficile quidem est reperire hunc in modum lineas curvas per proprietatem datam perpendicularium illarum, si-ve, quod idem est, per proprietatem tangentium. Verum datur methodus satis facilis ad hanc curvam invenien-dam, quæ nititur æquilibrio quorundam canalium, cujus Newtonus primus ideam dedit.

Canalis, quem fingit, repræsentatur in figura nostra per  $EC P$  facientem angulum rectum cum centro terræ. Debet concipi paululum excavatus esse, & aquâ plenus: hisce sic positis, constat duo crura  $EC$ ,  $CP$  debere in æquilibrio perflare, si ponamus terram, totam ex aqua constantem, figuram induere cujus diametri sint  $EA$  &  $PQ$ ; quia secus aqua illa canalís non perseveraret in situ suo, si conciperetur sine canali, quod est contra hypothesim: unde facile est reperire rationem  $EA$  ad  $PQ$ . Si enim ponas  $EC \propto a$ ;  $CP \propto b$ , & repræsentes gravi-tatem absolutam per lineam  $p$ , vimque centrifugam in  $E$  per lineam  $w$ ; Pondus Canalís  $PC$  est  $p \cdot b$ , id est produ-  
ctum



DE CAUSA GRAVITATIS. 119

Etum omnium partium Canalis illius & lineæ  $p$ . Sed pondus canalís  $E C$ , quod foret  $p a$ , imminutum est per vim centrifugam omnium suarum partium, è quibus sublimior, quæ est in  $E$ , habet vim  $n$ , cœteræque aliæ proportionatam illi, pro distantis suis à centro  $D$ : quod facit  $\frac{1}{2} n a$  pro tota vi centrifuga aquæ canalís  $E C$ , quâ demtâ de pondere illius  $p a$ , superest  $p a - \frac{1}{2} n a$ , quod æquale debet esse  $p b$  ponderi canalís  $P C$ . Unde patet, quod  $a$  est ad  $b$ , ut  $p$  ad  $p - \frac{1}{2} n$ . Scilicet quod diameter  $E A$  terræ est ad axem illius  $P Q$ , velut 289 ad 288 $\frac{1}{2}$ , vel ut 578 ad 577: ratio enim  $p$  ad  $n$  erat ut 289 ad 1.

Ut reperiam deinde quænam sit linea curva  $E D P$ , fingo mihi canalem plenum aquâ  $E C D$ , & ductâ  $D O$  perpendiculari ad axem  $P C$ , facio  $C O \propto x$ , &  $O D \propto y$ , cœteræ vero lineæ idem nomen habent quod antea. Constat aquam  $E C$  & aquam  $D C$  debere ietrum æque ponderare. Quinimmo hoc contingere necesse est quocumque modo fingatur Canalis, modo utrimque ad superficiem pertingat, ut, verbi gratiâ, si iret per  $D O C E$  aut  $D O P$ , aut  $D C P$ . Porro vis centrifuga totius aquæ in  $C D$  æqualis est vi aquæ quæ esset in canali  $O D$  posito ejusdem magnitudinis: quod facile intelligitur ex mechanica planorum inclinatorum. Sed ut  $E C \propto a$  ad  $D O \propto y$ , ita est vis centrifuga in  $E$  quæ erat  $n$ , ad vim centrifugam in  $D$ ; quæ igitur erit  $\frac{n y}{a}$ . Cujus dimidium, multiplicans id quod continetur canali  $D O \propto y$ , constituit vim centrifugam canalís illius  $\propto \frac{1}{2} \frac{n y y}{a}$ , quæ igitur est etiam vis centrifuga canalís  $C D$ . Sed gravitas illius canalís  $C D$ , versus centrum  $C$ , est  $p \sqrt{x x + y y}$ . Ergo pressio illius, quæ superest versus  $C$ , erit  $p \sqrt{x x + y y} - \frac{1}{2} \frac{n y y}{a}$ ; quæ debet esse æqualis  $p a - \frac{1}{2} a n$ , pressioni canalís  $E C$  jam repertæ.

Quæ æquatio posito  $\frac{a y}{a} = f$  huc redit



$$y^4 \propto 4ffyy - 4aa ff + 4ffxx \\ - 4afyy + 4a^3f \\ + 2aa yy - a^4$$

TAB. IX.  
Fig. 4.

Unde patet lineam curvam *EDP* non esse sectionem Coni, nisi quando *p* & *n* æquales sunt, id est, quando vis centrifuga corporis, positi in *E*, ponitur æqualis esse gravitati suæ versus centrum *C*. Tunc enim apparet *f* æqualem esse *a*; & æquatio fit  $y^4 \propto 2aa yy - a^4 + 4ffxx$ ; vel  $y^4 - 2aa yy + a^4 \propto 4ffxx$ ; vel tandem  $yy - aa \propto 2ax$ . Quod argumento est *EDP* fieri tunc Parabolam, qualem hacce in figura videre est, scilicet quæ habeat verticem *P*, axem *PC* æqualem  $\frac{1}{2} CE$ , & parametrum duplam ejusdem *CE*.

Ac proinde si terra, habens diametrum *EA* eâ magnitudine quâ est, volveretur circa axem suum *BQ* decies & septies velocius quam facit, (tunc enim vis centrifuga in *E* æqualis esset gravitati versus centrum ex demonstratione quæ in dissertatione hacce videre est) haberet figuram corporis quod simul faciunt duæ illæ semi-parabolæ oppositæ, *PEC*, *QEC*, dum volvuntur circa axem *PQ*. Videturque nullam majorem vim centrifugam posse supponi, quoniam nimirum, si major esset quam gravitas, corpora collocata in *E* in aëra evolarent.

Præter hunc casum, si in Æquatione reperta fiat  $yy \propto az$ , sitque *z* linea indeterminata, habebitur  $z \propto a - \frac{2f + \frac{2ff}{a} - \sqrt{4ff - 8f^3 + \frac{4f^4}{aa} + \frac{4ffxx}{aa}}}{a}$ . Si vero posueris *d* pro  $\frac{ff - f}{a}$ , exsurget  $z \propto a + 2d - \sqrt{4dd + \frac{4ffxx}{aa}}$ . Unde novi, si

TAB. IX.  
Fig. 3.

*CO* sit *x*, & perpendicularis *OT* nuncupetur *z*, punctum *T* futurum in hyperbola cujus axis additus *CE* erit  $4d$ ; & ut  $4ff$  ad  $aa$ , ita fore axem ad parametrum; quæ erit  $\frac{aad}{ff}$ , id est,  $\frac{a-na}{p}$ , restitutis valoribus *d* & *f*. Quoniam autem *yy* erat æqualis *az*, sequitur *DO*  $\propto y$  fore mediam proportionalem inter *OT* & *EC*. Unde reperiuntur puncta per quæ linea curva *EDP* transire debet.

Li-



# DE CAUSA GRAVITATIS. 121

Linea autem ista satis facit etiam requisito ante memorato, scilicet, ductâ DR ipsi lineæ ad angulos rectos insistente, ratio OR ad RC constabit ex ratione  $p$  ad  $n$  & EC ad CD, ut facile probatur ex calculo Algebraico.

Posui hac in demonstratione gravitatem eandem esse intra terram ac in superficie, quod verisimillimum mihi videtur, etsi non nesciam aliquem esse locum dubitandi, de quo postea. Verum etiamsi secus obtineret, fere nihil immutaretur illud, quod inventum est de figurâ terræ; nisi in casu in quo vis centrifuga magna esset pars gravitatis aut etiam illi æqualis foret, veluti in hypothese figuræ parabolicæ, quæ tum plane alia evaderet. Cæterum, ubi vis centrifuga in E exiguam habet rationem ad gravitatem, ut hîc in terra, tunc hyperbola ETP, ob magnam centri distantiam, ad parabolam valde accedit; adeoque EDP neque multum differt ab Ellipsi neque à circulo, quia tunc EC superat CP paululum admodum. Reperimus enim paulo ante excessum illum esse dumtaxat  $\frac{1}{77}$  EC, semidiametri terræ.

Newtonus excessum hunc invenit,  $\frac{1}{251}$  EC, ac proinde figuram terræ multo magis distare à sphærica. Quo in calculo utitur quâdam supputandi ratione, quam hic non examinabo, siquidem haud assentior illi axiomati quod ibi aliasque sumit; scilicet particulas omnes, quæ concipi possunt in duobus pluribusve corporibus, sese invicem attrahere, sive conari ad se invicem accedere. Quod concedere prorsus nequeo, quia videor mihi manifeste percipere causam attractionis ejusmodi neque explicari posse per principia Mechanices neque per regulas motûs. Neque persuasum magis habeo necessariam esse attractionem hanc corporum integrorum; quandoquidem ostendi, etsi nulla esset terra, fore tamen ut corpora, sua quam dicunt gravitate, centrum aliquod peterent.

Itaque nihil habeo contra vim centripetam, ut vocat

Q

New.



Newtonus, per quam vult planetas gravitare versus solem, lunamque terram versus. Quin immo eam eo magis sine difficultate admitto, quod ejusmodi attractionem sive impulsionem esse in natura experientia docet, quam etiam explicare possumus per leges motus, ut ex eo videre est, quod supra de gravitate scripsi. Enimvero nil obstat quominus causa vis illius centripetæ versus solem, similis sit vi quæ cogit corpora gravia terram versus descendere. Existimaveram quidem olim figuram solis sphaericam eadem ex causa proficisci, quæ, juxta meam sententiam, ut terra sphaerica esset efficeret. At nondum extenderam gravitatis vim ad tantas distantias à Sole ad Planetas & à terra ad Lunam; quia nimirum vortices Cartesii, quos duxeram olim valde verisimiles, quique menti adhuc inhærebant, me impeditum dabant. Neque etiam magis attenderam ad diminutionem illam regularem gravitatis, nempe quod sit in ratione reciproca quadratorum distantiarum à centro: quæ nova insignisque proprietas gravitatis est, cujus non supervacaneum fuerit investigasse rationem. Nunc vero cum videam, ex demonstrationibus Newtoni, gravitatem ejusmodi versus solem, quæ minuatur eà proportionem, ita æquare vires centrifugas planetarum, & producere præcise effectum motus Elliptici quem Keplerus conjectaverat observationibusque confirmaverat; vix est ut dubitem quin hypotheses illæ veræ sint, ut & systema Newtoni, in quantum iis innititur. Imo systema illud eò probabilius videri debet, quoniam solvit plures difficultates quæ in vorticibus Cartesianis negotium faceiebant. Intelligitur nunc quæ excentricitates planetarum possint esse semper eadem; cur plana orbitalium non coincidunt sed retineant constanter easdem inclinationes ad planum Eclipticæ; & cur plana omnium illarum orbitalium necessario per solem transeant. Quomodo motus planetarum possint celeriores lentioresve fieri per eos gradus quos observamus: quæ res difficulter sic obtinere posset, si Planetæ innatarent vortici alicui circa



## DE CAUSA GRAVITATIS. 123

ca solem. Tandem docet systema illud quo pacto fieri possit, ut Cometæ per systema nostrum transeant. Enimvero ex quo novimus eos sæpe ingredi in regionem planetarum, difficulter intelligebamus quâ possent ferri motu contrario motui ejus vorticis qui ipsos planetas abripiebat. Verum doctrina Newtoni scrupulum hunc abstulit, quia nil obstat quominus Cometæ percurrant vias ellipticas circum solem, veluti planetæ, easque longiores & figuræ magis dissimilis circulari; ac proinde statutis temporibus redeant, ut plures Philosophi & Astronomi veteres ac recentes conjecerant.

Hoc unum modo scrupulum injicit, quod Newtonus, expulsis vorticibus, vult spacia cœlestia plena dumtaxat esse materiâ quâdam rarissimâ, ut scilicet Planetarum Cometarumque cursus tanto minus impediatur. Quæ si ita sint, videtur funditus corruere mea de gravitate & de lumine explicatio. Ut igitur caput hoc ad examen vocem, dico materiam ætheream posse raram esse duobus modis, aut si particulas habeat inter se distantes interstitiaque vacua; aut si particulæ illæ sese quidem contingant, sed singularum contextus sit rarissimus pluribusque spaciis vacuis intermixtus. Vacuum equidem facile admitto, videnturque corpuscula parva absque eo non posse inter se moveri; quâ in re longe aliter sentio ac Cartesius, qui essentiam corporis in extensione sola posuerit, cum addendam esse putem duritiem perfectam quâ corpus impenetrabile fiat, ejusque naturæ ut frangi aut minui non possit. Attamen si raritatem priori modo spectem, nullus video quâ possit gravitatis ratio reddi, imo prorsus mihi impossibile videtur explicare velocitatem summam luminis, quæ, ex demonstratione Romeri, quam videre est in nostra disputatione de Lumine, sexcenties millies major est quam celeritas soni. Quamobrem raritatem ejusmodi puto minime convenire cœlestibus spaciis.

Verisimilius igitur est raritatem altero modo sumendam



esse, quia ita spectatae particulae sese contingere queunt, velut posui in mea dissertatione, & tamen, præ raritate contextus sui, parum resistere Planetarum motui. Etenim quis novit quam dura corpora natura possit efficere ex pauca materia, imprimis, annon particulae tenuissimae, & etiam cavæ, possint esse infinitarum virium. Verum, etiamsi ad raritatem non attendamus, credo summam agitationem materiae æthereæ multum facere posse ut penetrabilis fiat. Enimvero, si ex levi particularum suarum motu aqua evadit liquida, multoque minus resistit rebus innatantibus, quam aut arena aut pulvis tenuissimus; nonne oportet materia subtilior & infinite vehementiori motu abrepta, penetretur tanto facilius?

Utut hæc sunt, Natura, pro eâ quæ est industria, potest efficere ut sint spatia in quibus corpora cum minimâ resistantiâ moveantur: sicut patet ex eo quod manus nostræ sentiunt in aëre; magisque ex diversis experimentis quæ fiunt in vasis vitreis unde aër exhaustus est, in quibus pluma vel levissima eadem velocitate descendit quæ globus plumbeus. Quod si quis dicat id oriri ex summa raritate materiae quæ ibi in vacuo superest, ei respondebo, quod è contrario inibi observare sit effectum materiae gravissimæ, ut in experimento supra adducto abunde visum est.

**Quod** autem Newtonus dicit propof. 6. libri 3. dum vult probare æthera esse rarissimum: scilicet quod gravitates corporum sint, ut quantitates materiae, quam continent; ac proinde, si spatia aëris aut ætheris æque referta essent materiâ ac aurum & argentum, metalla illa in iis non descensura esse; quia nimirum corpus solidum, si non habeat plus gravitatis specificæ quam fluidum, in fluidum non potest immergi. Fateor corporum gravitates sequi quantitates materiae ex qua constant, ac idipsum hoc in tractatu ipse demonstravi. At ostendi etiam corporibus illis, quæ vocamus gravia, gravitatem imprimi posse à vi  
cen-



DE CAUSA GRAVITATIS. 125

centrifuga materiæ cujusdam quæ ipsa non gravitat terram versus, propter concitatissimum motum suum in orbem, sed quæ conatur recedere. Materia igitur illa bene implere potest totum spacium quod terram circumdat, & in quo nulla alia sunt corpuscula; neque hæc impedit quominus corpora gravia descendant, cum è contrario illa sola causa sit, cur tendant deorsum. Res aliter obtineret, si poneremus gravitatem esse qualitatem inhærentem materiæ corporeæ. Sed hoc Newtonum velle non credo, quoniam hypothesis ejusmodi nos longe à principiis Mathematicis mechanicisve avocaret.

Fortasse inquiet, etiamsi concedatur materiam constare ex particulis quæ sese contingant, ut transmittant lumen, hoc tamen non videri debere sequi hanc regulam, scilicet quod se extendat per lineam rectam; hoc enim pugnat cum prop. 42. lib. 2. ubi ait motum, qui propagatur per materiam fluidam, non modo extendere se rectâ ab origine sua, ubi per aperturam quandam transit, sed etiam ad latus declinare. Ad quæ primo respondeo, quod illa, quæ attuli, ut probarem, lumen (præterquam in reflexione vel in refractione) tantum directe extendi, non minus subsistat, etiamsi hæc propositio vera sit. Non enim nego, cum Sol per fenestram lucet, diffundi motum aliquem ad latus spatii illuminati, sed dico tantum undas illas, cum à via deflexerint, nimis debiles esse, quam ut possint lumen producere. Quamvis autem ille velit emanationem soni argumento esse, emotiones illas ad latus esse sensibiles; pro certo teneo contrarium inde manifesto colligi. Enimvero si sonus, cum transit foramen aliquod, ad latus etiam deflecteret, ut vult Newtonus, non tam accuratè observaret in Echo æqualitatem angulorum incidentiæ ac reflexionis, ita ut, quando sumus in loco, unde nulla potest perpendicularis cadere in planum reflectens muri paululum distantis, non audiamus Echo respondere clamoribus.



bus quos ibi edimus, ut sæpe expertus sum. Neque dubium mihi est quin experimentum, quod addit, de sono qui domo licet interposita exaudiretur tamen, aliter obtineret, si domus illa in medio aquæ collocata esset ita, ut nil haberet circa se quod particulam aliquam soni posset reflectere.

Quod vero affirmat, in quavis parte cubiculi cujus fenestra pateat, sonum ab extra ortum audiri, non quidem a muro reflexum, sed venientem recta à fenestra; patet quam pronum ibi sit errare, propter multitudinem reflexionum repetitarum, quæ quasi instanti fiunt: adeo ut sonus, quem putes immediate venire à fenestra, vel à locis vicinis fortasse veniat, post duplicem reflexionem. Quod igitur pertinet ad undulationes, quas in superficie aquæ videre est, fateor id contingere fere ut Newtonus dicit, id est undam, ubi pervasit foramen, utrimque dilatari, plerumque debilius tamen versus latera quam in medio. Verum dico, quod emanationes soni à recta vià devergentes pœne insensibiles auribus sunt, emanationes vero luminis, quæ à recta vià quoque aberrant, insensibiles oculis prorsus.

Existimavi mihi occurrendum fuisse difficultatibus, quas liber Newtoni subicere posset, quia nimirum probe novi quanti hoc opus aestimatur, ac merito quidem, ut pote quo nihil in his rebus inveniatur doctius, nihil quod majorem mentis penetrationem demonstret. Superest nunc ut duo capita adhuc observem in ejus systemate, quæ pulcherrima mihi videntur, occasionemque præbebunt animadvertendi quædam alia; ac demum dicam ea quæ in Adversariis meis reperi de motu corporum per aëra aliudve medium quod resistat: quo de motu agit non obiter Newtonus lib. 2.

Vidimus, quomodo in systemate Newtoni gravitates, tum planetarum solem versus, tum satellitum suos versus planetas, positæ sint in ratione dupla reciproca distantiarum



rum à centro suarum orbitarum. Idem mirifice confirmant ea, quæ Philosophus ille demonstravit de Luna, nempe vim centrifugam, quam à motu suo habet, æqualem esse præcise gravitati ejus terram versùs; ac proinde duabus illis viribus contrariis Lunam ibi suspensam hære ubi est. Etenim cum distemus ab ea 60 Semidiametris terræ, adeoque gravitas ejus in sua regione sit  $\frac{1}{7600}$  illius quam nos sentimus; necesse erat, ut vis centrifuga corporis, quod moveretur sicut Luna, æqualis item esset  $\frac{1}{7600}$  ponderis quod in superficie terræ haberet. Hoc autem ita prorsus reperitur, facileque computari potest, quandoquidem jam novimus vim centrifugam sub Æquatore esse  $\frac{1}{289}$  nostræ gravitatis hîc loci.

Sed exemplum istud Lunæ cum tam manifeste probet pondus minui, ex ratione reciproca quadratorum distantiarum à centro terræ; dubitare possit quis an non sit quædam alia inæqualitas in Pendulis, præter eam quæ à motu diurno nascitur. Si enim Terra non sphærica sit sed propemodum sphærois, punctumque aliquod sub Æquatore magis distet à centro quam idem sub Polo, in ratione 578 ad 577; ut jam dictum est; cum gravitates ibi sint in ratione contraria quadratorum distantiarum illarum, oporteret etiam pendulum sub æquatore brevius foret quam pendulum sub Polo, in eadem ratione contraria. Id est, Pendula illa essent ut 288 ad 289, five pendulum sub æquatore brevius esset  $\frac{1}{289}$  quam sub polo: quod discrimen prorsus idem est cum eo, quod è motu diurno aut vi centrifuga oritur. Ita ut horologium pendulo æque longo instructum lentius moveretur sub æquatore quam sub polo, duplo ejus, quo retardatur per motum Terræ; adeoque differentia illa diurna sub Æquatore fere esset 5 min. sub cæteris vero Parallelis reperiretur semper plusquam duplo major quàm ibi erat antea. Sed dubium valde mihi est an experientia magnam illam variationem confirmet, cum in descriptione itineris de qua

men.



mentionem feci, observaverim primam æquationem sufficere, futurumque ut æquatio illa plusquam duplo major nimium discriminis poneret, versus medium itineris inter viam navis calculatam ope penduli, eandemque ex æstimatione Navarchi computatam. Atque ut rationem adducam cur altera variatio locum non haberet, dico non mirum fore, si gravitas, prope superficiem terræ, non sequeretur præcise, ut in regionibus sublimioribus, diminutionem quam producant variæ distantiae à centro. Etenim potest fieri ut motus materiæ, quæ gravitatem gignit, paululum immutetur in viciniis terræ, veluti videtur intrinsecus fieri; cum aliter necesse esset ut gravitas, ubi accedit ad centrum, in infinitum cresceret: quæ res minime verisimilis est. Quinimmo Newtonus vult gravitatem intra terram minorem fieri, prout corpora ad centrum appropinquant. At id probat principio eodem, de quo jam dixi mihi cum illo non convenire.

Hoc unum superest quod vehementer mihi placuit illo in syllemate; Nempe invenit methodum quâ, posito distantiam à terrâ ad solem notam esse, definiri possit quænam sit gravitas quam sentirent incolæ Saturni & Jovis, comparata cum nostrâ & quænam ejus mensura sit ad superficiem solis. Eæ res etsi longè à cogitatione nostrâ remotæ videantur, tamen sequuntur ex principiis quæ paulo prius recensui.

Determinatio illa locum habet in Planetis qui unum aut plures satellites habent, quia horum tempora periodica, & distantiae à Planetis quos comitantur, debent contineri in calculo; ex quo Newtonus repperit gravitates in superficiebus Solis, Jovis, Saturni & Terræ, esse in ratione horum numerorum 10000,  $804\frac{1}{2}$ , 536,  $805\frac{1}{2}$ . Non diffiteor aliquid incerti inesse, propter distantiam solis non satis notam, quæ hocce in calculo sumpta est quasi 5000 diametrorum terræ, cum, ex dimensione Cassini sit circiter 10000; quod accedit ad id, quod alias repereram,  
ex



DE CAUSA GRAVITATIS. 129

ex rationibus verisimilibus, in Syſtemate meo Saturni, ſcilicet 12000. Diſcrepo etiam paululum in eo, quod pertinet ad Planetarum diametros. Ex mea computandi ratione, gravitas in Jove, ad eam quam hic in terra habemus, eſt ut 13 ad 10, cum Newtonus utramque faciat æqualem, aut ſaltem ejuſmodi, ut diſcrimen vix ſentiri queat. Sed gravitas in ſole quæ ex numeris ſuperioribus, erat duodecies circiter major quam noſtra, à me invenitur vices & ſexies major. Ergo, explicatâ gravitate ita ut ego feci, materia fluida debet prope ſolem quadrageſies & novies velocior eſſe, quam ea quæ terræ vicina eſt, & quæ jam tum decies & ſepties ſuperabat celeritatem alicujus ſub Æquatore puncti. Summâ hâc rapiditate adductus ſum ad cogitandum an illa non ſit cauſa cur Solis lumen ita fulgeat, poſito quod lumen gignatur eo quo expoſui modo, nempe quod particulæ Solis, innatantes materiæ ſubtiliori & valde agitatæ, impingant in particulas ætheris circumfluas. Si enim agitatio materiæ ejuſmodi, in illo motu quem hic in terrâ habet, poteſt efficere ut fulgeat flamma candelæ, quanto magis lumen illud futurum eſt ſplendidum, à motu quadrageſies & novies rapidiori concitatorique.

Summa cum voluptate vidi quæ Newtonus ſcripſit de caſu & jactu corporum gravium in aëre ſive alio quovis medio quod motui reſiſtat, quia eidem ſtudio operam olim dederam. Quoniam autem hæc materia partim gravitatem ſpectat, puto me hic poſſe adferre, quæ tum detexi. Sed ſummatim hæc exponam, neque adjungam demonſtrationes, ut pote quas reliquerim imperfectas, cum ſpeculatio illa non mihi videretur tanti uſus aut conſequentiarum, quæ reſponderent difficultatibus, quæ ibidem occurrunt.

Primo examinaſti motus illos, ponendo vires reſiſtentiaſſe ut velocitates corporum; quod tunc verisimillimum videbatur mihi. Verum vix fueram aſſecutus quod perſequabar, cum cognovi, ex plurimis experimentis quæ

R.

feci.



fecimus Parisiis in *Academia Scientiarum*, resistantiam aëris & aquæ esse ut quadrata velocitatum. Id autem facile concipi potest, quia corpus, quod movetur, verbi gratiâ, duplâ celeritate, incurrit in duplum particularum aëris aut aquæ, idque celeritate duplâ. Vidi ita novam meam Theoriam hunc in modum corruere, aut saltem inutilem esse, volui dein quærere quid contingeret, quando ponitur verum hoc fundamentum resistantiarum; ubi comperi rem esse multo difficiliorem, ac præsertim in eo quod spectat lineam curvam quam corpora oblique jacta percurrunt.

In primâ suppositione, quod resistantiæ sint ut velocitates, notavi, ad reperiendâ spacia certo tempore percurra, ubi corpora cadunt aut ascendunt perpendiculariter, & ad determinandas celeritates in fine temporis, lineam quandam curvam, quam jam ante examinaveram, summæ utilitatis in hoc negotio esse. Nuncupari potest *Logarithmica* aut *Logistica*, nondum enim quantum video accipit nomen, licet eam plures jam observaverint. Linea illa infinita est ABC, & habet pro asymptoto lineam rectam DE; in qua, si sumantur partes æquales quæ se mutuo sequantur, ut DG & GF, ducanturque, à punctis D, G, F, perpendiculares usque ad curvam, scilicet DA, GH, FB, lineæ illæ erunt continue proportionales. Unde patet facile reperiri posse quotvis puncta in curva illa, cujus postea proprietates aliquas describam quæ sunt notatu dignæ. Ut nunc explicem ea quæ pertinent ad casus corporum, repeto hic primum ea quæ dixi in fine tractatûs mei de centro agitationis; scilicet corpus, cadendo per aëra, celerius celeriusque semper moveri, ita tamen ut nunquam excedere possit aut attingere certum quemdam gradum, nempe illum quo aër ab inferiori sursum sufflans opus haberet, ut corpus teneret suspensum & immobile: tunc enim vis aëris in corpus illud æqualis est gra-

TAB. IX.  
fig. 5.



# DE CAUSA GRAVITATIS. 131

gravitati ejusdem. Celeritatem illam in unoquoque corpore voco celeritatem *terminalem*.

Si igitur corpus grave perpendiculariter projiciatur sursum ea cum celeritate, cujus ratio ad celeritatem terminalem sit data, exempli causâ, partis AK ad KD in ordinata AD, quæ est perpendicularis asymptoto DE; ducatur KB parallela asymptoto illi, & in puncto B curva tangatur à recta BO, quæ occurrat DE in O, & DA in Q. Tangens autem illa reperitur, sumptâ FO, ab ordinata BF æqualis certæ cuidam longitudini, quæ pro omnibus tangentibus eadem est, & quam definiam postea. Deinde sit AC parallela tangenti illi, secetque KB productam in P; & è puncto C, ubi occurrit curvæ, ducatur pariter CLM parallela AD, secansque KB productam, & AM parallelam asymptoto, in punctis L & M. Nunc tempus, intra quod corpus ascendit ad altitudinem quo pervenire valet, est ad tempus intra quod ab eadem altitudine descendit, ut linea KB ad BL.

Tempus vero intra quod, jactum ut diximus, ascendit per aëra, est ad tempus intra quod ascenderet, si nulla esset resistentia, ut KB ad KP.

Altitudo autem quò in aëre ascendet, ad eam quò ascenderet absque resistentia, ut spatium ABK ad triangulum APK, vel ut QA ad AX, quam sumo esse dimidiam partem tertiæ proportionalis lineis DK, KA.

Et Velocitas ejus initio ascensus ad eam quam habet in descensu, ut ML ad LC.

Præterea reperitur ex eadem linea quamnam curvam percurrat corpus oblique missum. Etenim, in eadem figura, si angulus jactus, in linea horizontali, sit LMR cum velocitate data, cujus motus sursum sit ad celeritatem terminalem ut AK ad KD; repetatur superior constructio, & Recta AS, quæ tangit curvam ABC in A, occurrat KB in S. Deinde ut SP ad PB, ita sit RL ad LT, & in basi MC erigatur figura proportionalis

TAB. IX.  
fig. 6.



segmento  $ABCP$ ; adeo ut lineæ parallelæ & æquidistantes ab asymptoto  $DE$ , in utraque figura, habeant omnino eandem rationem  $BP$  ad  $TL$ . Curva  $MTC$  notabit figuram quæsitam jactûs.

Quoniam vero altitudo jactûs cum resistantiâ erat ad altitudinem jactûs liberi, ut  $QA$  ad  $AX$ ; si fiat ut  $TL$  habeat eandem illam rationem ad aliam lineam  $VZ$ ; illa erit altitudo paraboles  $MU$  quam describit jactûs ille liber, qui incepit in  $M$  eâdem vi & eadem directione  $MR$ , quâ alter jactûs. Itaque si, in angulo  $LMR$ , formetur  $YZ$  perpendicularis ad  $MC$  & æqualis duplici  $VZ$ , habebitur vertex paraboles illius in  $V$  in medio  $YZ$ , & illius dimidia basis sive dimidia amplitudo  $MZ$ .

Notandum est, quicumque sit angulus elevationis  $LMR$ , posito quod velocitas verticalis eadem maneat, hîc inveniri eandem amplitudinem  $MC$ . Verum hoc moneri debet, tantummodò jactuum figuras sic reperiri, non vero altitudines amplitudinesque diversorum jactuum simul comparatorum. Etenim debent esse omnes ejusdem altitudinis, quando celeritas verticalis eadem est. Itaque singula quæque figura jactûs, sic reperta, debet redigi ad figuram proportionalem æqualis altitudinis, ut sciamus quomodo amplitudines altitudinesque diversorum jactuum sint inter se.

Verum addo etiam hic, quod linea Logarithmica non modo utilis sit reperiendis curvis jactuum, sed quod sit curva ipsa in uno casu, ubi scilicet corpus jacitur oblique deorsum, ita ut descensus perpendicularis æquet celeritatem terminalem. Tunc enim corpus illud sequetur præcise curvaturam lineæ ejusmodi, accedendo semper ad asymptotam, quam attinget nunquam. Quod autem determinat speciem lineæ, est quod ejus *subtangens* (sic nuncupabo lineam  $FO$  quæ pro tangentibus omnibus eadem est) dupla erit altitudinis ad quam celeritate terminali corpus ascendet, absque medio resistente.

Hæc



# DE CAUSA GRAVITATIS. 133

Hæc repperam in hypothesi resistantiam esse ut celeritatem; sed cum theoria mea eo niteretur principio, quam natura non sequitur in resistantia aëris & aquæ, eam prorsus neglexi, neque resumpsissem unquam nisi tractatus Newtoni movisset me ut viderem an ea quæ viis diversis quæsieramus, inter se convenirent. Quod sic se habebat, constructio enim quâ utitur prop. 4. lib. 2., ad lineam jactûs, licet diversa longe à mea difficiliorque multo, eandem tamen curvam producit, ut potest probari demonstratione Mathematica.

In illis examinandis, quæ contingunt in vera hypothesi resistantiæ, quæ est in ratione dupla celeritatis, determinaveram tantum casum particularem corporis jacti fursum cum sua celeritate terminali; scilicet tempus, integre ejus elevationis in aëre, esse ad tempus intra quod adscenderet quousque potest liberè, ut circulus est ad quadratum ei circumscriptum, & altitudinem prioris jactûs esse ad altitudinem alterius, ut spatium, inter hyperbolen ejusque asymptoton, terminatum duobus lineis parallelis alteri asymptoto, quæ sint in ratione 2 ad 1, ad rectangulum aut parallelogrammum ejusdem hyperboles. Id est, ut spatium AMDK ad quadratum AC. TAB. IX.  
fig. 7.  
Nondum vero indagaveram cæteros casus, qui continentur universaliter in pulcherrimâ prop. 9. lib. 2. Newtoni, idque, quia non reperiēbam ex mea methodo mensuram descensus corporum, nisi supponerem quadraturam certæ cujusdam lineæ curvæ, quam nesciebam pendere à quadratura hyperboles. Redegi etiam dimensionem spaciū curvæ illius ad progressionem infinitam,  $a + \frac{1}{2}a^2 + \frac{1}{3}a^3 + \frac{1}{4}a^4 + \frac{1}{5}a^5 + \frac{1}{6}a^6 + \frac{1}{7}a^7$  &c. Ignorans eandem progressionem dare etiam mensuram sectoris hyperbolici, quod intellexi postea, comparatâ demonstratione Newtoni cum iis quæ ipse repperam.

Quoniam autem progressio illa, pro mensura hyperboles, nondum observata est, quod sciam, hic explicare







que etiam modo resistat medium; cum è contrario limites habeat motus certumque terminum nunquam attingat corpus, quando resistantia est ut velocitas. Infinitum autem esse in primo casu facile patet ex prop. 5. lib. 2. Newtoni, quia spatium, comprehensum inter hyperbolen illiusque asymptoton, est magnitudinis infinitæ.

*De proprietatibus Lineæ Logisticæ.*

**P**roprietates Lineæ Logisticæ, quas recensiturum me pollicitus fui, & quibus aliquæ interservierunt ad reperienda ea quæ observavi circa motus per æra, sunt illæ, quæ sequuntur; præter primam de qua jam dixi, proportionalitatem nempe ordinatorum ad asymptoton, quando æque distant, per quam in illa linea reperiuntur puncta.

1. Spatia comprehensa duabus ordinatis ad asymptoton sunt inter se ut ordinarum illarum differentia. Sic, in hacce figura, ubi AVD est Logistica, BO illius asymptotos, & ordinata, AB, VC, DQ; è quibus istæ ultimæ productæ occurrunt AK parallelæ asymptoto, in E, K; spatia ABCV, ABQD sunt inter se ut rectæ EV, KD. TAB. IX.  
fig. 8.

2. Iisdem positis & AO factâ tangente in puncto A, ac secante CE, QK, in I & G; spatia AVE, ADK sunt inter se ut rectæ VI, DG.

3. Spatium comprehensum duabus ordinatis est ad spatium infinitum, quod, à minima ex ordinatis illis, extendit se logisticam inter ejusque asymptoton, ut differentia earundem ordinarum ad minimam. Cum vero dico spatium infinitum habere certam quamdam rationem ad spatium aliquod finitum, significat illud tam prope accedere ad magnitudinem spatii dati, quod habeat proportionem illam ad spatium finitum, ut differentia possit fieri minor quam spatium quodlibet datum. Spatium ABQD est ad spatium infinitum quod à AQ extendit se inter curvam & asymptoton, ut KD ad DQ.

4. Subtangens, ut BO, est semper ejusdem longitudinis, ad quodcunque etiam punctum logisticæ pertineat tangens.

5. Longitudo illa per approximationem reperitur, & est ad partem asymptotæ comprehensam inter ordinatas rationis duplæ, ut 434294481903251804 ad 301039995663981195, aut fere ut 13 ad 9.

6. Si sint tres ordinatæ, ut AD, HG, BF, & è puncto curvæ & minimæ harum, ducatur parallela ad asymptoton quæ secat duas alias ordinatas in R & K, & tangens QB quæ easdem secet in N & Q; spatia tri- TAB. IX.  
fig. 5.  
linea ABK, HBR sunt inter se, ut partes ordinarum inter curvam & tangentem, scilicet ut AQ, HN.

7. Spatium infinitum inter ordinatam, logisticam, & ejus asymptoton; ubi duæ istæ postremæ ad sese mutuo accedunt, est duplum trianguli quem faciunt ordinata, Tangens ducta ex eodem puncto ac ordinata, & subtangens. Sic, spatium infinitum, ab ordinata BF, est duplum trianguli BFO.

8. Spa-



8. Spatium, comprehensum duabus ordinatis, est æquale rectangulo ex subtangente & differentia earumdem ordinarum. Sic, spatium  $ADFB$  est æquale rectangulo subtangentis  $FO$  &  $KA$ .

9. Solidum, quod producit spatium infinitum ab ordinata aliqua, volvendo se circum asymptoton, est sesquialterum Coni, cujus altitudo æqualis est subtangenti, & Semidiameter baseos æqualis eidem ordinatæ. Sic solidum, quod spatium infinitum  $BFOC$  facit, volvendo se circum  $FO$ , & sesquialterum coni, quem facit triangulum  $BFO$ , volvendo se circum eandem  $FO$ .

10. Solidum productum ab eodem spatio infinito, volvendo se circum ordinatam  $BF$  à qua incipit, est sextuplum coni quem facit triangulum  $BFO$ , per conversionem suam circa  $BF$ . E qua solidorum mensura hoc sequitur, quod

11. Centrum gravitatis spatii infiniti, ab ordinata una, distat ab ea longitudine subtangentis.

12. Quod idem illud centrum gravitatis distat ab asymptoto, quartâ parte ordinatæ.

13. Repereram etiam centrum gravitatis primi ex solidis illis infinitis distare à sua basi, dimidiâ parte subtangentis.


14. Centrum vero gravitatis alterius solidi distat à sua basi infinita, octavâ axis sui parte.

15. Lineam illam logarithmicam conducere ad quadraturam hyperboles, abunde notum est ex demonstrationibus Patris Gregorii à S. Vincentio, de spatiis hyperbolicis comprehensis duas inter ordinatas super una ex asymptotis. Ut &, si duo sint ejusmodi spatia, è quibus unius ordinatæ sint ut  $AD$  ad  $HG$ , & ordinatæ alterius ut  $BF$  ad  $CE$ ; spatia illa inter se fore ut lineæ  $DG$ , ad  $FE$ . Verum neminem scio observasse eadem illa spatia hyperbolica esse ad parallelogrammum hyperboles (sic voco parallelogrammum cujus latera sunt duæ ordinatæ super asymptotis, ductæ ex eodem sectionis puncto) ut singulæ quæque ex lineis  $DG$ ,  $FE$  ad subtangentem  $FO$ . Adeoque, si parallelogrammum hyperboles ponitur 0, 4342944819 partium, singulum spatium hyperbolicum, comprehensum duas inter ordinatas ad unam ex asymptotis, erit ad parallelogrammum illud, ut logarithmus proportionis earumdem ordinarum; id est ut differentia logarithmorum numerorum, qui expriment proportionem ordinarum, ad numerum 0, 4343944819; sumptis Logarithmis decem characterum præter characteristicam.


Hinc facile est confirmare quadraturam hyperboles, quam dedi in tractatu de evolutione linearum curvarum, quem videre est in meo *Horologio oscillatorio*.

F I N I S.











GEOMETRICA  
DEMONSTRATIO  
THEOREMATUM  
HUGENIANORUM

CIRCA

LOGISTICAM, SEU LOGARITHMICAM LINEAM,

*Qua occasione plures Geometricæ Methodi exhibentur circa Tangentes,  
Quadraturas, Centra gravitatis, Solida, &c. variarum cur-  
varum, uti infinitarum Parabolarum, Hyperbolarum,  
Spiralium, &c. Aliæque Geometricæ Veritates  
illustrantur.*

ADDITA EPISTOLA GEOMETRICA AD P. THOMAM CEVAM S. J.

AUCTORE

D. GUIDONE GRANDO

CREMONENSIS,

Monacho Camaldulensi, & in Almo Pisano  
Lyceo Publ. Philosophiæ Professore.







AD SERENISSIMUM  
FERDINANDUM III.

MAGNUM ETRURIAE PRINCIPEM.

SERENISSIME  
PRINCEPS.



Ingularis in Bonas Artes, maxi-  
mèque in Mathematicas Disciplinas, Ser. Celf.  
Tuæ Genius, atque in earumdem cultores, ME-  
DICEO PRINCIPE verè digna, Propensio, &  
animum, & stimulos addiderunt, ut apud eandem  
Celsitudinem Tuam Opusculum hoc Geometri-  
cum collocarem. Enimverò maximum operæ  
compendium facturum me intellexi, ubi specula-  
tiones has meas ejusmodi Principi consecrarem,  
apud quem, & Scientiæ sublimitas, & Argu-  
menti præstantia, & Doctrinæ utilitas nonnisi



superflue commendanda foret, nec repetitis,  
aut votis, aut precibus opus esset ad illius Tu-  
telam Operi simul, Auctoriq[ue] impetrandam.  
Horum scilicet studiorum pretium abunde nosti,  
Principum Optime, imò & nos ipsos non opere  
minùs, quàm verbo doces, quanti ipsa facienda  
sint, dum in illorum præsidium, qui eadem pro-  
movere student, ultrò Ipse descendis, quò confi-  
dentiùs, & securiùs ad Te accedere non verean-  
tur. Omne igitur officium satis explevero, si  
citra verborum circuitum, brevi dumtaxat, sim-  
plicique narratione, quale mihi argumentum  
hìc tractandum susceperim, aperuero.

Clarissimus Vir Christianus Hugenius (notum  
Celsitudini Tuæ nomen, pro Litteraria, qua  
tântoperè excellis, Eruditione Tua, in Astrono-  
micis præsertim, Physicis, & Geometricis rebus,  
quas ille disciplinas summè illustravit) ex *Logi-  
stica*, seu *Logarithmica* Lineæ proprietatibus,  
nonnullas planè admirabiles ad calcem suæ Dia-  
tribæ de causa Gravitatis, citrà demonstrationem  
ullam, nudè proposuit, quibus ipsemet usus fue-  
rat, ad arduas physicæ veritates in eodem tra-  
ctatu indicandas, variorumque problematum de-  
terminationem, ad motum corporum, seu per  
aerem projectorum, seu proprio pondere de-  
scendentium, computata etiam mediî resistantia,  
perti-



pertinentium expediendam. Quum itaque insignes adeò, ac geometrica contemplatione per se dignissimas esse proprietates illas animadvertirem, ac præterea in Philosophicis etiam usum habere posse, è re futurum judicavi, ut iisdem demonstrandis operam darem, quò plenius de ipsarum veritate constaret, eoque tutius deinceps ad Physicam transferrentur; Longissimè siquidem à Geometriæ ditione exulare cognoveram Pythagoricum illud, *Ipse dixit*, parvamque adeò solius pronunciantium Auctoritatis in hac Scientia rationem haberi; atque id quidem merito, quippe & Magnorum aliquando Virorum determinationibus absque demonstratione propositis (seu methodi, seu applicationis, seu calculi lapsu, quem in extendenda demonstratione facillimè animadvertissent) falsitatem irrepsisse deprehendimus. Evidentiam itaque in ejusmodi esse exigendam, quæ Geometricis potissimum rationibus est concilianda. Geometricè idcirco singulas, ex propositis ab Hugenio Logisticæ Proprietatibus, demonstrare aggressus sum, nec uno plerumque modo, sed pluribus, iisque admodum generalibus, atque ad infinitarum Parabolarum, Hyperbolarum, Spiralium, aliarumque variarum curvarum Tangentes, Quadraturas, Solida determinanda conducentibus, ut non soli Logisticæ,



sed omnibus ferè sub Geometricam considerationem cadentibus figuris, præsentis Opusculi utilitas communis esset.

Et hic quidem, SERENISS. PRINCEPS, hujus Commentarioli mei scopus, hæc summa est, quod cùm per se se exiguum sit, sui que ratione Auctoris obscurum, Tui Nominis tamen Luce ejus fronti affulgente, non usque adeò vilescere poterit, imò & supra conditionis, atque indolis suæ sortem sperare incipiet; quamquàm id unum mihi abundè suffecturum sit, ut mei erga S. C. T. obsequii, gratæque erga Augustissimam MEDICEAM Domum, cui tot beneficiis devincor, observantiæ, acceptum Tibi pignus, perpetuumque in omnem posteritatis memoriam monumentum existat.


Ex Monast. Angelorum Flor. Idib. Julii MDCCL.  
Sereniss. Celsitud. Tuæ

*Humillimus, Addictiss. atque Obsequentiss. Famulus*  
D. Guido Grandus Monachus Camald.

A D



# AD LECTOREM PRÆFATIO.

1  Onſuetudinis eſt apud Geometras vetuſtiſſimæ, ut quæ ab aliis ſine demonſtratione propoſita ſunt, ſive Theoremata, ſive Problemata, ſibi met oſtendenda, ac geometricè confirmanda aſſumant, vel exercitationis propriæ, vel communis utilitatis gratia, ut certa ab incertis, à falſis vera ſecerni poſſint, atque hæc tutò recipi, ac in uſum, ſi quem habent, converti, illa tanquam ſpuria, & fallaciter aſſerta reſpui, & amandari; id vel ex uno Archimede conſtare poteſt, qui in Præfatione ad Libros Spiraliũ, Cononem ſummis laudibus celebrat, ejuſque inventa Mathematicis, ſine demonſtratione propoſita, ſibi demonſtranda aſſumit; id quod tam accuratè, tantoque ingenio præſtitit, ut, Bullialdo teſte, *in ſui admirationem, cùm æquales, tùm poſteros converterit; laudum titulos, nullo oblivionis ſitu inducendos, meruerit, earumque (Spiraliũ) inventori Cononi gloriam, palmamque præripuerit.* Enimverò, qui in aliorum propoſitionibus demonſtrandis operam collocant, quàm arduam, difficilemque in ſe provinciam ſuſcipiant, Vir Cl. Galilæus in Trutinatore, pag. mihi 48. luculenter oſtendit, dum ait: *Longè ſublimioris ingenii eſt alieni Problematis enodatio, aut oſtenſio Theorematis, quàm novi cujuſpiam inventio; Hæc quippæ fortune in incertum vagantibus obviæ plerumque eſſe ſolet; tota verò illa, quanta eſt, ſtudioſiſſimam attentæ mentis, in unum aliquem ſcopum collimantis, ratiocinationem expoſcit.*

2. Eum-



2. Eundem & ipse pulverem agitare aggressus, quemadmodum ante biennium Vivianea Problemata tibi geometricè demonstrata obtuli, innumeris aliis veritatibus, seu planè novis, seu majori compendio ex prolixa Veterum suppellectili deductis, Conicorumque præsertim Fornicum Tetragonismo locupletata; ita nunc HUGENIANA THEOREMATA, longè adhuc plurium speculationum campum, pro variis, iisque generalibus methodis, quibus in eorumdem demonstratione uti placuit, aperientia, communicare proposui. Seriùs id quidem, si Theorematum Hugonii propositionem spectes, illa quippe ad calcem Diatribæ de *Causa Gravitatis*, Tractatui de *Lumine* ejusdem Auctoris adnexæ, usque ab Anno 1690 Lugduni Batavorum excusa jam prostant; Sin verò eadem animadvertendi copiam ante paucos menses mihi nunc primùm factam attendas, satis adhuc tempestivè. Hoc scilicet Anno dumtaxat, quum Pisis degerem, & obeundis Philosophicæ Cathedræ, ad quam Regiæ Magni Etruriæ Ducis Celsitudinis Beneficentia nuper vocatus fueram, muneribus incumberem, apud Humanissimum æquè, ac Nobilissimum Juvenem Lucam Albizium S. Stephani Equitem, in his, quæ ad Geometriam, ad Physicam, multiplicemque Eruditionem spectant, apprimè versatum, prælaudati Hugoniani Tractatus exemplar tandem invenire, ac sedulò evolvere potui. Rapuit animum statim Propositionum illarum, quæ & scitu jucundæ, & vestigatu difficiles videbantur, Utilitas, atque Elegantia; inde siquidem, ipsomet Hugonio fidente, pendere videbam, quæ Vir Clarissimus de Gravium projectione perpendiculari, & obliqua, eorumque descensu pronunciaverat, in hypothesi, quòd resistentiæ mediorum in eadem ratione crescerent cum velocitatibus corporum, uti eatenus creditum fuerat. Ac de Physicis quidem Propositionibus vix sollicitus fui, quum jam de hypothesi non conveniret, majorque,



que, Hugenio teste, se oblatura esset in ipsarum demonstratione difficultas, quàm quæ rei pretio compensaretur.

3. De Geometricis secus apud me statui: legeram apud Serenum Antistensem Epist. ad Cyrum, præfixa lib. 1. de sect. cylindri. *Absurdum omnino videri, Geometras ipsos de Problemate Geometrico sine demonstratione quicquam affirmare*; & quamvis longissimè abessem ab ejusmodi consuetudine, generaliter idcirco damnanda, quum scirem, justis de causis, seu temporis inopia, seu brevitatis studio, sive exercitationis Lectorum gratia, id aliquando licere, quemadmodum & nobis, tum in proximè edito, tum in præsentī etiam Opusculo nonnulla exciderant citra demonstrationem asserta, Geometriæ tamen, ac Physicæ promovendæ plurimum interesse putavi, ut miranda hæc Theoremata ad Logisticam pertinentia tandem demonstrarentur, è quibus, quemadmodum illæ, quas supra ex Hugenio laudabam, ita aliæ, & aliæ Phylosophicæ Veritates certioribus hypothesibus innixæ profluere possent, quamdiù autem illa per legitimam demonstrationem firmas radices non agerent, inculta planè, ac sterilia jecerent. Et proprio igitur genio, & Amicorum stimulis accedentibus, ut in Logisticæ Proprietatum ab Hugenio propositarum veritatem inquirerem, de iisdem accuratè demonstrandis cogitare coëpi. Quod quidem foeliciùs, quàm ab initio speraveram, deinde successit, paucarum quippe horarum meditatione, octo priorum Theorematum (quinto excepto, quod abstrusorem sibi poscere indaginem prævideram) demonstrationem inveni; nec multis post diebus reliqua omnia enucleavi, præter duodecimum, tertium decimum, ac quintum jam ab initio intermissum, quorum Veritas, ut in apertam lucem, vel ipsa spontè prodiret, vel educi se non invita pateretur, longioris operæ officii invitanda, roganda, ac tantum non per vim extrahenda.



trahenda fuit, nobiliorem quippe manum fortasse expectans, obscuri hominis conatus refractaria dedignabatur.

4. Sed quorsum, inquires, à tanto Viro proposita in examen vocare, & ad demonstrationis amussim expendere oportuerat? An non satis tuto admitti poterant, citra suspensionem ullam falsitatis, vel hoc ipso, quod acutissimus ille, & tot nominibus celebris Geometra rem ita se habere fidenter asseruerat? Archimedi, quidquid diceret, credendum deinceps esse Hyeron Syracusius, & Gelon Siciliae Rex pronunciarunt, apud Proclum *lib. 2. cap. 3.* postquam Navim contra omnium opinionem loco movisset, & Artificis fraudem ex Coronae pondere ad calculos revocasset; Quid ni igitur, citra aliam indaginem, & Christiano Hugenio credimus, post feliciter detectum Saturnium Annullum, post ostensas Curvarum Evolutarum proprietates, Cycloidis longitudinem demonstratam, Pendulique oscillationes ad isochronismum revocatas, ut de aliis taceamus praeclaris inventis, quibus Physicam, Astronomiam, & Mathesim denique universam insigniter illustravit? Haec certe si Archimedis tempore proposita fuissent, non minus vestigatu ardua, inventuque difficilia censerì poterant, quam minimae potentiae ad maximum pondus movendum per machinam elevatio, vel aurea corona permixti argenti discretio.

5. Ultrò ipse fateor, dignos esse summos Geometras, utpotè Veritatis commercio maximè omnium affuetos, quibus, etiam eorum, quae pronunciant, demonstrationem reticentibus, fides nihilominus habeatur; neque enim *Mathematicos*, concessio *Historicis* privilegio, quis jure fraudaverit, quum ipsa *Geometria* à Pythagora *Historia* appellari consueverit, teste Jamblico in ejus vita, *cap. 18.*; imò longè potior illius sit, quam istius ratio, quippe nulla ex parte, aut à lubricis famae rumoribus, aut ab incertis documentis, aut à praëoccupato partium studio sibi met imponi patitur



titur Geometra, quum quidquam asserit, sed quod evidenti dumtaxat ratione apud se constiterit pronunciare solet; quo nomine perfectam Historiæ ideam Geometria præbet, quam utinam imitarentur qui Historicos agunt, nec quicquam temerè solis conjecturis ducti, prout sibi somniaverint, describerent, sed ea dumtaxat, quibus (quantum materia patitur) demonstrandis se idoneos, & paratos sentiunt! Nil tamen vetat, quin & ipsi Geometræ, cum homines sint, lapsibus quoque obnoxii esse possint; primo siquidem obtutu veri speciem prætereunda potest fallax quoddam ratiocinium Geometrarum mentibus uno impetu obiectum, illosque in errorem inducere, à quo facile sibi cavissent, si speculationum suarum demonstrationem per extensum adducere, ac per singulas partes attentius expendere voluissent; exempla sunt, & antiqua in Conone supra laudato, quem, inter ingeniosissima inventa sua, Geometris absque demonstratione proposita, quædam complexum fuisse, quæ falsa erant, testis est idem Archimedes *loc. citat.* & recentia non desunt in Mathematicorum lectione versatis, quæ hic referre non vacat, & alibi indicata habes *cap. 12. n. 10.*

6. Sed esto verissima omnia sint, quæ in Geometris sine demonstratione proponuntur (ut certè indubia sunt, quæ à Viviano, ab Hugeniō, aliisque summis Viris poposita habemus, neque id fas in controversiam adducere) quamdiù hic subsistunt Geometræ, tamdiù revera *Puri Historici* munus obeunt; quiddam amplius Geometriæ titulis accedere par est, quàm nudam Historiæ laudem: utrumque Geometria munus habet, & vera proponere (quod Historiæ commune est) & eadem demonstrare (qua singulari dote ab Historia discernitur, & summum humanæ Sapientiæ verticem meritò possidet) Historiæ sufficit, si fidem pariat; Geometria, si evidentem prætereà rerum abs se propositarum scientiam Lectorum mentibus non inducit, vix



Geometriæ nomen, & speciem servat. Non inutilis igitur operæ fuerit, à maximis ævi nostri Geometris asserta demonstrationibus suis communire, & quod illis, vel temporis, vel opportunitatis defectus invidit, supplere, quemadmodum pro viribus exequi, tum in antecedenti, tum in hoc nostro Opusculo conati sumus; Præsertim cùm ea occasione tam generales Tangentium, Quadraturarum, ac Dimensionum methodos aperire, Tibique, mi Lector, explanare licuerit, in quibus quid profecerim, quid aliorum inventis addiderim, Tui ipsius iudicio relictum esto. Interea, si hæc boni feceris, infinitis aliis, quæ adhuc, vel schedulis sparsa, vel ordinatius disposita premo, edendis animum dabis.





# GUIDONIS GRANDI MONACHI CAMALDULENSIS

In Pisana Academia Publ. Philos. Professoris.

## GEOMETRICA DEMONSTRATIO

### THEOREMATUM HUGENIANORUM

CIRCA LOGISTICAM, SEU LOGARITHMICAM LINEAM. TAB. X.

#### C A P U T I.

*Logistica, seu Logarithmica descriptio. Ejus primaria proprietas. Logistica aliorum graduum. Ejusdem per duos motus generatio. Axem habet pro Asymptoto. Tam supra, quam infra in infinitum continuari potest. Alio duplici motu describitur. Spiralis Logarithmica per duos motus descriptio. Ejus primaria affectio. Ad alios gradus extendi potest. Centro per infinitos cincinnos circumvolvitur, licet longitudine finita sit. Aequè inclinatur cuilibet radio. Gravia per ipsam delata eodem semper momento pollent, respectu momenti, quod haberent in perpendiculo, Cartesio etiam id primum observante. Per convolutionem primæ Logistica gigni potest. Fallax, ex nonnullorum methodo, ratiocinium circa ejus spatii dimensionem.*

T 3

1. Recta





Etiam methodus postulat, ut, antequam ad demonstrandas, quas Hugenus proposuit, Logisticae proprietates accedamus, illius genesis, & descriptio præmittatur; imò & variis modis idem præstare non inutilis operæ pretium fuerit, inde siquidem non solum primariæ ejusdem affectiones, ex quibus aliæ pendent, sponte sua profluere intelligentur, verum etiam ad eorum, quæ deinceps dicenda sunt, intelligentiam haud parum conducet clara, & distincta ejus naturæ notio, per ejusmodi varias generationes Lectorum mentibus facilius indita, atque altius infixa.

TAB. X.  
Fig. 2.

2. Logistica igitur, seu Logarithmica linea illa est, in qua ordinatæ ad æquales axis partes sunt geometricè proportionales; nempe diviso axe BQ in quotlibet partes æquales BC, CG, GQ, &c. si ad earumdem terminos ordinatæ BA, CV, GH, QD, &c. fuerint continuè proportionales, quæ per puncta A, V, H, D, (aliaque extrema  $z z$ ,  $m m$ , mediarum proportionalium, æquo semper intervallo, duabus quibuslibet ordinatis interponendarum) transit linea, *Logistica*, seu *Logarithmica* appellari consuevit, eò quòd inveniendis logarithmis inserviat, uti ex sequentibus manifestum erit.

3. Ex hac enim definitione constat, partes axis ita correspondere ordinatis, quemadmodum Logarithmi respondent naturalibus numeris, & quòd ratio quarumlibet duarum ordinarum, veluti BA ad CV, respectu rationis ordinarum BA ad QD in eadem proportionem erit, in qua axis partes CB, & QB per has ordinatas abscissæ; siquidem, æqualiter crescente axe, perinde æqualiter crescit ordinarum proportio, unde quàm multiplex est QB ipsius BC, tam multiplex



plex pariter est ratio duarum  $BA$ ,  $QD$ , rationis duarum  $BA$ ,  $CV$ ; & generaliter, rationes, quas invicem habent duo quælibet ordinatarum paria (etiãsi una pro communi antecedente, aut consequente non sumatur, sed comparetur, verbi gratia, ratio duarum  $BA$ ,  $CV$ , cum ratione, quæ est inter duas  $GH$ ,  $QD$ ) erunt ad invicem, ut partes axis quolibet ordinatarum pari interceptæ, uti ad ipsam curvæ hujus naturam attendendo, vel sumptis, tum rationum illarum, tum axis partium æquè multiplicibus, facile constare potest; atque hæc erit primaria Logisticæ proprietas, per quam poterit expressius definiri, ejusque natura clariùs determinari.

4. Ubi obiter animadvertendum erit, posse aliorum etiã graduum Logisticas excogitari, si videlicet rationes ordinatarum  $BA$  ad  $CV$ , &  $BA$  ad  $QD$  jam non forent ut partes axis  $BC$ , &  $BQ$ , sed ut earumdem  $BC$ , &  $BQ$  quadrata, vel cubi, aliæve potestates, vel etiã radices quadratæ, vel cubicæ, aliorumve graduum, sive in ratione axis partium, ut libuerit multiplicata, vel submultiplicata; adde & fesquialtera, vel fesquitertia, &c. quas quidem Logisticarum species hoc loco minimè considerandas suscipimus; neque verò id aut susceptæ exercitationis institutum postulat, aut temporis etiã ratio permittit, sed de prima, & simplicissima dumtaxat, quam suprà descripsimus, specie erit hic nobis cum Cl. Hugenio tractandum.

5. Porro, quum proportionalium differentiæ sint in eadem ratione proportionales, manifestum est, ipsas  $Au$ ,  $ud$ ,  $dl$ ,  $ln$ , &c. interceptas axi parallelis  $Vu$ ,  $Dd$ ,  $Ll$ ,  $Nn$  æqualiter crescentibus, fore in continua proportionem earumdem ordinatarum; quare hæc linea, uti primus Logarithmorum inventor Neperus delineare aggressus est, describi intelligetur duplici motu, altero lineæ  $AB$  per  $BF$  æquabiliter, sibique æquidistantem

TAB.  
XIII.  
Fig. 4.



stanter descendens, altero puncti A motu continue retardato versus B delati, ita ut spatia, æqualibus quibuscumque temporibus subinde transacta, in eadem geometrica ratione decrescant; quomodo quo tempore linea descendens confecerit spatium BC, & situm CE obtinuerit, si punctum A venerit in *u*, jamque in puncto V reperiatur, sequenti tempore æquali, linea per æqualem axis portionem CQ delapsa, & in QK posita, punctum A translatum esse in *d*, spatio *ud* transacto, adeoque in situ D reperiri concipiendum est, sequenti adhuc tempore, quo linea percurrerit spatium QF, & in FM collocata sit, punctum ex *d* in *l* promotum, atque in ipso L puncto consistere intelligitur, spatiis *Au*, *ud*, *dl*, cæterisque deinceps decrescentibus in ratione BA ad CV; evidens enim est, motum, ex utroque compositum, fore in eadem curva AVDLN, quam prius determinavimus.

6. Cæterum constat curvam AVN, hac motuum compositione descriptam, axi BF continuo propiorem fieri, prout punctum A versus B semper fluere, & ad ipsum accedere intelligitur, nec tamen evenire posse aliquando, ut cum ipso axe conveniat, uno verbo, axem ipsi Logisticae *Asymptoton* esse, quia, crescente in infinitum axe BF per additionem æqualium partium, alia, & alia spatia multitudine infinita, semperque minora, & minora ipsi puncto A percurrenda remanent, antequam ad ipsum B perveniat, quod ideo numquam attingere poterit: seriei siquidem infinitæ *Au*, *ud*, *dl*, &c. in ratione AB ad CV, vel *Bu* continuatæ ultimus terminus est punctum B, eò quòd, quum sit AB ad *Bu*, ut *Au* ad *ud*, erit etiam AB ad priorum duarum differentiam *Au*, ut *Au* ad differentiam duarum posteriorum *Au*, *ud*; quare ex doctrina Progressionum Geometricarum, quam post Archimedis vestigia in libro de dimensione parabolæ, primus recentiorum



rum Torricellius idem argumentum tractans lemm. 27., & Cavallerius in ejusdem Scholio apud ipsum demonstrarunt, mox Gregorius à S. Vincentio, aliique deinceps fusiùs illustrarunt, erit ipsa AB summa progressionis terminorum  $Au$ ,  $ud$ ,  $dl$ , &c. in dicta ratione continua decreſcentium; nec vacat id particulariùs demonstrare, quum, vel ex ipsa prima descriptione curvæ *num.* 2. adducta, simplicius longè innotescat hæc ipsa Logistica affectio, quòd scilicet ad axem tanquam asymptota propiùs accedat, quàm quodlibet datum intervallum, nec tamen cum ipso conveniat; continuatio quippe rationis AB ad CV per minores, ac minores terminos in infinitum fieri potest, quin umquam minimus ejusmodi terminorum reperiat, aut aliquis omnium ultimus fingi queat.

7. Sed & eadem ratione liquet, Logisticam DVA in immensum supra ipsam BA continuari posse, nec umquam ad certum aliquod curvæ hujus initium, ac veluti verticem, supremumque eius punctorum fontem perveniri, sed varia dumtaxat ejus segmenta per ordinatarum aliquam, veluti AB, vel CV abscissa exhiberi, nec magis punctum A, quàm V, vel D, aut aliud quodvis pro Logistica capite statui posse: unde & perinde esse undecumque incipias, ratio enim ordinatarum BA, & CV, tam benè ad majores terminos, quàm ad minores continuari potest, & ideò applicatis infinitis ejusmodi terminis successive majoribus, & supra BA in immensum crescentibus, ad partes ipsius axis FB, ultra B producti, longitudine æquales prioribus BC, CQ &c., ita ut per ordinem arithmeticè crescant axis portiones, geometricè crescentibus ordinatis, eadem curva ad superiores partes in immensum continuabitur per applicatas, datam quamlibet magnitudinem excedentes, non minùs quàm ad inferiores

V in



in infinitum produci queat, per applicatas qualibet magnitudine data minores.

8. Illud etiam interea animadvertisse juvabit, duplici alio motu eandem curvam intelligi posse descriptam, si videlicet imaginemur, puncto A per AP æquabiliter descendente, (vel musca, aut formica per hastam AP similiter æquabili motu delata, ut & P. de Chales in logarithmis tradendis supponit) ipsam interim AP, lineæ BA perpendiculariter insistentem, sibi æquidistanter versùs B promoveri, ac subinde in  $uV$ ,  $dD$ ,  $lL$ , &c. reperiri, spatiis  $Au$ ,  $ud$ ,  $dl$ , &c. in eadem ratione geometrica decreascentibus, prout arithmetice crescunt spatia AE, AK, AM, &c. à puncto æquabiliter descendente percurfa; sic enim punctum A subinde reperietur in punctis, V, D, L, N, &c., resque eodem recidere observabitur, si ad superius dicta *num.* 5. attendamus, unde ulterioris explicationis molestiæ parcendum erit: quemadmodum & ejusdem tædii compendio consulentes, missam facere decrevimus (mysterii plenissimam) eorundem motuum inversam compositionem, qualis haberetur, si axis BF ab ipsa tota æternitate motu infinitè tardo per BA motus intelligeretur, ita tamen accelerato celeritatis gradu, ut integra spatia, quæ in fine æqualis cujuscumque temporis particulæ transacta forent, veluti  $Bn$ ,  $Bl$ ,  $Bd$ ,  $Bu$ ,  $Bv$ , BA essent in continua proportionem geometrica, puncto aliquo interea æquabiliter ascendente per eundem axem BF, ita ut post emensum infinito tempore infinitum spatium infra G positum subinde æqualibus temporibus ad GFQCB ascenderet, perque hanc motuum compositionem reperiretur ex ordine in NLDVA; aut si æquabilis motus ab æterno inchoatus refunderetur in lineam GP versùs BA ascendentem, acceleratus verò in punctum G, vel B per eandem lineam versùs



sus P, vel A promoti, ita ut, quolibet æquali tempore, spatia percurreret geometricè proportionalia majora, ac majora *nl*, *Id*, *du*, *uA*, post emensos similiter, motu infinite tardo, in tota æternitate singulos minores, ac minores ejusdem progressionis terminos per ordinem acceptos, ita ut subinde in iisdem punctis NLDVA reperiatur, &c.

9. Aliud potius Logistica, seu Logarithmicæ lineæ genus, de quo infra nonnulla dicenda recurrent, exponere hac occasione non gravabor. Illa ad modum spiralis cujusdam generari intelligitur, radio circuli per circumferentiam æquabiliter moto, dum punctum quoddam ab extremo radii versùs centrum, motu in geometrica proportionione retardato, procurrit, ita ut quidquid præstat axis Logistica BF in curva superius exposita, id in spirali, de qua loquimur, præstet circuli peripheria in arcus æquales divisa; quod verò præstabant ibi ordinatæ BA, CV, QD, &c. geometricè proportionales, id in præsentì efficiant radii à centro ad hujus spiralis puncta exporrecti. Itaque, exposito quovis circulo CAFf, determinatisque quotlibet æqualibus arcibus AF, Ff, ff, ponantur radiorum correspondentium portiones CA, Ca, Ca geometricè proportionales; erunt puncta A, a, a, in curva *Spirali Logistica*, aliis *Spiralis Logarithmicæ*, quibusdam *Spiralis Geometricæ* nomine appellata, quæ pariter ad infinitos gradus extendi posset, si fingerentur radiorum ejus rationes non tantùm in simplici, sed & in multiplicata, aut submultiplicata qualibet arcuum abscissorum ratione crescere, prorsus ut de prima Logistica dictum est suprâ num. 4. sed enim in prima hujus spiralis simplicissima specie sistimus, nec aliis pro nunc implicamur.

TAB:  
XV.  
Fig. 8.10.

10. Et quidem hæc pariter, si radii CA, Ca, sint ut numeri, arcus respondententes FA, fA, erunt ut Logarithmi,



rithmi, eritque prima hujus curvæ affectio, quod ratio duorum quorumlibet radiorum ad rationem duorum quorumlibet aliorum sit, ut nuper indicavimus, in eadem proportionem, in qua sunt arcus binis quibuslibet radiis intercepti, prorsus ut de rationibus ordinatarum, deque partibus axis in prima Logistica acceptis supra dicebatur *num. 3.* Unde & constat, Spiralem Logisticam utrinque pariter in infinitum continuari posse, tum ad majores, tum ad minores terminos, continuata ratione radiorum crescentium, aut decrescentium circa centrum, circa quod per infinitos cincinnos hæc curva convolvetur, prout infinities repetentur arcus æquales, per quos distare debent radii illi proportionales, adeoque integræ circulationes numero infinitæ sibi invicem superponentur, centro interea respectu curvæ quasi asymptoto sese habente, quippe ad illud magis, magisque accedent curvæ puncta intervallo minore quolibet dato, prout diminuentur proportionaliter radii, nec aliquando tamen in ipsum centrum desinent, quum ad minimum horum terminorum perveniri non possit: quæ res, ut patebit, curiosa contemplatione non vacat, (non minùs quàm si motuum, quibus describitur, compositionem inversè consideres eo modo, quo in prima Logistica fieri posse indicavimus sub finem *num. 8.*) manifestum est enim, totam, quanta esse possit, hujusmodi curvam per infinitos cincinnos infinitè multiplici gyro se circa centrum convolventem, determinatæ rectæ lineæ longitudinem minimè excedere, longitudinem scilicet suæ tangentis AB usque ad radium perpendicularem ex centro excitatam productæ; quod & ab aliis pridem observatum video, facilemque habet demonstrationem ex infra dicendis, *cap. 5. num. 10.*

II. Sed & illud per se propemodùm constat, atque ex præmissa hujus Spiralis genesi sponte profluit, radios



dios ad quodlibet ipsius curvæ punctum æquè inclinari, ita ut constans, certus, & determinatus semper sit angulus  $CaA$ , quem quilibet radius cum curva ad easdem partes constituit; siquidem hoc spirali spatio in triacula infinitè parva æqualium ad centrum angulorum distributo, veluti se habent  $ACa$ ,  $aCa$ , &c. constat illa similia fore, propter latera circa æquales angulos proportionalia, quapropter & alii anguli homologi æquales erunt; itaque si ponatur, punctum  $C$  esse Terræ centrum, in quod gravia collimant; quæ-  
ratur autem curva (in suppositione perpendicularium, seu linearum directionis, non æquidistantium, ut physice sumi solent, sed in centrum convergentium, uti revera esse censentur) in qua grave positum, & per quam delapsum, idem in quolibet puncto momentum retineat, respectu momenti, quod habet in perpendicularo, ita ut illud ad hoc (ubicumque considerentur) eandem semper determinatam rationem obtineat, ea certè non alia esse poterit, quàm Spiralis hæc Logarithmica, cujus inclinatio ad radios  $aC$  (exprimentes veram gravium directionem, veraque perpendiculara, in quibus momentum maximum, seu totale exercetur) numquam immutatur, sed semper eadem perseverat, contra quàm faciat recta quælibet, velut  $AB$ , exhibens planum aliquod inclinatum, in quo positum grave (juxta rigorem geometricum perpendicularorum convergentium) non idem in quolibet puncto momentum habere potest, nec eadem semper esse hujus momenti ratio ad momentum in perpendicularo [ut ut id re ipsa à Mechanicis sapienter assumatur, quippe in tanta à centro distantia perpendiculara quasi parallela habentur, aut rectæ illius portio cum Logistica Spiralis portione re ipsa coincidit] ob varium inclinationis angulum ubique inconstantem, quem diversa ejusdem rectæ puncta cum centro conjuncta constituunt, unde



de & momentum ad singula ferè puncta in rigore variari continget.

Post hæc autem scripta inveni & Celeberrimum Cartesium par 1. Epistolar. ep. 73. Merfeno jam indicasse lineam, in qua momenta non variantur, esse quamdam spiralem, rogatumque ut ejus naturam indicaret, reposuisse epist. sequ. eam talem esse, ut ejus tangentes sint ad radios ubique æqualiter inclinatæ, & curvæ portiones radiis illas abscindentibus esse proportionales; quod re ipsa Logistica, seu Geometricæ Spirali convenit, ut monuimus.

TAB.XI.  
Fig. 8.

12. Hæc eadem porro Spiralis Logistica intelligi etiam posset describi per convolutionem primæ Logisticæ, de qua supra loquuti sumus, toto axe BQ in punctum centri contracto, ipsa verò AK in peripheriam circularem radii BA (repetito, ut opus fuerit, circumvolutionis gyro) curvata, singulisque ejus æqualibus partibus in partes arcus contortis, ordinatis interea BA, CV, QD in totidem radios à centro deductos abeuntibus, atque à parallelismo ad convergentiam in idem centrum translatis; uti viceversa primam Logisticam per evolutionem hujus Spiralis, rectificata circuli peripheria, & radiis sese explicantibus, atque ad parallelum situm redeuntibus, conformari quis concipere posset. Cave autem putes, Logisticam in Spiralem contractam, spatium continere dimidium ejus, quod explicata complectebatur, eò quòd infinitè parva parallelogramma Bz, xz, &c. ex quibus illa evoluta constabat, in totidem abeant triangula parallelogrammorum dimidia, ex quibus Spiralis Logisticæ spatium absolvitur. Ejusmodi enim ratiocinium (ut ut celeberrimum Geometrarum methodo conforme) plerumque fallax esse deprehenditur, quia non eadem retinetur in convolutione dictorum triangulorum altitudo, quæ prius fuerat parallelogrammorum, (quamquam in certa ratione



ratione semper varietur) uti nec eadem basis, quæ enim prius curva Logistica infinita erat, in Spiralem Logisticam longitudine finitam convertitur; Unde, circa Spiralis hujus Logistici spatii dimensionem, ea dumtaxat sunt attendenda, quæ infra cap. 7. n. 13. ex evidentioribus principiis generaliter deducemus. Atque hæc interea, ad ingenerandam Tyronibus Logisticae lineæ, de qua deinceps agendum erit, notitiam, prælibasse sufficiat. Nunc quæ sint nobis ad mentem Hugonii demonstranda, allatis Clariss. Auctoris verbis, breviter indicabimus.

## CAPUT II.

*Logistica proprietates ab Hugenio propositæ. Spatiorum, sive ad axem, sive ad ejus parallelam ordinatis interjectorum, tum ad invicem, tum ad infinitum reliquum Logistica spatium proportio. Subtangente longitudine semper eadem, & quæ. Trilineorum Logistica proportio. Infinitum Logistica spatium, cuius trianguli duplum. Cui rectangulo equalia reliqua spatia. Solida ex infinito spatio Logistica circa axem, vel circa ordinatam revoluta, quam proportionem habeant ad conos inscriptos? Centrum gravitatis Spatii Logistici, in qua ab axe, & ab ordinatis distantia? Prædictorum solidorum gravitatis centra determinantur. Quomodo Logistica hyperbolæ tetragonismo conducat, & quam proportionem habeant hyperbolica spatia ad parallelogrammum quodlibet asymptotis inscriptum?*

**I**psis Clarissimi Auctoris verbis latinè redditus, Logisticae proprietates referre placet, prout idem ipse nobis illas propositas voluit ad calcem suæ Diatribæ de Causa Gravitatis, ubi sic habet.

Vide supra pag. 135.

Les



Les propriétés de la Ligne Logistique, que j'ai promis de rapporter, & dont quelques unes ont servi à trouver ce que j'ai remarqué touchant les mouvemens à travers l'air, sont les suivantes; outre la première, que j'ai déjà indiquée, de la proportionalité des ordonnées à l'asymptote, quand elles sont également distantes, par la quelle on trouve des points dans cette ligne.

TAB. X.  
Fig. 3. 1. Que les espaces compris entre deux ordonnées à l'asymptote, sont entre eux comme les différences de ces ordonnées. Ainsi dans cette figure, où  $AVD$  est la Logistique,  $BO$  son Asymptote, & les ordonnées  $AB$ ,  $VC$ ,  $DQ$ , dont ces dernières, étant continuées rencontrent  $AK$  parallèle à l'Asymptote en  $E$ ,  $K$ ; les espaces  $ABCV$ ,  $ABQD$ , sont entre eux, comme les droites  $EV$ ,  $KD$ .

2. Que les mêmes choses étant posées, &  $AO$  étant la tangente au point  $A$ , la quelle coupe  $CE$ ,  $QK$ , en  $I$ ,

Proprietates Lineæ Logisticæ, quas referre promissimus, & quarum nonnullæ iis investigandis deservierunt, quæ circa gravium motus per aërem superius adnotavimus, sequentes sunt; præter jam indicatam, proportionalitatis ordinatarum ad asymptoton, quando æqualiter distant, cujus beneficio plura hujus lineæ puncta reperiri possunt.

1. Quòd spatia comprehensa inter duas ad asymptoton ordinatas sunt inter se, ut earumdem ordinatarum differentiæ. Sic in præsentī figura, ubi  $AVD$  Logistica est,  $BO$  ejusdem Asymptotos, & ordinatæ  $AB$ ,  $VC$ ,  $DQ$ , quarum duæ postremæ continuatæ conveniunt cum  $AK$  ipsi Asymptoto parallela in  $E$ ,  $K$ ; spatia  $ABCV$ ,  $ABQD$  sunt inter se, ut rectæ  $EV$ ,  $KD$ .

2. Quòd iisdem positis, &  $AO$  curvam tangente ad punctum  $A$ , quæ secet ipsas  $CE$ ,  $QK$  in  $I$ , &  $G$ ; spatia



I, & G; les espaces AVE, ADK sont entre eux, comme les droites VI, DG.

3. Que l'espace compris entre deux ordonnées, est à l'espace infini, qui, depuis la moindre de ces ordonnées, s'étend entre la Logistique, & son Asymptote, comme la différence des mêmes ordonnées est à la moindre. Quand je dis, que l'espace infini a une certaine raison à un espace fini, cela signifie qu'il approche si près de la grandeur d'un espace donné, qui a cette proportion à l'espace fini, que la différence peut devenir moindre qu'aucun espace donné. Dans la figure précédente l'espace ABQD est à l'espace infini, qui depuis DQ s'étend entre la courbe, & l'asymptote, comme KD à DQ.

4. Que la soutangente, comme BO dans la même figure, est toujours d'une même longueur, à quelque point de la Logistique que la tangente appartienne.

5. Que cette longueur se trou-

spatia AVE, ADK inter se sunt, ut rectæ VI, DG.

3. Quòd spatium duabus ordinatis interjectum est ad infinitum spatium, quod post minorem harum ordinatarum exporrigitur inter Logisticam, & ejus Asymptoton, ut differentia earundem ordinatarum est ad minorem. Quum porrò dicimus infinitum spatium ad quoddam finitum in quadam ratione esse, hoc unum intelligendum volumus, tam proxime illud accedere ad datum spatium, quod finito illi spatio in dicta ratione respondeat, ut differentia minor evadere possit qualibet magnitudine data. In præcedenti figura spatium ABQD est ad infinitum spatium, quod post QD, curvæ, & asymptoto interjicitur, ut KD ad DQ.

4. Quòd subtangens, velut BO in eadem figurâ, ejusdem semper est longitudinis, ad quodcumque Logisticæ punctum tangens pertineat.

5. Quòd hæc longitudo per

X



trouve par approximation,  
 & qu'elle est à la partie  
 de l'asymptote, comprise en-  
 tre les ordonnées de la rai-  
 son double, comme 4342944  
 81903251804 à 30103999  
 5663981195; ou bien près,  
 comme 13 à 9.

TAB.  
 XI.  
 Fig. 7.

6. Que s'il y a trois or-  
 données, comme dans cette  
 figure sont *AD*, *HG*, *BF*,  
 & que du point de la cour-  
 be, appartenant à la moin-  
 dre, on mene une parallèle  
 à l'asymptote, qui coupe  
 les deux autres ordonnées  
 en *R*, & *K*, & une tan-  
 gente *BQ*, qui les coupe  
 en *N*, & *Q*; les espaces  
 trilignes *ABK*, *HBR* sont  
 entre eux, comme les par-  
 ties des ordonnées entre la  
 courbe, & la tangente, sça-  
 voir comme *AQ*, *HN*.

7. Que l'espace infini en-  
 tre une ordonnée, la Logisti-  
 que, & son Asymptote du  
 côté, que ces deux derniè-  
 res vont en s'approchant,  
 est double du triangle, que  
 font l'ordonnée, la tangen-  
 gente menée du même point  
 que l'ordonnée, & la sou-  
 tangente. Ainsi, dans la  
 même figure, l'espace infi-  
 ni,

per approximationem re-  
 peritur, estque ad partem  
 asymptoti interceptam or-  
 dinatis duplæ proportionis,  
 ut 434294481903251804  
 ad 301039995663981195,  
 seu proximè, ut 13 ad 9.

6. Quòd si fuerint tres  
 ordinatæ, velut in hac fi-  
 gura se habent *AD*, *HG*,  
*BF*, & ex puncto curvæ  
 ad minimam pertinente du-  
 catur asymptoto parallela,  
 secans duas alias ordinatas  
 in *R*, & *K*, ac tangens  
*BQ* easdem secans in *N*,  
 & *Q*; spatia trilinearia  
*ABK*, *HBR* sunt inter se,  
 ut partes ordinatarum in-  
 ter curvam, & tangentem,  
 scilicet, ut *AQ*, *HN*.

7. Quòd spatium infini-  
 tum inter ordinatam, lo-  
 gisticam, & asymptoton,  
 qua parte hæ ad invicem  
 accedunt, duplum est tri-  
 anguli comprehensi ordi-  
 natâ, tangente ad idem or-  
 dinatæ punctum, ac sub-  
 tangente. Sic in eâdem  
 figurâ spatium infinitum,  
 post ordinatam *BF*, du-  
 plum



ni, depuis l'ordonnée  $BF$ , est double du triangle  $BFO$ .

8. Que l'espace, compris entre deux ordonnées, est égal au rectangle de la soutangente, & de la différence des mêmes ordonnées. Ainsi, dans la même figure, l'espace  $ADFB$  est égal au rectangle de la soutangente  $FO$ , & de  $KA$ .

9. Que le solide que fait l'espace infini depuis une ordonnée, en tournant autour de l'asymptote, est sesquialtere du Cone, dont la hauteur est égale à la soutangente, & le demidiametre de la base égal à la même ordonnée. Ainsi le solide que fait l'espace infini  $BFOC$ , en tournant autour de  $FO$ , est sesquialtere du Cone qui fait le triangle  $BFO$ , en tournant autour du même  $FO$ .

10. Que le solide produit par le même espace infini, en tournant autour de l'ordonnée  $BF$ , depuis laquelle il commence, est sextuple du Cone, qui fait le triangle  $BFO$ , par sa conversion sur  $BF$ . De laquelle mesure des solides il s'ensuit,

11. Que

plum est trianguli  $BFO$ .

8. Quòd spatium, duabus ordinatis interjectum, æquale est rectangulo subtangentis in differentiam earumdem ordinarum; sic in eadem figurâ spatium  $ADFB$  æquatur rectangulo subtangentis  $FO$  in  $KA$ .

9. Quòd solidum productum ab infinito spatio, post aliquam ordinarum in conversione circa asymptoton, est sesquialterum Coni, cujus altitudo æquetur subtangenti, basis vero semidiameter ordinatæ par fuerit. Ita solidum genitum ab infinito spatio  $BFOC$ , in conversione circa  $FO$ , sesquialterum est Coni geniti ex triangulo  $BFO$  circa eamdem  $FO$  revoluto.

10. Quòd solidum productum ab eodem infinito spatio in conversione circa ordinatam  $BF$ , postquam exporrigitur, sextuplum est Coni geniti ex triangulo  $BFO$  in conversione circa  $BF$ . Ex qua quidem solidorum mensurâ consequitur,

X 2

11. Quòd



11. Que le centre de gravité de l'espace infini, depuis une ordonnée, est distant de cette ordonnée, de la longueur de la soutangente.

12. Que ce même centre de gravité est distant de l'asymptote, du quart de l'ordonnée.

13. J'avois aussi trouvé, que le centre de gravité du premier des dits solides infinis, est distant de sa base, de la moitié de la soutangente.

14. Et que le centre de gravité de l'autre solide est distant de sa base infinie, d'un huitième de son axe.

TAB.  
XIII.  
Fig. 6.

15. On sçait assez, que cette ligne Logistique sert à la Quadrature de l'Hyperbole, depuis les démonstrations du P. Grégoire de Saint-Vincent, touchant les espaces Hyperboliques compris entre deux ordonnées sur une des asymptotes. Et que s'il y a deux tels espaces, dont les ordonnées de l'un soient comme AD à HG & les ordonnées de l'autre, comme BF à CE; ces espaces seront entre eux comme les lignes DG à FE. Mais on n'a point

11. Quòd centrum gravitatis infiniti spatii post unam ordinarum, distat ab hac ordinatâ longitudine subtangentis.

12. Quòd idem gravitatis centrum distat ab asymptoto per quadrantem ordinatæ.

13. Reperimus etiam, quòd centrum gravitatis primi, ex dictis solidis infinitis, distat à sua basi per semissem subtangentis.

14. Et quòd centrum gravitatis alterius solidi, distat ab ejus infinita basi per octantem sui axis.

15. Notum jam est, hanc Logisticam lineam Tetragonismo Hyperbolæ deservire, post demonstrationes P. Gregorii à S. Vincentio circa Hyperbolica spatia, duabus ad alteram asymptoton ordinatis interjecta; quòdque si duo fuerint hujusmodi spatia, in quibus ordinatæ unius sint, ut AD ad HG & ordinatæ alterius, ut BF ad CE, hæc spatia erunt inter se, ut lineæ DG, & FE. Nondum autem, quod sciam, innotuit, hæc ipsa spatia



point remarqué, que je sçache, que ces mêmes espaces Hyperboliques sont au Parallelogramme de l'Hyperbole (j'appelle ainsi le parallelogramme, dont les côtes sont les deux ordonnées sur les asymptotes, tirées d'un même point de la Section) comme chacune des lignes DG, FE, à la subtangente FO. De sorte que, si le Parallelogramme de l'Hyperbole est supposé de 0, 4342944819 parties, chaque espace Hyperbolique, compris entre deux ordonnées à une des asymptotes, sera à ce parallelogramme, comme le Logarithme de la proportion des mêmes ordonnées, c'est-à-dire, comme la difference des Logarithmes, des nombres qui expriment la proportion des ordonnées, au nombre 0, 4342944819; en prenant des Logarithmes de 10 caractères outre la caractéristique.

Et d'ici il est aisé de vérifier la Quadrature de l'Hyperbole que j'ai données dans le Traité de l'Evolution des Lignes Cour-

spatia hyperbolica esse ad parallelogrammum hyperbolæ (sic voco parallelogrammum, cujus latera sint duæ ad utramque asymptoton ordinatæ ex eodem puncto Sectionis ductæ) ut unaquæque linearum DG, FE est ad subtangentem FO. Adeò ut, si parallelogrammum hyperbolæ supponatur partium 0, 4342944819, quodlibet hyperbolicum spatium, duabus ad alteram asymptoton ordinatis interjectum, erit ad hoc parallelogrammum, ut Logarithmus proportionis earundem ordinatarum, videlicet, ut differentia Logarithmorum respondentium numeris exprimentibus proportionem ordinatarum, ad numerum 0, 4342944819; acceptis Logarithmis decem notarum ultra caracteristicam.

Atque hinc facile est veritatem ostendere Tetragonismi Hyperbolici abs me propositi in tractatu de Evolutione Curvarum, quem



*Courbes, qui est dans mon Horologio Oscillatorio in-  
Horologium Oscillatorium. fertum invenies.*

Haftenus Viri Clarissimi æquè, ac Doctissimi Theor-  
emata perinde nova, atque admirabilia: nunc ad ea-  
dem demonstranda accedamus.

### C A P U T III.

*Primo Theoremate proposito, ostenditur aggregata quot-  
libet geometricè proportionalium à minimo esse inter  
se, ut differentia terminorum maximi, & minimi.  
Incommensurabiles magnitudines per ablationem quan-  
titatis minoris, qualibet data, reddi commensurabi-  
les. Hinc primi Theorematis Hugeniani demonstratio  
more Archimedeo. Spatia Logistica æquè alta sunt  
inter se, ut homologæ ordinatæ, spatia quoque infi-  
nitè longa sunt, ut bases. Quodvis spatium ad sub-  
sequens infinitum est, ut differentia suarum ordina-  
tarum ad minorem. Hinc secunda ejusdem primi  
Theorematis demonstratio.*

TAB. X.  
Fig. 3.

**I** **A** Primo igitur Theoremate Clarissimi Hugenii  
auspicientes rem ipsam propius attingamus. Il-  
lud, ut vidimus, est: Quòd spatia comprehensa inter  
duas ad asymptoton ordinatas sunt inter se, ut earum-  
dem ordinarum differentia. Sic in præsentì fi-  
gura, ubi *AVD* Logistica est, *BO* ipsius asymptotos,  
& ordinatæ *AB*, *VC*, *DQ*, quarum duæ postremæ con-  
tinuatæ conveniunt cum *AK* ipsi asymptoto parallela in  
*E*, *K*; spatia *ABCV*, *ABQD* sunt inter se, ut rectæ  
*EV*, *KD*. Quod ut demonstremus, duo omninò sunt  
præmittenda primæ demonstrationi; alterum circa ag-  
gregata terminorum proportionalium, alterum de li-  
neis



neis incommensurabilibus, Quamquàm enim primum ex Torricellii flexilineis, ejusve lemm. 28. de dimensione parabolæ, facile deduci potest, secundum verò expressè à Cavalerio exercit. 6. prop. 24. demonstratum fuerit, malui tamen demonstrationes meas per extensum afferre, ne Lector, libris illis fortè ad manum non occurrentibus, in horum Theorematum demonstratione hæsitare possit, sed solis Euclideis, Conicisve ad summum elementis instructus, absque alio subsidio, omnia inoffenso pede percurrat: quod & alias infra observabimus, semel hic monuisse sufficiat.

2. Dico igitur primò, quòd, si fuerit duplex series quotcumque terminorum in eadem ratione geometricè proportionalium, erit omnium aggregatum, minimo excepto, in prima serie, ad aggregatum, pariter minimo excepto, in serie secundà; ut differentia maximi à minimo primæ ad differentiam maximi à minimo secundæ seriei. Sint enim magnitudines ejusmodi in prima serie A, B, C, D, E, quarum maxima A, minima E, utriusque differentia FG, differentia autem singularum per ordinem à proximè minori sint  $a, b, c, d$ , utique simul sumptæ æquales ipsi FG extremarum. Sint pariter secundæ seriei magnitudines M, N, P, Q, quarum maxima M, minima Q, utriusque differentia RO similiter æqualis omnibus simul partialibus differentiis duarum quarumlibet sibi succedentium, quas notant litteræ  $m, n, p$ ; sintque in eadem ratione continuè proportionales, tum quæ in prima serie, tum quæ in secunda reperiuntur. Dico, ABCD simul ad MNP, simul sumptas esse, ut FG ad RO; cùm enim sint A, B, C, D, E, continuè proportionales, erunt in eadem ratione proportionales earumdem differentia  $a, b, c, d$ ; atque ut una A ad unam  $a$ , ita omnes ABCD simul ad totidem  $abcd$  simul sumptas, idest ad ipsam FG iis omnibus æqua-

TAB. X.  
Fig. 1.



æqualem: eadem ratione ostendetur, ut una  $M$  ad unam  $m$ , ita omnes  $MNP$  ad omnes  $mnp$ , sive ad  $RO$  ipsis æqualem; est autem, ut  $A$  ad  $a$ , ita  $M$  ad  $m$ , quoniam supponitur esse  $A$  ad  $B$ , ut  $M$  ad  $N$ ; igitur ut  $ABCD$  ad  $FG$ , ita  $MNP$  ad  $RO$ , & alternando, ut summa terminorum primæ seriei, excepto ultimo, ad summam terminorum posterioris, ultimo pariter excepto, ita  $FG$ , differentia primi ab ultimo in prima serie, ad  $RO$ , differentiam primi ab ultimo in serie secunda. Q. e. d.

TAB.  
XII.  
Fig. 8.

3. Dico secundò, duarum incommensurabilium magnitudinum majorem posse minori commensurabilem reddi, ablata magnitudine minori qualibet data. Sunt enim duæ ejusmodi quantitates incommensurabiles,  $AB$  major, &  $C$  minor, quælibet autem magnitudo proposita  $AE$ , quantumvis parva; dico, posse ex majori  $AB$  auferri quantitatem, puta  $AD$ , minorem assignata  $AE$ , ita ut residuum  $DB$  sit jam ipsi  $C$  commensurabile; nam bifariam divisa  $C$ , ac rursus subdivisa qualibet ejus medietate, patet, fore ut jam deveniamus ad aliquam ejus partem  $F$  minorem, data magnitudine  $AE$ : multiplicetur itaque  $F$ , quousque fiat proximè major ipsa  $BE$ , & aggregatum ex  $F$  toties accepta sit  $BD$ , patet  $BD$  minorem fore ipsa  $BA$ , quia  $BD$  ad summum superabit  $EB$  quantitate  $F$ , juxta constructionem, minori quàm sit  $AE$ , aut plerumque nec integra quantitate  $F$ , sed ejus aliqua portione multò magis minori ipsa  $AE$ ; itaque  $BD$  minor est, quàm  $BA$ , defectu  $AD$  minori, quàm sit proposita magnitudo  $AE$ ; sed & eadem  $BD$  ipsi  $C$  commensurabilis est, habens cum ipsa mensuram communem  $F$ , ex qua pluries repetita confurgit; igitur ex majori  $AB$  duarum incommensurabilium magnitudinum facta est ablatio partis  $AD$  minoris, data quantitate  $AE$ , residua  $DB$  jam commensurabili ipsi  $C$  remanente. Q. e. f.

4. Jam



4. Jam libero pede Hugeniani Theorematis demonstrationem Archimedeo more sic instituo. Spatiorum  $ABCV$ ,  $ABQD$  (quæ demonstranda sunt invicem esse, ut  $VE$ ,  $DK$ ) altitudines  $BC$ ,  $BQ$ , vel commensurabiles sunt, vel incommensurabiles. Sint primum commensurabiles, mensura  $Bx$  utrique communiter inserviente, distributoque axe  $BC$ , & residuo  $CQ$  in particulas ipsi  $Bx$  æquales, ac ductis ordinatis, fiant parallelogramma æquè alta  $Bz$ ,  $xz$ , &c. usque ad  $Cm$  circumscripta spatio  $BCVA$ , quorum ultimum  $Cm$  illi penitus extrinsecum remanet, continueturque eadem parallelogrammorum æquè altorum series per reliquum spatium  $CVDQ$ , cui pariter circumscripta sint  $Cm$ ,  $nm$ , &c. usque ad  $QO$ , quod toti spatium extrinsecum pariter erit: At si mensura  $Bx$  non satis ad propositum exigua fuerit, poterit illa, & sequentes portiones ipsi æquales, bifariam dividi, ac rursus bifariam, multiplicatis parallelogrammis hæc spatia circumscribentibus, quousque excedant eadem spatia minori excessu quolibet dato, siquidem ille excessus minor semper erit primo parallelogrammo  $Bz$ , quod (diminutâ ejus latitudine) minus esse potest quavis proposita quantitate; erunt autem hæc parallelogramma æquè alta, ut bases, nempe ut ordinatæ in Logistica paribus intervallis distitæ, adeoque erunt, ex primaria Logistica affectione *cap. 1. num. 2.* relata, in continua proportionem, unde ex primo assumpto nostro *num. 2.* hîc probato, aggregatum omnium parallelogrammorum circumscriptorum spatio  $ABCV$ , præter minimum toti spatio extrinsecum  $Cm$ , ad aggregatum omnium circumscriptorum spatio  $ADQB$ , excluso pariter minimo  $QO$ , erit ut differentia  $Bz$  à  $Cm$ , scilicet, ut  $mVE$ , ad differentiam ejusdem  $Bz$  à  $QO$ , idest ad  $ODK$ , atque adeo, ut  $VE$  ad  $DK$ . Quoniam igitur series parallelogrammorum ejusmodi spatia



circumscribentium semper, quantacumque fuerit ipsorum multitudo, & quantumcumque accedant ad ipsamet spatia, inveniuntur esse in ratione constanti VE ad DK, patet utique Viris Archimedeis & ipsamet Logistica spatia iis parallelogrammorum seriebus inscripta, nempe AVCB, & ADQB, in eadem esse ratione VE ad DK.

TAB. X.  
Fig. 3.

5. Sint jam altitudines BC, BQ incommensurabiles; poterit, ex secundo assumpto nostro *num.* 3. hinc demonstrato, sumi BN deficiens à BQ, quantitate NQ minori qualibet data, commensurabilis verò existens ipsi BC; quomodo, ordinata NMR, habebit spatium AVCB ad AMNB eandem rationem, quam VE ad MR, argumento proximè allato id concludente. Si igitur major esse dicatur ratio AVCB ad ADQB, quàm ratio linearum VE, & DK, poterit ipsa MR tam proxima esse ipsi DK, & tam parum ab ipsa deficere, ut ratio dictorum spatiorum sit adhuc major, quàm ratio lineæ VE ad MR, hoc est, quàm ratio spatii primi AVCB ad AMNB, atque adeo foret ADQB minus quàm AMNB, quod est absurdum; si verò minor esse dicatur ratio dictorum spatiorum, quàm linearum illis, ut supra, respondentium, poterit nihilominus linea NM tam proxima esse ipsi QD, & spatium AMNB tam parum deficere ab ipso ADQB, ut ratio AVCB ad AMNB, hoc est, ratio VE ad MR adhuc minor sit, quàm ratio VE ad DK, atque adeo MR major foret ipsa DK, quod pariter est absurdum; Æqualis igitur est ratio AVCB ad ADQB, rationi VE ad DK. Q. e. d.

6. Aliam adhuc expeditiorem, fortasse ejusdem Theorematis demonstrationem, subjungemus, his aliis præmissis, quæ demonstrasse in sequentibus non pigebit: & primò notare juvat, duo quælibet spatia Logistica æquè alta, juxta indivisibilium methodum, ostendi esse



esse ad invicem, ut sunt Homologæ utriusque ordinatæ; nimirum pari existente altitudine BC, CQ, TAB. XI. Fig. 8. spatium BAVC ad CVQD erit, ut BA ad CV, vel CV ad QD; sumptâ enim ubivis Bx æquali Cn, & ordinatis xs, nr, & alternando, ut BA ad CV, ita xs ad nr; & hoc semper; ergo, ut una ad unam, ita omnes ad omnes, nempe ut BA ad CV, ita spatium BAVC ad CVDQ; quod erat, &c. Neque refert, sint ne hæc spatia conjuncta, sibi que immediate succedentia, an prorsus disjuncta, vel ex parte communicantia; eadem quippe ratio, ut constat, perinde obtinet.

7. Deinde observare oportet, spatia post quamlibet ordinatam in infinitum producta esse ad invicem, ut sunt ipsæ ordinatæ, seu bases talium spatiorum; sic DABQR, & DVCQR, ex parte R utrâque interminatâ, & infinitè longâ, sunt ad invicem, ut BA, & CV. Id sanè constat, tum quia infinita BQR, & infinita CQR sunt æquales, quum differant finitâ longitudine BC nullam rationem habente ad ipsarum utramlibet; quare, ex dictis numero præcedente, spatia iis adjacentia sunt, ut ordinatæ AB, CV; tum etiam exactius sic.

Diviso interminato spatio DABQR in infinita spatia æquè alta BV, CH, GD, &c. similiter & spatio DVCQR in infinita ejusdem altitudinis spatia CVHG, GHDQ, &c. erunt utrobique, ex supra demonstratis in præcedenti numero, spatia illa æquè alta, ut suæ ordinatæ, adeoque in geometrica progressionem; omnes igitur termini BV, CH, &c. ad omnes CH, GD, &c. in infinitum continuatos, erunt, ut primus terminus BV ad primum CH, ex 12. v. elem. aut ex 29. lemme Torricellii de dimensione parabolæ aliàs citato; adeoque erunt, ut BA ad CV. Quod e. d.



8. Hinc ultro profluit tertium Cl. Auctoris Theorema, quodd spatium duabus ordinatis interjectum est ad infinitum spatium, quod post minorem illarum exporrigitur, ut differentia utriusque ordinatæ ad minorem ipsarum; quia enim  $DABQR$  ad  $DVCQR$  est, ut  $BA$  ad  $CV$ , igitur dividendo  $AVCB$  ad subsequens interminatum spatium post  $CV$  est, ut  $EV$  ad  $VC$ , & similiter  $ADQB$  ad interminatum spatium post  $QD$  est, ut  $KD$  ad  $DQ$ .

TAB.  
XII.  
Fig. 8.

9. Alia igitur primi hujus Theorematis demonstratio sic instituenda erit; spatium  $ABCV$  ad interminatum  $VDRQC$  est, ex num. præcedenti, ut  $EV$  ad  $VC$ ; &  $VDRQC$  ad interminatum  $DRQ$  ex num. 7. est, ut  $VC$  ad  $QD$ ; denique  $DRQ$  ad  $DVCQ$  ex num. præced. & convertendo est, ut  $QD$  ad  $DK$ ; igitur ex æquo  $AVCB$  ad  $CVDQ$  est, ut  $VE$  ad  $DK$ . Q. e. &c.

#### C A P U T IV.

Ad secundum Hugenii Theorema demonstrandum, quæ sit Logistica parameter ostenditur, & quomodo æqualis sit subtangenti. Post demonstrationem secundi Theorematis ad quartum proceditur, quo demonstrato, determinatoque rectangulo æquali spatium Logistica infinite longo, exponitur Auctoris circumspecta loquutio de ratione infiniti spatii ad finitum, ac familiaribus exemplis suadetur, infinite longa spatia determinatæ quantitati æqualia esse posse. Spatia per variæ rationis ordinatas in Logistica abscissa quam proportionem habeant; regula ad dignoscendum quando spatia infinite longa, aut infiniti termini finitam aggregent quantitatem, quando verò infinitam.



1. **I**N secundo Theoremate; *Iisdem positis*, inquit TAB. X.  
Fig. 4.  
Auctor, & *AO curvam tangente ad punctum A*,  
*quæ secet ipsas CE, QK in I, & G; spatia AVE,*  
*ADK sunt inter se, ut rectæ VI, DG.* Quod pa-  
riter ut demonstretur, determinanda prius est Logisti-  
cæ, ut ipse appellare soleo, *Parameter*; hæc autem  
ejusmodi est.

2. Exponatur linea S, quæ cum quavis ordinata in-  
ter Logisticam, & axi parallelam, veluti cum VE,  
contineat rectangulum æquale spatio AVCB, adja-  
centi eidem curvæ ad partes axis; manifestum est,  
quod eadem constans linea S continebit, cum quavis  
alia simili ordinata DK, rectangulum æquale spatio  
correspondenti ADQB; cum enim ex primo Theo-  
remate spatia VABC, DABQ sint, ut rectæ VE,  
DK, seu, ob communem altitudinem S, ut rectangu-  
lum ex S in VE ad aliud ex S in DK, ubi spatium  
VABC suppositum fuerit æquale rectangulo S in VE,  
spatium pariter DABQ æquale erit rectangulo ex ea-  
dem S in DK; itaque, non incommodè, linea S Lo-  
gisticæ *Parameter* deinceps appellari poterit, eò quod  
sit linea, juxta quam ipsæ VE, DK possunt spatia Lo-  
gisticæ adjacentia AVCB, ADQB.

3. Ostendemus autem, hanc Parametrum Logisticæ  
subtangenti, id est, axis portioni inter ordinatam BA,  
& tangentem AO interceptæ, semper æqualem esse,  
ita ut, posita BO æquali ipsi S, juncta OA curvam  
tangat in A. Sumpto enim in OA quovis puncto I, supra,  
vel infra A, ordinatæque CIV, occurrente axi in C, curvæ  
in V, axi parallelæ AK in E, erit, ob similitudinem triangulo-  
rum OBA, IAE, ipsa OB ad BA, ut AE ad EI;  
rectangulum igitur OB in EI æquale erit rectangulo  
BAE; sed spatium BAVC est, *ex numero præcedenti*,  
æquale rectangulo Parametri, id est ipsius OB in VE;

Y 3

ergo



ergo rectangulum  $BAE$  ad spatium  $BAVC$  est, ut recta  $IE$  ad  $EV$ ; puncto autem  $i$  supra  $A$  existente, manifestum est rectangulum  $BAe$  minus esse spatio  $BAuc$ , ergo tunc  $ie$  minor est, quam  $eu$ ; ob oppositam rationem, accepto puncto  $I$  infra ipsum  $A$ , erit rectangulum  $BAE$  majus spatio  $BAVC$ , unde & recta  $IE$  major ipsa  $EV$ ; quare in utroque casu punctum  $I$  est extra curvam, & ipsa  $OA$  est tangens. Quod erat demonstrandum.

4. Hoc posito, demonstratio secundi Theorematis Hugeniani sic instituenda erit; cum, ob similitudinem triangulorum  $OAB$ ,  $GAK$ , sit  $OB$  ad  $BA$ , ut  $AK$  ad  $GK$ , erit rectangulum ex  $OB$  in  $GK$  æquale rectangulo  $BAKQ$ ; sed  $OB$  in  $DK$  jam æquatur spatium  $ADQB$ , ex supradictis; igitur reliquum rectangulum ex  $OB$  in  $DG$  æquatur residuo spatio  $DAK$ . Similiter ostendetur, rectangulum ejusdem  $OB$  in  $VI$  æquari spatio  $AEV$ ; igitur, ut prædicta rectangula, five, ut eorum bases  $DG$ ,  $VI$ , ita spatia ipsa  $DAK$ ,  $VAE$ ; quod erat demonstrandum.

5. De tertio Hugenii Theoremate, quod est; *Spatium duabus ordinatis interjectum esse ad spatium infinitum, quod post minorem earundem ordinatarum exporrigitur inter Logisticam, & ejus Asymptoton, ut differentia earundem ordinatarum est ad minorem; nempe in præcedenti figura spatium  $ABQD$  esse ad spatium infinitum, quod post minorem earundem ordinatarum exporrigitur inter Logisticam, & ejus Asymptoton, ut differentia earundem ordinatarum est ad minorem, id est in præcedenti figura, spatium  $ABQD$  esse ad spatium infinitum, quod post  $QD$  inter curvam, & asymptoton interjicitur, ut  $KD$  ad  $DQ$ ; de hoc, inquam, Theoremate non est quod simus solliciti, quum ejus veritas jam innotuerit ex dictis cap. præced. num. 8. ut nihil jam addendum supersit, nisi hoc quasi corollarium, scilicet.*

6. Quod



6. Quodd spatium infinitum post quamvis Logisticae ordinatam QD, curvæ & asymptoto interjectum, æquale sit rectangulo subtangentis, seu parametri BO in eandem ordinatam; nam, ut DK ad DQ, ita rectangulum ex BO in DK ad rectangulum ex BO in DQ, & ita etiam spatium ADQB ad infinitum spatium post QD exporrectum; quare quum rectangulum ex BO in DK sit, ex dictis, æquale spatio ADQB, etiam BO in DQ erit æquale spatio infinito post QD exporrecto.

7. Quæ verò circumspectè ingerit Nobilissimus Auctor illis verbis: *Cum porrò dicimus, infinitum spatium ad quoddam finitum in certa ratione esse, hoc unum intelligendum volumus, tam proximè illud accedere ad datum spatium, quod finito illi spatio in dicta proportionē respondeat, ut differentia minor evadere possit qualibet magnitudine data.* Non ita accipienda sunt, nec eò spectant certissimè, ut scrupulum movere videatur Cl. Author, num exacta æstimanda sit proportio, quam inter utrumque spatium assignat; ex quò enim Torricellius, infinitum solidum hyperbolicum in cylindrum æqualem determinatæ basis, & altitudinis commutare Geometras docuit, necnon infinitorum proportionalium terminorum series in unam summam colligere, jam extra dubium est, magnitudinem, unâ vel alterâ dimensione infinitam, (putà multitudinem, licèt non mole, si de quantitate discreta sermo sit, longitudine, licèt non latitudine, si de spatiis superficialibus loquamur, aut longitudine, licèt non crassitie, vel crassitie quidem, sed non longitudine, loquendo de solidis) ita reliquis dimensionibus, ad absolutam ejus magnitudinem integrandam concurrentibus, limitari posse, ut quantitatem prorsus finitam adæquet.

8. Neque in hoc relictum esse puto Geometris ambigendi locum, ut ut id Tyronibus prope incredibile videat-



videatur, qui admirationi, aut potius præjudicatæ, qua tenentur, opinioni paulatim deponendæ affuescent, si has fractionum series  $\frac{1}{2}, \frac{1}{4}, \frac{1}{8}, \frac{1}{16}, \frac{1}{32},$  &c. in eadem ratione dupla decrecentes, aut  $\frac{1}{3}, \frac{1}{9}, \frac{1}{27}, \frac{1}{81},$  cæterasque decrecentes in ratione tripla, aliasve cujuscvis rationis progressionem in infinitum minoribus, & minoribus terminis coalescentes in unam redigere summam attemptaverint; cùmque experti fuerint, non posse tot sumi in prima serie, quæ umquam ad unitatem pertingant, eò quòd, in additione cujuslibet termini ad præcedentes, non additur quod ipsis deficit ad unitatem integrandam, sed semissis dumtaxat talis defectus, putà ad  $\frac{1}{2}$  addendo  $\frac{1}{4}$  additur semissis ejus, quod primo termino deficiebat ad unitatem, & alter semissis relinquatur, addendo autem duobus præcedentibus  $\frac{1}{4}$  non additur quod in prima additione relictum fuerat, nempe quadrans unitatis, sed ejus quadrantis semissis, idest octans, altero octante relicto; qui defectus rursus non suppletur per sequentem additionem, quippe non additur octans relictus, sed ejus semissis, nempe  $\frac{1}{16}$ , atque ita porrò; nec posse tot sumi in serie secunda, quæ umquam unitatis semissem restituant; quia cùm primus terminus  $\frac{1}{2}$  deficiat per semissem sui, idest per  $\frac{1}{2}$ , à semisse unitatis, non resarcit quis illum defectum addendo  $\frac{1}{4}$ , quippe qui deficiat ab  $\frac{1}{2}$  rursus per sui semissem  $\frac{1}{8}$ , hic verò non suppletur additione sequentis termini  $\frac{1}{16}$  deficientis ab illo residuo  $\frac{1}{8}$  rursus per sui semissem, atque ita porrò semper procedendo; ita ut nihilominus ad hos limites, nempe ad unitatem in serie prima, & ad semissem unitatis in serie secunda, semper propius accedatur sumptis pluribus terminis ejusdem seriei, defectu semper decrecente infra quamlibet assignatam quantitatem, (veluti in figuris plurium & plurium laterum, circulo, aut parabolæ, alterive curvo spatio inscriptis, veterum more contingit) donec peni-



penitus in seriei fine evanescat: cùm id, inquam, experti fuerint, atque attenta meditatione rei hujus naturam contemplerint, fateantur necesse erit, quòd si prorsus omnes illi infiniti termini simul acciperentur, præcisè forent in prima serie æquales unitati, in secunda serie unitatis semissi, in aliis alteri quantitati similiter determinandæ.

9. Ut autem in quantitate discreta, ita in continua (quæ semper in discretam dividi, & resolvi potest) idem obtinet; spatium quippe infinitè longum in spatia determinatæ longitudinis multitudine infinita resolvi potest, quæ poterunt semper minora, & minora esse, si latitudo proportionaliter decrescere intelligatur, ita ut illa infinita spatia per ordinem corresponsdeant infinitis terminis alicujus geometricæ progressionis, uti certè correspondent spatia Logistica ad æquales axis portiones abscissa, uti ex dictis *præced. cap. num. 6.* colligitur; omnia ergo hujusmodi æquè alta spatia per infinitam Logisticæ longtitudinem distributa, quum sint quædam series geometrica proportionaliter decrescantium terminorum in ratione, vel dupla, vel tripla, vel alia qualibet, prout extremæ ordinatæ cujuslibet æquè alti spatii in data ratione acceptæ fuerint, determinatæ magnitudini æqualia esse, prout in fractionibus contingit, nil prorsus repugnat, immò vel ex hoc ipso, quod in fractionibus ostendimus, evidentissimè ita debere contingere demonstratur; idemque similiter de spatiis aliis infinitè longis, de quibus passim Geometræ, & nos infra nonnulla dicturi sumus, absque scrupulo pronunciandum, quòd scilicet determinatæ magnitudini æqualia sint, dummodo tota prorsus accipi intelligantur, nulla ipsorum portione relicta; quod quia conceptu difficillimum est, quum infiniti natura respuat, nedum ut totum integrè designari queat, sed etiam ut imaginatione comprehendi valeat, ita ut,  
Z
post



post quamlibet partem, non aliam, & aliam ejus extensionem cogitemus, quippe cujus ultimum limitem non concipimus; ideo prudens Auctor cautè addidit: *Spatia illa, non tam absolute infinita, quàm juxta illam dimensionem interminata, ad datam cum spatio finito proportionem tam prope accedere, ut distare possint defectu minori quolibet dato, quamdiu scilicet illud spatium indeterminatè sumitur, ut longius, ac longius protensum, nec totum semel integrè accipi intelligitur, aut saltem accipi fingitur.*

10. Mirum autem nemini videatur, quòd idem spatium Logisticæ infinitè longum in spatiis cujuslibet progressionis, nempe terminorum in ratione dupla, tripla, quadrupla, sesquialtera &c. decrecentium, in infinitum distribui possit, pro varia portionum axis altitudine, quum tamen progressionibus diversarum rationum non ejusdem sint valoris, sed progressio dupla æqualis unitati, tripla semissi unitatis, quadrupla trienti, &c. non enim eadem est quantitas, quæ locum unitatis obtinet diviso Logisticæ spatio in terminos rationis duplæ, ac quæ eandem unitatem repræsentat, cum dividitur in terminos rationis triplæ, aut quadruplæ; siquidem in primo casu unitas est duplum primi spatii, in secundo triplum spatii primi, in tertio quadruplum, &c. quæ sunt quantitates longè diversissimæ; interea hinc habetur, eandem magnitudinem esse duplam spatii, cujus ordinatæ sint in ratione dupla, dimidiam tripli, hoc est sesquialteram, spatii, cujus ordinatæ sint in ratione tripla, trientem quadrupli, hoc est sesquitertiam spatii, cujus ordinatæ sint in ratione quadrupla, atque ita deinceps, eadem existente omnium horum spatiorum majori ordinata, singulis pro communi rationis antecedente inserviente; adeoque si totum Logisticæ infinitum spatium ponatur esse partium 12., spatium primum, cujus ordinatæ



natae sint in ratione dupla, erit partium 6, & cujus ordinatae in ratione tripla, partium 8, & cujus in ratione quadrupla, partium 9, ac similiter de aliarum rationum spatiis ratiocinari licebit; id quod tamen ex primo etiam Auctoris Theoremate facile deduci potest.

II. Nescio autem, an obiter, dum ferrum candet, exponere generalem regulam juvet, qua dignosci possit, quando spatia infinite longa, vel termini multitudine infiniti, etiam cum decrescunt, quantitatem absolute infinitam adaequant, & quando prorsus finitam, ac terminatam. Eam certe ante plures annos, quum Theologicis studiis adolescentes nostros imbue- rem, in quadam Appendice ad Tractatum de Visione Dei, talem proferebam. Quoniam, ut innui in notatione Praefationis Vivianeorum Problematum pag. 27, duarum quantitatum ratio componitur ex rationibus singularum dimensionum illis quantitibus competentium, & invicem comparatarum, expendendum est, num ratio ex his composita sit ratio finita, nec ne. Jam, aggregatum plurium terminorum, quatenus quaedam discreta quantitas est, unam tamen continuam magnitudinem, & quantitatem integrans, duas habet dimensiones, quippe ex duplici capite quantitas ex hisce terminis aggregata crescere, & major fieri potest, nimirum ex terminorum *multitudine*, & ex propria singulorum *quantitate*; quod plures enim termini adunantur, eò major, cæteris paribus, quantitas consurgit, puta, quod plures fractiones in unam summam colliguntur, eò major summa conficitur; & stante aliàs pari terminorum multitudine, quod *maiores* in se ipsis singuli fuerint, eò pariter major magnitudo colligitur; sic tres fractiones decimales majorem summam conficiunt, quàm tres millesimæ, aut centesimæ; ut ergo videamus, num propositis quibuslibet infinitis



terminis, si quantitatem infinitam aggregent, an tantum finitam, observandum est, an crescente arithmetice in infinitum ipsorum multitudine, decrescat par ratione, aut majori, vel minori ipsorum quantitas; si in eadem ratione decrescat, ut in 1.  $\frac{1}{2}$   $\frac{1}{3}$   $\frac{1}{4}$   $\frac{1}{5}$ , &c. ubi secundus terminus est semissis primi, tertius triens ejusdem, quartus ejus quadrans, &c. prout multitudo duorum est dupla unius, trium est tripla, quatuor quadrupla, &c. procul dubio quantitas omnium simul infinita erit, quia cum terminorum multitudo sic æquipolleat ipsorum abbreviationi, seu parvitati, ratio quantitatis talium terminorum ad aliam assignabilem quantitatem, puta ad unitatem, utpotè composita ex ratione multitudinis, & parvitatibus eorundem terminorum respectu dictæ unitatis, (altera ratione alteram elidente) erit ratio infinita, & ipsorum terminorum quantitas æquipollebit quantitati infinitorum terminorum invicem æqualium, quæ certissime infinita est. At si in majori ratione termini decrescant, ut accidit in seriebus numero 8. adductis, quæ geometricè decrescunt, crescente terminorum multitudine arithmetice, (atque in aliis bene multis, quæ etsi non geometricè, omnibus tamen compensatis in majori ratione decrescunt, quàm crescat ipsarum multitudo) tunc, præpollente parvitate singulorum terminorum eorundem multitudinis incremento, prodibit, ex utriusque compositione, finita ratio, & aggregabitur quantitas prorsus finita; quando autem in minori ratione decrescant termini, quàm illorum pluralitas augeatur, ratio plusquam infinita exinde consurget, seu à fortiori, quàm in primo casu, dicendum erit, omnium aggregatum quantitatis esse simpliciter, ut ajunt, infinitæ, præpollente multitudinis incremento ipsorum abbreviationi terminorum.

12. Idem applica superficiebus, aut solidis, quorum una,



una, aut altera dimensio infinita sit, altera tamen, aut reliquis continuè diminutis; prout enim in majori, aut eadem, minorive ratione minuetur altera dimensio, quàm crescat ea, quæ in infinitum extenditur, judicandum erit spatium illud præcisè finitum esse, aut infinitum, vel plusquàm (si dicere liceat) infinitum. Hinc Cl. Wallisius in Arithmetica Infinitorum optimè observat, spatium hyperbolæ, & asymptoto interjectum, cujus latitudo in eadem ratione minuitur, in qua longitudo asymptoti crescit, (propter latera parallelogrammorum æqualium ejusmodi spatio inscriptorum necessariò reciproca) esse idcirco infinitæ prorsus magnitudinis; in hyperbolis autem aliorum graduum, ex una quidem parte finitum esse, ubi in majori ratione decrescunt lineæ ad asymptoton ordinatæ, atque adeo latitudo ejusdem spatii, ex altera autem parte, idest ad aliam asymptoton, plusquam infinitum existimandum, eò quòd in minori ratione ordinatæ decrescant; id quod in aliis etiam spatiis, tum solidis, tum superficialibus observari potest.

## C A P U T V.

*Quantum Hugenii Theorema, pridem demonstratum, nova demonstratione per diversam methodum stabilitur. Tractoriæ proprietates hinc deductæ, quòd ordinatæ ad æquales curvæ partes sint invicem proportionales. Cuilibet curvæ tangentem ducere. Velocitates in diversis curvæ punctis sunt, ut facta ex ordinatis in subtangentes alternè sumptas. In Hyperbola sunt, ut quadrata temporum contrariè sumptorum. Determinatio tangentium ad infinitas parabolas. Eadem expeditior. In aliis curvis quomodo tentanda. Variarum ad id constructionum demonstratio. Subtangens curvarum, quæ ad modum Spiralium describuntur.*



buntur. Infinitæ Spiraliū speties, quas subtangentes habeant, & quomodo infinitis parabolis respondeant. Tangens Spiralis Geometrica, & quarumvis figurarum per alterius convolutionem genitarum. Tangens Conchoidis Nicomedæ, aliis infinitis Conchoidibus & Subconchoidibus applicabili methodo, ostensa. Eadem geometrica demonstratione confirmata. Tertia demonstratio quarti Theorematis Hugeniāni. Curva parabolica Logistica semper perpendicularis.

I. **Q**uartum Auctoris Theorema; Quod subtangens, ut  $BO$  in eadem figura, ejusdem semper est longitudinis, ad quodvis Logistica punctum tangens pertineat, alia demonstratione non indiget, quum probatum fuerit Cap. 4. num. 3. subtangentem æqualem semper esse Parametro hujus curvæ, quæ linea quædam constans, & definita est; verum ad pleniorē scientiam id aliter, atque aliter demonstrabimus, diversa methodo, eaque ad alias longè veritates applicabili.

TAB.  
XII.  
Fig. 7.

2. Secunda igitur hujus Theorematis demonstratio sic institui poterit. Sint quælibet ad axem Logistica ordinatæ  $AB, VC$ , tangentes ad eadem puncta  $AO, VQ$ . Dico interceptas ordinatis, & tangentibus,  $BO, CQ$  (quæ subtangentes appellantur) æquales esse. Sumatur quantumvis parva  $BE$ , illique æqualis  $CG$ , ut ordinatis  $ED, GF$  portio tangentis  $AD$  ferè cum curva  $AD$ , & portio tangentis  $VF$  ferè cum curva  $VF$  coincidere censerī possit, ob infinitè parvum intervallum utrivis ordinatarum pari interjectum; erit igitur ex natura curvæ, in qua sunt puncta  $D, F$ , ipsa  $AB$  ad  $ED$ , ut  $CV$  ad  $GF$ , juxta primariam Logistica affectionem; rursus cum puncta  $D, F$  supponantur & in tangentibus esse, erit  $AB$  quidem ad  $ED$ , ut  $BO$  ad  $OE$ ;  $CV$  verò ad  $GF$ , ut  $CQ$  ad  $QG$ ; ergo eadem erit ratio  $BO$



BO ad OE, quæ CQ ad QG, & per conversionem rationis, eadem ratio BO ad BE, quæ QC ad CG; suntque consequentia æqualia; igitur & antecedentia BO, CQ æqualia erunt. Q. e. d.

Poterat rigorosius argui per deductionem ad absurdum; sed quorsum ita? Observa potius quid evenisset, si natura curvæ ea foret, ut sumptis non in axe, sed in ipsa curva æqualibus portionibus AD, VF, eadem ordinatæ proportionales essent; An non enim eodem argumento constaret, OA ad AD esse, ut QV ad VF? unde consequentibus æqualibus existentibus, etiam antecedentia, scilicet, tangentes ipsas AO, VQ ubilibet æquales futuras, adeoque ejusmodi curvam illam ipsam fore, quam *Tractoriam* vocant? eam scilicet, quam describeret grave A funi AO alligatum, dum funis extremum O per rectam OQ trahitur in eodem horizontali plano; pondus siquidem perfectè sequetur ejusdem funis directionem, adeoque ejus viæ tangens erit perpetuò eadem funis longitudo: quamquam hoc generale est, ut cum relatio ordinatarum ad axem mutatur in relationem ordinatarum ad curvam, eadem expressio subtangentis transeat ad ipsam tangentem, ut pluribus exemplis confirmare in promptu esset.

3. Utilius erit Tertiæ demonstrationi ejusdem Theorematis viam sternere generali quodam lemmate circa tangentium inventionem præmissa, quod ex Torricellii doctrina obiter indicata in l. i. de mot. gr. prop. 18. ejusque Scholio, in hunc modum deduxi; sicque universaliter proponere statui. *Ad datum cujuslibet curvæ punctum tangentem ducere.* Datum sit punctum A curvæ cujuslibet DAV, cujus axis BC, ordinata ex data puncto AB concipiatur hæc curva descripta motu ordinatæ BA per axem BC æquabiliter fluentis, sibi quæ æquidistanter delatæ, & ex motu puncti

TAB. X  
Fig. 4. 5.

A



A versùs B accedentis, vel ab eodem in ipsa linea recedentis, non jam æquabiliter (sic enim recta linea, non curva describeretur) sed velocitate accelerata, aut retardata, prout opus ad eam curvam generandam. (quælibet certè curva hoc modo genita intelligi potest) Fiat igitur, ut velocitas, quam punctum fluens habet in situ A ad velocitatem ordinatæ æquabiliter delatæ, ita ipsa ordinata AB ad portionem axis BO, acceptam versùs eas partes, ad quas motus acceleratur, si curvæ cavitas axem respiciat, ad quas verò retardatur si curva axi convexitatem obvertat: Dico junctam OA esse tangentem. Sumatur enim in ipsa OA, ad partes accelerationis punctum *i*, ad partes verò retardationis punctum *l*, ordineturque *cui*, CVI occurrens axi in *c*, C, curvæ in *u*, V, axi parallelæ AE per A ductæ in *e*, E. Quoniam velocitas puncti A per AB fluentis ad velocitatem lineæ AB per axem delatæ, est, ut AB ad BO, seu IE ad EA, aut *ie* ad *eA*, manifestum est, quòd si motus puncti A non acceleraretur, aut retardaretur, fieret per ipsam AI, seu Ai, ita ut quo tempore ordinata descenderet, aut ascenderet per BC, seu AE, aut Bc, seu Ae, punctum A percurreret partem EI, seu ei, reperireturque in I, vel i. Verum, quoniam motus puncti A curvam describentis interea acceleratur versùs *u*, & versùs contrariam partem V retardatur, ita ut velocitas ipsius A in A major sit, quàm in V, quia versùs eas partes remittitur, minor autem, quàm in *u*, quum versùs eas partes invalescat; ideo quo tempore ordinata venerit in CE, punctum A curvam generans minorem ordinatæ portionem EV confecerit, quàm confecisset si pristinam velocitatem retinisset; minor est igitur EV, quàm EI; cùm verò ordinata venerit in *ce*, punctum A curvam generans majorem ejusdem ordinatæ tractum *eu* pertransierit, quàm si pristinae velocitati



locitati nullos accelerationis gradus addidisset; major est igitur *eu*, quàm *ei*; & ideo puncta *I*, *i* sunt utrobique ultra, & extra curvam, quare ipsa *OA* tangit. Quod erat demonstrandum.

Observare hinc juvat, velocitates puncti non æqualiter fluentis, veluti in figura *DAB* ad axem *CV* comparata, in punctis *D*, *A*, esse ad invicem, ut facta ex ordinatis in subtangentes alternatim sumptas, putà, existentibus tangentibus *DP*, *AV*, ordinatisque *DE*, *AF*, ut factum ex *DE* in *FV* ad factum ex *AF* in *EP*; nam velocitas puncti fluentis in *D* ad similem velocitatem in *A* rationem compositam habet ex velocitate talis puncti in *D* ad æquabilem velocitatem lineæ descendentes, & ex hac ipsa velocitate ad velocitatem puncti ejusdem in *A*; sed prima ratio, ex hoc Theoremate, eadem est, quæ *DE* ad *EP*, secunda verò eadem, quæ *VF* ad *FA*; igitur ratio velocitatis puncti fluentis in *D* ad velocitatem ejusdem in *A* componitur ex *DE* ad *EP*, & ex *VF* ad *FA*, idest eadem est, quæ facti ex *DE* in *FV*, ad factum ex *AF* in *EP*.

Unde adhuc colligitur, in Hyperbola Apolloniana *DAB*, cujus asymptoti *SC*, *CV*, velocitates puncti fluentis in quibuslibet punctis *D*, *A* esse in duplicata ratione temporum contrariè sumptorum; spatia enim æquabili motu lineæ per axem *CV* delatæ transacta, velut *CE*, *CF* sunt, ut tempora; subtangentes autem *EP*, *FV* sunt ipsis *EC*, *FC* distantis à centro æquales; ergo eadem subtangentes pariter sunt, ut *EC*, *FC*, seu ut *FA*, *ED*; ratio igitur facti ex *DE* in *FV*, & ex *AF* in *EP*, erit eadem, quæ facti ex *DE* in *FC*, & ex *AF* in *EC* idest composita ex *DE* ad *AF*, & ex *FC* ad *CE*, quæ eadem est priori, unde cum illa componit duplicatam rationem *FC* ad *CE*, quæ proinde duplicata erit temporum contrariè sumptorum,

Aa

sicut

TAB.  
XIV.  
Fig. 2.



sicut & homologarum ordinarum DE, AF; & hoc erat demonstrandum.

TAB.  
XV.  
Fig. 6.

4. Hinc tangentes omnium in primis parabolarum determinationem accipiunt; quemadmodum si  $Ca$  fuerit parabola quadratica, quæ æquabili motu ipsius CN per  $C\phi$  sibi æquidistanter delatæ, ac descensu naturaliter accelerato, idest singulis æqualibus temporibus novum sibi celeritatis augmentum superadente, puncti C versus N per lineam fluentem demisso describitur, contingit, ordinata ex foco  $na$ , celeritatem puncti descendens in quolibet curvæ puncto A ad æquabilem celeritatem ipsius lineæ delatæ semper esse, ut ordinata ex dicto puncto AN ad prædictam ordinatam ex foco  $na$ , juxta citatam prop. Torricellii; eò quòd, cum velocitates descensuum crescant, ut tempora, atque adeò ut spatia motus æquabilis, idest ut  $\phi C$ ,  $fC$ , seu AN,  $an$ , quas linea NC æquabiliter transilit, si velocitas descensus in A sit ut AN, velocitas in  $a$  erit ut  $an$ ; velocitas autem descensus in  $a$  est æqualis velocitati motus æquabilis, quia ordinata ex foco  $an$  dupla est abscissæ  $cn$ , eadem verò est celeritas, quæ motu in hac ratione accelerato acquiritur descensu per  $Cn$ , & qua æquabiliter perseverante conficitur duplum spatium  $na$ , igitur si velocitas in A sit AN, velocitas motus æquabilis erit eadem quæ descensus in  $a$ , idest erit, ut  $na$ : quemadmodum igitur hoc in quadratica obtinet, ita in cubica, ubi celeritates descensuum crescunt in duplicata ratione temporum, ideoque sunt, ut quadrata spatio- rum motus æquabilis, scilicet AN,  $an$ , comparando descensum in A ad descensum in  $a$  (facta prius  $an$  tripla abscissæ  $Cn$ , quia hoc accelerationis genere velocitas per  $Cn$  descendendo acquisita, triplo spatio  $an$  percurrando par est, si æquabiliter permanere intelli- gatur,



gatur, unde similiter velocitas descensus in  $a$  æqualis erit velocitati æquabili lineæ) habebitur, velocitatem descensus in quovis puncto  $A$  esse ad æquabilem illam lineæ delatæ velocitatem, ut quadratum  $AN$  ad constans quadratum  $an$ ; simili ratione in parabola quadrato-quadratica erit velocitas descensus in  $A$  ad illam æquabilem velocitatem, ut cubus  $AN$  ad  $an$  positam quadruplam ipsius  $nC$  abscissæ, atque ita deinceps in aliis gradibus, facta ordinata  $an$  tam multiplici abscissæ  $Cn$ , quam multiplex est unitatis exponens ordinarum.

5. Quamquam vix operæ pretium fuerit iis velocitatibus comparandis insistere in parabolæ genere, ubi semel constiterit in quonam puncto velocitas æquabilis motus adæquet celeritatem descensivam, invento scilicet semel puncto  $a$ , ubi ordinata  $an$  æqualis est subtangenti  $nb$  (quod quidem evenit ubi  $an$  ad  $nC$  est, ut exponens gradus parabolæ ad unitatem, scilicet in quadratica, ut 2 ad 1; in cubica, ut 3 ad 1. &c) quia enim curvæ parabolæ simili in singulis suis partibus accelerationis genere describuntur, ita continuè ordinato, ut spatia curvilinea ad circumscriptum parallelogrammum æqualem semper rationem obtineant, etiam in his eadem semper erit ratio subtangentis  $bn$  ad abscissam  $nC$ , vel spatii  $Cf$  ad interceptam à tangente  $fd$ ; undè cùm notum fuerit  $an$ , seu  $bn$  ad  $nC$  duplam esse in quadratica, triplam in cubica parabola, &c. etiam  $BN$  ad  $NC$  in eadem semper ratione esse manifestum erit, quare expeditius dabitur tangens ad quodlibet punctum  $A$ .

Similiter & in Hyperbolis, quarum pariter uniformis est ubique acceleratio, undè & parallelogrammorum quibuslibet spatiis inscriptorum eadem semper est ad infinitè longa spatia iisdem basibus insistentia proportio, subtangentes ad distantias à centro eandem



TAB.  
XI.  
Fig. 9.

perpetuò rationem observabunt. Invento itaque in Hyperbola  $AaC$  ad asymptoton  $fD$ ,  $Db$  puncto  $a$ , ubi subtangens æquatur ordinatæ, idest, ubi velocitas motus æquabilis descensivam adæquat (quod quidem evenit, ubi  $an$  ad  $nD$  est, ut exponens gradus Hyperbolæ ad unitatem, scilicet in lineari, seu Apolloniana, ut 1. ad 1.; in quadratica, ut 2 ad 1.; in cubica, ut 3 ad 1. &c. prorsus ut in Parabolis contingit, simili enim cum illis motu describuntur, sed dumtaxat reciprocè posito, undè evenit subtangentes cadere ad partes oppositas axis origini, idest sub ipsis ordinatis) cùm constiterit subtangentem inventi puncti  $a$ , nempe  $bn$  esse æqualem in prima, duplam in secunda, triplam in tertia Hyperbola distantiam à centro  $nD$ , notum similiter erit, etiam quamlibet aliam subtangentem  $BN$  in eadem esse ratione ad distantiam  $ND$  suæ ordinatæ  $NA$  ab eodem centro.

TAB.  
XV.  
Fig. 6.

6. Difficilior est aliarum figurarum tractatio, in quibus non usque adeò perspecta occurret ad singula puncta velocitatum in curvæ genesim conspirantium proportio; generaliter tantum dici posset, velocitates descensivas ad singula curvæ puncta esse ad invicem, ut spatia synchronis quibuscumque temporibus peracta, sive ut differentia æquè distantium ordinarum intervallo infinite parvo distitarum, seu si concipiatur ad axem  $Cf$  curvæ cujuslibet  $CaA$  applicata figura  $\phi GgC$ , cujus portiones à vertice abscissæ per ordinatas, veluti  $gCf$ ,  $GC\phi$  sint ad invicem, ut ordinatæ ad priorem curvam  $fa$ ,  $\phi A$ , quo fiet lineas ipsas  $fg$ ,  $\phi G$ , utpote minimas, & infinite parvas differentias duorum ex talibus spatiis à vertice abscissorum, optime repræsentare infinite parvas differentias ordinarum  $fa$ ,  $\phi A$ , quibus dicta spatia proportionantur, adeoque etiam exprimere gradus velocitatum motus descensivi, ita ut si talis celeritas in  $a$  sit, ut  $fg$ , in  $A$ .



A futura sit, ut  $\phi G$ ; & si reperiatur in curva tale punctum  $a$ , cujus ordinata  $af$  ad abscissam  $fC$  in eadem sit ratione, in qua spatium  $fgC$  ad parallelogrammum illi circumscriptum  $fgbC$ , habebitur in  $a$  puncto velocitas descensiva æqualis celeritati transversi motus æquabilis, adeoque hæc velocitas æquabilis optimè exprimeretur per  $fg$ , cæteris descensivi motus celeritatibus per alias parallelas, ut supra, determinatis; & si fiat, ut parallelogrammum circumscriptum cuivis spatio  $CG\phi$  ad ipsummet spatium, ita  $BN$  ad  $NC$ , aut  $C\phi$  ad  $\phi f$ , juncta  $AB$ , seu  $Af$ , erit tangens; similiter si fiat ut rectangulum  $A\phi G$  ad spatium  $\phi GC$ , ita  $A\phi$  ad  $\phi f$ , aut si ad rectam  $\phi G$  applicetur spatium  $\phi GC$ , & faciat latitudinem  $\phi f$ , juncta  $Af$  tanget, quorum unum vel alterum juxta variam curvæ naturam, ejusve genesim, præsertim si ab initio figura  $CG\phi$  determinata fuerit (ut si quærat de curva  $CaA$  genita ex transversali æquabili motu lineæ  $CN$  per datam  $C\phi$ , & descensivo puncti  $C$  per totam  $CN$ , ita accelerato, ut in quovis puncto  $a$  gradus ejus celeritatis proportionetur ordinatæ  $fg$  dati trilinei, alteriusve figuræ  $CG\phi$  datæ, & ad datam lineam  $C\phi$  applicatæ) aut aliquid cum his connexum facile innotescet, ac tangens expeditè determinabitur.

7. Quorum omnium ratio, quamquam sufficienter in demonstratione *num.* 3. allata contineatur, breviter indicari poterit sic. Tangens ad aliquod curvæ punctum illa recta est, quam descripsisset, & describere pergeret punctum descendens, si gradum velocitatis, quem in dato curvæ puncto obtinet, æquabiliter retinuisset, transversali lineæ motu eodem remanente; ex eo enim, quodd, remota acceleratione, motus puncti  $A$ , in *fig. 4. Tab. X.* fieret per  $AI$ , ostensum est  $AI$  tangentem esse; at si fiat (*Tab. XV. fig. 6.*)  $BN$  ad  $NC$ , ut parallelogrammum  $BG\phi C$  ad figuram  $CG\phi$ , juncta  $BA$  erit



via, cui insisteret punctum descendens, modò gradum celeritatis suæ  $\phi G$  toto tempore  $C\phi$  retinisset (confecisset enim spatium  $BN$ , quod ad  $NC$  acceleratè percursum foret, ut planum velocitatis æquabilis  $\phi GBC$  ad planum acceleratæ  $\phi GgC$ , spatium verò transversali motu emensum esset eadem  $NA$ ) igitur juncta in tali constructione  $AB$  erit tangens; cùmque  $\& C\phi$  ad  $\phi f$  sit in eadem ratione  $BA$  ad  $Af$ , seu  $BN$  ad  $NC$ ; necnon  $A\phi$  ad  $\phi f$  rationem habeat compositam ex  $A\phi$  ad  $\phi C$ , seu rectanguli  $A\phi G$  ad  $C\phi G$ , & ex ipsa  $C\phi$  ad  $\phi f$ , quam vidimus esse, ut rectangulum  $C\phi G$  ad spatium  $GC\phi$ ; itemque cùm  $C\phi$  ad  $\phi f$  sit, ut rectangulum  $C\phi G$  ad  $f\phi G$ ; igitur si fiat  $C\phi$  ad  $\phi f$ , ut parallelogrammum circumscriptum spatio  $\phi GC$  ad idem spatium, aut  $A\phi$  ad  $\phi f$ , ut rectangulum  $A\phi G$  ad idem spatium, aut applicetur ipsi  $\phi G$  dictum spatium, & faciat latitudinem  $\phi f$ , semper juncta  $Af$  erit tangens; sed quorsum plura? præcipuæ ex his constructionibus, unde cæteræ pendent, geometricam confirmationem (si abstracta hæc motuum consideratio obscurior, aut minùs tuta videatur) habebis infra, *cap. 13. num. 2.*

8. Eadem ferè applicari possunt aliis curvis ex circulari, & progressivo motu descriptis, quemadmodum infinitæ Spiralia species, Conchoides diversorum generum, Cycloides anomalæ *P. Cevæ*, & aliæ quamplurimæ [imò quid vetet, ubi commodum acciderit, figuram prorsus omnem ejusmodi motibus compositam concipere, electo intra, aut extra ipsam quovis puncto, velut circularis motus centro, undè protensi ad curvam rami radiorum elongationem, pro vario progressivi motus puncti per ipsos fluentis incremento, exhibeant?] illud tamen in his observandum, quòd sicuti *cap. 1. num. 12.* ad genesim Spiralis Geometricæ per convolutionem Logisticæ, totus ejus axis in punctum contrahebatur, ordinatis ad æquales axis portiones



tionem in totidem ramos æqualibus angulis divaricatos abeuntibus, ita ad rem nostram æquabilis motus lineæ per axem delatæ in circulem circa centrum commutandus est, descensus verò puncti, aut progressus per ordinatas, debet in progressum puncti per curvæ ramos, seu radios figuræ converti; atque ut velocitas progressivi motus ad circulem, ita ipse ramus, seu radius spiralis, alteriusve figuræ præfati modo descriptæ, ad portionem lineæ ex centro perpendiculariter ad eundem radium insistentis, utpote parallelæ tangenti arcus per circulem motum descripti, in qua est ipsius directio; hoc insuper animadverto, quòd circularis ille motus æquabilis eodem velocitatis gradu minimè pollet in singulis curvæ punctis, sed pro varia puncti curvæ à centro distantia variatur, ut per se notum est, quippe non in eadem peripheria  $ALN$ , verbi gratia, sumitur circularis motus puncti  $a$  spiralis  $CaA$ , in qua sumitur circulatio puncti  $A$ , ille quippe sumendus in peripheria  $aI$  radio  $Ca$  descripta, quem solum motum participat spiralis in puncto  $a$ .

TAB.  
XV.  
Fig. 3.

9. Atque inde est, quòd subtangens quidem puncti  $A$  in spirali Archimedeæ post integram revolutionem radii  $CA$  æqualis est peripheriæ  $ALNA$  eodem radio descriptæ (existente siquidem hìc utroque motu æquabili, ipsorum velocitates sunt, ut spatia eodem tempore percursa, ut si velocitas progressivi motus sit  $CA$ , velocitas circularis sit ipsa  $CB$  subtangens æqualis peripheriæ eodem tempore percurse) at verò subtangens  $bc$  puncti alterius  $a$  eadem non erit, ac quæ ad dictam peripheriam sit, ut  $Ca$  ad  $CA$ , ut æquabilitas motus exigeret, sed velocitate progressivi motus expressa per  $Ca$ , velocitas motus circularis erit tantò adhuc minor, quantò propius centro est punctum  $a$ , idest, ut arcus  $Iaa$ , quem eò usque linea  $Ca$



$Ca$  illo puncto descripsit, & cui propterea subtangens  $cb$  æqualis erit; itaque decrescunt subtangentes in duplicata radiorum ratione, quia semel ob diminutionem radii, & semel adhuc ob pariformem diminutionem circularis velocitatis, atque adeò vertice  $C$  descripta parabola  $CLK$ , ductisque  $AK$ ,  $IL$  ejus axi parallelis, erunt hæ ad invicem, ut subtangentes radiis helicis  $CA$ , &  $Ca$  (æqualis  $CI$ ) respondentes; quòd si Spiralis ejus generis fuerit, ut spatia  $AC$ ,  $aC$  motu progressivo percurfa sint in subduplicata temporum, aut arcuum circulari motu æquabiliter percurforum ratione, manifestum est progressivam celeritatem puncti  $A$ , vel  $a$  subduplam fore ejus, quæ fuerat in prima Spirali, & exponendam per semissem radiorum  $CA$ , vel  $Ca$ , si eadem retineatur linea exponens celeritatem æquabilis circulationis, aut si illa exponenda sit per integras lineas  $CA$ ,  $Ca$ , æquabilem celeritatem exponendam fore per priorum subtangentium duplas; erit igitur in hoc casu subtangens  $CB$  dupla circumferentiæ  $ALDA$ , & subtangens  $Cb$  dupla arcus  $adi$ , qui ex tribus capitibus minor erit illa circumferentia, nempe in duplicata radiorum ratione, & in earumdem simplici adhuc decremento ob approximationem centri, unde parabola cubica  $CLK$  descripta, in qua axi parallelæ  $KA$ ,  $LI$  sint in triplicata radiorum  $AC$ ,  $CI$  ratione, sive ut eorumdem cubi, erunt ipsæ axi parallelæ, ut subtangentes ad correlativa curvæ spiralis puncta; similiter in aliis Spiraliū speciebus, ac parabolis per ordinem correspondentibus procedere potes; quod innuisse juvabit ad comparandas Spirales curvas cum congruis curvis parabolicis, uti aliàs facturi sumus, ostendendo, quòd si  $AK$  sit æqualis  $\frac{1}{2}$  circumferentiæ  $ALD$  in prima Spirali, aut  $\frac{2}{3}$  ejusdem in secunda, aut  $\frac{3}{4}$  in tertia,  $\frac{4}{5}$  in quarta, &c. prima parabola existente quadratica,

secun-



secunda cubica, tertia quadratoquadratica, &c. Lineæ, spiralis, & parabolica æquales erunt; Immò etsi motus circularis & ipse æquabilis non fuerit, sed acceleratus, congruæ parabolæ nihilominus reperientur earumdem nempe potestatum in axe, & ordinatis, quot fuerint in respondentis Spiralis circumferentia, & radio, sed ordinatis parabolæ ad tantò plures gradus elevatis, quot fuerint unitates in exponente potestatum axis; neque enim difficilius est subtangentium & ad has Spirales determinatio, faciendo semper, ut velocitas progressiva ad circularem, ita  $AC$ , vel  $aC$  ad subtangentem  $CB$ , aut  $Cb$  ex centro perpendiculariter ductam ad suum radium, uti pluribus explicare superfluum est.

10. In Spirali Geometrica, quoniam ex dictis *cap. I.* TAB. XV. Fig. 8.  
 12. illa per convolutionem Logisticae describitur ad maximum radium  $CA$ , posita  $CB$  subtangente æquali subtangenti ejusdem Logisticae, quæ convolvitur, aliæ subtangentes  $Cb$  tantò minores primâ  $CB$  faciendæ sunt, quantò minor est  $Ca$  ob rationem in fine *num. 8.* indicatam, quia in ipsa evoluta Logistica subtangens cujusvis ordinatæ semper eadem est, ut supra ostendimus, & mox post illustratam hanc methodum ostensuri sumus; atque inde est, quòd triangula  $CAB$ ,  $CaB$  semper similia sunt, angulique à radiis, & tangentibus æquales, totaque curva  $AaC$  æqualis tangenti  $AB$ , &  $aaC$  tangenti  $ab$ , &c. immò universaliter, si curva quælibet convolvi in Spiralem intelligatur eo modo, quo de Logistica citato loco exposuimus, subtangentes radiorum quorumlibet Spiralis erunt tantò minores, quàm forent subtangentes respondentium æqualium ordinarum evolutæ, quantò propiora centro sunt puncta extrema dictorum radiorum, quàm punctum extremum maximi radii, quo vides nedum Helicis Archimedeæ, aliarumque diversorum graduum, per convolutiones, trianguli, parabolæque, quadraticæ, cubicæ,

Bb



bicæ, &c. genitarum, tangentes determinari cohærenter ad dicta numero superiori, sed infinitarum prope aliarum Spiralium, quæ ex quavis figura sic convoluta oriri possunt.

TAB.  
X.  
Fig. 6.

II. Non rarò autem juvabit duorum in eodem radio punctorum motum invicem comparare, quorum alter cognitus sit, alter certam ad illum proportionem obtineat: exemplo res clarior fiet. Esto Nicomedea Conchois  $AaB$ , polo  $P$ , regula  $FH$  descripta, intervallo  $AF$ , cui æqualis supponatur  $GP$  radius circuli  $GgM$ , & quærat tangens puncti  $B$ ; juncto ramo  $PB$  secante prædictum circulum in  $M$ , regulam in  $D$ , considero curvam  $AaB$  genitam ex circulari motu lineæ  $PA$  circa  $P$ , & ex progressivo puncti  $A$  per ipsam  $PA$  ita ascendentis, ut, non obstante ejus inclinatione ad regulam  $FH$ , ipsum punctum eandem semper à regula distantiam observet, sit nempe  $FA$  semper æqualis  $DB$ ; progressus igitur puncti  $A$  venientis in  $B$ , nempe excessus  $PB$  supra  $PA$  idem erit, ac excessus  $PD$  supra  $PF$ ; eadem igitur velocitas erit hujus progressivi motus, atque illa quam haberet punctum  $F$ , si in circulatione  $PF$  ita per ipsam ascenderet, ut semper reperiretur in regula  $FH$ , eamque re ipsa describeret. Velocitas autem circularis in descriptione Conchoidis erit ad punctum  $B$  tantò major, quàm circularis velocitas in descriptione rectæ  $FH$  ad punctum  $D$ , quantum major est  $BP$ , quàm  $PD$ . Ducta igitur tangente circuli  $SMO$ , atque huic parallelis  $DI$ ,  $BC$ , junctaque  $PIC$ , ducatur ramo  $PB$  parallela  $IK$ , occurrens regulæ in  $K$ , atque eidem parallela  $CQ$  æqualis ipsi  $IK$ , juncta  $QB$  erit tangens quæsitæ; motus siquidem per  $DK$  componitur ex motu per  $DI$  parallelam tangenti  $MS$ , quæ circularis motus directionem exhibet, & ex motu per  $IK$  parallelam  $PD$ , in qua est motus progressivus; sed & motus per  $AaB$  componitur ex eodem



eodem progressivo, qualem exhibet linea  $CQ$  æqualis, & parallela ipsi  $IK$ , & ex circulari in eadem directione, sed tantò majori quantò longior est  $BP$ , quàm  $DP$ , adeòque optimè exprimendum per  $BC$ , quæ ad  $DI$  in eadem ratione respondet; igitur juncta  $QB$  dabit directionem motus ex utroque compositi; idest tangentem ad punctum  $B$ . Simili modo etiam Subconchoidis, (sic voco curvam, ad quam sunt puncta abscindenda ex ramis  $PF$ ,  $PD$  infra regulam æqualia intervalla) aliarumque specierum in infinitum curvarum Conchilium, & Subconchilium, cum scilicet abscissa ex ramis, vel supra vel infra regulam, intervalla, non quidem radiis  $PM$  quadrantis circularis æqualia sunt, sed subtensis, seu ramis  $PM$ ,  $Pg$  alterius cujuslibet figuræ  $GMg$  (quomodo si hæc sit semicirculus circa diametrum  $PF$ , habebitur infra regulam Cissois Dio-clea in infinitum continuata, quam propterea ad genus Subconchilium revoco) tangentes expeditè dabuntur, quas etiam geometricis demonstrationibus confirmare, & generali quadam constructione exprimere in promptu esset, nisi verendum foret, ne longius ab instituto digrederer; itaque solam primariæ Conchoidis geometricam demonstrationem, & qua Lector, si acuto pollet ingenio, facillè sibi cæteras comparabit, in medium afferam, quæ quidem est hujusmodi.

12. Supponatur  $BC$  concurrere cum regula in  $C$ ; (potest enim tum  $BC$ , tum  $DI$  cujuslibet longitudinis esse, dummodò intra ramum  $PB$ , & junctam  $PC$  contineantur) ducto autem quovis alio ramo  $Pa$ , secante regulam in  $f$ , ponatur  $fE$  æqualis, non quidem radio  $Pg$ , sed  $Pm$  secanti anguli  $MPg$ , & sicubique fiat, ut habeatur curva  $EBE$ , quam manifestum est tangere Conchoidem in  $B$ ; quia, cum  $Pm$  semper major sit radio  $Pg$ , etiam  $fE$  major erit intervallo Conchoidis  $fa$ ; puncta igitur  $E$  semper sunt supra  
Bb 2
puncta



puncta  $a$  Conchoidis; ut igitur observat Verus Geometra in Recreatione Geometrica, quæ linea recta tanget curvam  $EBE$ , eadem tanget Conchoidem  $aBa$ , propter angulum contingentiae semper indivisibilem, minoremque, ut dici solet, quovis angulo rectilineo. jam verò ostendemus curvam  $EBE$  esse hyperbolam intra asymptotos  $HNO$ , ejusque tangentem esse ipsam  $BQ$  convenientem cum regula in  $H$ ; quia ducta  $PS$  regulæ parallela, occurrente tangenti  $MS$  in  $S$ , ob triangula similia  $DBC$ ,  $PMS$ , quorum latera  $BD$ ,  $PM$  sunt æqualia, æquales etiam erunt bases  $DC$ ,  $PS$ , unde juncta  $SC$  æquidistabit ipsi  $DM$ ; quare  $CN$  ad  $NS$  erit, ut  $DN$  ad  $NM$ , seu ut  $PS$  ad  $SM$ , vel  $CB$ , adeoque rectangulum  $NCB$  æquale erit ipsi  $NSP$ ; eodem modo ducta  $ER$  ipsi  $BC$  parallela ostendetur junctam  $SR$  æquidistare ipsi  $mf$ , adeoque  $NRE$  æquale esse eidem  $NSP$ ; æqualia igitur cum sint rectangula  $NCB$ ,  $NRE$ , curva  $EBE$  erit hyperbola intra angulum  $HNO$ ; cumque sit  $NC$  ad  $CD$ , ut  $MB$ , seu  $PD$  illi æqualis ad  $BD$ , idest (extensa  $IK$  ad  $BC$  in  $L$ ) ut  $BL$  ad  $LC$ , seu  $IK$  ad  $KL$ , nempe  $CQ$  [æqualis ex constructione ipsi  $IK$ ] ad excessum  $DB$  supra  $CQ$ , aut denique ut  $CH$  ad eandem  $CD$ , erit  $NC$  ipsi  $CH$  æqualis; ergo  $HQB$  hyperbolam in  $B$  tangit, & consequenter Conchoidem: quod nobis propositum erat demonstrare.

TAB.  
XII.  
Fig. 7.

13. Jam tandem, ut promissam Theorematis IV. Hugeniani demonstrationem ex ea, quam proposuimus, methodo absolvamus, si in Logistica fiat, ut velocitas puncti  $A$  illam describentis, juxta *genesim cap. 1. num. 5.* indicatam, ad æquabilem velocitatem lineæ  $AB$  per axem delatæ, ita  $AB$  ad  $BO$ , constat ex dictis *num. 3.* atque hactenus abundè illustratis, junctam  $AO$  esse tangentem; similiter si fiat, ut eadem æquabilis velocitas ad velocitatem puncti fluentis in  $V$ , ita  $QC$  ad  $CV$ , juncta



juncta  $VQ$  tanget; habebit igitur velocitas in  $A$  ad velocitatem in  $V$  rationem compositam ex  $AB$  ad  $BO$ , & ex  $CQ$  ad  $CV$ , sive erit, ut  $AB$  in  $CQ$  ad  $BO$  in  $CV$ ; sed eadem velocitates, ex dictis tum *cap. i. num. 3.* tum indicatis hinc *n. 6.*, sunt etiam ut  $BA$  ad  $CV$ ; omnes quippe ordinarum æquo intervallo distantium differentiæ sunt ipsis totis ordinatis proportionales, igitur  $AB$  in  $CQ$  ad  $BO$  in  $CV$ , est ut  $AB$  ad  $CV$ , quare subtangentes  $BO$ ,  $CQ$  sunt æquales. Quod erat demonstrandum.

14. Hinc obiter colligere possumus, quòd si parabola, cujus parameter dupla fuerit parametri Logisticae, circa eundem axem constituta fuerit, aut juxta ipsum axem fluere concipiatur, in quovis situ alteram altera ad rectos angulos secabit, puta parabola  $VF$ , cujus parameter dupla sit subtangentis Logisticae  $GQ$ , & ad communem cum ipsa axem constituta, aut juxta ipsum fluens, utraque se interfecante in puncto  $F$ , aut  $f$ , angulus curvarum  $VFA$ , aut  $ufA$  semper erit rectus; Cum enim intercepta  $GQ$ , inter ordinatam, &  $QF$  perpendicularem parabolæ, sit dimidia suæ parametri, demonstrante id Vero Geometra in Clariss. de Max. & Min. Op., erit in hoc casu æqualis subtangenti Logisticae; ergo  $QF$  tangens Logisticae, idest ipsamet curva  $AF$ , erit perpendicularis parabolæ  $VF$ , & è contra tangens  $EF$  parabolæ, seu ipsa curva parabolica  $VF$ , erit perpendicularis tangenti Logisticae  $QF$ , seu curvæ  $AF$  in puncto quovis sibi occurrant.

TAB.  
X.  
Fig. 7.



## CAPUT VI.

Quintum Theorema proponitur, quod ut demonstretur, ostenditur, Hyperbolica spatia parallelis asymptoto proportionalibus definita equalia esse; spatia qualibet eam inter se rationem habere, quam extremarum ordinarum rationes. Axi Logistica parallela inter se sunt, ut Hyperbolica spatia iis respondentia. In Geometrica Spirali, arcus, & sectores circulares ejus ramis interjecti, proportionantur spatiis, & sectoribus Hyperbolicis respondentibus. Subtangens Logistica ad quamvis axi parallelam est, ut parallelogrammum Hyperbolae inscriptum ad spatium Hyperbolicum. Demonstrandi modus à scrupulis vindicatur. Propositio universalior redditur. Quid sit facere Universale. Prima Geometrica Spiralis subtangens est ad arcus circulares, ut Hyperbolae parallelogrammum ad Hyperbolica spatia. Spatia Hyperbolica, aut sectores Hyperbolici in ea sunt ratione ad circulares sectores correspondentes, in qua minima ordinarum hyperbolae ad semissem subtangentis Logisticae. Parallelogrammum Hyperbolae inscriptum ad spatium ordinatis duplae proportionis injectum est proximè, ut 10. ad 7. Quinti Theorematis Hugonii demonstratio.

I. **L**ongiùs in præcedenti capite progressi fuimus, quam ab initio sperabamus: habenæ ideo contrahendæ in præsentī, in quo Quintum Hugonii Theorema nobis demonstrandum proponimus. Hæc longitudo, inquit de subtangente, per approximationem reperitur, estque ad partem asymptoti interjectam ordinatis proportionis duplae, ut 434294481903251804 ad 301039995663981195, seu proximè, ut 13 ad 9. Quia tamen infiniti penè laboris, ac tediū esset longissimos hos



hos Hugenii numeros persequi, neque ad manum Tabulæ Logarithmicæ ad tam multiplices notas extensæ occurrunt, quibus verisimile est usum Hugenium ad ejusmodi calculum expediendum, ideo eundem lapidem alia methodo movere aggrediar, majorique tum compendio, tum emolumento, vel ad hanc ipsam, vel ad aliam huic propinquam dictarum linearum proportionem intelligendam, Lectorum mentes disponam.

2. Præmittendum igitur, quod Hyperbolæ, & Asymptoto interjecta spatia, alteri asymptoto parallelis proportionalibus terminata, invicem æqualia sunt; id quidem Gregorius à S. Vincentio, Magnus superioris sæculi Geometra, suæque Societatis Lumen Amplissimum, primus, quod sciam, ostendit; quia tamen nec mihi, nec plerisque fortasse Lectorum meorum, ejus Codex ad manus est, placet demonstrationem hanc concinnare. Esto, asymptotis ABQ interjecta TAB: Hyperbola DER, assignenturque spatia DCNF, X. KLQR, definita extremis lineis DC, FN, & KL, Fig. 8. QR alteri asymptoto parallelis, invicem verò proportionalibus. Dico ejusmodi spatia invicem æqualia esse; ex natura siquidem Hyperbolæ erunt etiam BC, BN, BL, BQ proportionales, utpote iisdem parallelis reciproce respondentes; earumque differentia CN, LQ homologis terminis BC, BL, aut LK, CD itidem proportionales. Ordinetur ergo ad CN ipsa CG æqualis LK, & ipsa NI æqualis QR, atque inter duas CB, BN, sumpta media proportionali BM, ordinetur ME; similiter inter duas BL, BQ, sumpta media BO, ordinetur OP, cui æqualis ponatur MH; atque ita porro sumptis aliis intermediis inter BC, BM, ac BL, BO, inter BM, BN, ac inter BO, BQ, ordinatæ ad extrema talium mediarum in spatio KLQR transferantur, & applicentur extremis dictarum mediarum in linea CN existentium, quoadusque fiat spatium CGHIN, cujus



cujus ordinatæ sunt æquales ordinatis spatii KLQR, sed applicatæ ad partes altitudinis CN proportionales partibus altitudinis LQ; nec enim dubium, quin NM ad MC sit, ut QO ad OL, utpote differentiæ trium continuè proportionalium ejusdem utrobique rationis; (existente scilicet NB ad BM, ut BM ad BC, dividendo est NM ad MB, ut MC ad CB, & alternando NM ad MC, ut MB ad CB, aut OB ad LB, idest, eadem ratione, ut QO ad OL) idemque de aliis intermediis dicendum. Jam sic: spatium DCNF ad KLQR rationem habet compositam ex DCNF ad CGIN, & ex CGIN ad KLQR. Sed prima ratio eadem est, quæ DC ad CG, vel KL; (cæteræ enim ordinatæ EM, & MH, seu PO; FN, & NI, seu QR, aliæque intermediae eandem perpetuò rationem observant) secunda autem ratio eadem est, quæ altitudinis CN ad LQ, (per demonstrata prop. 1. append. nostræ Probl. *Vivian.*) hoc est, ex supra dictis, eadem, quæ ejusdem LK ad CD; igitur ratio spatii DCNF ad KLQR componitur ex DC ad LK, & LK ad ipsam DC, scilicet est ratio æqualitatis. Quod erat demonstrandum.

3. Hinc facillimè deducitur, spatia quævis Hyperbolæ, & asymptoto interjecta, lineisque alteri asymptoto parallelis conclusa esse ad invicem, ut sunt rationes extremarum ordinatarum, quibus concluduntur; spatia nimirum CDFN, OPQR, ita comparata sint, ut ratio CD ad NF æqualis non sit rationi OP ad QR, sed in alia quavis proportionem, putà altera alterius triplicata, aut duplicata, vel sesquialterata, &c. erit pariter alterum spatium alterius triplum, duplum, aut sesquialterum; sumpto enim rationis CD ad NF quovis multiplici, putà ratione GH ad NF triplicata ipsius CD ad NF (idest ipsis FB, DB, sumptis aliis duabus continuè proportionalibus KB, HB, erectisque ordi-

TAB.  
X.  
Fig. 9.



ordinatis KL, HG) constat spatium GNFH æquè multiplex fore spatii CDFN (ob singula spatia GK, LD ipsi CF æqualia ex *num. præced.* quippe lineis proportionalibus terminata.) Similiter rationis OP ad QR sumpta quavis multiplici, putà duplicata, EM ad QR (idest ipsi QB, PB sumpta tertia proportionali BM, atque erecta ME) patet spatium ERQM æquè multiplex, scilicet duplum fore spatii OPQR, quandoquidem EP æquabitur ex *num. præced.* ipsi OQ. Quòd si ratio GH ad NF æqualis foret rationi EM ad QR, spatium quoque GHFN æquaretur spatio EMQR, si illa major, & hoc majus, si ratio minor, & spatium minus (ut patet, aut apertè deducitur ex *præcedenti*) itaque, ex nota proportionalium definitione Euclidea, erit ratio linearum CD, & NF ad rationem linearum OP, & QR, ut spatium prioribus conclusum CDFN ad spatium posterioribus interjectum OPQR. Quod erat demonstrandum.

4. Unde apertè colligitur, quòd, si ordinatæ Logistica adhæreat præmissa figura hyperbolica linea NOR, atque asymptotis BQ, BA interjecta, quarum illa ordinata, hæc axis Logistica fuerit, producanturque ipsæ NF, OP ad Logisticam in S, R, erit spatium hyperbolicum NRQF ad spatium ORQP, ut axi Logisticæ parallelæ, FS, & PR; cum enim dicta spatia sint ad invicem, ut rationes inter FN, QR, & inter OP, QR intercedentes, ut *num. præced.* ostensum est, sive ut rationes inter QB & BF, vel VS, & inter QB, ac BP, seu TR intercedentes, quæ quidem rationes ex dictis *cap. 1. num. 3.* sunt, ut portiones axis iidem ordinatis interceptæ, VB, TB, seu SF, RP, etiam dicta spatia Hyperbolica NFQR, OPQR erunt, ut lineæ SF, PR. Quod erat demonstrandum.

TAB.  
XIV.  
Fig. 1.












TAB.  
XV.  
Fig. 10.

5. Simile quidpiam accidit Spirali geometricæ  $Aaa$ , in qua arcus, aut sectores per radios spiralis abscissi, veluti  $AF$ ,  $Af$ , aut  $ACF$ ,  $ACf$  sunt, ut hyperbolica spatia  $AIMK$ ,  $AimK$  comprehensa portionibus  $AI$ , &  $Ai$  asymptoti  $AC$ , quibus differentia extremorum ramorum  $aF$ ,  $af$  sint æquales [sunt enim  $Ia$ ,  $ia$  arcus concentrici ipsi  $AFf$ ] & alteri asymptoto  $CG$  parallelis, curvaque hyperbolica iis intercepta; etenim arcus illi  $AF$ ,  $Af$ , & consequenter & sectores  $ACF$ ,  $ACf$  illis respondentes, ex dictis *cap. 1. num. 10.* sunt, ut rationes radiorum Spiralis  $AC$ ,  $aC$ , seu  $AC$ , &  $CI$ ,  $AC$ , &  $CI$ , in qua pariter sunt dicta spatia hyperbolica; cumque ductis ex centro  $C$  rectis  $CK$ ,  $CM$ ,  $Cm$  sector  $MCK$  ipsi spatio  $KAIM$ , & sector  $mCK$  spatio  $miAK$  sit æqualis (ab æqualibus quippe triangulis  $KCA$ ,  $MCI$  ablato communi  $CLI$ , additoque utrique residuo  $MLK$  res est perspicua) habebimus sectores hyperbolicos in eadem ratione sectoribus circuli ordinatim respondentes; erit enim  $MCK$  ad  $mCK$ , vel ad  $mCM$ , ut  $ACF$ , ad  $ACf$ , vel  $FCf$ .


TAB.  
XIV.  
Fig. 1.

6. Colligi interea ex supra dictis potest, quod subtangens, seu parameter Logistica, est ad quamvis axi parallelam, ut parallelogrammum hyperbolæ inscriptum ad congruum spatium hyperbolicum, scilicet ad punctum  $R$  Logisticae ducta tangente  $RG$ , erit  $GT$  ad  $RP$ , ut parallelogrammum  $KOPB$  ad spatium  $OPQR$ ; fumatur enim tangentis portio  $RS$  infinite parva, ita ut ducta parallela ordinatae  $SV$ , parallela axi  $SHN$  occurrente hyperbolæ in  $N$ , tum ipsa tangens  $RS$  ferè coincidat cum curva  $RS$ ; necnon  $HS$ , ut terminata ad curvam ferè æqualis sit eidem, ut terminata ad tangentem; idest habeat ad ipsam rationem propiorem æqualitati, quàm quælibet data majoris inæqualitatis ratio











ratio quantumlibet parva, tum etiam hyperbolicum spatium NFPO ferè cum rectangulo OPF coincidat, seu illud excedat minori excessu quolibet dato; constat ex *num.* 4. & dividendo, fore spatium NFPO ad OPQR, ut HS ad PR, & sumptis antecedentium æquè proportionalibus, parallelogrammo KP, & linea TG (est enim KP ad OPF ferè cum spatio PN coincidens, ut BP ad PF, seu TR ad RH, vel TG ad HS, prout terminatam ad tangentem, quæ ferè coincidit cum terminata ad curvam in S) erit parallelogrammum KP ad spatium OPQR, ut TG ad PR. Quod erat demonstrandum.

7. Si cui videatur audacior præcedentis demonstrationis processus, simulque infirmior, quàm ut assensum extorqueat, is demonstratione apagogica utatur, per me licet, immò ut huic & similibus applicare discat, specimen hìc dabo. Fingat sibi quis minorem esse, si fieri possit, alterutram dictarum rationum, verbi, gratia ratio GT ad PR minor esto ratione KP ad spatium OPQR, ita ut illi adlicienda foret ratio alia majoris inæqualitatis, quæ sit inter *c*, & *d*, ad hoc ut huic alteri rationi æqualis evadat. Cùm itaque ratio PR ad HS (ut terminatam ad curvam) sit postea eadem, quæ OPQR ad spatium NP, erit rursus ratio TG ad eandem HS minor, quàm ratio KP ad spatium NP, eodem defectu rationis *c* ad *d*; potest autem HS terminata ad curvam esse ad HS, ut terminatam ad tangentem in ratione minori, quàm quælibet data ratio *c* ad *d*; si igitur rationi TG ad HS priorem addatur ratio HS prioris ad HS posteriorem, fiet ratio TG ad HS posteriorem, hoc est TR ad RH, vel KP ad rectangulum OPF, adhuc minor, quàm sit ratio ejusdem KP ad spatium NP, quod est impossibile; foret enim rectangulum OPF majus spatio NFPO, cui inscribitur.



Si verò dicatur e contra ratio  $KP$  ad spatium  $OQ$  minor altera ratione  $TG$  ad  $PR$ , fiet eadem demonstratio, incipiendo ex parte spatiorum, unde concludetur, quòd  $HS$  terminata ad tangentem major foret, quàm  $HS$  terminata ad curvam, seu quòd tangens curvam secaret. Nullus igitur esse potest in ratiocinio nostro scrupulus, nec de fallacia insimulari debet, sed de compendio laudari.

8. Interea notandum velim, præmissam demonstrationem non pendere ab ulla sive Hyperbolæ, sive Logisticæ proprietate, sed hinc dumtaxat, quòd spatia hyperbolica proportionalia sint parallelis axi Logisticæ; quæ affectio infinitis curvis invicem comparatis communis esse potest; ut si  $FQN$  sit triangulum apicem habens in  $Q$ , &  $FQS$  trilineum parabolicum, utique axi parallelæ erunt, ut interceptarum  $FQ$ ,  $PQ$  quadrata, sive ut similia spatia triangularia his insistentia; si superior figura sit trilineum parabolicum quadraticum, inferior erit parabolicum cubicum, & sic de aliis, tum parabolæ speciebus, tum curvarum generibus; quocirca eandem demonstrationem iis applicare potes, aut universaliùs ipsum Lemma concipere sic. In quolibet curva  $QRS$ , cujus ordinatæ  $PR$ ,  $FS$  (sumpto  $FQ$  pro axe) sint in eadem ratione cum spatiis  $PORQ$ ,  $FNRQ$  per easdem ordinatas abscissis ex figura  $NRQF$ , eidem axi applicata, erit subtangens  $GT$  ad  $PR$ , ut rectangulum, seu parallelogrammum  $OPB$  ad spatium  $OPQR$ ; & conversim, si ut illud parallelogrammum ad hoc spatium, ita fuerit  $PR$ , seu  $BT$  ad  $TG$ , iuncta  $GR$  erit tangens; nec refert cava ne, an convexa sint spatia, quæ comparanda sunt, eadem quippe ratio semper militat, aut parum certè immutata. Hinc aliam habes tangentium ducendi methodum, aliasque, & alias veritates per te, prudens Lector, extundere poteris, sed



sed (quod majori in pretio habendum est) hinc discas Veterum, & Recentiorum Geometrarum propositiones Universaliores reddere, attendendo, num proprietates, quas specialiter de quadam figura demonstrant ex peculiari ejus affectione pendeant, an verò ex communi pluribus Symptomate deriventur. Atque id revera est facere Universale, quod adeò deprædicant Metaphysici, & an per intellectum, an verò, ut barbarè loqui solent, etiam à parte rei dari possit, exquirunt. Quod quidem ipsis integrè decidendum relinque, mi Lector, atque ab ea sollicitudine bonas horas aliis utilioribus studiis debitas redimere satage, spondeo enim, aliquot sæculorum myriadibus antequàm illi convenient, & quod, tot tricarum apparatu expiscari contendunt, in aperto ponant (uti hactenus certè incassum laborasse video, nec à tot sæculis, vel latum unguem profecisse, aut aliquam saltem inde utilitatem in Philosophicis aut Theologicis rebus inde sibi, aliisve exculpsisse, plus nimio expertus agnovi), Te innumera- biles, atque utilissimas veritates geometricas inventu- rum per illud, quod superius descripsi, Geometricum Universale, ejusdemque applicationem ad multiplices figurarum species, quas aut Geometria ministrat, aut sibi facilè unusquisque fingere poterit.

9. Nec interea omittendum, quòd Spirali Geome-  
 tricæ rursus quid simile contingit, quod ipsi Logisti-  
 cæ; subtangens enim CB prioris radii AC est ad quem-  
 vis arcum AF, aut Af, ut parallelogrammum hyper-  
 bolæ inscriptum KAC ad spatium correspondens MIAK,  
 aut *mi* AK, quod, tum eadem methodo probari potest,  
 tum & de se patet, quum ex dictis *cap. preced. num.*  
 10. prima subtangens CB sit eadem, quæ erat subtan-  
 gens Logisticæ, ex cujus convolutione, juxta dicta *cap.*  
 1. *num.* 12. Geometrica Spiralis gignitur, ordinatis in

Cc 3

radios

TAB.  
XV.  
Fig. 10.JAT  
IX  
I 234



radios commeantibus, & axis portionibus, ejusve parallelis in arcus curvatis, ac propterea eadem erit ipsius CB ad arcum AF ratio, quæ prius erat subtangentis ad parem axis portionem, ejusve parallelam, adeoque eadem, quæ parallelogrammi prædicti ad assignatum hyperbolicum spatium.

10. Exinde autem habetur, quod spatia illa hyperbolica, aut sectores iis æquales, de quibus *num.* 5. in ea semper ratione erunt ad correspondentes circulares sectores, in qua minima ordinarum spatii hyperbolici AK ad semissem subtangentis CB; etenim si AK superponatur æqualis dictæ subtangenti CB, erit ut rectangulum KAC ad spatium hyperbolicum KAIM [quod sumi poterit latitudinis AI infinitè parvæ, ut ferè coincidat cum inscripto rectangulo KAI] idest ut CA ad AI, ita ipsa KA, vel ipsa CB ad arcum AF, ex numero superiori; rectangulum igitur KAI, seu spatium ipsum hyperbolicum MIAK erit æquale rectangulo radii CA in arcum AF, hoc est duplum sectoris ACF; cumque ex dictis *num.* 5. & alii sectores aliis spatiis in eadem sint ratione, singula spatia KAIM, KA *im*, aut hyperbolici sectores KCM, KC *m*, dupli erunt respondentium sectorum circularium ACF, ACf; & si AK æqualis fuerit semissi CB, erunt dicta spatia, & sectores hyperbolici ad circulares sectores in ratione æqualitatis; si quis autem obrepserit scrupulus circa hanc demonstrationem, remedio numeri septimi ritè applicato amoliendus erit.

TAB.  
XI.  
Fig. 1.

11. Jam ostendendum est, quod parallelogrammum Asymptotis, & Hyperbolæ inscriptum, est ad spatium hyperbolicum, cujus extremæ ordinatæ duplam proportionem servant, proximè ut 10. ad 7. Esto ALBE quadratum hyperbolico spatio, quod hyperbola AG, asymptotis LBF continetur, inscriptum; & sumpta FE



FE æquali ipsi EB, ordinetur FG: erunt ordinatæ AE, FG in ratione dupla. Dico quadratum EL ad spatium AHGFE (adeoque & quodvis parallelogrammum inscriptum ad spatium ordinatis rationis duplæ interjectum) esse proximè, ut 10. ad 7, ducta enim diametro BA, & iuncta AF (quæ tangens erit, quoniam extensa ad alteram asymptoton bifariam secaretur in A, prout BF bifariam secaretur in E) ductaque GD, & HICNK asymptoto BF parallelis; quoniam rectangula ALB, HKB æqualia sunt, & communi ablato BEC æqualia remanent ECH, KCA, erit HC ad CA, vel CI (ob angulum EAF semirectum), ut KC, seu EA ad EC, & dividendo, HI ad CI, vel CA, ut CA ad CE; cum igitur sint EC, CA, IH continuè proportionales, erit tertia IH æqualis quadrato secundæ CA diviso per primam CE; itaque si EA dicatur æqualis  $a$ , & quælibet portio AC dicatur  $c$ , erit HI æqualis  $\frac{cc}{a-c}$ ; intelligatur ergo AE in 100. æquales particulas dividi, quarum AD erit 50; & si ab A sumantur per ordinem 1, 2, 3, &c. ejusmodi particularum, & calculo exprimantur lineæ in trilineo AMG respondentes, prout HI correspondet ipsi AC, invenietur hæc series  $\frac{1 \times 1}{100-1}$ ,  $\frac{2 \times 2}{100-2}$ ,  $\frac{3 \times 3}{100-3}$ , &c. usque ad  $\frac{50 \times 50}{100-50}$ ; hæc enim est expositio universalis expressionis suprapositæ  $\frac{cc}{a-c}$  pro diverso valore ipsius  $c$ ; idest rectæ illæ, velut IH, in trilineo AMG parallelæ, & ad centesimas quaslibet ipsius AE partes applicatæ, erunt per ordinem  $\frac{1}{99}$ ,  $\frac{4}{98}$ ,  $\frac{9}{97}$ , &c. usque ad  $\frac{2500}{50}$ , quod æquatur ipsi MG 50 ejusmodi particularum. Summa igitur harum omnium fractionum designabit proximum valorem, seu quantitatem trilinei AMG, respectu quadrati



drati AEB, quod est in hac suppositione 10000; por-  
rò illæ fractiones ad minimos terminos redactæ, & si-  
mul additæ, dant circiter 700 (ut experiri unusquisque  
poterit, si satis otii, & patientiæ habuerit ad calculi la-  
borem ferendum) triangulum verò ADM æquatur  
dimidio quadrati AD, scilicet 50 ducto in 25, quod  
est 1250, & parallelogrammum GDEF, quadrati AE  
subduplum, est 5000, igitur summa ex trilineo, trian-  
gulo, & parallelogrammo, nempe spatium hyperboli-  
cum AGFE est 6950, ut ex hac formula patet.

Trilineum AMG	700
Triangulum ADM	1250
Parallelogrammum GDEF	5000
<hr/>	
Summa, spatium GAEF	6950

Proportio itaque spatii AGFE ad quadratum AEBL  
est eadem, quæ 6950 ad 1000, seu, dividendo utro-  
bique per 50, ut 139 ad 200, quæ est circiter 140 ad  
200, aut subdividendo per 20, ut 7 ad 10; & hoc fue-  
rat demonstrandum.

TAB.  
XII.  
Fig. 1.

12. Jam V. Theorem. Hugonii demonstrationem  
sic expedio. Sit AD dupla DK, seu FB ordinatæ  
ad Logisticam, ABb, erit FD intercepta axis inter  
ordinatas duplæ proportionis; ostendendum est FO  
subtangente, seu parametrum Logisticæ esse ad FD,  
vel BK proximè, ut 13 ad 9. Jam ex dictis *num. 6.*  
est FO ad BK, vel DF, ut parallelogrammum in-  
scriptum hyperbolæ ad congruum spatium hyperboli-  
cum, quod in hoc casu (si intelligatur super AD de-  
scriptum, & ordinatis ex A, & K definitum) termi-  
natur ordinatis duplæ proportionis, propter AD du-  
plam



plam DK; sed illud parallelogrammum ad tale spatium hyperbolicum, ex præcedenti numero, est proximè, ut 10 ad 7, ergo & OF ad DF, vel BK erit proximè in eadem ratione 10 ad 7, aut utrobique per 13 multiplicando, ut 130 ad 91, quod proximum est rationi 130 ad 90, hoc est 13 ad 9. Ratio igitur subtangentis, ad axis portionem interceptam ordinatis duplæ rationis, proximè est, ut 13 ad 9, uti Hugenius in hoc Theoremate proposuerat.

## CAPUT VII.

Sextum Theorema proponitur, & universaliùs demonstratur. Spatia Logistica in data ratione dividere; Cavum trilineum convexo æquale; rectangula spatiis Logisticis æqualia. Item spatiis hyperbolicis. Ordinata in trilineo Logistica, axi parallela, convexis, & cavis hyperbolæ segmentis proportionales. Eadem aliis figuris applicare. Hyperbolam ducere, quæ datam Logisticam, vel in dato puncto contingat. Maximum parallelogrammum Logistica inscribere, & duo utrinque æqualia determinare. Data cujuscvis figuræ tangente maximum illi parallelogrammum inscribere, & contra. Idem circa alia maxima præstare per alias hyperbolas. Infinitarum hyperbolarum tangentes. Spiralis geometricæ spatia inter se, & cum suis partibus comparantur. Cujuscvis convolutæ figuræ, ejusve partium ad circumscriptum sectorem, & ejus zonas proportio eadem, quæ Conoidis ab evolutâ figurâ, ejusve partium, ad circumscriptum cylindrum, & tubos cylindricos. Evolutæ ad convolutam ratio, quibus composita. Exempla in Spiralibus. Geometricæ Spirali doctrina applicatur.



TAB.  
XII.  
Fig. 1.

I. **P**roposuit in Sexto Theoremate Hugenius, quòd, si fuerint tres ordinatæ, velut in hac figurâ sunt  $AD$ ,  $HG$ ,  $BF$ , & ex puncto curvæ ad minimam pertinente ducatur asymptoto parallela secans duas alias ordinatas in  $R$ , &  $K$ , ac tangens  $BQ$  easdem secans in  $N$ , &  $Q$ ; spatia trilinearia  $ABK$ ,  $HBR$  sunt inter se, ut partes ordinatarum inter curvam, & tangentem, idest, ut  $AQ$ ,  $HN$ . Quod quidem ferè cum secundo Theoremate coincidit, potestque, ex cap. 4. num. 4. dictis, demonstrari, ut patebit, applicando demonstrationem lineæ  $gb$  minusculis litteris expressæ, secanti tangentem in  $n$ , axi parallelam per  $B$  ductam in  $r$ ; patebit enim interceptas tangenti, & Logisticæ curvæ, ordinatis parallelas, sive infra, sive supra punctum contactus esse, ut spatia comprehensa iisdem ordinatis, Logisticæ curvæ, & axi parallelâ per contactum ductâ, adeoque secundum, & sextum Theorema in unum convenire.

2. Sic igitur argui poterit. Cùm sit  $OF$  ad  $FB$ , ut  $BK$  ad  $KQ$ , erit  $OF$  in  $KQ$  æquale  $FBK$  rectangulo; sed  $FO$  in  $BM$ , seu in totam  $KA$  æquatur toti spatio  $DABF$  per cap. 4. num. 3., igitur  $FO$  in residuam  $QA$  æquatur residuo spatio  $KAB$ : eodem modo ostendetur  $OF$  in  $RN$ , seu  $rn$ , æquale rectangulo  $FBR$ ,  $FBr$ ; adeoque cùm sit  $HGFB$ ,  $hgFB$ , æquale  $FO$  in  $BS$ , seu  $HR$ , vel  $hr$ , erit spatium  $RBH$ ,  $rBb$ , æquale  $FO$  in  $NH$ ,  $nb$ ; adeoque trilineum  $AKB$  ad  $HRB$ , seu  $hrB$ , erit, ut  $AQ$  ad  $NH$ , seu  $nb$ , quæ sunt bases rectangulorum sub communi altitudine subtangentis  $FO$  illis spatiis æqualium. Et hoc fuerat demonstrandum.

3. Hinc faciliè erit, quævis Logisticæ spatia, sive concava, sive convexa per ordinatas in data ratione, dividere; specialiter autem hinc inferre juvat, quòd si ex quovis



quovis puncto  $H$  Logisticae, ducatur tangenti  $ON$  parallela, occurrens curvae ultra contactum in  $b$ , erit portio Logisticae concava  $HRB$  aequalis convexae  $brB$ , propter aequales  $HN$ ,  $bn$ , iis parallelis interceptas; immo addito utrinque spatio  $BHS$ , cum rectangulo  $SBr$ , inferes rectangulum  $HRr$  aequale esse spatio Logisticae, curvâ  $Hb$ , ipsâque  $HS$  ad  $br$  extensâ, intercepto; indeque rectangulum  $GRr$  aequale residuo spatio  $GHBbg$ , aequale proinde & rectangulo ex  $OF$  subtangente in  $RH$  cum  $rb$ , seu in  $sS$ , adeoque  $OF$  ad  $Gg$  se habere, ut  $GR$ , seu  $BF$ , ad  $sS$ ; sed nimium minutis detineor.

4. Expendere potius juvabit, quibus spatiis proportionales sint lineae in trilineo  $NBH$ , aut  $nBb$ , parallelae, non quidem ordinatis, sed ipsimet axi. Inter asymptotos  $AD$ ,  $DF$ , ducatur per ipsum punctum  $B$  Logisticae hyperbola  $rBrrR$ ; ante omnia ostendendum est, tangente Logisticae  $OB$  occurrente supremæ ordinatarum, seu asymptoto hyperbolae in  $P$ , rectangulum  $BKP$  æquari spatio hyperbolico  $kBrRA$ ; est enim rectangulum  $BKP$  ad  $KBF$  rectangulum hyperbolae inscriptum, ut illius basis  $PK$  ad basim hujus  $KD$ , seu  $BF$ , hoc est, ob similitudinem triangulorum, ut  $KB$  ad subtangentem Logisticae  $FO$ , indeque, ex *cap. præced. num. 6.*, ut hyperbolicum spatium  $ARrBK$  ad idem parallelogrammum  $FBK$ ; æqualia igitur sunt rectangulum  $BKP$ , & spatium hyperbolicum  $ARrBK$ : quod fuerat demonstrandum; sed & alibi generalius idem ostendemus, scilicet *cap. 13. num. 2.*

TAB.  
XI.  
Fig. 2.

5. Cum verò, ex *cap. præced. num. 4.*, spatium hyperbolicum  $KBrA$  ad quodvis aliud axi Logisticae parallelis resectum  $KrRA$  sit, ut  $KB$  ad  $kb$ , & dividendo spatium hyperbolicum  $KBrk$  ad  $rRAk$ , ut  $sb$  ad  $bk$ ; manifestum est, sumpta communi altitudine  $KP$ , dictarum linearum in  $KP$  ductarum rectangula proportionari



nari spatiis hyperbolicis correspondentibus, adeoque rectangulum PK in  $kb$  æquari spatio  $krRA$ , & rectangulum ejusdem PK in  $sb$  æquari spatio  $KBrk$ , &c.

6. Parallelæ igitur axi Logisticæ, trilineis NBH,  $nBb$  conclusæ, proportionales erunt respectivis trilineis hyperbolicis  $rBS$ ,  $rBs$  convexis, aut concavis, prout citra, vel ultra B parallelæ ducuntur; etenim demonstratione *num.* 3. iterum applicatâ; cum sit KP ad BK, ut BM ad MQ, vel BS ad SN, & Bs ad  $sn$ , erit rectangulum KBM, vel KBS, aut KBs æquale rectangulo ex PK in MQ, SN, vel  $sn$ ; sed etiam spatium BKAR, aut BK $kr$  æquatur, ex *num. præced.*, rectangulo ejusdem PK in MA, aut SH, vel  $sb$ ; igitur rectangulum ex PK in residuam AQ, vel HN, aut  $hn$ , æquale erit trilineo hyperbolico RBM, aut  $rBS$ , &c. & ideò lineæ AQ, NH,  $nb$  axi Logisticæ parallelæ, ejusque curva, & tangente conclusæ, erunt ut respectiva hyperbolica spatia supra definita. Quod erat demonstrandum.

7. Aliis figuris similem comparisonem suscipientibus, ut ordinatæ unius proportionales sint spatiis abscissis alterius, applicari res eadem potest, quemadmodum, tum hic, tum alibi locum habere possunt observationes, & corollaria similia his, quæ *num.* 3. indicavimus; specialia verò problemata duo ex sola figuræ hujus inspectione facillimè solves. Alterum: Inter asymptotos FD, DA, quarum illa sit axis, hæc ordinata Logisticæ AB $b$ , hyperbolam ducere, quæ Logisticam in aliquo puncto B tangat; vel dato in Logistica puncto B, hyperbolam nihilominus reperire, quæ idem præstet: ponatur DF æqualis subtangenti FO: ordinatis FB, & DA, fiat per B hyperbola inter asymptotos FDA; hæc procul dubio Logisticam tanget; siquidem eadem OB, tum Logistica, tum Hyperbolæ tangens communis



nis erit; unde consequitur, quòd, si fingatur per aliud punctum B ducta hyperbola, occurret in alio puncto eidem Logisticae, supra B quidem, si FD major fuerit subtangente, infra verò si minor. Alterum est. Logisticae maximum parallelogrammum inscribere: ponatur DF subtangenti aequalis, & ordinetur FB: patet DFB maximum fore omnium, quæ dato Logisticae spatio inscribi possint, parallelogrammorum; alia siquidem parallelogramma eidem Logisticae spatio inscripta minora erunt, eò quòd, ut illud primum adæquent, extendenda sint usque ad perimetrum hyperbolæ per B descriptæ, quæ tota ultra Logisticam cadit, utpotè ipsam tangens, ex nuper dictis: unde patet, cuivis alteri parallelogrammo aliud æquale eidem Logisticae inscriptum exhiberi posse, ducta scilicet per punctum, ubi Logisticae occurrit, Hyperbola, quæ in alio puncto Logisticam secans dabit punctum, ad quod inscribatur parallelogrammum æquale priori, eò quòd utraque spatio asymptotis, hyperbolæ interjecto inscribantur.

8. Leviuscula quidem hæc, si per sese considerentur, at ratione methodi, quam generalem esse Lectorum sollertia percipiet, suo pretio non fraudabuntur: hinc enim habebimus, data ratione, quam habere debet subtangens ME figuræ ABHG ad abscissam AE, TAB: XI. Fig. 3. dari & maximum parallelogrammum EBL ipsi inscriptibile, si nimirum in eadem data ratione fiat GE ad EA, ut GE, EM sint æqualia, tangens quippe MBI erit & tangens hyperbolæ CBC per B inter asymptotos AG, GH ductæ, atque adeò quodvis aliud parallelogrammum GFDK datæ figuræ inscriptum minus erit parallelogrammo GFC, atque adeò minus GEB, quod proinde maximum esse convincetur; & e contra, dato maximo parallelogrammo GEBL figuræ ABHG inscripto, dabitur ejus tangens, posita EM æquali EG, quia quodvis aliud parallelogrammum GFD,



cum sit minus ipso  $GEB$ , erit & minus  $GFC$  (ducta per  $B$  inter easdem asymptotos hyperbola  $CBC$  & ideo  $FD$  minor erit, quam  $FC$ , & hyperbola  $CBC$  curvam  $DBD$  tanget; sed hyperbolam tangit recta  $MB$ , ergo & curvam  $DBD$  propositam. Et quod de parallelogrammis maximis dictum est, assumpta hyperbola lineari, potest ad maximos cylindros, aliave maxima facta ex gradibus coordinatarum  $EB$ ,  $BL$  transferri, usurpatis alterius generis hyperbolis, quadratica, cubica, &c. in quibus facta ex homonymis coordinatarum gradibus sunt æqualia, eò quòd quadrata, aut cubi coordinatarum reciprocentur distantis à centro, seu angulo asymptotali.

9. Quòd si earumdem infinitarum hyperbolarum, in quibus videlicet non simplices lineæ  $BL$ ,  $CN$ , sed ipsarum quadrata, aut cubi, alique majores gradus sint in reciproca ratione distantiarum  $GL$ ,  $GN$ , earumve, graduum quorumcumque, tangentes ignorare te dicas: ne desponde animo, paucis, adverte, docebo, & quidem ex hac ipsa, quam præ manibus habemus, methodo demonstrationem eruendo: exponens graduum, quos consideramus in ordinatis  $BL$ ,  $CN$ , esto  $x$ ; graduum verò, qui considerantur in distantis  $NG$ ,  $GL$  esto  $y$ ; ducta ex quolibet hyperbolæ puncto  $BE$  asymptoto parallela, fiat  $GE$  ad  $EM$ , ut  $x$  ad  $y$ , juncta  $MB$  tanget quia enim ut  $x$  ad  $y$ , ita  $GE$  ad  $EM$ , factum ex gradu  $GE$ , cujus exponens  $x$ , in gradum  $EM$ , cujus exponens  $y$ , maximum erit omnium similium factorum ex partibus lineæ  $GM$  utcumque divisæ, uti ex maximorum, minimorumque methodo facile constat; quare & factum ex similibus gradibus  $GEB$  maximum erit omnium similium factorum ex lateribus parallelogrammi triangulo  $MIG$  ad aliud, quam  $B$  punctum inscripti; quæ igitur linea tangit figuram triangularem  $MIG$  in  $B$ , (ipsum nempe latus  $MI$ ) tanget in eodem puncto



puncto hyperbolam  $CBC$  ex iisdem gradibus coordinatarum constitutam.

10. Jam ad institutum nostrum, unde paululum divertimus, propius accedentes, quemadmodum in Logistica Hugenus propos. 1. 2. & hac, quam præ manibus habemus, sextâ, varia ejus segmenta invicem comparavit; ita, ut in Logistica convoluta, nempe Spirali Geometrica, idem nos præstemus, argumenti similitudo suadet. Primum igitur, sicut Logisticae spatia post quamlibet ordinatam in infinitum protensa sunt, ut ipsæ ordinatæ, ex dictis *cap. 3. num. 7.*, ita Spiralis geometricæ spatia post quemlibet ejus radium in infinitum circa centrum per innumeras, sibi que superimpositas circulationes, continuata sunt inter se, ut quadrata eorundem radiorum; intellecto enim spatio Spiralis  $AaaC$  in triangula innumera, ut *cap. 1. num. 11.* factum est, distributo, quæ, ex ibi dictis, similia erunt,  $ACa$ ,  $aCa$ , &c. erunt singula inter se, ut homologorum radiorum quadrata, quæ continuè proportionalia sunt, juxta curvæ hujus naturam; itaque, ut unum  $ACa$  ad unum  $aCa$ , ita omnia spatio  $AaaC$  inclusa ad omnia inclusa spatio  $aaC$  (sunt quippè totidem hic, atque ibi, utpotè multitudinis utrobique infinitæ) nempe, ut quadratum  $AC$  ad quadratum  $aC$ , ita spatium, quod post  $AC$  intra dictam Spiralem convolvitur, ad spatium, quod post  $aC$  eadem Spirali concluditur.

11. Hinc dividendo habetur, spatium  $ACa$  esse ad infinitè contortum post minorem radium  $Ca$ , ut differentia quadratorum  $AC$ ,  $aC$ , seu  $CI$  ad minoris  $aC$ , vel  $CI$  quadratum, hoc est, ducto arcu  $aI$ , ut armillæ portio  $FAIa$  ad sectorem  $IaC$ , sicuti *cap. 3. num. 8.* & in tertio Theoremate Hugonii demonstrando *cap. 4. num. 5.* ostendimus, in Logistica spatium duabus ordinatis interjectum esse ad infinitè longum post minorem ipsarum protensum, uti est differentia ipsarum ordi-

TAB.  
XV.  
Fig. 10.



ordinatarum ad minorem ex ipsis; & veluti in primo Hugonii Theoremate *cap.* 3. demonstrato, spatia Logistica ordinatis conclusa erant, ut extremarum ordinatarum differentiae, ita in Spirali geometrica spatia quaelibet  $Aca$ ,  $aca$  erunt inter se, ut differentiae quadratorum ab extremis radiis dicta spatia comprehendentes, sive, ut circulares armillae  $FAl$ ,  $fai$ , illis adscriptae.

TAB.  
XI.  
Fig. 4.

12. Trilineis verò  $aIA$ , sive ad invicem, sive cum residuis  $aAF$ , aut cum zonis  $FAla$  comparandis, interferviet generale hoc Theorema. Si quævis figura  $LHC$ , axe  $AL$  in punctum  $A$  contracto, illique parallela  $KC$  in arcum  $CG$  æquabiliter curvata, transeat in Spiralem  $CEA$ , ordinatis  $HM$ ,  $hm$  in totidem ejus ramos, seu radios  $AE$ ,  $Ae$  abeuntibus, & per angulum  $E Ae$  divaricatis, cujus mensura sit arcus  $Dd$  æqualis intervallo ordinatarum, nempe ipsi  $Mm$ , vel  $Nn$ : Dico Spirale spatium  $CEA$  fore ad circumscriptum sectorem  $CGA$ , uti est conoides ex figura  $LHC$  circa axem  $LA$  ad circumscriptum cylindrum ex parallelogrammo  $AK$  circa eundem axem revoluti. Ducto pariter quovis arcu  $EB$ , aliisque lineis coordinatis, ut in figura, trilineum  $BCE$  fore ad circumscriptam zonam  $BCDE$ , uti est annulus ex  $HCB$  circa axem revoluti ad tubum cylindricum ex circumscripto parallelogrammo  $HNCB$  circa eundem axem, ac dividendo, trilineum  $BEC$  ad  $CED$  esse, ut sunt annuli ex ipsis  $HBC$ ,  $HCN$  circa axem revolutis; quodlibet etiam trilineum  $BEC$  ad aliud  $beC$ , aut  $CED$  ad aliud  $Ced$  esse, ut sunt annuli ex ipsis  $BHC$ ,  $bbC$ , aut ex  $HCN$ ,  $bcN$  circa ipsum axem; portiones quoque  $BEeb$ , sive ad aliam  $beeb$ , sive ad trilineum quodvis  $BCE$  esse, ut respectivè inter se sunt annuli ex  $HBbb$ ,  $bbbb$ , aut  $HBC$  circa ipsummet axem  $LA$ . Longior est propositio, quàm demonstratio. Arcus enim  $BE$  ad  $BF$  est, ut  $CD$  ad  $CG$ , scilicet ex constructione, ut  $CN$  ad

TAB.  
XIV.  
Fig. 1.



ad CK, vel BH ad BI, nempe ut cylindrica superficies, quæ in conoide ex linea BH, ad cylindricam superficiem, quæ in cylindro per lineam BI circa axem revoluta producitur; & hoc semper, siue lineas majusculis litteris, siue minusculis notatas inter se compares; sunt autem tum arcus BF, in sectore concentrici, tum cylindricæ omnes superficies ex BI, concentricæ in cylindro, proportionales, quippe in eadem ratione distantiarum à centro A, vel axe AL; ergo, ex Lemmate 29. Torricellii de dimensione parabolæ, omnes arcus concentrici in sectore ad omnes concentricos in spatio Spirali erunt, ut sunt omnes superficies cylindricæ in cylindro ad omnes cylindricas superficies in conoide; unde & dividendo, & proportionales partes comparando, habebitur veritas Theorematis propositi.

13. Quandoquidem ob æqualitatem arcus CG cum axe figuræ LA, ductâ subtensâ LC, erit triangulum LAC æquale sectori CGA, atque adeo erit ad Spirale spatium in eadem ratione, in qua cylindrus conoidi circumscriptus ad ipsam conoidem; hinc figura quælibet evoluta ad convolutam rationem habebit compositam ex ratione sui ad triangulum æquè altum in eadem basi, & ex ratione circumscripti cylindri ad conoidem ex ejus revolutione circa axem genitam. Cum Spiralis Archimædaea, ob æquabilitatem motuum quibus componitur, habeat radios proportionales ordinatis in triangulo basi parallelis, indeque fiat convolutione trianguli axem habentis parem arcui sectoris circumscripti, fit inde, spatium spirale trientem esse circumscripti sectoris, quemadmodum conus ex triangulo triens est circumscripti cylindri; & cum secunda Spiralis quadratica fiat convolutione parabolæ, cujus ad inscriptum triangulum ratio est sesquitertia, cylindri verò circumscripti conoidem ab ipsa genitam

Ee

ratio



ratio est dupla, ideo spirale spatium quadraticum erit semissis circumscripti sectoris, habebit verò parabola, ex qua gignitur, ad se ipsam in tale spatium convolutam, rationem compositam ex sesquitertia, & dupla, idest quam 8 ad 3., & sic deinceps applicationem proseguere mi Lector.

14. Ego ad Spiralem Geometricam revertor, in qua, utpote ex convolutione Logisticae genita, jam scies Trilinea, initio num. 12. recensita, eam inter se rationem habitura, quam annuli ex correspondentibus Logisticae portionibus trilinearibus circa axem revolutis, sive inter se, sive cum tubis cylindricis illos circumscribentibus comparatis, ubi geometricae Spiralis trilinea cum zonis circularibus illa includentibus conferantur; quomodo autem illi annuli ex Logisticae portionibus geniti notam habent quantitatem, nonnisi perspecta solidorum, quae ex Logistica circa axem revoluta producuntur, mensura, ostendi potest; de qua re, in nono Theoremate cum Hugenio, agendum erit, ideoque ex dicendis cap. 9. num. 10. defectus supplendus est.

### C A P U T VIII.

*Septimum Theorema pridem ostensum, ut nova demonstratione fulciatur, ostenditur, spatium à qualibet curva contento quò ad totum, & quò ad partes aequale spatium ex subtangentibus ad curvæ puncta applicatis, vel ad respectiva puncta basis: item ducta per quodvis punctum tangentibus parallela, occurrente ordinatis, puncta intersectionum esse in curva, quae cum priori comprehendet spatium primæ figuræ duplum, adeoque cum ejus basi [nisi hanc nova curva secet, ac congruo loco punctum acceptum sit] spatium primo aequale. Eadem operâ duæ ejusmodi curvæ describuntur.*



tur. Eadem doctrina conversim accepta inventioni tangentium deservire poterit. Dimensio figuræ per normam, & perpendiculum descriptæ; Spatii Cycloidis, obiter ejus tangente determinatâ, dimensio, variorumque segmentorum proportio. Segmenta ejusdem quadrabilia. Cissoidalis spatii, ejusque segmentorum mensura. Spatium à Tractoria, & ejus axe interceptum æquale quadranti radio suæ tangentis descripto. Infinitarum Parabolarum, Hyperbolarum quoque infinitarum specierum, Spiraliū item cujusvis generis, etiam Geometricæ dimensio expenditur. Septimi Theorematis Hugeniāni demonstratio ex hac doctrina eruitur. Octavum quoque Theorema, pridem ostensum, hinc novam demonstrationem assumit.

I. **A**D septimum Theorema gradum facimus. Illud TAB. XI. Fig. 7.  
Hugenius his verbis proponit: Spatium infinitum inter ordinatam, Logisticam, & asymptoton, qua parte hæc ad invicem accedunt, duplum est trianguli comprehensi ordinatæ, tangente ad idem ordinatæ punctum, & subtangente. Sic in eadem figura spatium infinitum post ordinatam BF duplum est trianguli BFO. Quod quidem ex dictis cap. 4. num. 6. evidenter deducitur; rectangulum enim subtangentis, seu parametri FO in ordinatam BF, quod loco citato ostensum est spatium infinito post BF exporrecto æquale, utique duplum est trianguli BFO ejusdem basis, & altitudinis; sed aliam nihilominus demonstrationem adjiciemus ad pleniorē scientiam, & methodi varietatem, aliis detegendis veritatibus inservientem, uti ex his, quæ speciminum loco subjungemus, prudens Lector agnoscat; Vix certè figura ulla notæ hactenus descriptionis est, cujus dimensio ex fonte jam aperiendo non elegantissimè promanet: immo & infinitorum solidorum mensura hinc elici potest, ut patebit capite sequenti num. 7. &



& distantia centri gravitatis variarum figurarum, ut *cap. II. num. 6.* constabit.

TAB.  
XV.  
Fig. 6.

2. Sit curva quævis  $ADC$  circa axem  $BN$ , & ex quibusvis curvæ punctis  $A, a$ , ductis tangentibus  $AB, ab$ , quæ cum axe conveniant in punctis  $B, b$ , necnon ordinatis  $AN, an$ , compleantur parallelogramma  $ANBG, anbg$  circa ipsas tangentes, velut diametros consistentia; sicque semper fiat, ut per omnium parallelogrammorum angulos exteriores, idest per puncta  $G, g$ , transeat curva  $Gg$ : comprehendet hæc cum priori curva  $AaC$ , & latere extimi parallelogrammi  $AG$ , spatium  $CaAGg$  æquale figuræ prius positæ  $CaAN$ ; sumptâ enim quantumlibet parvâ tangentis particulâ  $AD, ad$ , ac per  $D, d$  ductis axi, & basi parallelis  $MDH, EDF, mdb, edf$ , erunt rectangula  $GD, DN, gd, dn$ , utpote complementa parallelogrammorum circa diametrum, invicem æqualia, (potes & utrinque addere  $AD, ad$ , ut compares æqualia parallelogramma  $AH, NF$ , aut  $ab, nf$ ; potes insuper directum parallelogrammum  $AH, ab$  in 7. figura commutare in obliquius intra easdem parallelas eidem nihilominus tangenti impositum, spatio autem  $CaGg$  melius adjacens ad evidentiorum circumscriptionem) & hoc semper in quolibet puncto eveniet; ergo cum in utroque spatio hæc indefinitè parvæ latitudinis parallelogramma possint ab iis deficere, si inscripta sumantur, aut eadem spatia excedere, si circumscripta comparentur, minori defectu, aut excessu quolibet dato; constat ipsamet spatia  $CaAGg, CaAN$  integrè, & particulatim; idest, tum tota, tum eorum correspondentes partes invicem comparando, prorsus æqualia esse. Immo inde inferre potes, quòd, cum totum parallelogrammum  $NG$  trianguli  $NBA$  sit duplum, & complexum ex utraque figura  $gGAaC$ , &  $CaAN$  duplum solius  $CaAN$ , reliqua figura  $BGgC$  dupla erit trilingui



nei CAB, curva CA, tangente AB, & axis portione, quam tangens intercipit, comprehensi; id quod expectatæ multarum figurarum dimensionibus conducere potest.

3. Hinc si in qualibet figura CAN, ductis ubilibet axi parallelis, primum AG æquali subtangenti NB extimi puncti A; tum  $aro$ ,  $aro$ , resectis ultra ordinatam AN ipsis  $ro$ ,  $ro$  respectivè æquantibus longitudinem subtangentis  $nb$ ,  $nb$  ad suum punctum  $a$  pertinentibus, quousque compleatur figura  $ooGAN$ ; vel etiam, (quod in idem recidit) si per N punctum regula quædam NG converti concipiatur, secans axi figuræ parallelas  $ar$ ,  $ar$  productas in punctis  $oo$ , ita ut eadem regula NG, sive No semper parallela existat tangenti AB, aut  $ab$ , sintque BAGN,  $baon$  parallelogramma (quomodo rursus  $ro$  æqualis erit respectivæ  $nb$ , auferendo scilicet ex æqualibus  $ao$ ,  $bN$ , æquales  $ar$ ,  $nN$ ), ex utraque, inquam, hac descriptione colligitur, figuram  $ooGAN$  æqualem fore prius datæ figuræ CAN, quemadmodum & partes correspondentes  $raGo$ ,  $naAN$  semper æquales esse; quid enim hoc aliud est, quàm ipsas lineas AG,  $ag$ , *num. preced.* consideratas, directè deprimere in AG,  $ro$ , ut jam non ad curvam, sed ad respectiva basis AN puncta terminentur? Spatium igitur  $CaAGg$ , servatâ singularum suarum linearum æqualitate, protrusum in  $NooGA$ , erit, ut prius, æquale ipsi CAN, nisi malis & hinc sumere infinitè parvam tangentis portionem, ferè cum curva  $Aa$  coincidentem, & ex proportionalitate BN, seu GA ad  $ra$ , cum NA ad  $Ar$ , inferre æqualitatem rectangulorum  $GAr$ , &  $ANn$ , ac similiter in reliquis, ut supra.

4. Vel etiam sumptâ infinitè parvâ tangentis, aut curvæ portione  $Aa$ , junctisque ad N radiis AN,  $aN$ ,  $aN$ , ostendetur semper parallelogrammum  $GAa$  duplum trianguli  $NAa$ , utpote eidem basi  $Aa$ , inter easdem parallelas  $Aa$ , NG (aut  $aa$ , No) insistentis, quare

Ee 3

tota

TAB.  
XII.  
Fig. 4. 5.

TAB.  
XII.  
Fig. 4. 5.



TAB.  
XI.  
Fig. 5. 6.

tota figura  $CaAGooN$  totius  $CAN$  dupla erit, & dividendo spatium  $ooGAN$  ipsi  $CAN$  æquale erit; eo modo quo & in his bilineis curva, & recta comprehensis, velut  $aaa$ , aut  $NaA$ , accepto puncto  $N$ , sive in extremo basis, sive alibi, aut etiam intra figuram, & per  $N$  transeunte recta  $No$ , quæ tangentibus  $ad$  perpetuò parallela existens, secet ipsas  $ar$ , ad basim  $NA$  ordinatas, in punctis  $o$ , erit  $NooAaN$  dupla trilinei, seu bilinei (prout integra sumitur, aut ejus pars ramis  $Na$  intercepta)  $NaA$ , propter parallelogrammum  $daob$  ubique duplum trianguli  $daN$ ; unde mirum, quot figuræ dimensionem accipiant.

TAB.  
XIII.  
Fig. 1. 2.

5. Immo eadem operâ possent duæ figuræ eidem datæ æquales constitui, si nempe regula mobilis per punctum  $N$  utrinque extendatur, ut occurrat ambis coordinatis ex eodem puncto, scilicet non tantum ipsi  $ar$  axi parallelæ, sed &  $an$  parallelæ basi in punctis  $Oo$ ; habebitur enim eadem ratione figura  $CNOo$ , tum priori  $CAN$ , tum eidem collaterali  $GONA$  integrè, & particulatim (idest quò ad totum, & quò ad partes proportionales) prorsus æqualis; sicut viceversa, ubi figura  $CNO$ , vel etiam  $GONA$  alteri adjacenti  $CAN$  integrè, & particulatim modo præscripto æqualis fuerit, ducta  $ab$  ramo  $NO$  parallela tanget curvam  $Aac$  in  $a$ ; si enim ita non sit, alia igitur, quàm  $NO$ , parallela erit tangenti  $ab$ , unde alia figura, quàm  $CNOo$ , fiet particulatim, & integrè æqualis ipsi  $AaCN$ , adeoque & ipsi primæ  $CNO$ , vel  $GONA$ ; quod inferret æqualitatem totius cum parte; multarum igitur curvarum tangentes hac methodo determinabis; cave tamen partium ordinem hætenus indicatum adamussim observes, in lubrico enim, si quidquam immutaveris, te fore prævideo. Placet autem compendii causa figuras hætenus descriptas *invicem Correlatas* appellare.

6. Quoniam verò tangentium alias methodos dedimus,



mus, in negotio dumtaxat dimensionis figurarum paullo diutius immorabimur, cujus ex hac methodo specimina benè multa obvia sunt. Proponatur primò figura  $Noo$ , TAB. XII. Fig. 2. cujus olim hanc genesim excogitaveram ad circuli quadraturam promovendam. Norma ex regulis  $CN$ ,  $NA$  ad angulum rectum  $CNA$  compositis in plano verticali circa punctum  $N$  ita convertatur, ut brachium  $NC$  determinatæ longitudinis existens, extremo suo  $C$  peripheriam quadrantis circularis  $GaaA$  describat, brachium verò indefinitè extensum  $NA$  infra horizontem versùs  $S$  inclinetur, seceturque in  $o$  à filo  $ao$ , pondere  $T$  perpendiculariter descendente extenso, atque extremo regulæ  $NC$ , sive  $Na$  alligato; itaque angulus  $aNo$  semper rectus erit; sed & ducta circuli tangente  $ab$  rectus est  $Nab$ ; æquidistat igitur  $No$  tangenti  $ab$ ; estque  $Noo$  figura quadrantis Correlata; & ideo spatium curva  $Noo$ , radio  $NA$ , & asymptoto  $AS$  interjectum æquale erit circulari quadrantis  $CAN$ , ejusque partes  $Nor$ , semisegmentis arcu  $Ca$ , ejusque sinu recto, & verso comprehensis, æquales erunt, & zonæ  $orro$  zonis arcu  $aa$ , ordinatisque ad axem  $NC$  interjectis æquabuntur, & interminata spatia  $oorAS$ , spatiis arcu  $Aa$ , radio  $AN$ , & sinu arcus  $aC$  determinatis; præterea sectores convexi  $NCa$ , cavis sectoribus  $Nao$  æquales erunt, & portiones, curva  $No$ , ejusque subtensa  $No$  comprehensæ, trilineis arcu  $ac$ , ejusque tangente, & intercepta axis portione definitis æquabuntur, & arcus  $Ca$  ad ejus sinum, sive ad  $Nr$ , erit perpetuò, ut spatium  $NoaC$  ad rectangulum  $CNr$ , aut  $ANr$ , &c. Tangentem poscis ad quodlibet punctum  $o$ ? divide bifariam  $No$ ; ex puncto divisionis ad punctum  $a$  junge rectam, quæ secabit  $Nr$  in aliquo puncto; hinc juncta ad  $o$  tanget. Unde habetur, tangentem  $ab$  quadrantis  $NCA$ , productam usque ad radium  $NA$ , simul cum sinu  $ar$ , seu linea  $or$  ordinata Correlatæ  $Noo$ , & ramo



mo  $No$ , ac tangente, quam supra determinavimus ad punctum Correlatæ  $o$ , ipsum radium  $NA$ , usque ad occursum tangentis  $ba$  protensum, secare in harmonica proportionem; seu abscissam  $Nr$  ad subtangentem, quæ correspondet puncto  $o$ , & ordinatæ  $or$ , esse, ut  $oa$  cum  $ar$  ad ipsam  $ar$ . Eandem lineam ab aliis postmodum descriptam inveni posita  $No$  æquali abscissæ  $AS$ , sine relatione ad circulum.

TAB.  
XIV.  
Fig. 10.

7. Spatii Cycloidalis dimensio hinc etiam profluit; esto enim Cyclois  $AaO$ , cum circumscripto parallelogrammo  $DN$ , ac per punctum  $N$  perpetuò feratur recta  $NO$ , parallela existens tangentibus Cycloidis  $ab$ , & occurrens ordinatis trilinei Cycloidalis, nempe ipsis  $an$  productis in  $o$ . Constat, figuram Correlatam, inde proveniente,  $Noo$ , fore ipsummet semicirculum genitorem Cycloidis, quippe cujus chordis  $No$  parallelæ sint dictæ tangentibus Cycloidis, ut dudum Geometris innotuit, ac Torricellius indicavit, potestque ex generali nostra de tangentibus ex motuum compositione determinandis doctrina, *cap. 5.* tradita, sic paucis deduci. Gignitur Cyclois ex duplici motu, utroque æquabili, & æquè veloci, altero per basim  $OD$ , cujus directio in puncto  $a$  est  $ad$ , altero per arcum semicirculi, cujus directio est tangens  $dB$ ; hac igitur posita æquali lineæ  $da$ , seu ipsi arcui  $dA$ , juncta  $Ba$  erit tangens, utpote diameter Rhombi laterum æqualium  $ad$ ,  $dB$ , adeoque in qua est directio motus ex duobus æquè velocibus per latera  $ad$ ,  $dB$  compositi; verum quia tam angulus  $CdA$  simul cum  $A dB$ , quàm angulus  $CA d$ , simul cum  $A dr$  rectum constituunt, estque  $CdA$  æqualis  $CA d$ , etiam  $BdA$  ipsi  $A dr$  æquabitur; duplus est igitur  $B dr$  ipsius  $A dB$ ; sed & duplus unius ex æqualibus internis  $dBa$ ; itaque anguli  $dBa$ ,  $BdA$  sunt æquales, sed & alterni; æquidistat igitur tangens  $aB$  chordæ circuli genitoris  $A d$ . Quoniam igitur præscripta figura  $Noo$  est semicircu-

TAB.  
XIV.  
Fig. 9.



circulus genitor, atque ex ea, quam nunc illustramus, doctrina, æqualis est integrè, & particulatim trilineo  $OaAN$ , hoc sublato ex parallelogrammo  $NADO$ , quod ejusdem semicirculi, ex Archimedeis doctrinis, sive uti & nos in Vivianeis ostendimus ad *Pr. 36. Cor. 1.* est quadruplum, residuum spatium semicycloidis  $OaAD$  triplum erit semicirculi genitoris. Sed & partium cavæ cycloidis, duabus tangentibus, & curva comprehensarum dimensio innotescet; putà spatium  $Aba$  semper æquale erit portioni circulari, arcu  $Ad$ , ejusque chorda comprehensi, eò quòd spatium  $Adr$  spatio, vide *fig. 9.*  $Aai$ , & triangulum  $Adr$  triangulo  $iba$  sit æquale.

TAB.  
XIV.  
Fig. 10;

8. Sed & spatia trilinearia, redi ad *fig. 10. ad*  $Aa$ , arcu circuli  $dA$ , curva  $Aa$ , & ordinata  $da$  comprehensa, dupla semper esse convincentur segmentorum cycloidis, curva  $Aa$ , & subtenfa  $Aa$  comprehensorum; siquidem tota parallelogramma  $dAba$  dupla sunt integrorum triangulorum  $aAb$ ; sed segmenta cava cycloidis  $aAb$ , simul cum segmentis circularibus  $Ad$  duplum efficiunt solius cavi cycloidalis segmenti  $aAb$ ; igitur reliqua trilinea  $adA$  dupla erunt residuorum segmentorum convexorum cycloidis  $Aa$ ; unde & zonæ  $adda$  duplæ erunt sectorum cycloidalium  $aAa$ , duabus subtenfis, & curva  $aa$  comprehensorum. Hinc si ordinata  $ad$  esset ad semissem altitudinis cycloidis, sive per centrum  $C$  circuli genitoris transfret, quoniam tunc trilineum  $Ada$  quadrabile foret, utpote æquale ungu-læ, seu figuræ sinuum quadrantis, ad cujus arcum applicaretur, idest æquale quadrato radii  $Cd$ ; tunc, inquam, segmentum convexum cycloidis  $aA$  quadrabile pariter foret, (Leibnitio etiam id demonstrante) nempe æquale semissi quadrati radii; quòd si ordinata  $adr$  sit ad quartam altitudinis partem, ita ut  $Ar$  sit æqualis semissi radii  $AC$ , quia sector circularis  $dAC$  dupluserit

F f

trian-



trianguli  $ada$  (quippe in æqualibus basibus  $dA$ ,  $da$  ad altitudinem  $CA$  duplam ipsius  $Ar$ ) & trilineum cycloidale  $dAa$ , ex nuper dictis, duplum est segmenti convexi cycloidis  $Aa$ , erit tota figura  $aACda$  dupla segmenti  $aAd$ , chorda  $Ad$ , curva  $Aa$ , & ordinatæ portione  $ad$  contenti; igitur dividendo, triangulum æquilaterum  $dAc$  æquale erit huic ipsi segmento; quod proinde quadrabile erit; unde & quadrabile, quod additione trianguli  $dAr$  conficitur, semifegmentum  $aAr$ , ejusque duplum in integra cycloide, æquale nimirum æquilatero triangulo, quod genitori circulo inscribitur, uti Hugenio jam pridem innotuit; sed & cycloidalia segmenta, quorum subtensæ puncta conjungunt, alterum à tangente verticis, alterum ab ordinata per centrum circuli, æquè distantia, facilem quadraturam admittunt, sive ad easdem, sive ad diversas partes puncta jungantur, & zonæ binis ejusmodi subtensis interjectæ pariter quadrabiles inveniuntur, & segmenta, tum cycloidis, tum semicirculi genitoris, abscissa chordis, quarum extrema à verticis tangente, & à basi æquè distita sint ad easdem partes, æqualia ostenduntur, ubi verò ad partes contrarias, æqualia semicirculo, simul cum rectangulo diametri in sinum arcus respondentis, &c. in quibus immorari non vacat, quippe ad alia pergendum.

TAB.  
XII.  
Fig. 3.

9. Quod etiam demonstravit olim Hugenius, spatium Cissoide Dioclea ultra quadrantem continuata, ejusque asymptoto, & circuli genitoris diametro interceptum, triplum esse semicirculi genitoris, facillimè ex nostra hac methodo deducitur, illud, ejusque singulas partes, cum cycloide, & ejus portionibus comparando. Sit enim semicyclois  $ACN$ , cujus semicirculus genitor  $AdN$ , ex quo etiam genita intelligatur Cissois  $Noo$ . Juncta subtensa qualibet  $No$ , atque ordinatis, ut in figura, patet junctam  $Nd$  esse ipsi  $No$  perpendicularem, propter  $dr$ ,  $rN$ ,  $ro$  continuè proportionales, æquidistat



distat igitur ipsa  $No$  chordæ  $Ad$ , atque adeò & tangenti cycloidis  $ab$ ; quod cum semper eveniat, sequitur totum spatium infinitè longum  $oNAO$  toti semicycloidi, & ejus singulas partes  $Nor$  ipsis portionibus  $Can$ , & *orro* ipsi *naan* perpetuò adæquari; juncto autem cissoidi semicirculo  $AdN$ , totum spatium  $ooNddAO$  semicirculi esse quadruplum, & partes  $oNd$  quadruplas segmenti  $Nd$ , arcu scilicet, ac chordâ his litteris designatâ comprehensi, aut sectores diametro  $AN$ , curvæ portione  $No$ , junctisque ex  $A$  ad  $o$  chordis  $Ao$  interjectos, eorundem segmentorum circularium  $Nd$  esse triplos, &c.

Si curva  $Aac$  fuerit Tractoria, qualem *cap. 5.* sub finem *num. 2.* descripsimus, cujus nimirum tangens  $ab$  ejusdem ubique est longitudinis, utique ei Correlata figura  $ooG$  erit circuli quadrans, centro  $N$ , radio  $NA$ , quippe  $NO$  tangenti parallela, erit ubique æqualis, unde infinitum spatium à Tractoria, ejusque Asymptoto conclusum, quadrant circulari, radio tangents descritto, æquale demonstrabitur, & partes proportionales segmentis congruis respondebunt.

TAB.  
XIII.  
Fig. 2.

10. Quid de parabolâ infinitis speciebus addam? Sanè, resumpta figura *numeri 2. hujus Capitis*, constat, spatium  $AaCgG$  esse duplicatum trilineum parabolicum  $AC\phi$ , posito quòd ipsa  $CAN$  sit parabola quadratica, in qua subtangentes  $NB$ , sive iis æquales  $AG$ , duplæ sunt abscissarum  $NC$ , seu  $A\phi$ ; itaque parabola  $ACN$ , utpote æqualis spatio  $AaCgG$ , erit dupla trilinei  $AC\phi$ , sui nimirum complementi ad parallelogrammum circumscriptum, adeòque æqualis erit  $\frac{2}{3}$  ejusdem circumscripti parallelogrammi; ubi autem subtangens  $NB$  abscissæ  $NC$  tripla fuerit (utî accidit in parabola cubica, seu in curva, cujus ordinarum  $NA$ , *na* cubi fuerint, ut partes axis  $NC$ , *nC* à vertice abscissæ) erit, eadem ratione, figura  $AaCG$ , adeòque

TAB.  
XV.  
Fig. 6.



& ipsa parabola CAN, tripla trilinei CA $\phi$ , & consequenter æqualis  $\frac{1}{3}$  circumscripti parallelogrammi; ac generaliter habebit cujuscvis speciei parabola ad trilineum, seu complementum parallelogrammi ipsum circumscriptis, eandem semper rationem, quam exponens potestatis suarum ordinarum ad exponentem potestatum axis; idest in quadratica, ut 2 ad 1., in cubica, ut 3 ad 1., in quadratoquadratica, ut 4 ad 1. &c. In ea, in qua cubi ordinarum fuerint, ut quadrata abscissarum, ut 3 ad 2., & in qua quadratoquadrata ordinarum sint, ut cubi partium axis, ut 4 ad 3, &c. quippe in hac ipsa ratione erunt semper subtangentes, constantes figuram ACG parabolæ æqualem, ad abscissas constantes dictum trilineum, ut dudum Geometris innotuit, potestque deduci ex generali tangentium constructione, *cap. 5. præsertim num. 4. & sequentibus*, ad parabolas applicata.

TAB.  
XI.  
Fig. 9.

II. Eodem planè modo infinitas hyperbolas ad mensuram vocabis: Ac primò, spatium Apolloniana hyperbola, ejusque asymptotò conclusum infinitum esse, sic patebit: esto talis hyperbola AaC, cujus asymptoti  $\phi$ D, DB; manifestum est, subtangentes BN æquales esse distantis à centro ND; unde factà, juxta præscriptum *num. 2.*, figurà gGAaC, erit perpetuò GA æqualis A $\phi$ , ga æqualis af, &c. & spatium gGAaC æquale spatio CaA $\phi$ D $\phi$ ; sed & idem æquale CaANb; spatia igitur CaA $\phi$ D $\phi$ , & CaANb sunt æqualia; sed primum excedit secundum parallelogrammo NA $\phi$ D; ergo oportet utraque infinita esse; ex finitis enim, quod alterum superat spatio finito, non est illi æquale, sed tantum in infinitis hoc locum habet; postea curva AaC supponatur esse hyperbola secundi gradus, in qua videlicet ordinarum A $\phi$ , af quadrata reciprocè sunt inter se, ut partes asymptoti fD, D $\phi$ ; manifestum est, ex dictis *cap. præcedenti num. 9.*, distantias à centro DN,



DN, duplas fore subtangentium NB; itaque, cum semper in hoc casu  $\phi A$  sit dupla AG,  $fa$  dupla  $ag$ , tota figura  $bD\phi AaC$  dupla erit ipsius  $gGAaC$ , adeoque dupla spatii huic æqualis  $CaANb$ ; & dividendo, spatium infinitum  $CaANb$  æquale parallelogrammo hyperbolæ inscripto  $NA\phi D$ . In hyperbola tertii, aut quarti gradus, propter distantias à centro triplas, & quadruplas subtangentium, colligetur, spatium  $CaANb$  esse semissem, aut trientem, &c. parallelogrammi DA; & generaliter esse illud spatium ad hoc parallelogrammorum, ut exponens distantiarum à centro  $\phi D$ , ad exponentem ordinarum  $\phi A$ , diminutum exponente earundem distantiarum; seu si exponens distantiarum sit  $y$ , ordinarum  $x$ , ut  $y$  ad  $x-y$ , scilicet in prima hyperbola, ut 1 ad 0.; in secunda, ut 1 ad 1.; in tertia, ut 1 ad 2. &c. in ea, in qua distantiarum quadrata essent, ut cubi ordinarum, ut 2 ad 1. &c.

12. Spirales verò, aut quæ harum instar generari concipiuntur figuræ, numquid ad hujus methodi, & doctrinæ legibus excludentur? immò & ipsæ illius influxum in se derivare poterunt, sed suæ naturæ contemplatum; figura enim, ex subtangentibus ad respectiva puncta radii applicatis, non quidem æqualis, sed dupla semper erit Spiralis figuræ sibi correspondentis, eò quòd harum figurarum elementa non sint parallela, & parallelogrammis analogæ, sed convergentia, & triangulis parallelogrammorum subduplis respondentia. Exempli gratia, in Spirali Archimæda ad quemvis radium AC, vel  $aC$  ducta ex centro perpendiculari CB, aut  $Cb$  æquali peripheriæ radii CA, aut respectivè arcui  $al$ , qualem radius assumpto puncto A, vel  $a$  in sui conversione eò usque descripsit, patet ex Archimede, immò & ex dictis cap. 5. num. 9., junctam BA, seu  $ba$  tangentem esse; puncto igitur D, seu  $d$  assumpto, quod contactui quàm



proximum sit, completisque parallelogrammis  $DG, DC$ , seu  $dg, dc$  æqualibus, utpote complementis parallelogrammorum circa diametrum, patet, junctis  $DC, dc$ , triangula  $CDA, Cda$  esse semissem æquæ altorum, & eandem basim obtinentium parallelogrammorum  $CAFE, Cafe$ ; quare & semissis erunt æqualium illis parallelogrammorum  $MAGH, magh$ ; cumque hæc triangula excedere possint Spirale spatium  $CAaC$  minori excessu quolibet dato, constat ipsum integrum Spirale spatium omnium ejusmodi parallelogrammorum  $MG, mg$ , ad minimam latitudinem redactorum, & in unam figuram confluentium (quod fit, ipsis lineis  $AG, ag$  ad respectiva puncta ejusdem radii  $CA$  in eadem à centro distantia applicatis, scilicet  $AG$  in  $AK$ ,  $ag$  in  $IL$ , existente  $CI$  æquali ipsi  $Ca$ , & sic ubique, quod- usque compleatur figura  $CLKA$ , quæ in hoc casu erit trilineum parabolicum, eò quòd subtangentes, quem- admodum & arcus, quibus æquantur, in duplicata ra- diorum ratione procedunt, ut monuimus *eodem cap. 5. num. 9.*) subduplum esse; atque adeò, cum tale trili- neum  $CKA$ , duplum spiralis spatii, constet, ex dimen- sione parabolæ, esse duos trientes trianguli sub radio  $CA$  ut altitudine, &  $AK$  ut basi, idest duos trientes circuli radio  $CA$ , aut correspondentis sectoris radio  $aC$ , vel  $CI$  descripti, & ipsum Spirale spatium circum- scribentis, habetur, spiralia spatia trientem esse circu- larium sectorum eadem circumscribentium. Similiter aliarum specierum spiralia spatia per correspondentia trilinea parabolica, *cap. 5. citat.* indicata, metiri poteris, & cum sectoribus circumscriptis comparare; sed & Spiralem Geometricam, seu Logarithmicam  $Aaa$  invenies com- prehendere, post infinitos sibi superimpositos cincinnos, cum radio  $CA$  spatium subduplum circumscripti trianguli  $ABC$ ; figura enim  $CLKA$  ex subtangentibus ad congrua radii puncta applicatis hinc in triangulum degenerat, quia ob æqua-

TAB.  
XV.  
Fig. 8. 10.



æqualem semper inclinationis angulum  $CAB, Cab$ , triangula rectangula  $CAB, Cab$  similia evadunt, & subtangentes  $CB, Cb$ , seu his æquales  $AK, IL$ , in eadem radiorum  $AC, Ca$ , vel  $CI$  ratione; Unde habes confirmationem eorum, quæ *cap. præced. num. 10. § 11.*, circa hujus spatii comparationem, attulimus.

13. Hanc igitur tot exemplis illustrem doctrinam ad propositum applicantes, septimum Hugonii Theorema sic demonstrabimus. Subtangentes Logisticæ  $AaaC$  sint  $NB, nb, nb$ , quæ ad respectiva puncta  $A, r, r$  applicatæ  $AN$  referantur in  $AG, ro, ro$ ; est igitur figura  $NAGO$  æqualis spatio post ordinatam  $AN$ , asymptoto, & curvæ interjecto, juxta hanc doctrinam; verum & idem spatium  $NAG$  convincitur esse rectangulum subtangentis  $NB$  in ordinatam  $NA$ , eò quòd, ex dictis *cap. 5.*, subtangentis longitudo  $NB, nb$ , sive jam  $AG, ro$ , sit semper eadem; itaque spatium infinitum, quod post quamvis Logisticæ ordinatam exporrigitur, æquale est rectangulo sub eadem ordinata, & subtangente, atque adeò est duplum trianguli ejusdem basis, & altitudinis, quod, ordinata tangente & subtangente, comprehenditur, uti Clarissimus Auctor in hoc Theoremate nobis demonstrandum proposuit.

14. Sed & sequens Theorema octavum, videlicet, quòd *spatium duabus ordinatis interjectum æquale est rectangulo subtangentis in differentiam earundem ordinatarum*, uti in sequenti figura spatium  $ADFB$  æquatur rectangulo subtangentis  $FO$  in  $KA$ , quod quidem *cap. 4. num. 4.* satis ostensum est, atque ex iis, quæ alias diximus, facile ostendi potest, ex hac ipsa doctrina iterum ex abundanti demonstrari potest, quippe in figura paragraphi antecedentis, nedum totum spatium infinitum  $CANB$  toti rectangulo  $NAGO$  probatur æquale, sed & ejus pars quælibet  $NAan$  parti correspondenti  $AroG$ , ex subtangentibus curvæ  $Aa$  ad ipsam

TAB.  
XII.  
Fig. 4.

TAB.  
XI.  
Fig. 7.



ipsam  $Ar$  applicatis genitæ, quæ est rectangulum subtangentis in differentiam ordinarum; nec juvat amplius huc immorari. Ad solida transeamus.

## CAPUT IX.

*Prima Noni Theorematis demonstratio. Hinc solida omnia ex infinitis Logistica spatii esse ostenduntur, ut quadrata radiorum basis, & portiones, ut differentiaë quadratorum à radiis extremis. Alia Logistica in duplicata ordinarum prioris ratione spatium comprehendit prioris subduplum, item subtangentem subduplam habet: generaliter quæcumque fuerit Logistica, ejus spatium, & subtangentes, tam submultiplex erit prioris, quàm submultiplicata ordinarum ratio. Idem nonum Theorema secundo demonstratur. In Correlatis figuris solidum ab exteriori duplum semper est solidi, quod ab interiori circa axem revoluta describitur, & partes partium respondentium. Hinc tertia ejusdem Theorematis demonstratio. Dimensio solidi ex figura quadrantis correlata, ejusve partibus tum concavis, tum convexis, item solidorum ex trilineo cycloidis, ipsave semicycloide circa tangentem verticis revoluta, ejusque partium. Solidorum quoque ex spatio Cissoïdis concavo, aut convexo, tum circa asymptoton, tum circa ei parallela ex vertice. Conoidum ex infinitis parabolis ad circumscriptos cylindros, vel conos, item solidorum ab infinitis hyperbolis ratio ad inscriptos cylindros nota.*

**I**N hoc nono Theoremate ita pronunciat Hugenius: Solidum, inquit, productum ab infinito spatio post aliquam ordinatam in conversione circa asymptoton est sesquialterum Coni, cujus altitudo æquetur subtangenti, & basis semidiameter æqualis sit ordinatæ: ita solidum produ-



*ductum ab infinito spatio BFOI in conversione circa FO, sesquialterum est Coni geniti ex triangulo BFO circa eandem FO revoluto.* Hujus prima demonstratio sic institui potest. Intelligentur huic solido circumscripti innumeri cylindri FM, QR, PS, &c. æqualis ubique altitudinis FQ, QP, PT, &c. indefinitè exiguæ, itaut horum cylindrorum congeries pro ipso rotundo solido sumi queat, & tangentis OB portiuncula primo cylindro FM intercepta ferè cum ipsa curva BN coincidat, seu ad ipsam obtineat rationem minorem qualibet inæqualitatis majoris ratione assignabili, (hoc enim ex vulgatis methodis fieri potest) designetur etiam OH æqualis subtangenti OF.

TAB.  
XIV.  
Fig. 7.

2. Jam sic: Hæc series cylindrorum, qui inter se sunt, ut basium FB, QN, PV, continuè proportionalium quadrata, est quædam Geometrica progressio solidorum proportionalium in infinitum continuata; igitur ex demonstrationibus, sive Cavallerii, sive Torricelli, sive Gregorii à S. Vincentio, omnium terminorum aggregatum (idest rotundum solidum, de quo loquimur) erit ad primum terminum, (scilicet ad cylindrum MF) ut ipse primus terminus ad primam differentiam, hoc est, ut quadratum FB ad ejusdem differentiam, à quadrato QN, vel ut quadratum FO ad rectangulum HQF, quo differt ipsum quadratum FO ab OQ ex vi constructionis, & hypothesis præmissæ. Cum ergo ratio solidi rotundi ad inscriptum conum, ex triangulo BOF genitum, componatur ex ratione talis solidi ad primum cylindrum FM, & ex ratione ejusdem cylindri FM ad conum FBO, quarum prima, ex dictis, est eadem, quæ OF quadrati ad rectangulum HQF, secunda verò eadem est, quæ QF ad trientem altitudinis OF propositi conii, aut rectanguli HQF ad HQ in trientem altitudinis OF, ideo erit solidum rotundum Logistica ad prædictum conum, ut quadratum

Gg

OF



OF ad rectangulum HQ in trientem OF, nempe in composita ratione ex OF ad QH, (quæ est ratio sub-subdupla, propterea quod HQ differat ab HF differentia QF indefinitè parva, & re ad minimos cylindros redacta, penitus evanescente) & OF ad trientem sui, quæ est ratio tripla; ex his autem composita ratio est sesquialtera, ut patet in his numeris 3, 6, 2; itaque solidum ex Logistica circa axem FO revoluta sesquialterum est Coni ex inscripto, & per tangentem determinato triangulo FBO. Quod erat demonstrandum.

TAB.  
XI.  
Fig. 8.

3. Hinc nullo negotio deducitur, rotundum solidum à spatio post AB infinito, ad solidum rotundum à spatio item infinito post aliam ordinatam CV, ad invicem esse, ut quadrata BA, CV, quippe & horum solidorum subsesquialteræ magnitudines, nempe inscripti coni, ob eandem altitudinem subtangentis, sunt ad invicem, ut quadrata radiorum basis; necnon solida ex portionibus AVCB, BADQ, esse ad invicem, ut differentias quadratorum AB, CV, & AB, QD, sive, ut armillas circulares ab VE, & DK circa BQ revolutis descriptas, vel hæc solida ad invicem esse, ut respondentia spatia geometricæ spiralis, per hujus Logisticæ convolutionem, axe BC in punctum contracto, provenientia; quæ omnia, etiam argumentis *cap.* 3. adductis in demonstratione primi Theorematis, confirmari potuissent, intellectis nimirum loco parallelogrammorum Bz, xz, &c. totidem cylindris, eademque prorsus demonstratione applicata.

TAB.  
XII.  
Fig. 6.

4. Nobis aliam hujus veritatis demonstrationem meditantibus illud ostendendum occurrit, quod, si intra Logisticam BCA describatur ad eandem asymptoton, eandemque ordinatam FB alia Logistica BNM, cujus ordinatæ sint, ut quadrata prioris Logisticæ, faciendo nimirum ubique, ut FB ad DC, ita DC ad DN, & ut FB ad EA, ita EA ad EM, &c. spatium à Lo-



Logistica FBNM comprehensum subduplum erit spatii à Logistica FBCA comprehensi; sumpta enim quavis ordinata DNC, ac posita EF dupla FD, ordinetur EMA; est igitur in priori Logistica FB ad DC, ut DC ad EA; sed etiam ex constructione, ita DC ad DN ordinatam posterioris Logisticæ, æquales sunt igitur DN, & EA, & hoc semper; ordinantur autem EA in spatio FBCA ad altitudinem EF, semper duplam altitudinis FD interceptæ ab æquali ordinata DN in spatio FBNM; igitur, ex Proposit. 1. nostræ Appendicis ad Demonstr. Vivian. Probl., erit spatium FBCA duplum ipsius FBNM. Q. e. d.

5. Colliges spatium FBNM æquale esse triangulo FBO per tangentem prioris Logisticæ BO determinato, siquidem & hujus duplum est, ex Theoremate septimo Hugenario, idem spatium FBCA; necnon evidens est, subtangentem Logisticæ posterioris FBNM fore semissem ipsius OF, quippe ejus rectangulum in FB æquale foret spatio FBNM, uti & prædicto triangulo; immò generaliter, quàm submultiplicata fuerit ratio ipsarum DN, DC, rationis DN, FB, tam submultiplex fore spatium à Logistica BNM comprehensum spatii comprehensi ab ipsa BCA, & tam submultiplices pariter fore subtangentes hujus, subtangentium illius.

6. Ut altera igitur propositi Theorematis demonstratio compleatur, triangulo OFB ad verticem O inscriptum esto trilineum parabolicum ORPBF, cujus ad verticem tangens OF; manifestum est, Conum ex OBF circa FO proportionaliter analogum esse trilineo OPBF, quippe, ut circuli, vel quadrata radiorum BF, ND, ita lineæ BF, DP; quemadmodum & spatium FBNM supra descriptum proportionaliter analogum est solido rotundo ex Logistica FBCA circa FO, eò quòd circuli, vel quadrata radiorum FB, DC, sint ut lineæ FB, DN; ita erit igitur solidum ex FBCA ad Conum



ex FBO, quemadmodum spatium FBNM, idest, ex *preced. num.*, triangulum FBO, ad trilineum FBPO; nempe in ratione sesquialtera. Q. e. d.

TAB  
XV.  
Fig. 6.7.

7. Duas alias adhuc diversas ejusdem Theorematis demonstrationes afferre possem, sed ne longior sim, & alteri longè utiliori locum aperiam, hac dumtaxat contentus ero, quam tertio loco subjungam, atque ut Lectores patienter attendant enixius rogabo. Semen fecundissimum est, unde illa pullulat, quippe illi, quod *prec. cap. num. 2.* sevimus, atque unde tot fructus abundè collegimus, agnatum penitus, atque congenue esse reperies. Sint igitur eadem Correlatæ figuræ, quas loco citato descripsimus,  $gGAaC$ , &  $NAaC$ ; utraque autem circa axem NB convertatur; ajo solidum à spatio primo, & exteriori, productum duplum esse solidi à secundo, & interiori spatio, geniti; facta enim eadem, ut prius, constructione, cum parallelogrammum NF æquale sit ipsi MG, utroque circa NB revoluta, cylindrus ex primo erit ad tubum cylindricum genitum ex secundo, ut dimidia NA (quæ est distantia centri gravitatis ipsius NF ab axe motus) ad mediam arithmeticam inter MN, & AN, (quæ est distantia centri gravitatis MG ab eodem axe); hæc autem media arithmetica in parallelogrammis infinitè exiguæ latitudinis, atque adeò in ipsismet solidis, in quæ tandem desinunt tubi illi cylindrici, punctis M, A, coincidentibus, & omni latitudine MA penitus evanescente, est ipsissima linea NA; itaque, cum idem ratiocinium valeat in omnibus aliis cylindris ex *nf*, & tubis cylindricis ex *mg* in tali conversione spatiorum genitis, erit semper unusquisque cylindrus solidi ex interiori figura ad quemlibet tubum solidi ex figura exteriori, ut dimidia NA ad totam NA, ut dimidia *na* ad totam *na*, semper nimirum in ratione subdupla; solidum igitur ex interiori figura  $CaAN$  est semissis solidi ex figura



figura exteriori  $gGAaC$ . Quod erat demonstrandum.

8. Directè autem depressis, aut evectis lineis singulis  $AG$ ,  $ag$ , ut jam non ad ipsam curvam  $AaC$ , sed ad basim  $NA$  ipsarum extrema pertingant, quemadmodum *cap. præcedenti num. 3.* monuimus, non variari figuræ quantitatem, sed eandem esse figuram  $NooGA$  hinc proveniente, ac quæ prius erat  $gGAaC$ , ita pariter constat, idem solidum ex ipsa  $ooGAN$  circa  $NB$  revoluta proventurum, quod prius ex  $gGAaC$ , propter servatam eandem linearum  $AG$ , &  $Or$  tum longitudinem, tum distantiam ab axe motus, adedque easdem cylindricas superficies hæc solida componentes; duplum est igitur solidum ex figura  $ooGAN$ , solidi ex  $CaAN$  (factâ circa  $NB$  utriusque rotatione) descripti; immò & partes partium respondentium, videlicet solidum, quod ex portione  $Nro$ , duplum solidi ex  $Can$  (acceptis  $or$ , &  $na$  homologis, scilicet in idem  $a$  punctum convenientibus) & quod ex  $orAG$ , duplum ejus, quod ab  $AanN$ , ob eandem rationem.

9. Tertia igitur propositi Theorematis Hugeniani demonstratio sic expeditur. Est Logistica  $AaC$ . Constat, ex dictis *cap. præced. num. 13.*, ei Correlatam figuram esse parallelogrammum  $NAGO$ , quod si circa axem Logisticæ rotetur cylindrum producet triplum conum ab inscripto triangulo  $NAB$  ejusdem basis, & paris altitudinis; cum igitur ex ea, quam hîc adduximus, doctrinâ solidum ex Logistica circa axem sit subduplum præfati cylindri ex parallelogrammo  $NAG$ , erit solidum Logisticæ ad conum illum inscriptum in ratione composita ex subdupla, inter ipsum, & cylindrum intercedente, & ex tripla inter cylindrum, ac dictum conum repertâ; Ratio autem ex his composita (ut ad finem *num. 2.* indicavimus) est sesquialtera; quare, &c.

10. Sed & hinc pariter constat dimensio portionum ejusdem solidi, putâ ejus, quæ à parte  $naAN$  circa  $Gg$  3  $nN$ .

TAB.

XII.

Fig. 4 5.

TAB.

XII.

Fig. 4.



$nN$  rotata generatur, quippe quæ demonstratur semiffis tubi cylindrici ex correspondente parallelogrammo  $ArO$  circa eundem axem converso geniti, idest æqualis cylindro, basi differentia circulorum  $AN$ ,  $Nr$ , altitudine verò semisse subtangentis; indeque subtracto cylindro ab inscripto parallelogrammo  $nar$ , residuum æquale erit annulo ex spatio trilineari  $arA$  circa axem revolutum, quod proinde notam rationem habebit, sive ad alium annulum  $arA$ , sive ad tubum cylindricum ex parallelogrammo, quod sibi circumscriberetur; & hoc, *cap. 7. num. 14.*, desiderabatur ad spatia quædam trilinearia Spiralis Geometricæ, tum ad invicem, tum ad circumscriptas armillarum circularium portiones comparanda, ut ex ibi dictis constat. Calculum ineat qui volet. Nobis colligendi sunt fructus ex doctrina, *num. 7. & 8.* indicata, uberrimè manantes, immò veriùs Lectoribus indicandi, ne voluptatem illos per se decerpenti eisdem invidisse videamur.

TAB.  
XII.  
Fig. 2.

11. In primis igitur in figura quadranti Correlata, *cap. præc. num. 6.* descripta, patet, nedum integrum spatium  $SANOO$  circa  $NC$  revolutum, producere solidum æquale spheræ radio  $NA$  descriptæ, quippe duplum hemispherii ex conversione quadrantis  $CAN$ ; sed & quarum spheræ portionum duplæ sint portiones ejusdem solidi à partibus concavis  $No$  &  $r$  descriptæ, ac consequenter cui solidò æquales conoides à convexis etiam portionibus, curva  $No$ , & axe  $CN$  producto interceptis, ordinataque ex  $O$  ipsi  $rN$  parallela terminatis, & circa eundem axem conversis, & tam facile erit, sive aliquod ex hujusmodi conoidibus, sive ex solidis à spatio concavo descriptis in data ratione dividere, quàm facile est in spheræ portionibus, & residuis cylindrorum illas circumscribentium idem præstare.

TAB.  
XIV.  
Fig. 10.

12. Cycloide  $OaAN$  circa tangentem verticis  $AN$  revoluta, patet solidum inde proveniens esse subduplum annuli



annuli ex semicirculo  $N\phi O$  circa eandem tangentem conuerso : unde & residuum cylindri illi solido circumscripti, idest solidum, quod ex semicycloide convexa  $O\phi AD$  circa tangentem verticis conuersa describitur, notæ dimensionis erit, immò & ejus partium mensura innotescet : quæ jam pridem inter Geometras magna sollicitudine quæsitæ fuisse video. Idem in Cissoide præstandum, cujus quidem ex nota proprietate linearum  $Ar$ ,  $rd$ ,  $rN$ ,  $ro$  proportionalium, obvia est dimensio solidi ejus conuersione circa asymptoton  $AO$  descripti, quippe uti rectangula  $Aro$ ,  $drN$  æqualia inde ostenduntur, adeoque & cylindricæ superficies ab iis descriptæ, ita integrum illud Cissoidale solidum, integro annulo ex semicirculo genitore circa tangentem in  $N$  reuoluto, & partes partibus correspondentibus æquari manifestum est ; ex nostra verò doctrina manifesta etiam evadit dimensio solidi ex eodem cavo cissoidali spatio  $ooNAO$  circa  $N\phi$  reuoluto, ejusque partium, per comparisonem ad fustum Cycloidale ex  $CAN$ , ejusque partes ; immò & innotescet dimensio Conoidum ex spatiis convexis, curva  $Noo$ , & axe  $\phi N$  productio, ac ordinata ex  $o$  ipsi  $rN$  parallela terminatis, quippe residua cylindrorum ex rectangulis  $Nro$  productorum. Solidum ex Tractoria subduplum pariter inuenies hemispherii ex quadrante sibi correlato, &c.

TAB.  
XII.  
Fig. 6.

13. In parabolis cujusvis generis  $C\phi A$ , Conoides, TAB.  
ex figura  $CAN$  circa axem  $CN$ , habebit semper ad XV.  
circumscriptum cylindrum ex  $C\phi NA$  rationem notam; Fig. 6.  
nota quippe est ratio axis  $NC$  ad subtangentem  $NB$ , unde & ratio cylindri ex  $C\phi NA$  ad cylindrum ex  $BGAN$ , quæ eadem est ; cylindrus autem  $BGAN$  componitur ex solido ex  $CgGAN$  (quod semper est triplum Conoidis ex  $CAN$ , quippe solidum ex  $C\phi AGg$  hujus semper est duplum), & ex conoide ex  $CgGB$ , cujus ratio ad ipsum  $CAN$  eadem semper est, quæ  $CB$  ad



ad CN, *cb* ad *cn*, juxta Proposit. 1. Append. nostræ Vivian. Probl., adeoque est ad illum in quadratica, ut 1 ad 1., in cubica, ut 2 ad 1., in quadratoquadratica, ut 3 ad 1., &c. in ea, in qua cubi ordinatarum sunt, ut quadrata ex sagittis, ut 1 ad 2, & universaliter si ordinatarum exponens sit  $x$ , partium verò axis  $y$ , ut  $x$  minus  $y$  ad  $y$ ; itaque semper cylindrus ex BGAN erit ad conoidem, ex parabola CAN circa axem revoluta, ut  $3y + x - y$  ad  $y$ ; scilicet in quadratica, ut 4 ad 1., in cubica, ut 5 ad 1., in sequenti, ut 6 ad 1., &c. in ea, in qua cubi ordinatarum respondent quadratis sagittarum, ut 7 ad 2., in qua verò quadratoquadrata respondent cubis, ut 10 ad 3, &c. Vel sic etiam calculus institui potest; quoniam cylindrus ex BGAN triplus est coni ex triangulo BAN; solidum item ex CgGAN triplum Conoidis CAN; reliqua etiam Conois ex CgGB tripla erit solidi ex trilineo CAB; est verò, ex dictis, Conois CAN ad Conoidem CgGB convertendo, ut  $y$  ad  $x - y$ ; ergo ex æquo Conois CAN ad solidum ex trilineo CAB est, ut  $y$  ad  $\frac{x-y}{3}$ , five, ut  $3y$  ad  $x - y$ ; & componendo, ac per conversionem rationis, conus BAN ad conoidem ex inscripta parabola, ut  $2y + x$  ad  $3y$ ; nempe in quadratica, ut 4 ad 3, in cubica, ut 5 ad 3, in quadratoquadratica, ut 6, ad 3, in ea, in qua cubi comparantur quadratis, ut 7 ad 6, &c.

TAB.  
XI.  
Fig. 9.

14. Non difficilior infinitarum hyperbolarum tractatio erit. Sit quævis hyperbola *CaA* inter asymptotos *BD* & huic correlata figura *gG*, cujus ordinatæ *AG*, *ag* æquales subtangentibus *NB*, *nb*. Quoniam, ex dictis *cap. 7. num. 9.*, est *DN* ad *NB*, seu  $\phi A$  ad *AG* perpetuò, ut exponens ordinatarum *A* & ad exponentem distantiarum  $\phi D$ , videlicet, ut  $x$  ad  $y$ ; etiam solidum ex spatio *CaA* & *D* circa *DB* ad solidum ex *gGA* & *C*



gG AaC circa eundem axem, (quippe quorum cylindricæ superficies à lineis  $\phi$  A, AG, & fa, ag eandem perpetuò rationem observant) ut  $x$  ad  $y$ ; unde idem antecedens solidum, ad solidum ex CaAN, quod est juxta nostram doctrinam, solidi consequentis subduplicum, erit ut  $x$  ad  $\frac{1}{2}y$ ; vel ut  $2x$  ad  $y$ ; & dividendo, cylindrus ex inscripto parallelogrammo  $\phi$  AND ad solidum ex spatio infinite longo CaAN erit, ut  $2x-y$  ad  $y$ ; scilicet in prima hyperbola, ut 1 ad 1 (ut jam Torricellius ostendit) in secunda, seu quadratica; ut 3 ad 1; in tertia, seu cubica, ut 5 ad 1; in quarta, seu quadratoquadratica, ut 7 ad 1; & sic semper, sumpto antecedente juxta imparium numerorum progressionem; quòd si cubi ordinarum ad distantiarum quadrata comparentur, ratio invenietur, ut 4 ad 2, seu 2 ad 1; si quadratoquadrata illarum ad istarum cubos, ut 5 ad 3, &c. Alia exempla, aliæque speculationes non deerunt, si Lectoris industria, hisce vestigiis insistens, in feracissimos Geometriæ campos se conferet.

## CAPUT X.

*Decimum Theorema proponitur, ac prima demonstratione stabilitur. Infinita series terminorum proportionalium æquatur maximo ducto in exponentem rationis, ac diviso per eundem exponentem unitate minutum. Ex hoc demonstrandi modo, tum finitæ, tum infinitæ series æquales ostenduntur summæ, vel differentiæ duarum potestatum, per summam, vel differentiam radicum divise, &c. Solidum rotundum, de quo in hoc Theoremate, per infinitæ seriei calculum ad mensuram redigitur. Subtangentes Logisticæ in ordinata acceptæ sunt, ut rectangula Logisticæ inscripta. Solidum ex quovis Logistica spatio circa ordinatam revolutum*

H h

voluto




volutum ad inscriptum cylindrum est, ut congruum tri-  
lineum ad inscriptum triangulum. Hæc ratio nota  
esse ostenditur. Annulis quoque latis, per hæc spatia  
progenitis, demonstratio applicabilis esse indicatur.

TAB.  
XII.  
Fig. 9.

I. **D**Ecimum Auctoris nostri Theorema inventu,  
fateor, difficillimum mihi fuit, duas ta-  
men, aspirante Geometriæ Præsides, ejus demonstratio-  
nes, eo, quod sequitur, medio tandem extundere po-  
tui: *Solidum*, inquit, *productum ab eodem infinito spa-  
tio in conversione circa ordinatam BF*, postquam expor-  
tigitur, sextuplum est Coni geniti ex triangulo BFO in  
conversione circa BF. Fiat enim angulus EFH semi-  
rectus, & ordinatæ ND, ME in Logistica extendan-  
tur ad lineam FH in G, H. Concipiatur modò so-  
lidum ex triangulo HFE, (ad partes HE indefinitè  
protenso simul cum Logistica) in spatium Logisticæ  
FBME, quod conflabitur ex totidem rectangulis  
GDN, HEM, &c. Aut etiam, ut in Vivianeis in-  
dicavimus ad Schöl. propos. 6. pag. 51. Spatium Logi-  
sticum FBNM ita erectum, ut perpendicularare fiat pla-  
no HFE, per quod motu sibi semper parallelo fluere  
intelligatur, ut partes ipsius Logisticæ, lineam FH præ-  
tergredientes, deinceps evanescant, ita ut, cum Logisti-  
ca attigerit punctum G, ejus portio FDNB defecerit,  
solaque remanserit residua post DN versùs EM in infi-  
nitum protensa; ubi verò attigerit punctum H, defe-  
cerit pars EFBM, solaque residua fuerit quæ post EM  
in infinitum extenditur, &c. Jam constat ex prima ge-  
nesi, hoc solidum fore ad rotundum ex Logistica circa  
ordinatam BF revoluta, ut radius cujuspiam circuli ad  
ejus circumferentiam; quæ enim lineæ DN, EM in  
solido supra descripto ducerentur in GD, HE, æqua-  
les ipsis DF, EF, in rotundo solido circa FB duce-  
rentur in peripherias ab eisdem radiis DF, EF, de-  
scriptas.











scriptas in rotatione earundem ordinarum DN, EM. Rursus ex secunda genesis ejusdem prius descripti solidi, patet illud fore æquale prismati altitudine subtangenti OF, basi verò integro Logistica spatio FBNM, idest, per dicta *cap.* 8. in demonstratione Theorematis septimi, basi ipso rectangulo OFB. Ratio est, quia solidum illud, juxta secundam genesis consideratum, habet pro basi spatium FBM, & ad punctum G, sive ad altitudinem GD, habet sectionem basi parallelam spatium infinitum post DN extensum, sicut & ad altitudinem EH spatium infinitum extensum post EM, &c. quemadmodum & prisma, basi spatio FBNM, altitudine OF, secari posset in rectangulum OFB æquale ipsi FBM, & ad distantiam FD (æqualem DG) secaretur in rectangulum ex OF in DN æquale spatio infinito post DN, necnon & ad distantiam EF (æqualem EH) in rectangulum ex OF in EM æquale spatio post EM infinite protenso, &c.

2. Ratio igitur solidi rotundi ex spatio FBME circa FB rotati ad conum ex triangulo OBF, utpote composita ex ratione dicti solidi rotundi ad prisma altitudine OF, basi spatio FBM, vel rectangulo OFB, & ex ratione hujus ipsius prismatis ad dictum conum, componetur ex ratione circumferentiæ radii OF ad radium OF, (vel, assumpta communi altitudine OC, dicas ex ratione cylindricæ superficiæ descriptæ ab OC ad rectangulum FOC) & ex ratione dicti prismatis ad designatum conum, (scilicet ex composita rursus ex ratione rectanguli FOC ad triangulum FOB, & ex OF altitudine prismatis ad circumferentiam ex triente OF, quæ est distantia centri gravitatis trianguli ejusdem ab axe motus, juxta celeberrimam regulam Guldinianam, seu dicas ex ratione trianguli ejusdem OFB ad triangulum ex triente circumferentiæ ab OF descriptæ in ipsam FB, vel OC) hæ autem rationes componunt rationem



nem sextuplam; cylindrica siquidem superficies ab OC in conversione circa FB descripta, (quæ est primus terminus) cum tripla sit cylindricæ superficiæ ejusdem altitudinis in trientem dumtaxat peripheriæ ex OF, sive in peripheriam trientis OF, sextupla erit trianguli ex tali triente circumferentiæ in OC, vel FB, (quod est ultimus terminus) utpote subdupli cylindricæ superficiæ ejusdem altitudinis, & basis. Solidum igitur rotundum ex Logisticæ spatio FBM circa FB revolutum, sextuplum est Coni ex OFB triangulo inscripto circa eandem ordinatam rotato. Quod erat demonstrandum.

3. Alia ejusdem Theorematis demonstratio assumptum hoc, jam inter Geometras pervulgatum, præsupponit, quod scilicet quælibet infinita series terminorum continuè proportionalium æqualis est maximo termino ducto in exponentem rationis, & diviso per eundem exponentem unitate minutum; sit, verbi gratia, communis ratio infinitorum terminorum illa, quam habet  $a$  ad 1, sitque maximus terminus  $m$ ; erunt igitur termini

isti per ordinem  $m, \frac{m}{a}, \frac{m}{aa}, \frac{m}{e3}, \frac{m}{e4}, \&c.$  in infinitum:

dico omnes simul æquari  $\frac{ma}{a-1}$ ; multiplicentur enim sin-

guli ex propositis terminis per  $a-1$ : fiet  $ma-m, + \frac{m-m}{a}, + \frac{m-m}{a}, + \frac{m-m}{aa}, + \frac{m-m}{aa}, + \frac{m-m}{a3}, \&c.$  ubi constat, omnes

terminos post  $ma$  se mutuò elidere; qui enim priùs negantur, iidem immediatè post affirmantur; atque adeò omnes æquantur soli priori producto  $ma$ ; igitur è contra, dividendo per  $a-1$ , fient  $m + \frac{m}{a}, + \frac{m}{aa} + \frac{m}{a3} + \frac{m}{a4}, \&c.$  in infinitum æquales  $\frac{ma}{a-1}$ ; quod enim multiplicatio

confi-



conficit, hoc ipsum divisio retextit. Vel sic: In propositis terminis proportionalibus, ut una differentia ad unum terminum, (putà ut  $a-1$  ad  $a$ ) ita omnes simul differentiae (ideſt ipſe maximus terminus  $m$ , in quo differentiae omnes includuntur) ad omnes terminos, qui propterea æquales eſſe debent  $\frac{ma}{a-1}$ . Q. e. d.

4. Priorem demonſtrandi modum, qui clarior eſt, atque, me iudice, omnium facillimus, indicavi jam in Vivianeis ad finem pag. 150., atque expeditiſſimum innumeris veritatibus demonſtrandis Lector inveniet, ſi in illo ſemet tantisper exercere non dedignetur. Exempli cauſa in ſeriebus finitis, deprehendet differentiam quarumlibet homogenearum poteſtatum, diviſam per differentiam radicum earumdem, æquari aggregato tot terminorum continuè proportionalium, uno gradu depreſſiorum, quot fuerint unitates in earum poteſtatum exponente; putà

$$\frac{aa-bb}{a-b} = a+b$$

$$\frac{a^3-b^3}{a-b} = aa+ab+bb$$

$$\frac{a^4-b^4}{a-b} = a^3+aab+abb+b^3$$

&c.

multiplicando enim per  $a-b$  terminos primæ æquationis, fit  $aa-ab+ab-bb = aa-bb$ , ob reliquos terminos ſe mutuò elidentes; item, multiplicando terminos æquationis ſecundæ, habetur  $a^3-baa+baa-abb+abb-b^3 = a^3-b^3$  ob eandem rationem; ſimiliter in aliis idem eveniet. Differentiam autem quarumlibet homogenearum poteſtatum gradus à numero pari denominati, vel ſummam gradus denominati ab impari numero,

Hh. 3.

ro.,



ro, divisam per summam radicum, æqualem deprehendes aggregato similium terminorum, ut supra, sed alternatis affirmationis, & negationis signis: verbi gratia,

$$\frac{a^2 - b^2}{a + b} = a - b$$

$$\frac{a^3 + b^3}{a + b} = aa - ab + bb$$

$$\frac{a^4 - b^4}{a + b} = a^3 - aab + abb - b^3$$

$$\frac{a^5 + b^5}{a + b} = a^4 - a^3b + aabb - ab^3 + b^4$$

&c.

Nam multiplicando terminos per denominatorem  $a + b$  fit in prima æquatione  $aa + ba - ba - bb = a^2 - b^2$ , in secunda æquatione fit  $a^3 + baa - aab - abb + bba + b^3 = a^3 + b^3$  cæteris se elidentibus; in tertia, & quarta, aliisque infinitis idem proveniet.

5. In seriebus autem infinitis, proponatur summa quarumvis potestatum divisa per differentiam radicum; dico æquari tot terminis uno gradu depressoioribus, & continuè proportionalibus, quotus est potestatum gradus, cum dupla serie infinitarum fractionum similiter proportiona-

lium, puta  $\frac{aa + bb}{a - b} = a + b + \frac{2bb}{a} + \frac{2b^3}{aa} + \frac{2b^4}{a^3} \&c.$

Hos quippe multiplicando per  $a - b$ , habes

$$aa - ba + ba - bb + 2bb - \frac{2b^3}{a} + \frac{2b^3}{a} - \frac{2b^4}{aa} + \frac{2b^4}{aa} \&c.$$

ubi,



ubi, retractis iis, qui se elidunt, remanet  $aa + bb$ . Similiter

$$\frac{a^3 + b^3}{a - b} = aa + ab + bb + \frac{2b^3}{a} + \frac{2b^4}{aa} + \frac{2b^5}{a^3} \&c.$$

hos enim multiplicando per  $a - b$  fiet

$$a^3 - baa + baa - abb + abb - b^3 + 2b^3 - \frac{2b^4}{a} + \frac{2b^4}{a} \&c.$$

ubi, remotis contradictoriè oppositis, habetur  $a^3 + b^3 \&c$ . Idem ferè contingit, ubi potestatum paris gradus summa, vel imparis gradus differentia dividitur per summam radicum, nisi quòd signa tunc sunt alternanda; ut

$$\frac{aa + bb}{a + b} = a - b + \frac{2bb - 2b^3 + 2b^4 \&c.}{a^2}$$

$$\frac{a^3 - b^3}{a + b} = a - b + \frac{2b^3 - 2b^4 + 2b^5 \&c.}{a^2}$$

$$\frac{a^4 + b^4}{a + b} = a^3 - aab + abb - b^4 + \frac{2b^4 - 2b^5 \&c.}{a^2}$$

$$\frac{a^5 - b^5}{a + b} = a^4 - aab + abb - b^4 + \frac{2b^4 - 2b^5 \&c.}{a^2}$$

$$\frac{a^6 + b^6}{a + b} = a^5 - aab + abb - b^4 + \frac{2b^4 - 2b^5 \&c.}{a^2}$$

Sic etiam

$$\frac{aa}{a - b} = a + b + \frac{bb}{a} + \frac{b^3}{aa} + \frac{b^4}{a^3} \&c.$$

$$\frac{a^3}{a - b} = aa + ab + bb + \frac{b^3}{a} + \frac{b^4}{aa} + \frac{b^5}{a^3} \&c.$$

Non dissimili ratiocinio demonstrare soleo extractionem radices Newtoniano modo per series infinitas. Puta  $x = aa + xx$  (quæ est expressio generalis ordinatarum ad rectum hyperbolæ latus, existente  $a$  semitransverso, &c.)



&  $x$  distantia à centro) vel  $aa - xx$  (quæ exprimit ordinatam quadrantis circuli, cujus radius  $a$ , distantia ordinatæ à centro  $x$ ) lic enim series ordinari solet

$$a \pm xx - x^4 \pm 3x^6 - 15x^8 + 105x^{10} \&c.$$

$$\begin{array}{r} \hline 2a \quad 8a^3 \quad 48a^5 \quad 384a^7 \quad 3840a^9 \\ \hline \end{array}$$

ubi signum  $\pm$  valet  $+$  in hyperbola,  $-$  in circulo, numeri autem, qui post tertium terminum afficiunt numeratores, sunt per ordinem  $3. 3 \times 5. 3 \times 5 \times 7. \&c.$  qui verò afficiunt denominatores, incipiendo à secundo termino, sunt  $2. 2 \times 4. 2 \times 4 \times 6. 2 \times 4 \times 6 \times 8. \&c.$  orti scilicet, illi quidem ex mutua multiplicatione omnium imparium, hi verò ex multiplicatione mutua omnium parium numerorum per ordinem dispositorum.

Demonstratur, inquam, id ita esse, quia si illa series ducatur in se ipsam, singulis ejus terminis in singulos multiplicatis, orietur nil aliud, quàm  $aa \pm xx$ , adeoque est legitima radix ejusdem: nam ducatur illa series

in  $a$  fiet  $aa \pm xx - x^4 \pm 3x^6 \&c.$

in  $\pm xx$  fiet  $\begin{array}{r} \hline 2 \quad 8aa \quad 48a^4 \\ \hline \pm xx + x^4 \mp x^6 \&c. \\ \hline \end{array}$

in  $-x^4$  fiet  $\begin{array}{r} \hline 2 \quad 4aa \quad 16a^4 \\ \hline -x^4 \mp x^6 \&c. \\ \hline \end{array}$

in  $\pm 3x^6$  fiet  $\begin{array}{r} \hline 8a^3 \quad 8aa \quad 16a^4 \\ \hline \pm 3x^6 \&c. \\ \hline \end{array}$

$\&c.$   $\begin{array}{r} \hline 48a^5 \quad 48a^7 \\ \hline \end{array}$

Summa erit  $\begin{array}{r} \hline aa \pm xx \quad 0 \quad 0 \&c. \\ \hline \end{array}$

6. Ad propositum nostrum redeunt, doctrinam, num. 3.



num. 3. adductam, alteri Theorematis decimi demon-  
 strationi sic applicabimus: esto Logistica BVI, tangens TAB.  
 ad B ipsa BO, subtangens OF, cujus particula infinitè XIV.  
 parva FQ accepta, circumscribantur æqualis latitudinis Fig. 7.  
 parallelogramma FM, QR, PS, &c. spatium Logi-  
 sticæ ita stringentia, ut solidum ab ipsa circa FB rotata  
 productum ferè coincidat cum aggregato solidorum à  
 talibus parallelogrammis in eadem rotatione descripto-  
 rum, quorum primus cylindrus ex FM, secundus, ter-  
 tius, & alii deinceps totidem cylindrici tubi ex paralle-  
 logrammis QR, PS, &c. à quibus certè deficere po-  
 test illud rotundum Logisticæ solidum minori defectu  
 quolibet dato, & ratio, quam de illorum aggregato ad  
 conum ex FOB comparato concludemus, eadem de ip-  
 somet Logisticæ solido demonstrata esse intelligetur.  
 Subtangens igitur FO vocetur  $a$ , & FQ infinitè parva  
 $d$ ; OQ autem pro unitate 1 designetur, ipsa FB per  $b$   
 denominata; cum sit igitur (ob indefinitam ipsius FQ  
 parvitatem, & punctum N curvæ cum tangente OB  
 coincidens) FO ad OQ, scilicet  $a$  ad 1, ut BF, seu  $b$

ad QN, hæc exprimenda erit per  $\frac{b}{a}$ ; & reliquæ lineæ

PV, TI, &c. in quibus eadem proportio (ex curvæ  
 natura) continuatur, eò quòd paribus intervallis sint dis-

sitæ, erunt per ordinem  $\frac{b}{aa}, \frac{b}{a^3}, \frac{b}{a^4}$  &c. in infinitum; al-

titudines igitur prædictorum solidorum conflabunt hanc

geometricam seriem  $b, \frac{b}{a}, \frac{b}{aa}, \frac{b}{a^3}, \frac{b}{a^4}$  &c. bases autem eo-

rumdem in ratione quadrati primi radii FQ, & mox  
 differentiæ quadrati FP ab FQ, & quadrati FT ab  
 FP, &c. nempe, ut  $dd, 3dd, 5dd, 7dd$ , eò quòd dif-  
 ferentiæ quadratorum à lateribus arithmeticè proportio-



nalibus sint, ut impares numeri; hac igitur serie per illam multiplicata prodibit series ipsorum per ordinem solidorum  $ddb$ ,  $\frac{3ddb}{a}$ ,  $\frac{5ddb}{aa}$ ,  $\frac{7ddb}{a^3}$ , &c. quam quidem resolvere potes in has numero infinitas, prefixis majusculis litteris subnotatas,

$$A \quad \frac{ddb}{a} + \frac{ddb}{aa} + \frac{ddb}{a^3} + \frac{ddb}{a^4}, \&c.$$

$$B \quad \frac{2ddb}{a} + \frac{2ddb}{aa} + \frac{2ddb}{a^3} + \frac{2ddb}{a^4}, \&c.$$

$$C \quad \frac{2ddb}{aa} + \frac{2ddb}{a^3} + \frac{2ddb}{a^4}, \&c.$$

$$D \quad \frac{2ddb}{a^3} + \frac{2ddb}{a^4}, \&c.$$

$$E \quad \frac{2ddb}{a^4}, \&c.$$

$$\text{quarum summa } \frac{ddb}{a} + \frac{3ddb}{aa} + \frac{5ddb}{a^3} + \frac{7ddb}{a^4} + \frac{9ddb}{a^5}, \&c.$$

eadem, ut constat, quæ prius.

7. Sunt verò præscriptæ series terminorum proportionalium, quorum exponens commune  $a$ ; si igitur maximi earum termini ducantur in  $a$ , & productum dividatur per  $a-1$ , (quod hic juxta constructionem est quantitas  $d$  infinite parva) habebuntur termini iis infinitis seriebus æquales: putà series A æquatur  $dba$ ; series B æquatur  $2db$ ; series C æquatur  $2db$ ; series D æ-

qua-



quatur  $2 db$ , & sic deinceps; series igitur illorum soli-

$aa$

dorum æquabitur progressionibus duabus

$$dba + db + \frac{db}{a} + \frac{db}{aa} + \frac{db}{a^3}, \&c.$$

$$db + \frac{db}{a} + \frac{db}{aa} + \frac{db}{a^3}, \&c.$$

quippe harum sum-

ma terminis nuper  
collectis æquatur;

$$\frac{dba + 2 db + 2 \frac{db}{a} + 2 \frac{db}{aa} + 2 \frac{db}{a^3}, \&c.}{a \quad aa \quad a^3}$$

prima autem harum serierum (facta eadem multiplicacione) æqualis est  $baa$ ; secunda verò æqualis  $ba$ ; (sive, ut æquè multæ utrobique appareant dimensiones, addita hinc unitate, dicas  $ba \ 1$ ) est verò unitas  $QO$ , ferè  $= OF$ , idest  $a$ , quippe à qua deficit differentia  $FQ$  infinitè parva, igitur pro  $ba \ 1$  accipi poterit iterum  $baa$ ; atque adeò series dictorum solidorum, seu ipsum rotundum solidum Logisticæ, de quo loquimur in hoc Theoremate, optimè exprimetur per  $2 baa$ ; Conus autem ex triangulo  $BOF$ , utpote æqualis trienti cylindri circumscripti (pro circulo accepto radii quadrato, ut in solidorum serie factum est, quod in idem recidit, ob proportionalitatem servatam) exprimendus erit per  $\frac{1}{3} baa$ ; solidum igitur Logisticæ ad inscriptum Conum erit, ut  $2 baa$  ad  $\frac{1}{3} baa$ , sive ut 2 ad  $\frac{1}{3}$ , vel ut 6 ad 1. Q. e. d.

8. Nisi hic demonstrandi modus plenè satisfecerit, prima ostensione contentus, secundæ saltem conatum lauda, ac mecum progredere ad dimetiendas ejusdem solidi portiones, à partibus videlicet per binas ordinatas resectis, & circa majorem ipsarum revolutis progenitas; idque diversâ rursus à præcedentibus methodo: esto,

li 2

Logis-



TAB.  
XIV.  
Fig. 8.

Logistica BNM, cujus ad puncta N, M, tangentes NC, MG occurrant asymptoto quidem FG in punctis C, G, ordinatæ verò BF in punctis K, I, & coordinentur ND, NA, ME, MH; dico AK ad HI (subtangentes scilicet in ordinata, non in asymptoto acceptas) esse ad invicem, ut sunt rectangula AND, HME; ratio enim AK ad HI componitur ex AK ad AN (seu DN ad subtangentem DC, vel EG), AN ad MH, & MH ad HI (idest subtangentis EG ad EM), ergo & componitur ex DN ad EM, & AN ad MH; ex his autem conflatur ratio rectanguli AND ad HME; itaque constat propositum. Brevius sic: ob proportionales lineas GE, EM, MH, HI, est rectangulum ex GE, asymptoti subtangente, in HI, subtangentem ordinatæ, æquale inscripto rectangulo EMH; similiter CD in AK æquabitur DNA; ergo, ut rectangula subtangentium asymptoti in subtangentes ordinatæ, (hoc est ipsæ subtangentes in ordinata, cum quæ in asymptoto sint æquales) ita erunt rectangula Logisticæ inscripta.

TAB.  
XIII.  
Fig. 2.

9. Concipiamus jam Logisticam esse  $AaC$ , cujus ordinata AN, asymptotos  $Nb$ , tangens ad quodvis punctum  $a$  ipsa  $aB$ , conveniens cum ordinata in B; ac motâ regulâ  $No$  per punctum N, ita ut perpetuò parallela existat tangenti, occurrat verò ordinatæ productæ  $an$  ad puncta  $oO$ , perficiatur figura  $NoO$  ad communem axem  $Nb$  posita, quæ, ex dictis cap. 8. num. 4. & 5., erit ipsi Logisticæ correlata, ejusque spatia  $oNn$  respectivè semper æqualia spatiis  $aAr$ : singulæ autem lineæ  $on$  æquales erunt subtangentibus  $rB$ , in ordinata acceptis; sed hæ proportionantur rectangulis  $nar$ , inscriptis Logisticæ spatio, vel etiam superficiebus cylindricis per illorum conversionem circa NA. descriptis: erunt igitur lineæ ordinatæ in figura  $ONn$ , ipsi  $on$  parallelæ ut concentricæ superficies cylindricæ in solido rotundo ex  $na$  AN, circa AN revoluta, productæ à singulis ordinatis  $na$  per



$na$  per eadem puncta  $n$  transeuntibus; igitur omnes lineæ figuræ  $onN$  ad totidem æquales extremæ  $on$  (sive ipsa figura  $onN$ , aut trilineum  $aAr$  illi æquale ad rectangulum  $Nno$ , vel  $arB$ ) erunt, ut omnes cylindricæ superficies in dicto solido, ex portione  $naN$  revoluta genito, ad totidem æquales extremæ à linea  $na$  generatæ, (idest ut ipsummet solidum rotundum ad solidum, quod gigneretur ab hyperbola per  $a$  asymptotis  $nNA$  inscripta, & circa  $NA$  revoluta, quippe in illo omnes cylindricæ superficies concentricæ æquales forent ei, quæ ab  $na$  describitur, propter singula inscripta parallelogramma ipsi  $nar$  æqualia) & sumendo consequentium semisses, erit trilineum  $arA$  ad inscriptum triangulum  $arB$ , ut solidum rotundum ex  $naAN$  circa  $AN$ , ad inscriptum cylindrum ex parallelogrammo  $narN$  revolutum productum.

10. Nota autem est ratio trilinei ad inscriptum triangulum, quippe, assumptâ figurâ *cap. 7. num. 2.* adhibitâ, TAB. XII.1  
constat, trilineum  $BKA$  æquari rectangulo subtangentis  $OF$  in  $QA$ , triangulum verò  $BKQ$  æquatur rectangulo ex  $BK$  in semissem  $KQ$ ; propterea ratio trilinei ad triangulum componetur ex  $OF$  ad  $BK$ , (vel  $DK$  ad  $KQ$ ) & ex  $QA$  ad semissem  $KQ$  (vel dupla  $QA$  ad  $KQ$ ); idest erit, ut duplum rectangulum ex  $DK$  in  $QA$  ad quadratum  $KQ$ ; nota igitur similiter erit ratio solidi rotundi ex spatio Logisticae duabus ordinatis intercepto, & circa majorem revolutum, ad cylindrum inscriptum, ab inscripto scilicet parallelogrammo in eadem conversione progenitum, eadem semper, quæ præfati rectanguli ad dictum quadratum. Tubos verò, seu annulos ex ejusmodi spatiis circa ordinatam à majori remotiorem revolutis, putà ex  $GHBf$  circa  $AD$  rotato, progenitos, eadem assumptâ superioris numeri figurâ, eodemque argumento facillè ad mensuram vocabis, similia vestigia premendo.



## CAPUT XI.

*Propositio, & demonstratio Undecimi Theorematis circa distantiam centri gravitatis Logisticae ab ordinata. Solida infinitorum Logisticae spatiorum circa ordinatas sunt, ut eadem ordinatae. Centrum gravitatis quomodo distet ab alterutra ordinatarum in spatiis determinatis Logisticae. Solida ex his spatiis circa quamvis ordinatam revolutis. Datum solidum in data ratione dividere, &c. Propositio, ac prima demonstratio Theorematis XII. circa distantiam centri gravitatis Logisticae ab axe. In Correlatis figuris distantia centri gravitatis interioris subdupla est similis distantiae exterioris. Talis distantia in figura Correlata quadrantis circuli est sesquitertia basis quadraticis. Centrum gravitatis trilinei Cycloidis distat à verticis tangente per semissem radii. Distantia centri gravitatis semicycloidis, & ejus trilinei à basi, & vertice; necnon solida ab iis descripta. Cissoïdalis spatii centrum gravitatis, in qua ab asymptoto distantia; ejus solida, atque hinc ratio fusi cycloïdalis ad cylindrum. Figurae, quae Logisticae ad axem correlata est, distantia centri gravitatis ab ordinata. Similis distantia in harum, & generaliter omnium Correlatarum figurarum complexo. Secunda demonstratio Duodecimi Theorematis, & extensio ad inventionem centri, in quibusvis Logisticae portionibus, ad solida, ex iis circa quamvis lineam rotandis determinanda, utilem.*

i. **J**Am ad centra gravitatis, tum spatii superficialis Logisticae tum solidorum ipsius, determinanda procedit Hugenus; ait enim Theoremate Undecimo: *Ex hac solidorum mensura sequitur, quodd centrum gravitatis infiniti*



*finiti spatii post unam ordinatarum distat ab hac ordinata longitudine subtangentis*; quod sic breviter demonstratur. Rotunda solida rationem habent compositam ex rationibus figurarum genitricum, & distantiarum centri gravitatis earundem ab axe motus, ex pervulgata jam regula Guldini, cui nescio an præluserit Pappus ad finem suæ præfationis in *lib. 7. mathem. collect.* Solidum igitur ex Logistica  $BCA$  circa  $BF$  ad conum, ex inscripto triangulo  $OBF$  circa eandem revolutum, est in composita ratione ex spatio Logisticæ  $FBCA$  ad triangulum  $OBF$ , (quæ per Theorema 7. cap. 8. demonstratum est ratio dupla) & ex distantia centri gravitatis spatii Logistici ab ipsa  $FB$  ad distantiam centri gravitatis trianguli, quæ, ut notum est, æquaretur trienti ipsius  $OF$ ; sed hæc eadem solida, ex dictis *cap. præced.*, sunt ad invicem in ratione sextupla, idest in composita ex dupla, & tripla; oportet ergo distantiam centri gravitatis spatii Logistici ab ipsa  $FB$  esse triplam distantiam centri gravitatis trianguli ab eadem  $FB$ ; ergo oportet talem distantiam esse ipsammet subtangentem  $OF$ , cujus triens distantiam centri gravitatis trianguli, ut diximus, determinat; patet ergo propositum.

TAB.  
XII.  
Fig. 6.

2. Hinc habetur, cujusvis infiniti spatii Logisticæ  $BAVQ$ , vel  $CVFQ$ , distantiam centri gravitatis ab extrema ordinata eandem semper esse, quippe æqualem communi subtangenti: unde efficitur, solida ex primo spatio circa  $BA$ , & ex secundo circa  $CV$ , esse ad invicem, ut ipsamet spatia, ex quibus gignuntur, ob æqualem utrinque centri gravitatis distantiam, seu esse ad invicem, ut ipsæ ordinatæ  $BA$ ,  $CV$  talibus spatiis proportionales, ex dictis *cap. 3. num. 7.*, id quod vel exinde patet, quod talium solidorum subsexcupla, nempe conii ab inscriptis triangulis  $AOB$ ,  $CVQ$ , ob

TAB.  
XII.  
Fig. 7.

cir-



circulos æqualium radiorum  $BO$ ,  $CQ$ , sunt, ut altitudines  $BA$ ,  $CV$ , circa quas convertuntur.

3. Hinc etiam patet, determinato quovis spatio  $BAVC$  duabus ordinatis interjecto, assignari posse distantiam ejus centri gravitatis ab alterutra ordinarum. Ducatur enim tangens  $AO$ , itaque in  $O$  est centrum æquilibrii totius spatii  $BAVQ$  compositi ex proposito  $BAVC$ , & ex reliquo  $CVFQ$ ; sed reliqui  $CVFQ$  habetur centrum gravitatis, ducta tangente  $QV$ , in ordinata ex puncto  $Q$ , distans videlicet ab æquilibrii centro  $O$  per  $QO$  æqualem altitudini  $CB$  propositi spatii (ut patet, æqualibus subtangentibus  $CQ$ ,  $BO$ , communem subtrahendo, vel addendo quantitatem  $CO$ ). Si igitur fiat, ut spatium  $BAVC$  ad reliquum  $CVFQ$ , nempe ex Theoremate tertio, quod *cap. 4. num. 5. & cap. 3. num. 8.* demonstravimus, ut differentia ordinarum  $AB$ ,  $CV$  ad ipsam  $CV$ , ita  $QO$ , vel  $BC$ , ad  $OE$ , erit in  $ED$  centrum gravitatis propositi spatii  $CVAB$ , distans ab  $AB$  per  $EB$ , & à  $CV$  per  $EC$ ; constat ergo propositum.

4. Dabuntur itaque solida ex quavis Logistica portione  $AVCB$ , nedum conversa circa majorem ordinarum  $BA$ , sed & circa minorem  $CV$ , quippe ad invicem in ratione  $EB$  ad  $EC$ ; & annuli ex variis spatiis  $EDVC$ , &  $CVFG$ , circa eandem, vel diversas ordinas revolutis, notam dimensionem, & proportionem habebunt, quippe in composita eorundem spatiorum, distantiarumque ab axe sui motus ratione; Quibus facile erit, dato solido ex dato spatio circa axem datum revolutum, aliud ex alio item spatio dato circa aliam quamdam ordinatam majorem, minoremve revolvendo producendum reperire, priori solido, vel æquale, vel in data ad ipsum ratione; item, quodvis ex talibus solidis per concentricas superficies in data ratione, dividere, &c.

5. Jam



5. Jam ad Duodecimum Theorema Hugēnii gradum faciamus, in quo asserit: *Idem centrum gravitatis distare ab asymptoto per quadrantem ordinatæ*; Similiter enim ratio solidi ex  $BCA$  Logistica circa axem  $FO$ , ad conum ex triangulo  $OBF$  circa eundem axem, cum sit, ex Theoremate, & *cap. 9.*, ratio sesquialtera, componetur utique ex dupla, & subsesquitertia, ut patet in numeris 6, 3, 4; componitur autem & ex ratione spatii  $FBCA$  ad triangulum  $FBO$  (quæ est ratio dupla) unâ cum ratione distantie centri gravitatis spatii  $FBCA$  ad distantiam similis centri trianguli  $FBO$  ab eodem axe motus  $FO$ ; oportet igitur, quod distantia centri gravitatis spatii Logisticæ ab axe sit subsesquitertia distantie centri gravitatis trianguli, nempe subsesquitertia trientis ipsius  $FB$ , adeoque quod sit æqualis quadranti ipsius  $FB$ , ut in hoc Theoremate proponitur, sic enim erit ad distantiam centri gravitatis trianguli, ut  $\frac{1}{2}$  ad  $\frac{1}{3}$ , idest prorsus, ut 3 ad 4. Q. e. d.

TAB.  
XII.  
Fig. 6.

6. Eadem veritas, ut secundo demonstretur, immo & ad distantiam centri gravitatis partium Logisticæ extendatur, uberrimum illum fontem Correlatarum figurarum, unde bis jam hausimus, in *cap.* scilicet 8. & 9., tertio iterum repetam, neque enim venam idcirco exhauriendam putes; Mi Lector. Audi igitur. In Correlatis quibuscumque figuris  $CAN$ , &  $gGAaC$ , aut  $CAN$ ,  $GooN$ , distantia gravitatis centri primæ figuræ interioris  $CAN$  ab axe  $NB$ , semper subdupla est distantie similis centri alterius figuræ  $gGAaC$ , vel  $AGooN$  ab eodem axe; cum enim æquales sint hæ figuræ, uti *cap. 8.* demonstratum est, solidum tamen, quod ex prima sit, ex *cap. 9.*, subduplum solidi ex secunda circa axem  $NB$  revoluta, patet, hæc solida esse ad invicem, ut sunt distantie centrorum gravitatis ab axe motus, adeoque distantiam primæ esse subduplam distantie alterius; & datâ distantia centri gravitatis al-

TAB.  
XV.  
Fig. 6. 7.  
TAB.  
XII.  
Fig. 4. 5.



terutrius ex Correlatis figuris, distantia reliquæ non ignorabitur.

TAB.  
XII.  
Fig. 2.

7. Colliges jam, distantiam centri gravitatis figuræ  $ANoo$ , quadrantii circulari Correlatæ, ab axe  $CN$ , esse sesquitertiam basis Quadratricis, eidem quadrantii per Cadscriptæ; cùm enim debeat dupla esse distantia centri gravitatis quadrantis  $CAN$ , quæ æquatur  $\frac{2}{3}$  baseos dictæ Quadratricis, eò quòd ratio composita ex distantia centri gravitatis quadrantis ad semissem radii, (distantiam centri gravitatis quadrati circumscripti) & ex semisse radii ad basim Quadratricis, sive ex semisse arcus  $CA$  ad radium, aut ipsius quadrantis  $CAN$  ad radii quadratum, debet esse ratio sequialtera, eadem nempe, quæ hæmispherii ex quadrante ad cylindrum ex radii quadrato (juxta Archimedis doctrinas brevius à nobis demonstratas in Vivianeis ad *Prop. 37. Coroll. 6.*) quæ, ex Centro-barica, præscriptis rationibus componitur. Nota proinde fiet distantia centri gravitatis ejusdem figuræ  $ANoo$  ab  $AS$ , & notum solidum ex ipsa circa  $AS$  descriptum, uti & ex eadem circa  $CN$ .

TAB.  
XIV.  
Fig. 10.

8. In trilineo Cycloidis  $AaON$  patebit, centrum gravitatis distare à tangente verticis  $AN$  per semissem radii, figura quippe huic Correlata est, ex *cap. 8. num. 7.*, semicirculus  $Noo$ , cujus centri gravitatis distantia est utique radius integer: consequenter distabit idem gravitatis centrum in trilineo Cycloidis ab ejus basi  $OD$  per  $\frac{3}{4}$  diametri  $ON$ ; & solidum ex tali trilineo circa  $OD$ , triplum erit solidi ex ejusdem conversione circa  $NA$ , vel æquale erit solido ex aggregato semicirculi, & præfati trilinei, videlicet spatii  $ANooAa$  (aut  $ANO + AadD$ ) circa  $NA$ ; cùmque cylindrus ex parallelogrammo  $ONAD$ , sive circa  $OD$ , sive circa  $NA$ , pariter idem sit; residuum, nempe factum ex  $DAaO$  semicycloide circa  $OD$ , æquabitur facto ex trilineo  $OaAadD$  circa  $NA$ , atque, ut ipsa semicyclois



clois ad dictum trilineum, ita reciprocè erit distantia centri gravitatis ejusdem trilinei ab  $NA$ , ad distantiam centri gravitatis semicycloidis à basi  $OD$ , videlicet in ratione sesquialtera, illa autem æquatur  $\frac{1}{2}$  diametri  $AD$  (ut mox ostendam); ergo hæc æquatur  $\frac{1}{2}$  ejusdem suæ diametri.

9. Quod nuper assumpsi sic ostendetur: notum est, duas simul lineas in trilineo Cycloidalì  $OaAdD$  à centro æquè remotas,  $ad$ ,  $ad$ , æquales esse basi  $OD$ , seu interceptæ  $od$  inter peripherias semicirculorum  $AdD$ ,  $NoO$ ; ipsa igitur  $oa$ , accepta in trilineo  $AaOoN$  versus basim, æqualis semper erit lineæ  $ad$ , sumptæ versùs verticem  $A$  in altero trilineo  $AaODdA$ ; itaque ipsum trilineum  $AaOoN$  haberi poterit pro eodem  $OaAdD$  inversè posito, & tanta erit centri gravitatis distantia in hoc ab ipsa  $AN$ , quanta in illo similis centri distantia ab  $OD$ . Jam sic: solidum ex solo  $AaOoN$  circa  $OD$  triplum est, ex supra ostensis, solidi ex eodem spatio circa  $NA$ ; & annulus ex semicirculo  $NoO$  circa  $OD$  (namperinde est, ac circa  $AN$ ) est ejusdem duplus; itaque solidum ex utriusque complexo  $AaOoN$  circa  $OD$  quintuplus est solius solidi ex  $OaANn$  circa  $NA$ , additoque & hinc annulo ex semicirculo eodem circa  $NA$ , cujus quantitas ejusdem solidi est dupla, habebitur, quòd solidum ex integro spatio  $AaOoN$  circa  $OD$ , ad solidum ex eodem circa  $NA$  est, ut 5 ad 3; distantia igitur centri gravitatis talis spatii ab  $OD$ , ad distantiam ejusdem ab  $AN$  est, ut 5 ad 3; ideòque prima distantia æquatur 5 octantibus diametri  $NO$ , vel  $AD$ , indeque, ex præmissis, distantia centri gravitatis trilinei  $OaAdD$  ab  $AN$  eadem erit, quam supra determinavimus.

10. Cum igitur & spatium Cissoïdale, juxta dicta cap. 8. num. 9., figura sit Cycloidi Correlata, erit distantia centri gravitatis spatii Cissoïdalis  $ANoo$  infinitè longi, à

Kk 2

CN,

TAB.  
XII.  
Fig. 3.



CN, dupla distantiae similis centri cycloidis AaCN ab eadem basi CN; cumque hæc æqualis sit  $\frac{1}{2}$  diametri, juxta dicta num. 8., illa æqualis erit  $\frac{1}{3}$  seu  $\frac{1}{2}$  ejusdem diametri, ac consequenter distabit idem gravitatis centrum ab asymptoto AO per sextantem diametri NA; eritque solidum ex Cissoide ANoo circa AO revoluta, æquale quintæ parti solidi ex eodem spatio circa CN converso, aut  $\frac{1}{5}$  solidi ex Cycloide ACN circa basim CN (quippe hoc solidi ex Cissoide circa eundem axem subduplum est, uti jam ostendimus cap 9. num. 12.) est verò, ut ibidem monuimus, solidum ex Cissoide circa AO, æquale annulo stricto ex semicirculo genitore; solidum igitur ex semicirculo genitore Cycloidis circa tangentem verticis, vel basim cycloidis revoluta, æquatur  $\frac{1}{5}$  fusi Cycloidalis ex cycloide circa basim rotata, qui propterea fusus æquabitur 5. octantibus circumscripti cylindri ex parallelogrammo DONA (T. XIV. Fig 10) semicirculi quadruplo, indeque producente cylindrum quadruplum dicti annuli.

TAB.  
XIII.  
Fig. 2.

II. De infinitarum parabolarum, atque hyperbolarum, deque Tractoriæ centro non est quod addam, Tute ipse exerce, mi Lector; ego obiter adnoto, in figura NoO ad eundem axem Nb Logisticae Correlatâ, ejus gravitatis centrum ab NA distare per duplum subtangentis Logisticae, quandoquidem centrum Logistici spatii ex superiori Undecimo Theoremate, distat ab ordinata AN per simplicem longitudinem subtangentis; complexi verò ex figuris Correlatis, scilicet spatii CaANoo centrum gravitatis distat ab AN per sesquialteram longitudinem subtangentis; immò generaliter semper in figuris Correlatis, quarum partium distantia interioris, (scilicet ad quam pertinet tangens aB) est 2, earum distantia complexi ex utroque spatio est 3, distantia verò exterioris (scilicet ad quam ordinantur ipsæ on æquales subtangentibus alterius) est 4; uti est  
evi-



evidens ex dimensione solidorum ab iis factorum: unde expeditius demonstrabis quæ *num. 9.* dicta sunt.

Data autem opera, tum hîc, tum *cap. præced.* omiffimus demonstrationem centri gravitatis in figuris ad modum Spiralium descriptis, ut in iis exercere se posset Lectorum industria, comparando videlicet triangula illa, ex quibus constant, cum parallelogrammis figurarum Correlatarum, ut supra fecimus *cap. 8. num. 11.*

12. In Logistica igitur *AaaC*, ejus Correlata figura ad ordinatam *NA* est parallelogrammum *AGON*, ut ostendimus *d. cap. 8. num. 13*, cum distantia centri gravitatis ipsius *OGAN* dupla esse debeat distantiae similis centri Logisticæ *NAaC* ab eodem axe *NB*; sit autem distantia illa in parallelogrammo æqualis semissi ipsius *NA*, patet, distantiam ejusmodi in spatio Logistico fore  $\frac{1}{2}$  ejusdem *NA*, uti in hoc duodecimo Theoremate ab Hugenio propositum fuit; sed & constat methodus comparandi distantias centri gravitatis variarum insuper Logisticæ partium ab eodem axe; accepto quippe spatio quolibet *naan*, ordinatisque *aro*, *aro*, patet, rectangulum *orro* esse figuram Correlatam ipsi *anna*; datur autem distantia centri gravitatis parallelogrammi ejusdem ab *NO*, scilicet media arithmetica inter *rN*, *rN* distantias laterum ab *NO*, itaque & ejus subdupla dabitur, scilicet distantia centri gravitatis figuræ *naan* ab eodem axe, perpetuò æqualis semissi mediæ arithmeticæ inter extremas ordinatas. Id quod suo modo observatur & in toto Logisticæ spatio, extremæ siquidem ordinarum sunt *AN*, & punctum, media inter hæc arithmetica semissis *NA*; hujus dimidio, nempe  $\frac{1}{2}$  *NA* æqualis prorsus est distantia centri gravitatis integri spatii Logisticæ. Dabitur ergo in quovis hujusmodi spatio, sive integro, sive duabus ordinatis intercepto, punctum ipsum, quod gravitatis ejus centrum determinat, adeoque jam metiri licebit solida a-

TAB.  
XII.  
Fig. 4.



Logisticae spatii circa quamlibet lineam revolutis, ex dimensione tum ipsius Logisticae, tum distantiae ejus centri gravitatis à proposita linea.

## C A P U T XII.

*Theorema Decimumtertium demonstratur. Eadem semper centri gravitatis in quibusvis infinite longis Logisticae solidis distantia; quomodo in ejusdem solidi portionibus indaganda. Prima demonstratio Decimi-quarti Theorematis; ad majorem rigorem quomodo exigenda. Solidorum ab eadem figura circa basim, & axim rotata distantiae centri gravitatis sunt, ut distantiae ab axi, & basi genitricis figurae. Altera ejusdem Theorematis demonstratio. Variarum Conoideon centra hinc determinanda; in portionibus solidi rotundi, aut cylindricis Logisticae truncis, aut figura Logisticae Correlata, centra gravitatis dantur. Librae infinitae, geometricè decrefcentibus, & aequè distantibus ponderibus gravatae, aut finitae quidem, sed per intervalla continuè proportionalia arithmetice in infinitum crescentibus quantitibus oneratae, centra equilibrii determinari possunt. Secunda demonstratio à scrupulo vindicata. Cautio in his adhibenda; aliorum lapsus notati, ut devitentur. Curvis superficiibus solidorum generalis demonstratio applicatur. Logistica curva centro gravitatis caret; circa axem rotata superficiem infinite longam, finitae dimensionis producit: in qua ad determinatam hyperbolam ratione; haec hyperbola, cujus parabolicae lineae in semitransversum ducta rectangulo aequalis; curva illa superficies, cujus circumferentiae, & peripheriae parabolicae rectangulo aequalis; ut ejus portiones cor-  
respondeant ejusdem parabola partibus. Tractoriae solidum finita superficiei gaudet, ejus curva centro pariter caret.*

1. Post



1. **P**ost centra gravitatis spatiorum Logisticae, progreditur Hugenus ad gravitatis centra in ejus solidis determinanda: *Reperimus*, inquit Theorem. XIII., quod centrum gravitatis primi ex dictis solidis infinitis distat à sua basi per semissem subtangentis. Primum quippe illud solidum ex Logistica  $FBCA$  circa axem  $FO$  revoluta, resolutum in circulos basi parallelos, proportionaliter anologum est alteri Logisticae  $BNM$ , ordinatarum in duplicata priorum ratione decrescientium, qualem supra descripsimus *cap. 9. num. 4.*; eadem igitur erit distantia centri gravitatis praefati solidi à circulo suae basis, quae distantia centri gravitatis Logisticae  $BNM$  à sua extrema ordinata  $FB$ ; sed hæc distantia æquatur subtangenti ejusdem Logisticae  $BNM$ , per undecimum Theorema Hugonii superiori capite demonstratum, & hæc eadem subtangens ostensa est, *cap. 9. num. 5.*, æqualis semissi subtangentis  $FO$ , pertinentis ad priorem Logisticam  $BCA$ ; itaque & illius solidi rotundi centrum gravitatis distabit ab extremo circulo suae basis per semissem subtangentis, seu Parametri. Quod erat demonstrandum.

TAB.  
XII.  
Fig. 6.

2. Eadem itaque semper erit distantia centri gravitatis à sua basi infinitorum quorumvis solidorum ab eadem Logistica per varias ordinatas resecta factorum, semper scilicet æqualis dimidiæ subtangenti ejusdem Logisticae; Quocirca portionum etiam cujusvis ex dictis solidis centra gravitatis assignari poterunt: proponatur enim, v.g. quod sit ex portione  $BAVC$  circa  $BC$  revoluta; ita procedemus, simili methodo, ac superiori capite *num. 3.*; esto  $BO$  semissi subtangentis, & consequenter  $O$  centrum gravitatis totius facti ab infinito spatio  $BAVQ$ . Similiter &  $CQ$  semissi subtangentis ejusdem, ut punctum  $Q$  sit centrum gravitatis solidi, quod ex  $CVFQ$ ; distat igitur hoc centrum à puncto  $O$ , per  $QO$  æqualem altitudini solidi propositi  $BC$ , propter communem addi-

TAB.  
XII.  
Fig. 7.



additam, vel detractam CO; fiat igitur, ut solidum ex ABCV ad infinitum ex CVFQ, nempe, ut colligitur ex dictis *cap. 9. num. 3. & 10.*, ut differentia quadratorum AB, & CV, ad quadratum CV, ita QO, vel BC ad aliam OE, erit E centrum gravitatis solidi ex spatio BAVC circa BC revoluti geniti; quamquam expeditius fortè idem obtinere licebit per inventionem distantiae centri gravitatis ab ordinatis in congruo spatio Logisticae, in duplicata ordinatarum ratione decrescentis, proportionaliter analogo ad dictum rotundum solidum, uti numero praecedenti indicavimus.

TAB.  
XIV.  
Fig. 7.

3. Difficilior mihi visa fuit, reque ipsa nonnisi ægrè successit (cur enim fateri erubescam, qui & in magis obviis moram pati aliquando soleo?) Theorematis decimiquarti demonstratio, ubi Vir Clarissimus pronunciat, quòd *centrum etiam gravitatis alterius solidi distat ab ejus infinita basi per octantem sui axis.* Hoc ut demonstrem, figuram resumo, eundemque calculandi modum, quo, *cap. 10. num. 6.*, usus sum: ex parallelogrammis itaque FM, QR, PS Logisticae circumscriptis, intelligatur confici, in conversione omnium circa FB, series solidorum, quæ pro minori, ac minori latitudine singulorum, magis magisque accedet ad rotundum Logisticae solidum, de quo in hoc Theoremate sermo est; itaque ubi FQ infinitè parva supponatur, tunc cylindrus ab FM descriptus, & tubi cylindrici ex reliquis QR, PS, &c. prorsus coincident cum tali Logisticae solido, quodque de iis demonstrabimus, de hoc perinde obtinebit; porro ostendimus, loco citato, (retentis iisdem symbolis) cylindrum FM esse *ddb*, & tubos huic consequentes per ordinem esse *3 ddb*, *5 ddb*, &c.

ut supra *pag. 250.*, seu (propter infinitè exiguum excessum ipsius *a*, seu FO super assumptam unitatem



tatem  $QO$ , qui excessus penitus evanescit, ubi solidorum series in ipsum Logisticæ solidum deficit) accepta loco ipsius  $a$ , unitate, quæ ad quemlibet gradum elevata non crescit, nec terminos dividens illos immutat, erit prædicta solidorum series æqualis  $ddb + 3ddb + 5ddb + 7ddb$ ; &c.; Suspenditur autem in libra  $FB$  primus terminus ad punctum  $C$ , medium ipsius  $FB$ , & secundus terminus ad punctum  $x$ , ubi cadit axi parallela, ducta ex medio puncto  $A$  lineæ  $QN$ ; & tertius terminus ad  $y$  punctum, quod determinat parallela  $yD$  bifariam secans ipsam  $PV$ ; similiter & quartus terminus pendet ex  $z$  per lineam  $zE$  bisecantem ipsum  $TI$ ; sunt enim puncta  $C, x, y, z$ , &c. centra gravitatis per ordinem talium solidorum; per puncta verò  $C, A, D, E$ , & alia similiter bifariam secantia singulas Logisticæ ordinatas, transit utique linea pariter Logistica  $EDACg$ . Producta igitur  $OF$  in  $f$ , ut  $Ff$  æquetur semissi ipsius  $FQ$ , (adeoque à fortiori sit infinitè parva quantitas, ac penitus evanescens) ad parallelam ordinatam  $fg$  producantur axi æquidistantes  $Ez, Dy, Ax$ , in  $e, d, a, c$ ; poterit similiter  $fg$  sumi pro libra, ex qua pendeat primum solidum per lineam  $Cc$ , secundum per lineam  $Aa$ , tertium per  $Dd$ , quartum per  $Ee$ , &c. & quidem quarum partium  $Ff$ , seu  $Cc$  ponitur 1. talium  $Aa$  est 3.  $Dd$  5.  $Ee$  7. &c., juxta progressionem arithmeticam numerorum imparium, secundum quam ipsa solida ex iis pendentia procedunt; perinde igitur onerabitur linea  $fg$ , vel  $FC$  à talibus solidis ex ea pendentibus, ac oneretur  $fg$  à lineis Logisticæ  $gCADE$ ; sed ab his ordinata  $fg$  sic oneratur, ut centrum æquilibrii habeat distans ab axe  $FO$  per quadrantem ipsius  $fg$ , vel  $FC$  illi proximè æqualis; (talis quippe ex Theoremate duodecimo est distantia centri gravitatis Logistici spatii, quod tales lineæ implent) ergo & centrum æquilibrii,

Ll

aut



aut gravitatis omnium illorum solidorum, seu integri solidi ex Logistica circa ordinatam revoluta, distat similiter ab axe per quadrantem ipsius  $FC$ , seu octantem integræ  $FB$  ordinatæ; quod est propositum.

4. Si quis autem majorem in præsentī demonstratione rigorem desideraverit, is poterit apagogico circuitu sibi penitus satisfacere, sumptis, loco linearum  $Cc, Aa, Dd, Ee$ , parallelogrammulis  $Ccg, Aac, Dda, Eed$ , &c. quæ penitus proportionalia deprehendet dictis solidis, siquidem eorum altitudines  $BF, QN, PV$ , &c. proportionantur earumdem semissibus, & talium semissium differentiis  $gC, Ca, ad, de$ , &c. bases verò talium solidorum sunt, ut differentiæ quadratorum ex lineis  $FQ, FP, FT$ , &c. arithmetice crescentium, scilicet ut impares numeri, vel ut lineæ  $Cc, Aa, Dd, Ee$ , &c. Unde cum accepta fuerint tot solida, quæ integrum Logisticæ solidum impleant, & totidem parallelogramma, quæ Logisticum illud spatium adæquent, constabit, in eodem puncto, tum Logistici illius spatii centrum æquilibrii, tum solidi illius centrum gravitatis reperiri, adeoque ad quartam ipsius  $FC$ , vel octavam totius  $FB$  partem ab axe acceptam. Quod, &c.

5. Sed absit, ut hic ego subsistam; tamdiu mihimet ungues corrodam, quò usque clariorem, (& verò generalissimam) rei hujus demonstrationem detur extundere; mihi certè videtur universalius quidpiam hinc relucere, quàm ut peculiaribus Logisticæ proprietatibus adstringi mereatur. Jam jam assequor: an non hoc illud est, quod in qualibet figura  $FBV$ , cujus basis  $FB$ , axis  $FQ$ , quam rationem habet distantia centri gravitatis figuræ planæ ab axe, ad similem distantiam à basi, eandem & proportionem habent ad invicem distantie centri gravitatis (uniuscujusque à sua basi) soli.

TAB.  
XIII.  
Fig. 5.



solidorum ex eadem circa basim, & circa axim revoluta progenitorum? Intelligatur enim tota figura circa punctum  $F$  in suo plano verticali converti, quousque axis  $FQ$  horizontaliter situetur in  $Fq$ , in directum positus priori basi  $FB$ , quæ jam perpendiculariter pendeat in  $Fb$ ; sumptaque axis portione  $FQ$  æquali ipsi  $Fq$ , ordinentur  $QN$ ,  $qn$ , quæ erunt æquales; imò eadem; & in solido quidem, ex figura  $FB$  revoluta, cogitetur per punctum  $Q$  transire cylindrica superficies à linea  $QN$  descripta in sui rotatione circa  $FB$ , cujus quidem rectangulum per axem duplum erit, ut constat, inscripti rectanguli  $FQNP$ ; in solido autem, ex eadem figura circa axem  $Fq$  revoluta, concipiamus per punctum  $q$  transire circulum radio  $qn$  descriptum, & bisecta in  $A$  ipsa  $QN$ , ducatur  $AX$  ipsi  $FQ$  parallela; pendebit igitur, in priori solido, cylindrica superficies à linea  $QN$  descripta ex puncto  $X$ , quod est ejus centrum gravitatis; circulus verò radii  $qn$  pendebit ex suo centro  $q$ ; est autem distantia  $qF$  ad  $FX$ , ut ipsa cylindrica superficies ex  $QN$  ad circulum ex  $qn$  (est enim cylindrica superficies quælibet ad datum circulum, ut rectangulum per axem illius, ad quadratum ex radio hujus, per propositionem quintam Torricellii de solid. spher. l. i. idest in proposito, ut duplum rectangulum  $PNQ$  ad quadratum  $nq$ , sive ut dupla  $PN$ , vel  $FQ$  ad ipsam  $QN$ , vel ut simplex  $qF$  ad  $FX$  ipsius  $QN$  dimidiam); æquiponderant igitur ex  $F$ , tum ille circulus, tum hæc superficies; & hoc semper; quare & utriusque solidi ad libram continuatam  $BFq$  appensi æquilibrium habebitur ex puncto  $F$ ; unde distantia centri gravitatis solidi ex  $Fbuv$  circa  $Fq$  à sua basi transeunte per punctum  $F$ , erit ad distantiam centri gravitatis solidi ex figura eadem  $FBNV$  circa  $FB$  revoluta à sua basi per  $F$  transeunte, ut reciprochè hoc secundum solidum est ad illud primum; sed



quia utrumque gignitur ab eadem figura, nunc circa basim  $FB$ , nunc circa axem  $Fq$ , vel  $FQ$  revoluta, hæc solida sunt ad invicem, ut distantiae centri gravitatis figuræ genitricis à lineis, circa quas fit rotatio, nempe ut distantia, quam habet centrum gravitatis planæ figuræ  $FBV$  à basi  $FB$ , ad distantiam ejusdem ab axe  $QF$ ; distantiae igitur centri gravitatis solidorum ab eadem figura descriptorum, nunc factâ circa axem, nunc circa basim rotatione, sunt ad invicem, ut distantiae centri gravitatis figuræ genitricis à base ad ejusdem distantiam ab axe. Quod est propositum.

6. Cum igitur distantia centri gravitatis spatii Logistici à sua basi, ad distantiam ejusdem ab axe sit, per Theoremata undecimum, & duodecimum supra demonstrata in capite præcedenti, ut subtangens Logistica ad quadrantem ordinatæ, seu basis, vel sumendo terminorum semisses, ut dimidium subtangentis ad basis octantem, etiam distantiae centrorum gravitatis à sua basi in solidis à Logistica circa axem, & circa ordinatam revolutis, in eadem proportionem erunt; quare cum, ex decimotertio Theoremate, centrum gravitatis distet à basi solidi ex Logistica circa axem per dimidium subtangentis, etiam centrum gravitatis solidi ex Logistica circa ordinatam, distabit à sua basi per octantem ordinatæ, ut in hoc Theoremate XIV. proponitur. Q. e. d.

7. Interea hinc habes, datâ ratione distantiarum centri gravitatis cujusvis figuræ, tum ab axe, tum à basi (sive ab aliis duabus quibuscumque lineis) dari & rationem distantiarum centri gravitatis à basi in solidis circa easdem lineas revolutis, atque unâ istarum determinatâ, alteram non posse ignorari; quocirca omnium fusorum parabolicorum ex parabolis circa bases revolutis dabuntur centra gravitatis, quippe dantur & centra omnium Conoidum ab iisdem circa axes rotatis productorum,



rum, nec ignoratur proportio, secundum quam gravitatis centrum distat ab axe, & basi infinitarum quarumvis parabolarum; Tu per teipsum, Mi Lector, doctrinam hanc his aliisque figuris applicare ne graveris, mihi ad finem properanti immorari diutius non vacat, innuisse suffecerit.

8. Neque difficilior erit partium utriusque, ex dictis solidis, centra eadem arte rimari, quum præmissum ratiocinium non minus in portionibus figurarum, quam in ipsis integris figuris locum habere possit, adeoque & ad partes solidorum ab iis descriptorum transferri queat; quæque de his rotundis solidis determinantur, in truncis pariter cylindricis, seu factis ex ductu spatii Logisticae FBNM in triangula FDG, FEH (quippe quæ illis rotundis proportionaliter analogæ existunt) perinde obtinere manifestum est; sed & hinc sponte profluit distantia centri gravitatis ab axe Nb in figura NoO Logistica ad axem Correlata, quippe analogæ pariter est solido ex Logistica circa ordinatam, cum ostensum sit, cap. 10. num. 9., lineas On correspondere rectangulis Nna Logisticae inscriptis, sive cylindricis superficiebus per idem punctum n in præfato solido transeuntibus.

TAB.  
XII.  
Fig. 9.

TAB.  
XIII.  
Fig. 2.

9. Animadvertendum etiam, ex his quatuor postremis Theorematibus facillimè deduci, quodnam sit æquilibrii centrum in libra longitudine infinita, in qua paribus intervallis diffitæ magnitudines appenderentur in eadem ratione geometrica decrescentes, velut in hac figura se habent A, B, C, D, E, F, &c.

TAB.  
XIII.  
Fig. 3.

in infinitum, & quomodo, si illæ magnitudines jam decrescerent in duplicata priorum ratione, centrum æquilibrii duplo propius accederet termino libræ, unde omnium maxima penderet; Hæc enim ex undecimo, & decimotertio Theorematibus constare possunt, si Logistica axem veluti infinitam libram horizontaliter dispositam



TAB.  
XIII.  
Fig. 4.

fitam accipiamus, unde Logistica spatia proportionaliter deficientia, æqualium tamen latitudinum, pendeant, idemque fiat in axe solidi ex Logistica circa axem rotatâ geniti, sumptis æquè crassis ejusdem solidi portionibus, &c. Habetur item, dispositis in libra finita magnitudinibus arithmetice in infinitum crescentibus, quales repræsentant lineæ  $Vu$ ,  $Dd$ ,  $Ll$ ,  $Nn$ , &c. axi  $BG$ , Logistica  $AVDLN$  parallelæ, & ad ordinatæ partes proportionales  $Au$ ,  $ud$ ,  $dl$ ,  $ln$ , &c. applicatæ, sed intervallis geometricè decrescentibus inter singulas relictis, ita ut geometricæ progressionis terminus libræ extremo respondeat, unde infinita magnitudo suspenditur, assignari posse centrum æquilibrii omnium ipsarum magnitudinum; & quod si jam dictæ magnitudines ex iisdem punctis suspensæ crescerent in duplicata priorum ratione, seu procederent, ut numerorum arithmetice crescentium quadrata, (ut se habent circuli in solido ex Logistica circa ordinatam rotatâ) centrum æquilibrii duplo propius fieret maximæ, & infinitæ magnitudini, ultimum libræ extremum occupanti; id enim ex duodecimo, & decimoquarto Theoremate abundè innotescit, & sua veluti sponte profluit; Hæc porro ex iis Problematis, aut Theorematibus sunt, quæ, si nudè & extra hanc materiam proponerentur, mirabilia omnibus, nonnullis quoque determinatu impossibilia videri possent.

TAB.  
XIII.  
Fig. 5.

10. Porro, cum Viro illustri demonstrationem, *num.* 5., allatam communicassem, scrupulum injecit, an satis tuta esset, ab æquiponderantia singularum superficierum cylindricarum unius solidi, cum singulis circulis alterius, ad ipsorummet solidorum æquilibrium facta deductio? monebat quippe hinc consequens fore, ut ipsarummet planarum figurarum illo modo appensarum æquilibrium fieret ex eodem puncto  $F$ , ex quo semper,  $PN$  ad  $nq$  esset reciproce (ob æqualitatem homologa-






Fig. 1.




Fig. 2.




Fig. 6.




Fig. 3.




Fig. 4.




Fig. 5.




Fig. 7.




Fig. 8.





Fig. 9.









logarum linearum) ut distantia  $qF$  ad distantiam  $FP$ ; unde solida ex figuris circa axem, æqualia forent solidis ex iisdem circa basim revolutis, quod est absurdum: reposui tamen, vetustam illam esse, ac sæpius convulsam exceptionem Cavallerianæ methodo dudum oppositam; siue prorsus indivisibilia non admitteret, eo modo, quo sub geometricam considerationem cadunt, siue saltem respiceret in Staticæ negotio, pro illis reponeret solida quàm minimùm crassa, ut hinc tubos cylindricos, illinc cylindrulos æqualis crassitie, siue inscriptos, siue circumscriptos præfatis solidis, atque ab iis differentes minori differentiâ qualibet datâ, & tum demonstrationem, (utut minori compendio) pari evidentiâ successuram; enimverò ad libram hinc inde appositis æquiponderantibus quantitibus, atque his, aliis rursus æquiponderantibus additis, modò totidem hinc, totidem inde suspendantur, & utrumque aggregatum æquiponderare. In allato figurarum planarum exemplo conditionem non servari, quippe lineæ  $PN$  axi parallelæ non totidem sunt, quot lineæ  $qn$  parallelæ basi, siquidem illæ ab basim, hæ ad axem, quibus respectivè applicantur, sunt computandæ, atque eò plures ex alterutra parte sunt, quàm ex altera, quantò major est linea, ad quam ordinantur, & quantò majori invicem intervallo distant; ideo cautum fuisse in demonstratione (quemadmodum & facit Torricellius de dimens. parab. propos. 20. cujus hæc nostra imitatio est) ut linea  $Fq$  æqualis fumeretur ipsi  $QF$ , ut circulus radii  $nq$ , qui ad illam applicatur, comparari legitimè posset cum cylindrica superficie ex  $QN$  rotatâ, & ad punctum  $Q$ , distantiamque  $QF$  suo solido insertâ; atque utinam id observasset, qui solidum hyperbolicum infinitæ latitudinis metiri aggressus est, non enim illud (perinde ac infinitè longum Torricelli) finito cylindro æquale tam præproperè conclusisset, neque exemplis aliis indivisibilia.



lium usum in suspensionem adducere tentasset. Si methodi certitudo ex illegitimis applicationibus sit aestimanda, nec Veterum Inscriptiones extra discrimen futuras, quippe iis abusus est Guarinus in suo Euclide methodico, ubi Spheroidis, & Conoidum omnium superficiem ad mensuram vocat, atque ubi generaliter cuiusvis Conoidis superficiem ad cylindricam circumscriptam se habere statuit, ut genitrix figura ad rectangulum circumscriptum: Fermatius quoque analyticae suae methodi, perquam pulcherrimae, ac simplicissimae, applicatione ad tangentem Quadratricis determinandam infelicititer usus est, necnon Wallisius compositione motuum ejusdem Quadratricis perperam considerata, aliam quidem, sed aequè à veritate alienam, ejusdem tangentis constructionem adornavit, uti aliàs monuimus. Item Sturmius, Guarinus, Borellius, Rinaldinus circa Spiralis Archimedae longitudinem hallucinati sunt, quamquam rem se demonstrasse putaverint, ut in Epist. Geometr. ad P. Cevam ostendo. Quamquam Viris Clarissimis, ac de Geometria optimè meritis, quorum primus superstes adhuc hanc scientiam novis inventis illustrat, nolim quidpiam hoc loco detractum esse, quum, si quid ipsis fraudi fuerit, humanae id vitio conditionis, cui omnes obnoxii sumus,tribuendum sit, praeclearissimis verò operibus ita sibi nominis immortalitatem comparaverint, ac posteros devinxerint, ut nihil his decedere possit, ex quò sublimioribus meditationibus distraeti, haud satis attentè perpendere curaverint leviora haec, quae ad methodi nostrae defensionem, Lectorumque, quibus prodesse cupimus, cautelam adnotare coacti fuimus, *ne à magnis, ut ait ille, nominibus praejudicium fieret Veritati.*

II. Opportunè autem (ut ejusdem propositionis usus amplius pateat) hinc illam applicare juvat curvis superficiebus, quas gignit curva quaelibet BNV, tum circa basim



basim FB, tum circa axim FQ rotata; utique enim centra gravitatis ejusmodi curvarum superficierum à circulo suæ basis distabunt in iisdem rationibus, in quibus centrum gravitatis curvæ lineæ genitricis, tum ab axe, tum à basi distabat; idque, facta eadem constructione, eodemque ratiocinio manifestum est, sumpto puncto N in curva circa basim, & puncto *n* simili, eodemque (seu tantumdem ab homologis extremis distante) in curva circa axim rotanda; utique cum sit linea PN ad *qn*, ut distantia qF ad distantiam FP (propter æqualitatem homologarum linearum), etiam peripheria radio PN in curva superficie descripta per rotationem circa basim, ad peripheriam radio *qn* descriptam in altera curva superficie ex rotatione ejusdem curvæ circa axem, erit, ut distantia hujus à termino F ad distantiam illius ab eodem termino; æquiponderant igitur ex F dictæ peripheriæ, aliæque omnes per quævis curvæ genitricis puncta in utraque illa conversione trans-euntes, totidemque in una sunt, quot in altera termini æquiponderantes; nam dictæ peripheriæ eandem curvam, & ad idem prorsus punctum stringunt, unde non plures hinc, quàm illinc computantur; quare & ipsæ superficies curvæ ex eodem puncto F æquiponderabunt, eritque reciprocè, ut una superficies ad alteram, sive ut distantia centri gravitatis curvæ à linea, circa quam hinc, & illinc convertitur, ita distantia centri gravitatis hujus ad distantiam centri gravitatis illius, uniuscujusque nimirum à circulo suæ basis per F transeuntis. Unde mirum, quot Conoidum superficies centrum gravitatis sibi determinent. Quæcumque autem de solidis rotundis, deque rotundis superficiebus ex eadem figura, vel linea qualibet circa axem, & circa basim rotata dicta sunt, perinde similiter obtinere in Ungulis solidis, aut superficialibus, plano per axem, vel basim transeunte, & ad eundem angulum utrinque inclinato, abscissis ex cylindris super easdem

M m

figu-

TAB.  
XIII.  
Fig. 5.



figuras erectis, clariùs est, ac inter Geometras magis vulgatum, quàm ut hìc à nobis exponi indigeat, ob proportionalitatem, tum triangulorum similium, quibus Ungulæ solidæ secantur, cum circulis rotundorum solidorum, tum laterum Ungularum superficialium, cum peripheriis circularibus rotundarum superficierum homologarum.

TAB.  
XIV.  
Fig. 8.

12. Quamquam in nostro proposito Logistica, utique tota curva centro gravitatis carere censenda est, adeòque ad inveniendâ utriusque superficiei curvæ, ambarum ejus Conoideon, centra gravitatis, observatio nostra in hoc, & similibus casibus inutilis manet; Ratio est, quia si quod haberet gravitatis centrum curva Logistica BNM, illud certè in axe non foret, eò quòd curva suam convexitatem illi obvertat; sed neque in ulla ab axe distantia; quantilla enim hæc foret, circumferentia à tali centro descripta, in conversione curvæ circa axem, determinatæ alicuius longitudinis esset, & rectangulum ex ipsa in curvam infinitam Logisticæ, adeòque & superficies curva, in rotatione circa axem descripta, immensæ magnitudinis foret; cùm tamen finitam esse sic demonstretur. Ad quamlibet ordinatam DN, aut illi parallelam FAB, applicentur ipsæ tangentæ NC, MG; itaut, ductis axi parallelis NAO, MHO, secetur AO æqualis tangenti NC, & HO, æqualis tangenti MG; atque ita semper, quousque compleatur figura AOOLF. Dico (non in Logistica modò, sed in quavis curva, facta simili constructione) spatium hujus figuræ esse ad curvam superficiem, ex rotatione curvæ MN circa axem DE, ut radius ad circumferentiam alicujus circuli; id quod valet etiam de partibus proportionalibus, putà superficiei OAHO, comparata ad portionem curvæ superficiei à curva MN, parallelis MHO, NAO intercepta, progenitam; sumptâ siquidem quantumlibet parvâ tangentis particulâ Nn, aut Mn, ac ductâ parallelâ ns; cùm sit tota NC, idest



idest OA, ad Nr, ut DN, vel FA, ad As (eodemque modo GM, seu OH ad Mr, ut EM, vel FH, ad Hs) erit rectangulum OAs æquale rectangulo ex DN in Nr, & OHs æquale rectangulo ex EM in Mr; atque ita semper; itaque Ungula superficialis ex cylindrico ipsi curvæ NM insistente, resecta plano per axem transeunte, & per 45. gradus ad planum basis inclinato (in qua consequenter erectæ forent ad singula curvæ puncta rectæ lineæ ipsis ordinatis æquales) erit æqualis spatio congruenti, à curva OOL terminato, quippe tam benè coincident rectangula DNr, EMr cum portionibus talis superficiei, ob tangentes infinitè parvas cum curva coincidentes, quàm coincident rectangula OAs, OHs, cum spatio ipso à curva OO terminato, ob infinitè parvam singulorum rectangulorum latitudinem; prædicta verò Ungula est ad curvam superficiem, à curva circa axem rotata genitam, ut radius ad circumferentiam circuli, quippe in Ungula ordinantur ipsæ DN, EM, punctis curvæ insistentes, in superficie verò rotunda ordinantur earundem peripheriæ; itaque spatium sic determinatum à curva OOL erit ad rotundam superficiem solidi ex curva circa axem rotata, ut radius alicujus circuli ad ejus circumferentiam, & quoties spatium AOOLF finitum erit, etiam illa rotunda superficies pariter determinatæ magnitudinis esse convincetur; est autem illud spatium finitum, quoties AO, HO, idest ipsæ tangentes NC, MG, in immensum non excrescunt, uti accidit in nostro casu, in quo semper fiunt minores, utpote æquales potentia eidem quadrato subtangentis, simul cum quadrato ordinatæ minoris, ac minoris in infinitum; quò constat spatium AOOLF, cujus longitudo determinata AF, latitudines autem ubique AO, HO, & cæteræ, nedum non infinitæ, sed semper minores, usque ad ultimam FL soli subtangenti æqualem, infinitum esse non posse, im-



mò esse minus rectangulo FAO illud circumscribente.

13. Manifestum est porro, curvam OOL in hoc casu esse hyperbolam æquilateram, axe recto FA, semi-transverso FL, subtangentis longitudinem æquante, descriptam, quippe ultima tangentium, evanescente ordinatæ quadrato, erit potentiâ, adeòque & longitudine, æqualis soli subtangenti; intellecta igitur FD eidem æquali, ut integer axis transversus sit DL, atque ordinatis OP, OP; quoniam differentia quadrati tangentium, sive ejus æqualium HO, vel AO, idest FP, FP, à quadrato subtangentis FL, est quadratum ordinatæ EM, aut DN, sive ipsarum OP; erit semper rectangulum DPL æquale quadrato PO, adeòque hyperbola LOO æquilatera.

14. Est autem hyperbolicum spatium AOOLF æquale rectangulo ex subtangente Logistica in parabolicam curvam illam, quæ Logisticam perpendiculariter secat, juxta determinationem *cap. 5. num. 14.* propositam, quæque eandem, seu æqualem suscipit ordinatam, aut eidem axi parallelis interiicitur; sit enim ejusmodi parabola FtT, cujus semiparameter æqualis subtangenti Logisticæ, videlicet FL, tangenti in puncto t, seu ipsi curvæ perpendicularis tX, abscindens ex axe infra ordinatam ty ipsam yX æqualem semiparametro; seu ipsi FL (juxta ibidem dicta); itaque Xt, æquabitur HO, & ducta quavis axi parallela, erit Xt ad Xy, seu OH ad LF, ut quævis tangentis portio, lineis infinitè proximis Ht, sq. intercepta, ad ordinatæ yt portionem, iisdem lineis interpositam; rectangulum itaque ex hac ordinatæ portione in HO semper æquale erit rectangulo ex constante linea FL in illam tangentis portionem, omniaque rectangula spatio hyperbolico adscripta æquabuntur rectangulo ex FL in curvam parabolicam FtT, ac partes partibus correspondentibus; itaque rectangulum sub circumferentia, radio PL, seu



feu subtangentis Logisticae descripta, in curvam parabolicam  $F\&T$ , æquale erit curvæ superficiei rotundi solidi ex Logistica  $NM$  circa axem voluta progeniti; partes etiam correspondentibus partibus æquabuntur, & talis curvæ superficiei portiones, planis quibuscumque  $DN$ ,  $EM$  interceptæ, erunt ut partes parabolicæ curvæ  $F\&T$ , inter axi parallelas ab iisdem curvæ punctis ductas conclusæ.

15. Affine huic est, quod in solido ex Tractoria circa axem revoluta nuper detexi, nempe applicatis tangentibus ad singula ordinatæ puncta, quæ, utpote æquales, conflabunt superficiem parallelogrammam  $AOPF$ , tangentis longitudine, & ordinatâ contentam, erit infiniti illius solidi superficies æqualis superficiei cylindricæ ex  $F\&AOP$  circa axem revoluta, quippe quæ pariter ad parallelogrammum  $OF$  sit, ut circumferentia ad radium; quapropter etiam curva Tractoria gravitatis centro carere dicenda erit, sicut Logistica, & aliæ quævis interminatæ lineæ, finitam superficiem sui rotatione describentes.

## CAPUT XIII.

*Theorema Decimumquintum in quinque partes divisum aliàs demonstratum. Figurarum ad eundem axem compositarum, si portiones unius proportionentur ordinatis alterius, quomodo tangentes determinandæ. Alià demonstratio primæ, & tertiæ partis hujus Theoremat. Hyperbolicum spatium æquale rectangulo ordinatæ in alteram Logisticæ subtangentem. Tangens Expansæ Ungulæ cylindricæ determinata. Generalis constructio tangentium pro omnibus unguis etiam ex cylindro non circulari abscissis. Solidi ex Logistica infinitè longi superficiem finitam esse rursus demonstratur. Hyperbola Ungulæ Logisticæ correlata; ut parallelæ.*



rallelogrammum Logistico trilineo circumscriptum ad ipsum trilineum, ita cylindricus Logisticus ad truncum suum, ita & Hyperbolicus cylindrus ad truncum suum. Rotundum solidum ex Hyperbola ad rotundum ex Logistica, ut inscriptum Hyperbolæ parallelogrammum ad Logisticæ subtangentis quadratum. Ceteræ Theorematis partes ex longioribus Logarithmorum tabulis determinandæ. Auctoris verba circa hyperbolæ quadraturam ex Tractatu de evolutione curvarum adducta. Hyperbolæ quadratura per Tractatorem.

TAB.  
XIII.  
Fig. 6.

1. **U**Ltimum Hugonii Theorema quinque partes complectitur, quas demonstraturus, & simul referam, & suis asteriscis, ordinis, & claritatis servandæ gratia, distinguam: ait igitur: \*1. Notum jam est, hanc Logisticam lineam tetragonismo hyperbolæ deservire, post demonstrationes P. Gregorii à S. Vincentio circa hyperbolica spatia, duabus ad alteram asymptoton ordinatis interjecta. \*2. Quidque si duo fuerint huiusmodi spatia, in quibus ordinatæ unius sint, ut AD ad HG & ordinatæ alterius, ut BF, ad CE, hæc spatia erunt inter se, ut lineæ DG, & FE. \*3. Nondum autem, quod sciam, notatum fuit, hæc ipsa spatia hyperbolica esse ad parallelogrammum Hyperbolæ (sic voco parallelogrammum, cuius latera sint duæ ad utramque asymptoton ordinatæ ex eodem puncto sectionis ductæ) ut unaquæque linearum DG, FE ad subtangentem FO. \*4. Adeo ut, si parallelogrammum Hyperbolæ supponatur partium 0,4342944819, quodlibet hyperbolicum spatium, duabus ad alteram asymptoton ordinatis interjectum, erit ad hoc parallelogrammum, ut Logarithmus proportionis earundem ordinarum, videlicet, ut differentia Logarithmorum numerorum, exprimentium proportionem ordinarum, ad numerum 0,4342944819; acceptis scilicet Logarithmis decem notarum ultra characteristicam.



cam. \*5. Hinc porro facile est veritatem ostendere Tetragonismi Hyperbolæ, abs me propositi in Tractatu de Evolutione linearum curvarum, quem Horologio meo oscillatorio inserui.

2. Primam, & secundam partem jam, cap. 6. num. 2.

3. & 4, abundè ostendimus; tertiam quoque partem, adeoque & reliquas ex his consequentes, ibidem num.

6. & 7., in aperto posuimus, ut nihil opus sit superaddere: plenioris tamen scientiæ, atque Lectorum utili-

tatis gratiâ, rursus eadem demonstrare aggrediar, generali hoc Lemmate præmissa, quod & in præceden-

tibus quadantenus attigimus: nimirum. Si duo spatia quælibet AQRB, SRB ad eundem axem BR com-

parata fuerint, itaut semper unius portiones, à termino QR computatæ, proportionales sint ordinatis alterius,

putà FNQR ad OTRQ, ut FS ad TP; manifestum est, quòd constans quædam linea K se habebit ut

parameter comparisonis, (eo modo, quo capite 4. num.

2. parametrum Logisticiæ exposuimus) itaut, si K in FS adæquet spatium FNQR, etiam K in TP adæquet

spatium TOQR; fiat ergo, ut K ad FN, ita FD ad FS, (seu ponatur NFD rectangulum æquale spatio

NFRQ) dico junctam DS tangere curvam RPS in S. Patet id, tum ex cap. 6. num. 8., ubi generaliter mon-

nuimus, in curvis præmissæ conditionis, esse GM ad SF, idest, ob triangula similia, FB ad FD, aut re-

ctangulum alteri figuræ adscriptum BFN ad NFD, ut idem rectangulum ad spatium NFRQ, quod propterea

æquabitur ipsi NFD rectangulo, eritque, ut K ad FN, ita FD ad FS, quippe cum tam extremorum, quàm

mediorum rectangula eidem NFQR spatio sint æqualia; tum etiam constat ex dictis capite 5. num. 6. & 7.,

ubi ex motuum compositione hanc ipsam tangentium constructionem, datâ præscriptâ figurarum conditione

demonstravimus, tum denique hoc argumento; ordi-

nentur

TAB.  
XIII.  
Fig. 7.



mentur hinc inde OTV, *otu* secantes curvam in P, *p*,  
 rectam verò DS in V, *u*; quoniam ex constructione est  
 spatium NFRQ æquale rectangulo NFD; est verò  
 NF*t* minus spatio NF*to*, & NFT majus spatio NFTO  
 in figura dextra, ubi curvæ RS convexum axem respi-  
 cit, & è contrā in figura sinistra majus NF*t*, quàm  
 NF*to*, minus NFT quàm NFTO, ubi curvæ RS  
 concavum axi obversum est, erit residuum ex NF in  
 TD, aut aggregatum ex NF in *t*D, minus spatio  
*ot*RQ, majus spatio OTRQ in prima figura, & è  
 contra majus spatio *ot*RQ, minus OTRQ in secunda,  
 seu respectivè minus, & majus, majus, & minus rectan-  
 gulo ex K in ordinatam *tp*, TP, quippe quòd juxta  
 constructionem tali spatio æquatur; habebit ergo NF  
 ad K, idest SF ad FD, aut *ut* ad *t*D, VT ad TD,  
 minorem, & respectivè majorem in prima figura, seu  
 majorem, & respectivè minorem rationem in secunda,  
 quàm habeat *tp* ad eandem *t*D, seu TP ad eandem  
 TD; ideòque *tp*, & TP in prima figura majores e-  
 runt, quàm *ut*, & VT, minores autem iisdem respec-  
 tivè sumptis in secunda Lectoris dexteram respiciente;  
 & ideo puncta curvæ P, *p*, erunt utrobique extra re-  
 ctam DS; quæ propterea tangens erit. Quod fuerat  
 demonstrandum.

\* Animadvertendum in figura sinistra hujus Schematis,  
 in quo duæ figuræ AOQR sunt decrescientes ad partes  
 AB, tertiam iisdem litteris notatam decrescientem ad  
 partes oppositas RQ (quòd attinet ad hoc propositum) su-  
 perfluere, neque ad hoc notatam esse, ut huic constructioni  
 inserviat, quum evidens sit, numquam contingere posse,  
 ut, cavitare curvæ RSG ad axem RB conversa, figura  
 superior QRBA ad partes RQ deficiat; esset enim re-  
 ctangulum NFD, non æquale, sed majus spatio NFRQ.

3. Cum igitur, ex dictis cap. 6. num. 4., lineæ in Lo-  
 gistica QRS axi BV parallelæ, veluti FS, PR, sint  
 ad



ad invicem, ut spatia hyperbolica NORQF, ORQP (existentibus ABQ asymptotis, ordinatisque FN, PO, QR alteri asymptotorum parallelis) patet spatium hyperbolicum ORQP æquari rectangulo OPD, ex ordinata OP in alteram Logisticae subtangentem PD; unde constat, quomodo Logistica Hyperbolæ quadraturæ conducatur, uti in prima hujus Theorematis parte assertebatur; secundam partem citra petitionem principii probare hinc nequeo, sed satis evidenter præostensam habes loco citato. Tertiæ partis demonstratio sic erit instituenda. Rectangulum OPD æquale est, ex dictis, spatio hyperbolico ORQP; habebit ergo parallelogrammum hyperbolæ inscriptum KOPB ad spatium OPQR eandem rationem, quam idem habet ad rectangulum OPD; idest, quam basis BP, seu TR ad PD; aut, ob triangulorum similitudinem, quam subtangens Logisticae GT ad axi parallelam RP. Quod erat demonstrandum.

4. Obiter notare potes in demonstratione (num. 2.) allata, quot curvarum tangentes geometricè determinari queant, præscriptam nimirum conditionem suscipientes. In Expansa Sphærica superficie, sive Ungula quavis cylindrica in planum extensa (qualem in Demonstrationibus Vivianeorum Problematum consideravimus) specimen hîc dumtaxat daturi sumus. Estojusmodi superficies Ungularis Expansa BQSC; cui inversè ad eundem axem altera similis, & æqualis, sive eademmet replicata, ANBQ applicata esse intelligatur. Constat, ex Propositione quinta Demonstrat. Vivian. Probl., fore totam superficiem BAQ ad partem ANFQ resectam quavis ordinata NF, secante alteram curvam in S, ut ordinata BC ad FS, quia ordinata FN tantumdem distat à basi AQ in figura ABQ, quantum FS à vertice Q figuræ QBC; itaque, si fiat rectangulum NFD æquale spatio ANFQ, juncta DS

Nn

erit

TAB.  
XIII.  
Fig. 8.



erit tangens, juxta ea, quæ (*numer. 2.*) generaliter demonstravimus. Et si supponatur QBC esse Ungula plano semiquadrantaliter inclinato abscissa, seu eadem, ac figura sinuum inscripti quadrantis BCI, quem axi parallela SL secet in G, tangat verò in eodem puncto GK, erit tum FD æqualis KG; demisso enim sinu GE, ac juncto radio GB, quemadmodum SF æquatur sinui GE, erit FN æqualis sinui GL, seu EB; est autem superficies ANFQ æqualis radio BC, vel BG in ipsam EG, vel BL; (utì constat ex eadem Propositione quinta, vel ex decimaquinta particulatim acceptis) itaque rectangulum NFD æquatur ipsi BGE; porro hoc æquale est EB in KG, propter GB ad EB, ut KG ad GE; itaque NFD æquatur EB in KG, suntque NF, EB æquales; ergo & FD æqualis erit tangenti GK; eidemque quantitati æqualis erit, (idest semper erit DF ad FQ, ut tangens ad arcum lineæ QF congruentem antequàm in planum evolveretur, utì est hic arcus GI) etiam si Ungula semiquadrantaliter non sit; curvarum enim eundem axem, & ordinatas proportionales habentium eadem est, respectu ejusdem à vertice altitudinis, constans subtangens FD.

5. Quinimo & si Ungula non ex circulari cylindro, sed ex parabolico, hyperbolico, aut alterius generis curvæ insistente resecta foret, eademque posterior constructio locum obtineret, quippe & in illis hoc semper evenit, ut (si fuerint semiquadrantales, idest inclinatione semirectâ abscissæ) inscriptâ figurâ genitrice (quæ cylindri basis erat) BCGI, ductâque axi parallelâ quolibet SGL, erit SL æqualis arcui curvæ GC; nam & tota BQ æqualis est curvæ IGC, circa quam in cylindro convolvebatur; & portio QF æqualis portioni IG, utpote suscipiens ordinatam FS æqualem sinui GE, cui æqualis erigebatur in superficie cylindrica ad punctum Gnondum expansâ, adeoque & reliqua FB, seu SL æqua-



æqualis reliquæ portioni GC. His itaque existentibus, ductæque ad punctum G tangente genitricis curvæ GK, atque huic positâ æquali FD, oportet, junctam DS tangere curvam Ungulæ sic expansæ; etenim hinc inde ductis parallelis VPH<sup>m</sup>RT axi propiori, *bu* *p* *m* *r* *t* remotiori, secantibus lineas, ut in figura videre est; cum sit DF ad HV, vel *bu*, ut FS ad SH, seu *Sh*, vel KG ad tangentem G<sup>m</sup>, positâ jam DF æquali KG, erit prædicta G<sup>m</sup> æqualis HV, seu *bu*; verum propter SL, seu HT, vel *ht* æqualem curvæ GC, & PT, vel *pt* æqualem RC, seu *rC*, erit HP, vel *hp* æqualis curvæ GR, vel *Gr*: estque RG minor, sicut è contra *rG* major tangente *mG*; itaque HV major est quàm HP, minor verò *bu*, quàm *hp*; & utrobique puncta V, *u* rectæ DS ultra curvam QPS<sup>p</sup>C: tangit ergo, uti propositum fuerat; eademque FD subtangens erit omnium aliarum Ungularum etiam non semiquadrantalium, propter ordinatas ad eadem axis puncta F semper proportionales.

6. Quanta hinc, Deus bone, Veritatum seges enascitur! At mihi non in hoc campo feritur, metiturve, antequàm aliàs promissum Sphærocylicarum Sectionum tractatum invulgem; Unum hoc non dissimulabo ad Logisticam pertinens, quo simul usum doctrinæ quadantenus insinuabo: nimirum, superficiem ex Logistica circa axem revoluta finitam esse, uti supra (*capite præcedenti*, num. 12. & 13.) jam monuimus, ex quò Ungula semiquadrantalís ex cylindrico super Logisticæ curva erecto æqualis foret spatio hyperbolico ibidem designato, hinc etiam sponte profluere. Esto enim talis Ungula cylindrica in planum extensa FBSS, cum inscripta sibi Logistica genitrice FBNM; ductâ igitur axi parallelâ ANS, erit ubique AS æqualis curvæ BN, & tangens Ungulæ ad punctum S erit SD, itaut DT subtangens æqualis sit tangenti NC Logisticæ ad punctum N; æqualis est ergo potentia DS, tum tangenti

Nn 2

CN,

TAB.  
XV.  
Fig. 2.









CN, (idest ordinatæ AO in spatio hyperbolico, quod loco citato determinavimus) tum ipsi TS, seu FA; itaque juncta FO erit æqualis ipsi DS, sed & inter easdem parallelas consistunt; æquidistat igitur FO tangenti DS; & hoc semper; figura igitur FLOO est correlata Ungulæ FBSS; illique propterea est æqualis integrè, & particulatim, juxta doctrinam *cap. 8. num. 3.* Immo & hoc ipso ratiocinio generalius concepto, posset è contra eadem de Ungularum tangentibus determinatio in omnibus demonstrari. Hinc enim habetur, figuram, ex tangentibus CN ad FB applicatis, esse Correlatam Ungulæ FBSS, (quæcumque fuerit curva BNM) atque adeò tangentes Ungulæ esse parallelas ramis figuræ ex ipsis CN, cui integrè, & particulatim correspondet, ex dictis *cap. præced. num. 12.*, illationem firman-  
tibus iis, quæ *cap. 8.* circa finem *num. 5.* monuimus.

TAB.  
XIV.  
Fig. 1.


7. Jam & illud observandum volo, quòd ex secunda hujus Hugeniæ Theorematis parte manifestò liquet, solidum hyperbolicum ex spatio OPQR circa OP rotato, esse ad solidum ex spatio Logisticæ correspondente TRQB circa BQ in eadem semper ratione, in ea videlicet, in qua parallelogrammum Hyperbolæ inscriptum KOBP ad quadratum subtangentis Logisticæ TG; quoniam enim spatia hyperbolica lineis OP abscissa à termino QR proportionalia sunt axi parallelis PR in trilineo Logisticæ RQP, si cylindricus excutetur super spatio OPQR, idemque secetur plano per OP transeunte, ad basim semiquadrantaliter inclinato, erit cylindricus ejusmodi ad truncum inferiorem, plano secante, & basi interceptum, ut parallelogrammum RPQ ad trilineum QPR, (id quippe convincit demonstratio, quâ in Vivianeis usus sum ad Proposit. septimam, *pag. 52.* propositam, ubi ostendi, cylindrum ex ductu quadrati *ac*, in figura loco citato adhibita, in Expansam superf. sphericæ IZAC, esse ad truncum  
CX



Theor. Hugen.









ex triangulo  $IGI$  in eandem, ut quadratum, seu parallelogrammum *cali*, Expansæ inverse positæ *ida* circumscriptum, ad talem Expansam; quippe id ex hac sola affectione pendeat, quod esset semper  $AZIC$  ad partem  $FZAC$ , ut linea  $ac$ , seu  $RP$  ad  $Pd$ , prout in aliis bene multis figuris, ac præcipue in casu nostro verificatur) similiter in eadem ratione rectanguli  $RPQ$  ad trilineum  $QRP$ , erit etiam cylindricus super basi  $QBTR$  erectus, ad truncum inferiorem, interceptum eadem basi, ac plano similiter per  $BQ$  inclinato, eò quod partes etiam spatii Logistici  $QBTR$  per ordinatas à termino  $TR$  abscissæ, proportionentur lineis in eodem trilineo  $QRP$  basi  $PQ$  parallelis, uti ex primo Hugonii Theoremate, ac dividendo, constat; sunt enim tales parallelæ differentiæ ordinatarum ad cavam Logisticam, veluti spatia sic intercepta differentiæ spatorum iis ordinatis proportionalium; est igitur cylindricus super  $OPQR$ , cuius altitudo  $PQ$  (ob semiquadrantalem inclinationem plani secantis), ad suum truncum inferiorem, ut cylindricus super  $BTRQ$ , altitudine  $BT$ , ad similem sui truncum, & sumptis consequentium æquè proportionalibus, (est enim quivis truncus ad rotundum solidum ex basi circa eandem lineam, quæ est basis, & plani secantis communis sectio, rotata, ut radius ad circumferentiam, ut *cap. 10.* circa medium *num. 1.*, ostendimus) erit cylindricus hyperbolicus ad rotundum ex  $OPQR$  circa  $OP$ , ut cylindricus Logisticus ad rotundum ex sua basi circa  $BQ$ ; ac permutando, ut ille cylindricus ad istum, ita illud rotundum solidum ad hoc, quod ultimo expressimus. Verum illi cylindrici in composita sunt ratione altitudinum  $PQ$  ad  $BT$ , seu, sumptâ communi latitudine  $TG$ ,  $PQ$  in  $TG$  ad  $GTB$ , & basium, scilicet spatii hyperbolici, quod æquatur (ex dictis suprâ *num. 3.*) rectangulo  $OPD$ , ad spatium Logisticum, quod æquale est (ex



sæpe dictis) rectangulo PQ in TG; itaque & rotunda solida supra descripta, Hyperbolicum ad Logisticum, in composita erunt ratione, rectanguli OPD ad PQ in TG, & hujus ad GTB, idest, ut OPD ad GTB; quæ denique cum componatur ex PD ad BT, seu PR, vel dicas ex TR, seu BP ad TG, & ex OP ad eandem TG, dabit rationem rectanguli hyperbolæ inscripti OPBK ad quadratum subtangentis Logisticae TG. Quod erat demonstrandum.

8. Quarta pars demonstratione non indiget, sed prolixiorum, quam apud nos sint, tabularum Logarithmicarum calculo, quippe assignato longitudini subtangentis Logisticae numero, per quem Hugenius hyperbolæ parallelogrammum designat, tunc distantia duarum ordinatarum Logisticae exhibebit Logarithmum rationis earundem ordinatarum, (juxta naturam hujus curvæ *cap. 1. num. 3.* indicatam) seu differentiam Logarithmorum respondentium numeris, inter quos est ordinatarum Logisticae, ac consequenter & ordinatarum Hyperbolæ, ratio; unde cum sit subtangens ad intervallum ordinatarum Logisticae, ut parallelogrammum Hyperbolæ ad congruum spatium hyperbolicum; ideo per Logarithmicas tabulas faciliè erit hinc æstimare, & calculo eruere numerum correspondentem cuilibet dato hyperbolico spatio, datâ ejus extremarum ordinatarum ratione.

6. Quinta similiter Theorematis pars, pertinens ad Tetragonismum Hyperbolæ à Clarissimo Auctore in Tractatu de Evolutione curvarum exhibitum, vel de modo quadrandi Hyperbolam per rectificationem curvæ parabolicæ intelligenda est, vel per Logarithmos; utrumque enim in præfato libello insinuatam video; si primum, jam, ex *cap. præcedenti num. 14.*, habes hyperbolicum spatium æquale esse rectangulo ex Logistica subtangente, seu generalius, ex semitransverso latere Hyperbolæ in curvam parabolicam, dupla parametro descri-



descriptam, iisdemque axi parallelis terminatam. At si (quòd aptius judicari) de altero modo per Logarithmos accipienda sit, quemadmodum & præcedens pars, solo calculo indiget, ac ingentium Logarithmorum tabulis, quæ etsi mihi in promptu essent, vereor, ut otii, & patientiæ satis habiturus sim, ut ejusmodi calculum expenderem, quem idcirco laborem his, qui se ejusmodi studiis exercere voluerint, integrè, & ultro relinquam, siquidem tempus admonet, ut receptui canam, ac Philosophiæ me restituam; ipsum tamen locum ab Hugenio hîc citatum, ex ejus Tractatu de Linearum Evolutione pag. 106., Jacobi Panzanini Viri Cl. aliàs abs me infra meritum laudati operâ descriptum (quippe exemplari carebam) hîc subungere non gravabor, ne quid Lectoribus desit ad hanc Logisticæ proprietatem ab Hugenio propositarum demonstrationem illustrandam. Inquit igitur Hugenius:

10. Quæcumque verò Problemata ad alterum è duobus hisce reducuntur, *quantilibet verò proximam solutionem per numeros accipiunt*, Logarithmorum admirabili invento. Cùm per hos hyperbolæ quadratura, ut olim invenimus, numeris quàm proximè explicetur; est autem regula hujusmodi.

Sit  $DAB$  portio hyperbolæ, *cujus asymptoti*  $CS$ ,  $CV$ , ductis  $DE$ ,  $BV$  parallelis asymptoto  $SC$ .

Accipiat differentia Logarithmorum, qui conveniunt numeris, eandem inter serationem habentibus, quam rectæ  $DE$ ,  $BV$ , ejusque differentiæ quærat Logarithmus, cui addatur Logarithmus hic (qui semper est idem) 0,36221,56887. Summa erit Logarithmus numeri, qui spatium  $DEVBAD$  designabit, tribus rectis, & curvâ  $DAB$  comprehensi, in partibus, qualium parallelogrammum  $DC$  est 100000,00000. Unde porro facîle quoque habebitur area portionis  $DAB$ .

Sit exempli gratia proportio  $DE$  ad  $BV$  ea, quæ 36 ad 5.

Ab

TAB.  
XIV.  
Fig. 2.



*Ab* 1,55630,25008, Logarithmo 36.  
*Auferatur* 0,69897,00043, Logarithmus 5.

*Erit* 0,85733,24965, Differentia Logarithmorum.

*Et* 9,93314,92856, Logarithmus differentiae.

*Cui addatur* 0,36221,56887, Logarithmus semper addendus.

*Fit* 10,29536,49743, Logarithmus spatii DEVBAD

Habebit hujus Logarithmi numerus 11 characteres, quum characteristica sit 10. quæratum itaque primò numerus proximè minor, conveniens invento Logarithmo, qui numerus est 19740. Deinde ex differentia Logarithmi ejusdem, & proximè eum in Tabula sequentis, reliqui characteres eliciantur 81026, scribendi post priores, ut fiat 197408, 10260, addito ad finem zero, ut efficiatur numerus characterum 11; est ergo area spatii DEVBAD proximè partium 197408, 10260, qualium partium parallelogrammum DC est 100000, 00000.

TAB.  
XIV.  
Fig. 8.

Hæc Clarissimus Hugenius, cujus inventis circa Hyperbolæ quadraturam, nescio an opportunum fuerit è meditationibus nostris aliquam ad idem propositum subnectere. Ea est, quòd, si intelligatur curva BN Messe Tractoria, cujus prima ordinata FB, axis FG, sitque B vertex, F centrum hyperbolæ æquilateræ, cujus semitransversus axis FB: ducta ex quovis puncto H axi Tractoriæ parallela HM, erit triangulum, basi FB, altitudine HM, æquale hyperbolico trilineo, axis portione HB, tangente Hyperbolam ex puncto H, & curvâ interceptâ Hyperbolæ comprehenso, uti ex nostra doctrina de Figuris Correlatis deduci potest. Atque hic esto nostræ

HUGENIANORUM THEOREMATUM CIRCA LOGISTICAM  
 DEMONSTRATIONIS  
 F I N I S.

L E-



# LECTORI

S.

**V**isum fuit Appendicis loco hîc subnectere Epistolam Geometricam, dudum scriptam ad Virum Clariss. Thomam Cevam, & Poeticis, & Geometricis Opusculis Celeberrimum, tum quia simili, & uniformi cum præcedentibus stylo procedit, tum quia pluribus in locis doctrinas à nobis superius traditas illustrat, & variis exemplis applicat, tum quia num. 19. non contemnendam animadversionem continet ad hujus Tractatus argumentum spectantem, de Logistica scilicet ex quodam cylindro resecta; quam æquum fuerat his Hugenianis circa Logisticam meditationibus subnectere. Vale.

Oo





# LECTORI

Vltimo sunt apponendis locis hic subnectere Episto-  
lam Geometricam, dudum scriptam ad I-  
uan Clavium. Thomam Leuam, & Petrum, &  
Geometricis Opusculis Celeberrimum, tum quia  
fuit, & multumque praecedentibus suis pro-  
cedit, tum quia pluribus in locis doctrinae &  
nobis superius tradita illustrat, & variis ex-  
emplis applicat, tum quia nunc, & non con-  
tinuanda tractationem continet ad huius  
Tractatus argumentum spectantem, de Logistica  
scilicet ex quodam cylindro resecta; quoniam &  
quoniam sunt de Hugeniano circa Logisticam  
meditationibus subnectere. Vale.





## EPISTOLA

## GEOMETRICA

AD VIRUM CLARISSIMUM

THOMAM CEVAM

SOCIETATIS JESU.

*Nostra Doctrina de Conicæ superficiei dimensione per P. Cevam ex Pappo confirmata. Spiralium diversi generis origo. Quælibet Conica superficies quomodo in planum explicanda. & quævis plana figura quomodo Cono advolvenda. Quarumvis linearum in Coni superficie descriptarum Ichnographias determinare, & datis Ichnographiis, lineas in Coni superficie ins respondentes reperire. Curvarum transformatio, ad illas comparandas utilis. Ichnographiarum omnium, linearumque ex Coni superficie in planum explicatarum tangentes duplici methodo inventæ. Nova ejusdem supradictæ nostræ doctrinæ confirmatio. Ad Cono-cylindricæ Spiralis extensionem in planum, ostenditur Spiralis Archimedeæ, & Apollonianæ Parabolæ æqualitas. Quorumdam lapsus notati. Infinitarum Pa-*



*rabolarum, & Spiralium comparatio. Novus Cycloidem rectificandi modus. Transversa cylindri Cycloidalis sectio Parabolæ æqualis, Ungula quoque nil nisi Parabola complicata esse dignoscitur. Rotunda superficies ex Cycloide circa basim, dupla ejus, quæ ab ipsa circa tangentem verticis rotata producitur. Cono-cylindrum invenire, cujus transversa Sectio propositæ cuilibet curvæ sit æqualis, & Ungula in quamlibet figuram datam explicetur. Ex cylindro Tractoriæ secanda est Logistica. Curva Cono-cylindrica Spiralis cuidam Parabolæ, longitudine, non positione, æqualis est. Dimensio superficiei cylindricæ, utrique spirali, & axi Coni interjectæ. Si Spiralis fuerit Geometrica, explicatâ illâ cylindrico-spirali superficie, in rectam expandetur.*





PRÆSTANTISSIMO GEOMETRÆ,  
AC VATI ELEGANTISSIMO

P. THOMÆ CEVÆ

E SOCIETATE JESU

D. Guido Grandus Monachus Camald. S. P.

EX quo me litteris tuis decorare cæpisti, Vir in paucis Carissime, nullas, aut mihi magis jucundas, aut Geometricâ eruditione magis refertas accepi, iis ipsis, quas XVI. Kal. Julii ad me destinasti. In his, pari humanitate, ac ingenio, doctrinam secundæ Propositionis Appendicis meæ ad Vivianeorum Problematum Demonstrationem illustrare aggredieris, & minimè contemnenda animadversione confirmare, ostendens ipsam cum Pappo Alexandrino consentire, & ad novas rursus speculationes viam sternere posse. Sic enim habes, totidem penè verbis tuis latinè redditus.

I. *Esto Conus rectus DBC, cujus triangulum per axem sit DBC, basis verò circulus BMC: intelligatur latus DB, puncto D fixo manente, altero extremo B per circumferentiam præfatæ basis BMC æquabiliter circumferri, eodemque tempore punctum B, æquabili pariter velocitate, ex B per lineam BD ascendere, describens in Coni superficie Spiralem BSD; aded ut eodem momento, & latus BD se in situ BD restituat, & punctum B ascensus sui terminum D attingat, ubi & Spiralis BSD terminus erit. Manifestum est, Coni superficiem, si evolvatur, & explicetur, in circuli se-*

TAB.  
XV.  
Fig. 4.



TAB.  
XV.  
Fig. 5.

Etorem abituram, qualis est  $RGZ$ , cujus semidiameter  $RG$  lateri  $DB$  æqualis erit, & arcus  $GZ$  circumferentiam  $BMCB$  adæquabit. Notum pariter est, Spiralem Conicam  $BSHD$  in planum extensam, Spiralis Archimedee portionem  $GVR$  evasuram. Consideretur jam Spiralis Conica  $BSHD$ , in qua sumpto quolibet puncto  $S$ , demittatur ad basim perpendicularis  $SO$ : idem ex omnibus ejus punctis factum intelligatur; manifestum erit Ichnographiam prædictæ lineæ fore integram Spiralem Archimedeam, ut liquet in triangulo  $DAC$ , in quo  $CD$  ad  $DS$  in eadem ratione est, in qua semidiameter  $CA$  ad  $AO$ ; idemque in quovis alio per axem triangulo dicendum erit, quare incrementa, & decrementa ipsius  $AO$  erunt in ratione temporum, &c.

2. Hoc posito, (per Coroll. 2. Appendic. tuæ Vivian. Probl.) erit, ut  $DB$  ad semidiameterum  $BA$ , idest, ut tota superficies Conica  $BCD$ , vel extensa  $RGZ$ , ad circulum  $BMC$ , ita spatium superficiei Conicæ  $BSHDB$ , idest Spirale segmentum  $GVR$ , ad spatium, integræ Archimedis Spirali contentum,  $BOAB$ , & permutando, erit sector  $RGZ$  ad segmentum  $GVR$ , ut circulus  $BMC$  ad integrum Spirale spatium  $BOAB$ ; proptereaque sector  $RGZ$  triplus erit segmenti Spiralis  $GVR$ ; id quod verissimum est, per prop. 21. lib. 4. Pappi. Unde hæc Geometrica confirmatione doctrinæ tuæ novum robur accedit.

3. Ponamus jam, lineam  $GVR$  esse circuli semicircumferentiam, sectorem verò  $RGZ$  circularem quadrantem, qui duplus erit semicirculi  $RVG$ . Convolvatur prædictus sector, ita ut in superficiem Conicam abeat  $DBC$ , & peripheria  $BMCB$  æqualis sit arcui quadrantis  $GZ$ ; manifestum est, quòd semiperipheria  $GVR$  circa conum convolvetur, veluti  $BSHD$ , & in  $D$  terminabit; notum pariter est, Ichnographiam ejusdem lineæ fore Spiralem, ab Archimedea specie distinctam, quæ  
(ex



(ex Coroll. citat) spatium comprehendet, quod ad circum-  
lum sit, ut 1. ad 2. Quoniam verò loco semicirculi  $GV R$   
substitui potest qualibet portio, parabolica, hyperbolica,  
Ec. habebimus in earundem Ichnographiis infinitas Spi-  
rales lineas, genere longè diversas, Ec. Quæ quidem  
omnia tibi sat nota coniicio, ex ejusdem Propos. Co-  
roll. 6., nec difficilis tibi erit modus ejusmodi Ichnographias  
omnes determinandi, quarum tamen constructiones, si  
quæ ex omnibus magis simplices, & expeditæ videantur,  
ut & generalem methodum ad ipsarum tangentes ducen-  
das, si communicaveris, rem oppidò gratam, & acceptis-  
simam facturum te scias, Ec.

4. Quid igitur mihi, & olim hoc argumentum, &  
nunc maxime, tuis excitantibus litteris, rursus specu-  
lanti in mentem venerit, candidè aperiā; ut verò  
etiam geometricā suppellectile non ultra mediocritatem  
instructis, in quorum manus Epistola hæc mea incidere  
aliquando poterit, manifesta esse possint quæcumque  
hîc inferere placuerit, ea ipsa etiam demonstrabo, quæ  
apud te demonstratione non indigent, quale est illud,  
quod tanquam notissimum, & vulgò obviū videris  
ipse supponere (à quo & initium auspicabor) nempe  
quomodo Coni recti superficies intelligi possit in planum  
evolvi, & explicari, aut contra, plana qualibet superfi-  
cies in Coni cucullum detorqueri. TAB.  
XIV.  
Fig. 3. ESTO Coni recti su-  
perficie (integra, an dimidia, aut duobus per axem  
planis intercepta, perinde est)  $DGC$  in planum expli-  
canda. Centro  $D$ , intervallo  $DC$  lateris conī, descri-  
batur plani circuli portio  $DC H$ ; sitque, ut  $DC$  ad  
 $CA$  radium basis conī, ita reciprocè angulus  $GAC$   
inclinationis planorum, superficiem conicam, quæ ex-  
plicanda occurrit, intercipientium (vel ita 4. anguli  
recti in superficie integra, seu duo tantum in dimidia)  
ad angulum  $CDH$ : Dico sectorem  $CDH$  esse ipsam-  
met superficiem conicam  $DGC$  in planum evolutam;  
quia



quia enim arcus eidem angulo subtenfi sunt, ut radii, & qui ab eodem radio describuntur, sunt, ut anguli, ideo duorum quorumlibet arcuum proportio erit ex rationibus radiorum, & angulorum composita, quæ si reciprocae fuerint, ut in casu nostro, rationem dabunt æqualitatis; æqualis est igitur arcus CH ipsi CG; ductis verò ex eodem puncto S radii, seu lateris DC, arcu SI ipsi CH concentrico, & SF in conici superficie, ubi per planum basi parallelum FES secatur, constat, arcum GC ad FS in ea ratione esse, in qua radius AC ad ES (ob communem angulum inclinationis planorum, quibus uterque intercipitur) scilicet, ut CD ad DS, vel, ut arcus CH ad SI; sunt autem antecedentes, nempe arcus GC, CH æquales; ergo & consequentes FS, SI æquales erunt; atque ita semper: cum igitur omnes arcus sectoris CDH æquales sint omnibus, & singulis arcibus superficiei conicæ DCG, illos comparando, qui per idem lateris conici punctum transeunt, iisdem applicati omnino congruent; quare si sector complicari circa conum intelligatur, arcus CH congruet arcui CG; & puncto H in G posito, non poterit non congruere radius DH lateri æquali DG, unde punctum I superponetur ipsi F, & arcus SI congruet eidem SF sibi æquali, totusque sector toti superficiei conicæ respondebit, & circa ipsam convolvetur, sive in ipsam abibit; unde viceversa, conica superficies DGC evoluta, in eundem sectorem CDH explicabitur.

5. Quòd si linea, conicam superficiem terminans, fuerit, non alterum conici latus, sed curva quælibet GMD, non admodum diversa constructione intentum obtinebimus, quippe invento, ut prius, arcu sectoris CH æquali extremo arcui CG datæ superficiei conicæ, ad quodlibet lateris conici punctum S ducto arcu SM in plano basi parallelo, ponatur arcus SV ipsi CH concent-



centricus in eodem plano, æqualis autem arcui SM, facto scilicet angulo SDV in eadem ratione ad MES, in qua radius SE ad SD (quæ ratio eadem ubique est, nimirum radii basis AC ad latus conï DC) atque ita porro fiat, quousque compleatur figura DVH, quæ apta nata erit datæ conicæ superficiei DMG congruere, eodemque argumento probabitur esse ejusdem in planum evolutæ figura.

6. Hinc colligitur (descriptâ curvæ GMD Ichnographiâ GKA, extensoque latere DML, juncto radio AL, radio DVO, & arcu KN) fore semper angulum GAC ad CDH, ut MES, aut KAN ad SDV, & permutando, GAC ad KAN, seu LAC, ut CDH ad SDV, vel CDO, aut arcum GC ad CL, ut HC ad CO; unde evoluta conicæ superficiei sic etiam haberi posset, nimirum, invento prius sectore CDH, congruente conicæ superficiei CDG, tum arcubus GC, CH similiter divisus in L, & O, junctisque radiis AL, DO, ita hunc secando in V, ut ille ab Ichnographia secatur in K, quousque per puncta DVH transeat linea, determinans superficiem quæsitam DVHC, est quippe, ut LA ad AK, CA ad AN, seu CD ad DS, OD ad DV, existentibus arcubus HC, CO ipsis GC, CL proportionalibus, ut ostendimus ex puncto curvæ V per superiorem modum quæsito.

7. Unde è contrario data figura DVHC circa conum DCB complicanda, ut evadat DMGC, facilè habebimus ejus Ichnographiam, facto prius angulo GAC ad datum CDH sectoris, datæ figuræ adscripti, ut CD ad CA, sectisque similiter in L, & O arcubus GC, CH, nec non radio AL in K, ut OD dividitur à datæ figuræ perimetro in V: tunc enim punctum K erit in figuræ GKAC, Ichnographiam quæsitam determinantis, perimetro. Quæ autem de superficie conicâ GMDC, seu de ejus evolutâ CDVH, respectu Ichnographiæ

Pp

AKGC



AKGC dicta sunt, eadem, ut constat, valent de residuâ coni superficie GMD, ejusve evolutâ DVH, respectu ejus Ichnographiæ GKA, quas propterea ex præmissis modis alterutro faciliè determinabis, qualescumque fuerint curvæ propositæ; & si linea VH, vel  $\alpha$  H recta fuerit, constructionem habebis, ducendi in conicâ superficie lineam GM, seu  $Gm$ , omnium data puncta G, M (non in eodem latere, nec in plano basi parallelo posita) conjungentium *Brevissimam*, ejusque Ichnographiam describendi.

TAB.  
XV.  
Fig. 4. 5.

Quomodo utcumque satisfactum puto quæstioni, quam moves, determinandi scilicet Ichnographiam figuræ tuæ GVR circa conum DCB convolutæ, sive illa sit semicirculus, sive parabola, sive hyperbola, aut alterius cujuslibet generis curva extiterit, unde dabuntur infinitæ illæ Spiralia species in his Ichnographiis, quas mente jam comprehendisti. Verùm nescio an operæ pretium sit elegantiores, quam mox subdo, constructionem illarum attendere.

TAB.  
XIV.  
Fig. 6.

8. Esto figura quælibet in Conum convolvenda, aut ex ipso in planum explicata CVD, & sector illi circumscriptus (inscriptusve si cava fuerit) DGC; oportet determinare lineam, quæ ejus convolutæ Ichnographiam clauderet in basi coni dati radii DA, qui minor sit radio sectoris DC. Fiat super DA figura AOD similis, & similiter posita ipsi datæ CVD (secto nimirum quovis ramo DV in O proportionaliter, ac secatur CD in A, & per puncta AOD ductâ lineâ) & centro D ducto quovis arcu NOH, fiat semper HN ad NO in constanti ratione lateris coni CD ad radium basis DA; ajo, puncta H ad Ichnographiam AHD, propositæ curvæ CVD respondentem, pertinere; erit enim angulus LDA ad RDC, ut radius CD ad DA, unde arcus CR æqualis erit arcui AL; quando igitur sector CGD, cum inscripta figura CVD, convolvetur circa conum basis ADT,



ADT, arcu CG congruente ejusdem basis arcui sibi æquali AT, portio CR congruet ipsi AL, & latus DR, cum puncto V curvæ CVD, per quod transit, erit superimpedens radio DL, in quo propterea erit punctum Ichnographicè subjectum puncto V dictæ curvæ; debet autem in eadem ratione distare punctum ichnographiæ à centro basis D, respectu radii DL, in quo reperitur, ac distet punctum V in latere coni DR à vertice D (ob similia triangula effecta à perpendicularo, ex punctis curvæ in superficie conica existentis ad basis Ichnographiam demisso, qua ratione in figura est CA ad AO, ut CD ad DS); itaque cum sit, ut latus DC ad radium basis DA, seu DL, ita VD, distantia puncti V in superficie conica à vertice D, ad DO, seu DH, distantiam puncti H à centro basis, erit punctum H, & alia omnia simili modo determinata, ad curvam ichnographiæ, quæ quærebatur.

TAB.  
XV.  
Fig. 4.

9. E converso, datâ ichnographiâ, lineam ipsi in cono respondentem in plano determinabimus; sit enim talis Ichnographia AHD, & radio DA extenso in C, ut DC æqualis fiat lateri coni propositi, super ipsa fiat figura CKD similis, ac similiter posita datæ AHD; & ducto ex centro D quolibet arcu SK, ita dividatur in V, ut sit KS ad SV, ut latus coni CD ad radium basis DA; erit punctum V in linea CVD quæsita, quæ in superficie conica impendet datæ ichnographiæ AHD; nam recalcatis præcedentis demonstrationis vestigiis, ostendentur arcus CR, LA æquales, unde applicati congruent, & punctum V superimpendebit ipsi H, quippe tantumdem in latere DR proportionaliter à vertice distans, quantum H in radio à centro D; Vnde facillima habetur constructio, nedum Ichnographiæ in tua figura, ubi GVR convolvenda supponatur semicirculus (alio enim semicirculo super radio basis facto, & in arcus concentricos basi resoluta, oportet singulorum ar-

TAB.  
XV.  
Fig. 5.



cuum dicto semicirculo comprehensorum quadruplos determinare, & per eorum extrema curvam ducere; erit enim coni latus radii basis quadruplum, uti quatuor anguli recti quadrupli sunt unius subtensi à quadrante GRZ), sed & ubi supponatur parabola, aut hyperbola (facta nimirum simili constructione, & ex concentricis peripheriis tali parte determinatâ, quæ ad arcum, radio, & simili parabolâ, aut hyperbolâ super ipsum descriptâ conclusum, sit semper in data ratione lateris coni ad radium basis); At è contra si cupias Ichnographiam circularem, parabolicam, alteriusve figuræ habere, manifesta erit constructio figuræ, quæ cono advoluta ejusmodi Ichnographiam dare nata esset, per sectionem arcuum concentricorum, peripheria similis figuræ super latere coni descriptæ, ipsoque coni latere comprehensorum, in eadem ratione data, lateris coni ad radium basis. En quanta curvarum seges, quas geometricè determinare possumus, quotiescumque data ratio, lateris coni ad radium basis, potest geometricè angulis applicari, vel per multiplicationem, vel per divisionem arcuum propositorum.

TAB.  
XIV.  
Fig. 3.

10. Hinc in meo Sphærocylicarum, & Conocylicarum sectionum Tractatu ostendi, quòd, si conus BDC secari intelligatur semicylindro, cujus basis semicirculus GKA super radio basis AG descriptus, sitque latus coni duplum verbi causa radii basis, seu in quavis alia ad ipsum ratione, facto super DH, æquali lateri coni, semicirculo pariter DVH, omnibusque arcubus VI, centro D descriptis, bifariam, seu in data ratione sectis ad puncta  $u$ , ita ut sit VI ad  $uI$ , ut DC ad CA, linea D $u$ H, per puncta  $u$  sic inventa transiens, erit æqualis cono cylindricæ sectioni; id quod etiam succeder, si loco semicirculorum GKA, HVD, ponantur quævis aliæ similes figuræ, semper enim communis conicæ, &



cylindricæ superficiei sectio in lineam planam illi æqualem commutabitur; cumque in Vivianeis, pag. 122. paulò ante num. 37., ostenderim, lineam quoque Sphærocylindricam, seu perimetrum Veli Florentini, esse communem conicæ, & cylindricæ superficiei sectionem, quam etiam num. 41. p. 136. ostendi, æqualem perimetro cujusdam ellipsis, ideo etiam curva  $DuH$ , modo præscripto efformata, cuidam ellipsis circumferentiæ æqualis ostendetur. Vides autem, opinor, quàm utile sit eandem lineam ex variis superficiibus in alias transferre, diversisque constructionibus in plano determinare, prout eadem linea elliptica, tum modo superius descripto, tum per modum ungu læ ex cylindro expansæ, tum vulgari modo, prout Apollonianam coni sectionem terminat, aliisque modis in plano jacere potest, semperque diversas tangentium determinationes suscipit, pro vario suarum partium situ; contingere siquidem potest, ut in uno rectificationem respuens, in altero illam admittat, vel saltem cum alia nota linea comparisonem suscipiat. Sic, si proponatur linea  $LOO$ , cuius hæc proprietas, ut ducto radio  $FO$  ex determinato puncto  $F$ , secante arcum  $LG$ , ejusque tangentem  $LE$  in punctis  $G, E$ , sit semper post  $FG$  radium, & secantem  $FE$ , tertia proportionalis  $FO$ , facile erit curvam  $LOO$  cum linea Geometris jam satis notâ comparare, videlicet cum parabola notæ parametri; siquidem illa ipsa non alia est, quàm parabola evoluta ex superficie coni, cujus triangulum per axem sit æquilaterum; id quod extra hanc methodum, nescio an satis promptum esset conjecturâ assequi, nedum facili geometricâ constructione determinare.

TAB.  
XV.  
Fig. 1.

II. Jam, quando ita provocas, operæ pretium est, ut curvarum, eo, quem præmisi, modo descriptarum, tangentes universali methodo determinare aggrediar, pro quo: assumatur quælibet figura  $ALLB$ , ductis

TAB.  
XIV.  
Fig. 4.



que ex centro A quibusvis concentricis arcubus EL, EL, similiter augeantur producti in M, aut minuantur divisi in I, quousque per puncta AMMB transeat curva, qualem *num.* 8. determinavimus, aut per puncta AIIB transeat curva, qualem *num.* 9. descripsimus; quæ-  
raturque ad datum punctum M, vel I curvarum ejusmo-  
di tangens. Ducto arcu quolibet, verbi gratia extremo  
BCD, occurrente junctæ chordæ, seu radio AM, AI  
in D, H, ductoque arcu ML, seu IL, & junctâ chor-  
dâ AL, secante priorem arcum in C, ducantur tangen-  
tes arcus DB ad puncta D, H, C, quæ sint DG, HF,  
CK; huic ultimæ occurrat in K tangens LK ducta ex  
puncto L datæ figuræ ALB; in ea autem ratione, in  
qua sunt arcus LE ad EM, aut EI, ponatur esse data  
portio tangentis CK ad DG, vel HF. Dico, junctam  
GM, aut FI esse tangentem ejusmodi curvarum in M,  
I. Si enim hæ curvæ gigni intelligantur ex æquabili  
motu lineæ AB circa A circulariter converfæ, & motu  
accelerato, vel retardato, prout opus fuerit, puncti B  
per BA ascendentis, aut A per AB descendentis,  
(ad modum, quo Spirales generari solent) manifestum  
est, æquabilem illam velocitatem motus circularis in  
curva BMA tantò majorem, & in BIA tantò mi-  
norem fore, quàm sit in curva BLA, quantò ma-  
jor est arcus ME, & minor EI, quàm EL, id est  
ex constructione, quantò major est GD, & mi-  
nor HF, quàm CK, eodem existente impetu puncti  
difformiter fluentis, sive in M, sive I, sive in L, pro-  
pter æqualitatem ipsarum AM, AI, AL, vel residuarum  
DM, HI, CL, quas mobile punctum A, vel B interea  
pereggit, dum linea circulariter mota respectivè arcum  
DB, HB, vel CB emensa est. Si igitur velocitas dif-  
formis in puncto L curvæ BLA exprimatur per LC,  
etiam eadem velocitas in punctis M, I aliarum curvarum  
exprimetur per MD, IH illi æquales, & si velocitas  
æqua-



æquabilis circularis motus exprimatur per CK ad curvam ALB (exprimenda verò est prorsus per ipsam, quoniam in ea est motus circularis directio, quippe tangens arcus CB, & aliunde intercipitur à tangente LK, angulo recto KCL opposita, in qua utriusque motus composita directio reperiri debet, ex 8. Prop. l. 2. Geometriæ motus Joannis Cevæ, qui non cognitione tantum, sed & geometrico acumine, & inveniendi foelicitate Tibi verè Germanus existit) similis æquabilis velocitas ad curvam AMB exprimetur per DG, & ad curvam AIB per HF; propterea juncta GM, & FI tangens erit, sive ex eadem propositione, sive ex his, quæ cap. 5. num. 3. demonstravi in Hugeniæ, & antequàm Fratris tui Geometriam legerem, ex Torricellii loco ibidem citato deduxeram. Atque hinc est, quòd si ordinatæ ad axem non sint arcus concentrici, sed rectæ lineæ, velut LE, FE in eadem semper ratione, ductis LC, FQ axi parallelis, datæque figuræ BL tangente Lt, occurrente basi in r; sumpta Qt, quæ sit ad Cr in eadem ordinarum ratione, juncta tF tanget curvam FB; tum enim illæ ordinatæ LE, FE, quemadmodum & basis recta CQe, habendæ sunt pro arcubus concentricis, à centro infinitè distante descriptis, cujus radii propterea sint ipsæ axi parallelæ LC, QF, ipsæque rC, tQ pro tangentibus extremi circuli CQe, ob infinitam ejus radii magnitudinem, in unam eandemque rectam cum suis tangentibus abeuntis; cujus constructionis veritas jam aliunde innotuit, siquidem rL, tF hoc modo designatæ in unum & idem axis BE punctum collimabunt, uti ex proprietate triangulorum constat.

§ 12. Quòd si quis malit, independentè à motuum compositione easdem tangentes evidentiori methodo inquirere, per me licet. Esto enim primùm duplex figura, altera ex rectis LE, le ad axem ordinatis, ali-

TAB.  
XIV.  
Fig. 5.



altera ex arcubus  $EM$ ,  $em$  ad eundem axem applicatis, & respectivè æqualibus ipsis  $LE$ ,  $le$  sibi correspondentibus; datà tangente  $LK$  prioris figuræ, occurrente ipsi  $BK$ , ex vertice ductæ æquidistanter ad ordinatas, in puncto  $K$ , tangens figuræ posterioris ad punctum  $M$  sic determinabitur; juncto radio  $BM$ , atque huic ex  $B$  perpendiculari  $BG$ , æquali ipsi  $BK$ , jungatur  $GM$ : dico hanc esse tangentem; occurrat enim in  $S$  cuilibet alteri ex arcubus concentricis  $em$ , secanti radium in  $O$ ; sitque  $OP$  radio  $BM$  ex  $O$  perpendicularis, ac juncta chorda  $BL$ , ordinetur per idem axis punctum  $e$ , applicata prioris curvæ  $eT$ , secans tangentem in  $R$ , chordam in  $N$ ; erit utique arcus  $eO$  æqualis  $eN$ , eò quòd sector sit triangulo analogus; sed &  $em$  æqualis  $el$ ; itaque &  $Om$  æqualis  $Nl$ ; ipsa verò  $NR$  æqualis  $OP$ , quia ad  $BK$ , æqualem ipsi  $BG$ , est in eadem ratione,  $LN$  ad  $LB$ , seu  $Ee$  ad  $EB$ , aut  $OM$  ad  $MB$ ; quæ omnia valent etiam de homologis lineis per minusculas litteras designatis, & infra punctum  $E$  ductis; hoc solo discrimine, quòd si  $e$  sit supra  $E$ , erit  $NR$  major, quàm  $Nl$ ; unde &  $OP$  major, quàm  $Om$ ; multò igitur magis arcus  $OS$  (qui est major ipsa  $OP$ , à fortiori quàm major sit suo sinu) erit major, quàm  $Om$ ; unde punctum  $S$  erit extra curvam; si verò  $e$  acceptum fuerit infra  $E$ , erit  $nr$  minor, quàm  $nl$ ; unde &  $op$  minor, quàm  $om$ ; arcus autem  $so$  minor est tangente  $op$ , à fortiori, quàm sua tangente minor sit arcus, quem ex centro  $B$ , juncta  $Bp$  interciperet: multò ergo minor est arcu  $om$ ; & ideo etiam punctum  $s$  extra curvam erit; recta igitur  $GM$  tangit. Jam verò concipiatur alia curva  $BF$  priori analoga, ita ut ejus ordinatæ  $FE$  ad ordinatas prioris  $LE$  perpetuò sint in eadem ratione, utique facta  $DB$  ad  $BK$ , ut  $FE$  ad  $EL$ , juncta  $DF$  hanc curvam tanget; siquidem si occurrat alteri ordinatæ in puncto  $T$ , erit etiam  $Te$  ad  $eR$ , ut  $FE$  ad  $EL$ , nempe ut  $fe$  ad  $el$ ; qua-



quare cùm  $eR$  major sit ipsa  $el$ , etiam  $eT$  major erit, quàm  $ef$ ; si igitur intelligatur figura  $Bil$  ex arcubus  $EI$  æqualibus ordinatis hujus postremæ figuræ  $EF$ , juncto radio  $BI$ , atque huic perpendiculari  $BH$ , æquali ipsi  $BD$ , juncta  $HI$  tanget; eritque  $HB$  ad  $BG$ , ut  $IE$  ad  $ME$ . Duarum igitur figurarum, ex concentricis arcubus in eadem constanti ratione positis descriptarum, tangentes intercipiunt rectas ad radium perpendiculariter ductas, ipsis arcubus proportionales: Quod coincidet cum præmissa constructione.

13. Antequam autem hinc aliò digrediar, adnotare juvabit, ex harum pariter curvarum descriptione, doctrinam illam meam secundæ Appendicis ad Vivianea Problemata iterum demonstrari, seu denuò confirmari posse. Hinc siquidem deducitur, Ichnographiam cujusvis portionis ex conica superficie absumptæ, qualis esset  $AHD$ , esse mediam proportionalem inter ipsam figuram conicæ superficiæ in planum expansam, veluti  $DVC$ , & aliam ipsi similem, similiterque positam  $DOA$ , super radio basis coni descriptam; nam propter singulos arcus  $HN$ , se habentes ad  $NO$  in constanti ratione lateris coni  $CD$  ad radium basis  $AD$ , erit tota figura  $AHD$  ad  $AOD$ , ut  $CD$  ad  $DA$ ; sed  $CVD$  ad  $AOD$  sibi similem est, ut quadratum  $CD$  ad quadratum  $DA$ ; itaque  $CVD$  ad  $AOD$  est in duplicatâ ratione  $AHD$  ad  $AOD$ , propterea & conica superficies  $CVD$  ad Ichnographiam suam  $AHD$  est, ut  $AHD$  ad  $AOD$ , five, ut latus coni  $CD$  ad radium basis  $DA$ . Quod &c.

TAB.  
XIV.  
Fig. 6.

14. Tu verò non hîc subsistis, & alias rursus novarum speculationum fodinas eruere aggressus, Epistolis Tuis, pridie kal. Julii ad me datis, novâ iterum ratione lineas in conica superficie descriptas in planum sternere niteris. Ais enim:

*Speculationem instituere placuit circa Spiralem illam conicam, de qua superioris hebdomadæ Tabellario ad Te*

Qq

scriptas



scriptas Epistolas tradidi, cujus Ichnographia integra est Spiralis Archimedeae; considerabam scilicet cylindricam superficiem, quam illae perpendiculares efformant, quibus suffulta, ut ita dicam, distenditur praedicta Spiralis conica; scire autem optabam, in quam lineam evaderet, explicata in rectam lineam Spirali Archimedeae, una cum ipsa superficie cylindrica, ad conicam spiralem lineam terminante. Si enim haec curvam aliquam e lineis aliis notis referret, verbi gratia parabolam, id egregiarum certe Speculationum fodinam aperiret, &c.

15. Id ego primo statim intuitu ad hyperbolae quadraturam pertinere opinatus sum, nec me fefellit opinio, siquidem ad illam referri jam tum videbatur parabolae curvae rectificatio, uti ex Hugenianis cap. 12. num. 14. constat; parabolae autem rectificationem cum Spiralis Archimedeae distensione conjunctam esse, tum ab aliis animadverteram ostensum esse, tum ipse postmodum docuisti ab Joanne Ceva fratre tuo, Geometr. mot. l. 2. prop. 14., idem demonstrari. Antea verò id mihi innotuerat hoc ratiocinio. Esto Spiralis Archimedeae  $CA$  primae circulationis, & posito in altera figura Parabolae Apollonianae axe  $CN$  aequali dimidio circumferentiae  $ADA$ , ordinata autem  $NA$  aequali radio  $CA$ , describatur parabola  $CA$ . Dico hanc Spirali aequalem esse; sumpto enim quolibet in parabola puncto  $a$ , & ordinata  $an$ ; & in spirali puncto  $a$ , cujus radius  $ac$  sit aequalis ordinatae  $an$ , ducatur arcus  $aI$ ; ducanturque tam in parabola, quam in spirali tangentes  $ab$ , occurrentes ipsi  $Cb$  (perpendiculari hinc ad radium  $Ca$ , illinc ad ordinatam  $an$ ) in punctis  $b, b$ . Jam, cum sit  $Cb$  in spirali aequalis arcui  $aI$ , (ut docuimus in Hugenianis cap. 5. num. 9.) sit autem peripheria  $ADA$  ad arcum  $Ia$  in duplicata ratione  $AC$  ad  $Ca$ , seu (in parabola)  $AN$  ad  $na$ , videlicet, ut  $NC$  ad  $Cn$ ; sitque  $CN$  aequalis semissi peripheriae  $ADA$ , erit &  $Cn$  aequalis semissi arcu

TAB.  
XV.  
Fig. 3. 6.



cus  $aI$ , vel subtangentis  $Cb$  spiralis; sed & subtangentis  $nb$  parabolæ subdupla est eadem  $Cn$ ; æquales igitur sunt, tum in spirali, tum in parabola subtangentes  $nb$ ,  $Cb$ ; æquales autem & ordinata  $an$ , & radius  $Ca$ ; tota igitur tangens parabolæ  $ab$ , quæ his potentia æquatur, æqualis erit tangenti  $ab$  spiralis sibi correspondenti; sumptaque infinite exigua utrobique tangentis particula  $ad$ , ac dimissa in ordinatam, & radium subtangentis parallela  $dm$ , erunt triangula  $dma$ ,  $dma$  utrobique similiter æqualia, applicatisque alterius ad alteram homologis triangulorum  $amd$  lateribus, tangentes  $ad$ , seu curvarum partes his respondentes congruent, certè eò res deducetur, ut alterius ad alteram proportio sit propior æqualitati, quàm quælibet data majoris, aut minoris inæqualitatis ratio; æquales igitur sunt, tum Archimedeæ Spiralis, tum parabola quadratica nuper designata.

16. Hinc patet, quàm justò minorem Spiralem fecerint, qui semicircumferentiæ  $ADA$  æqualem esse asseruerunt, uti Sturmii, Math. Enucl. l. 2. cap. 4. con-  
fect. 2. proposit. 17. Guarini, tract. 18. Eucl. Adaucti  
prop. 13. Rinaldini, de resol. & compos. pag. 299. alii-  
que; videlicet tantò minorem, quantò axis  $NC$  para-  
bolæ  $CaA$  minor est ipsa curva  $CaA$ ; constat item à  
scopo non leviter aberrasse Virum Clarissimum Borel-  
lium, ubi de motu animal. p. 2. prop. 41. duas ejusdem  
Spiralis revolutiones comparans, ait illas ad invicem ef-  
se, ut peripheriæ mediæ arithmeticæ inter extremas  
cujuslibet Spiralis, sive esse ad invicem, ut sunt circu-  
lares zonæ, quibus inscribuntur; hoc enim perinde  
est, ac si diceret, curvam parabolicam  $tz$  esse ad  $tz$   
(lineis æquali intervallo distantibus, axi parallelis inter-  
ceptas) ductâ rectâ  $FO$  secante præfatas parallelas in  $q$ ,  
 $Q$ , ut trapezium  $QsHO$  ad  $OHsq$ , quod est absur-  
dum; Sumptis quippe hyperbolicis spatiis  $OosH$ ,

$Qq$  2

$OHs0$

TAB.  
XIV.  
Fig. 8.



OHso (iisdem curvæ portionibus correspondentibus per *cap. 12. num. 14.* Hugenanorum) & permutando, esset QsHO ad inscriptum OosH, ut OHsq ad circumscriptum OHso, idest ratio majoris inæqualitatis æqualis foret rationi inæqualitatis minoris.

Cæterum eo modo, quo parabolam quadraticam, atque Archimedeam Spiralem comparavi, similiter alias spiraliū species cum aliis parabolarum speciebus posse conferri manifestum est, uti aliās, si satis memini, indicabam; nempe si radiorum cujuscunque helices potestates denominatæ ab exponente  $x$  sint inter se, ut angulorum, seu arcuum à radiis interceptorum potestates denominatæ ab exponente  $y$ , facta parabola talis naturæ, ut abscissarum quarumvis potestates denominatæ ab exponente  $y$  sint, ut potestates suarum ordinarum denominatæ ab aggregato exponentium  $y+x$ , spirali propositæ, ita respondebit, ut, si ultima ejus ordinarum æquetur radio dictæ spiralis, axis autem sit  $\frac{x}{y+x}$  totius circumferentiæ, illa Curva Parabolica, & ejusmodi Spiralis æquales erunt, ut ex methodo tangentium, tam parabolarum, quàm spiraliū, *cap. 5. num. 4. & 8.* Hugenanorum, traditâ faciliè constet.

17. Sed curvarum dimensionem tractantes quid vetat aliò paulatim digredi, quousque modum Cycloidem rectificandi tibi communicem, quem tibi acceptissimum fore video, quippe his geometricis venustatibus delectaris? En illum: esto Cyclois AaO, ordinatæ ar, ar, secantes semicirculum genitorem in d, d; extendantur chordæ Ad, Ad in f, f usque ad basim, applicenturque rg, rg his ipsis Af, Af æquales, ut oriatur hinc curva Ggg, quæ erit Hyperbola secundi gradus, sive (ut Cl. Viviano aliquando appellare placuit.) *Mesolabica*, propter fA ad Ad, seu DA ad Ar, ut

TAB.  
XIV.  
Fig. 9.  
VIX  
8.91



ut quadratum  $Af$  ad quadratum  $AD$ , five quadratum  $rg$  ad  $DG$ . Jam sic: ducta  $ab$  Cycloidis tangens quantumvis parva, & duabus prædictis ordinatis quantumvis proximis intercepta, erit utique parallela ipsi  $Af$ ; (ex dictis in Hugensianis *cap. 8. num. 7.*) erit ergo  $ab$  ad intervallum ordinarum  $rr$ , ut  $Af$ , seu  $rg$  ad diametrum  $AD$ ; & hoc semper; rectangulum igitur  $grr$  æquale erit rectangulo ex  $AD$  in  $ab$ ; & omnia rectangula  $grr$ , exhaurientia spatium infinitum  $gGDAh$ , æqualia rectangulo ex  $AD$  in curvam semi-cycloidis  $AaO$ , quam innumeræ tangentes  $ab$  perinde exhauriunt; ergo  $AD$  in  $AaO$  ad quadr. ejusdem  $AD$ , scilicet curva ipsa  $AaO$  ad diametrum  $AD$ , est ut spatium  $gGDAh$  ad inscriptum diametri quadratum  $GDAH$ ; hæc autem est proportio dupla, ut ipse *cap. 8. numer.*

11. Hugensianorum generaliter docui, atque ipsemet frater tuus, supra laudatus, in Geometr. mot. l. i. prop.

12. pridem ostendit; itaque curva semi-cycloidis  $AaO$  dupla erit diametri. & tota Cyclois ejusdem quadrupla, quin & partes singulæ  $Aa$  duplæ chordarum sibi correspondentium  $ad$ , uti aliis Geometris per alias vias pridem innotuit, Hugenio præsertim, ex præclara Evolutarum Curvarum inventione. Est verò generalis hæc methodus, si rem propius aspicias, atque ad omnes prorsus illas curvas exporrigitur, quas, *cap. 8. num.*

5. Hugensianorum, *Correlatas* voco, ex quibus scilicet, per simplicissimam Euclidis elem. l. i. proposit. 43. innumerarum figurarum dimensionem derivavi.

18. Duo hic interea adnotare non pigeat. Alterum, quòd si cylindricus erectus super semi-cycloide  $OaAD$  secari intelligatur plano quomodolibet inclinato, transeunte per basim  $OD$ , semper abscissa superficies ungu-  
TAB.  
XIV.  
Fig. 101.

JA. 101

Qq 3

ea-



TAB.  
XV.  
Fig. I.

earum duplæ, nempe portiones curvæ cycloidalis à A, ad eadem diametri puncta, vel ad proportionales partes altitudinis illius unguæ, applicatæ, parabolam item conficient; sed omnis superficies unguularis conflatur ex similibus curvæ portionibus applicatis ad partes altitudinis, proportionales partibus diametri basis, uti constat ex hac figura, ubi AQSELMGO sit cylindricus super quavis curvâ IOGM, sectus plano AZMI, per basim MI transeunte, manifestum est, superficiem unguularem AZMGO conflare ex portionibus curvæ BZ (æqualibus abscissis à vertice OG) applicatis ad puncta B dividendia altitudinem unguæ AO in eadem ratione, in qua axis curvæ OI secatur in F per applicatam GF: Unde si fingamus OGM esse Cycloidem, cujus portiones OG duplæ sunt chordarum semicirculi sibi respondentis, idest quarum quadrata sunt, ut axis abscissæ OF, manifestum erit, Ungulam Cycloidalem AZMO esse parabolam, quia quadratum curvæ OGM erit ad quadratum curvæ BZ æqualis ipsi OG, ut OI ad OF, seu BN, idest, ut altitudo OA ad AB, ac perimeter AZM erit æqualis curvæ parabolicæ, immò in parabolam etiam positione talem abibit, rectificatis curvis OM, BZ per explicationem unguæ in planam superficiem, & è contra, reliqua superficies AZMS in trilineum parabolicum extendetur; quo statim constat (ob proportionalitatem Ungularum, tum superficialium, tum solidarum, cum superficiebus, aut molibus rotundorum corporum ab eadem figura) superficiem rotundam ex Cycloide circa basim, duplam esse rotundæ superficiei ab eadem circa tangentem verticis conversâ; necnon distantiam centri gravitatis curvæ cycloidalis à basi duplam esse distantiam ejusdem à vertice, &c. facilèque hinc habetur dimensio utriusque ex illis rotundis superficiebus, ob notam curvæ longitudinem, & centri gravitatis distantiam, juxta regulam celeberrimam Guldini Vestri circa genesis rotundorum.



19. Alterum, quod notari attentius velim, inde nullo negotio consequitur, nempe, datâ qualibet planâ superficie, quæ à curva qualibet linea definiatur, posse nos ejusmodi superficiem ita curvare, seu tali cylindrico circumvolvere, ut eadem curva linea nihilominus in uno plano jaceat, (quemadmodum in casu prædicto, curva parabolica  $AZM$  ita advolvitur cylindro cycloidalis, ut nihilominus in uno, eodemque plano  $AIM$ , cylindrum secante, jaceat) seu cylindrum invenire, ex cujus sectione, eadem curva in superficiem ungularem convoluta efformetur. Propositum siquidem obtinebimus, alteram superficiem  $IOGM$  ita efformando, ut, quæ fuerat in data figura relatio ordinarum ad axem, eadem sit curvæ portionum  $OM$ ,  $OG$  pariter ad axem suum (ut in exemplo nostro, quæ est in cycloide portionum curvæ à vertice abscissarum ad axis sui partes ordinatis abscissas) enimverò super ejusmodi curva sic inventa erecto cylindrico, ipsi advolvatur data figura, & suæ perimetri partes in eodem plano, ad datæ figuræ altitudinem ipsummet cylindrum transversim secante, dispositas habebit, semper autem tangens figuræ quæsitæ  $OGM$  ad punctum  $G$ , intercepta eodem puncto, & ordinata per verticem  $O$ , erit  $=$  subtangenti datæ figuræ  $AZM$ , idest interceptæ inter punctum  $Q$ , & occursum tangentis puncti  $Z$ , (explicato parallelogrammo  $ASMO$  cum sua curva  $AZM$ ) ut in exemplo cycloidis, ejus tangens subdupla est curvæ  $OG$ , quemadmodum ipse  $AQ$  subdupla foret subtangens parabolæ explicatæ; id quod alias generaliter monuimus (*cap. 5. num. 2.*) & facillimè demonstratur ex dictis *cap. 13. num. 5.*


Exemplum aliud se se obvium præbet in ipsa Logistica, seu Logarithmica, quam si velis ex aliquo cylindro secare, aut cylindrum invenire, cui advolvatur, ita ut curva nihilominus in uno plano jaceat, id elegantissimè



TAB. Tractoria, uti ostendimus *cap. 5. cit. num. 2.* Conci-  
 XV. piatur, verbi gratia, in plano horizontali  $DFB$  erecta ad  
 Fig. 2. punctum  $B$  hasta quædam solidiori basi marmoreæ  $B$  in-  
 fixa; mox alligata basi catenula aliqua  $FB$ , longitudine  
 æquali parametro, seu subtangenti datæ Logisticae, ejus  
 extremum  $F$  trahatur per rectam  $FD$ ; utique basis ca-  
 tenulam sequens describet Tractoriam curvam  $BNM$ ,  
 & hasta basi infixæ curvam quamdam superficiem cylin-  
 dricam super ipsa Tractoria erectam; hæc igitur secari  
 intelligatur plano aliquo per axem Tractoriæ  $FD$  tran-  
 seunte, ad altitudinem extremæ ordinatæ in Logistica  
 proposita, dico, superficiem ungularem inde abscissam  
 fore nil aliud, quam ipsammet Logisticam tali cylin-  
 dro advolutam; quippe si plani inclinatio fuerit per 45.  
 gradus, itaut Logistica ordinata æquetur subtangenti  
 ejusdem, seu erecta in ungula illa cylindrica ad punctum  
 $B$  adæquet catenulam  $BF$ , constat, omnes erectas ad  
 puncta  $N$ , æquales fore ordinatis Tractoriæ  $NP$ ,  
 unde qualis est ratio ipsarum ad curvam  $BN$ , talis  
 erit ratio applicatarum illius ungulæ ad suum axem,  
 qui illi curvæ  $BN$  congruere intelligitur, & explicata  
 illa superficie in planum  $BSS$ , utriusque ordinatis  $BF$ ,  
 & axe  $FD$  coincidentibus, erit quælibet axi Logisti-  
 cæ parallela  $AS$  æqualis curvæ  $BN$  Tractoriæ, per dicta  
*cap. 13. Hugonianorum num. 5.* Possem & modum in-  
 ferere, quo figura quælibet ita complicari in cylin-  
 drum posset, ut ejus curva ad conicam superficiem  
 terminaret; sed ne longius digrediar,

TAB. 20. Jam ad institutum redeo; & cylindricam illam  
 XV. superficiem super spirali erectam, ac cono interclusam  
 Fig. 46. contempler; utique perpendiculares  $OS$  super helicis  
 punctis erectæ, & ad conici superficiem terminatæ,  
 pro-











proportionantur differentiis radiorum, est enim  $DA$  ad  $OS$ , ut  $CA$ , seu  $AB$  ad  $CO$ ; itaque exposita parabolâ  $CaA$  hanc spiralem  $BOA$  æquante, si ad singula puncta  $a$  peripheriæ parabolicæ erigi intelligantur æquales differentiis ordinarum, (ubi angulus  $DCA$ , trianguli per axem conî semirectus fuerit); iisve proportionales in ratione axis conî  $DA$  ad basis radium  $AC$ , (ubi ille angulus major, aut minor fuerit semirecto); seu si cylindrica superficies super  $CaA$  perimetro parabolæ erecta secari intelligatur plano per  $A\phi$  transeunte, ac tantumdem basi inclinato, ac latus conî radio basis inclinetur, scilicet per angulum  $DCA$ , quomodo erectæ manebunt in superficie cylindrica quæsitæ ordinarum differentiis (adeoque & differentiis æqualium radiorum circuli  $AC$ ) proportionales, quippe correspondentes applicatis trilinei parabolici  $CaA\phi$ , erit ungula ex tali superficie cylindrica, basi, & plano secante, interjecta eadem prorsus, quæ super spirali  $AOB$  prius erigebatur, & cono conclusa manebat; Perimeter autem ungulæ cylindri parabolici est parabolæ æqualis, uti constare potest ex propof. 3. Append. nostræ Vivian. Probl.; itaque explicatâ in rectam spirali  $BOA$ , curva  $BSHD$ , non quidem in parabolam, quæ talis positione sit, sed in ungulæ parabolicæ perimetrum abitura est, æqualem longitudine cuidam parabolæ, cujus rectum latus sit ad latus rectum prioris  $CaA$ , ut lateris conî  $DC$  quadratum ad quadratum radii  $AC$ , axis longitudine ipsi  $CN$  æquali remanente; id quod etiam immediatius, & absque tot ambagibus colligitur, ex quò ipse demonstraveris curvam  $BSHD$  esse spiralem conicam, quæ evoluta in Archimedeam spiralem abeat, per superius dicta *num.* 15., utique ejusmodi parabolæ æqualem.

21. Dimensio autem ipsius superficiæ cylindricæ  
 $Rr$   $DHSBOA$





DHSBOA habebitur, ex rectangulo axis AD in ipsam spiralem AOB, vel huic æqualem parabolam CA, subtrahendo tale spatium, quod ad portionem ejusdem parabolæ, duabus ad axem ordinatis interceptam, quarum altera ex foco, altera tantò infra ipsum, quantus est totus axis, sit in ratione axis DA ad radium AC; residuum quippe erit spatium ungu-  
læ supra determinatæ; id quod analyticè sic describi potest. Radius AC sit  $\equiv r$ , &  $\frac{1}{2}$  basis quadraticis inscribendæ quadranti circulari radii AC (vel semissis lateris recti parabolæ CN, idest tertiæ proportionalis post semiperipheriam, & radium) sit  $\equiv c$ ; quæ verò utriusque potest quadratum (quæ scilicet foret parabolæ perpendicularis in A) esto  $\equiv u$ ; axis coni AD esto  $\equiv a$ ; superficies hyperbolæ æquilateræ interceptæ semitransverso æquali ipsi  $c$ , & ordinata ad rectæ diametri portionem æqualem ipsi  $r$ , esto  $bb$ . Erit cylindrica superficies spirali imminens, & cono conclusa  $ADHSBOA = \frac{abb}{c} - \frac{au^3}{3rc} + \frac{acc}{3r}$ ; nam linea spiralis, seu parabolica, utpote cum  $c$  continens rectangulum  $\equiv bb$ , erit  $\frac{bb}{c}$ ; tota igitur cylindrica superficies spirali imminens, & usque ad apicem coni completa, erit  $\frac{abb}{c}$ . Verùm inde subtrahenda est Ungula superior, cujus spatium, ad portionem parabolæ interceptam ordinatis,  $c$  ex foco, &  $u$  tantò longius ab ipso, quanta est semissis circumferentiæ, seu axis datæ parabolæ, sit in ratione  $a$  ad  $r$ ; cum verò integræ portiones parabolæ, abscissæ à vertice per ordinatas  $u$ , &  $c$  sint, ut  $u^3$  ad  $c^3$ ; dividendo, portio truncata intercepta ordinatis,  $u$ ,  $c$ , erit ad portionem interjectam vertici, & minori ordinatâ  $c$ , ut  $u^3 - c^3$  ad  $c^3$ ; estque portio interjecta vertici, & foci ordinata  $c \equiv \frac{1}{3}cc$ ; igitur truncata illa portio ordinatis  $c$ , &  $u$  intercepta erit  $\frac{u^3}{3c} - \frac{cc}{3}$  &





& quæ ad hanc est in ratione  $a$  ad  $r$  erit  $\frac{au^3}{3rc} - \frac{acc}{3r}$ ;  
 quâ subtractâ ex  $\frac{abb}{c}$  fit  $\frac{abb}{c} - \frac{au^3}{3rc} + \frac{acc}{3r} =$  cylindricæ illi  
 portionis spiracæ BSHDAOB cono inclusæ.

22. Nihil, ut arbitror, attinet contemplationem ulterius extendere, quum omnia ipse mentis excursu jam præoccupaveris; sed si optaris ejusmodi spiracæ cylindricæ superficiæ portionem, quâ explicatâ in planum, rectificata perimetro BOA, etiam BSHD in rectam abeat, sume spiralem Geometricam AaC; nam & in conî superficie similem spiralem habebis (ut eodem tuo ratiocinio constat), quæ potentia æqualis erit ipsi CaA, & axi conî super illa perpendiculariter erecti, propter radios AC, aC proportionales curvæ portionibus CaA, Caa ab ipso centro abscissis, ut colligitur ex dictis *cap. 5.* Hugonianorum *num. 10.*, adeoque & differentias radiorum Fa, fa curvæ portionibus Aa respondentes.

TAB.  
XV.  
Fig. 8.

Hæc habui, quæ raptim ad Te scriberem, Vir Clariss., & quæ Tuis elegantissimis speculationibus reponerem; de controversia autem Mechanica, quæ hætenus nos commisit, erit aliàs differendi locus, esto enim utilior sit Statica illa dissertatio, jucundior tamen, minùsque in lubrico posita, Geometricarum rerum sedula meditatio. Vale, meque, ut facis, amare perge; quamquam non est cur de hoc sim sollicitus, insitæ enim Humanitatis tuæ stimulos habes, quibus in id incitaris. Dabam Kal. Aug. &c.

F I N I S.






317  
 318  
 319  
 320  
 321  
 322  
 323  
 324  
 325  
 326  
 327  
 328  
 329  
 330  
 331  
 332  
 333  
 334  
 335  
 336  
 337  
 338  
 339  
 340  
 341  
 342  
 343  
 344  
 345  
 346  
 347  
 348  
 349  
 350  
 351  
 352  
 353  
 354  
 355  
 356  
 357  
 358  
 359  
 360  
 361  
 362  
 363  
 364  
 365  
 366  
 367  
 368  
 369  
 370  
 371  
 372  
 373  
 374  
 375  
 376  
 377  
 378  
 379  
 380  
 381  
 382  
 383  
 384  
 385  
 386  
 387  
 388  
 389  
 390  
 391  
 392  
 393  
 394  
 395  
 396  
 397  
 398  
 399  
 400













# I N D E X

I N

## TRACTATUM DE LUMINE.

### CAPUT I.

#### De Radiis directis.

**L**umen oriri a certo quodam motu, Pag. 2  
 Nullam materiam a corpore lucido ad oculos nostros pertingere, 3  
 Lumen se extendere in undas Sphaericas, fere instar soni, ibid.  
 Utrum luminis motus successivus sit, 4  
 Experimentum quod probare videtur luminis motum esse instantaneum, ibid.  
 Experimentum quod probat illud ali-quo indigere tempore, 6  
 Quanto ipsius velocitas sit major velocitate soni, 7  
 Quomodo luminis & soni emanationes differant, 8  
 Idem medium non inservire utriusque, ibid.  
 Quomodo se extendat sonus, 9  
 Quomodo se extendat lumen, 11  
 Singularis annotatio in modum quo se extendit lumen, 14  
 Cur radii tantum procedant secundum lineam rectam, 16  
 Quomodo radii luminis ex diversis partibus profecti, sese secant absque impedimento. 17

### CAPUT II.

#### De Reflexione.

Demonstratio aequalitatis angulorum incidentiae & reflexionis, ibid.

Cur radius incidens & radius reflexus semper sint in uno eodemque plano perpendiculari ad planum reflectentem, 19

Quid non necesse sit, ut superficies re-percutiens spectetur tanquam planum leve, ut fiat aequalitas angulorum incidentiae & reflexionis, 20

### CAPUT III.

#### De Refractione.

Quid corpora possint esse pellucida etiam si nulla materia illa pervaderet, 23

Experimentum quod probat materiam Aetheream corpora diaphana pervadere, ibid.

Quomodo materia illa, quae ibi transit, corpora reddat translucida, 24

Corpora, quae videntur solidissima, esse texture valde rare, ibid.

Lumen lentius permeare aquam & vitrum quam aerem, 25

Tertia Hypothesis ad explicanda corpora translucida & remoram quam ibi patitur lumen, ibid.

Quid corpora opaca reddere possit, 26

Demonstratur cur refractione notam proportionem sinuum servet, 27

Quare radius incidens & radius refractus reciproce sese producant, 30

Quare repercussio interior, quae fit in prisma vitreo triangulari, subito multum augeatur, ubi lumen amplius permeare illud non potest, 31

Corpora, quae majoris refractionis causa sunt, 32



# INDEX IN

*sa sunt, moxarē quoque producant  
reflexionem,* 32  
*Demonstratio Theorematis D. Fer-  
mat.* 33

## CAPUT IV.

### De Refractione aëris.

*Lumen non propagari per undas sphæ-  
ricas,* 35  
*Quomodo hinc corpora quædam magis  
elevata videantur, quàm re verà  
sunt,* ibid.  
*Quomodo sol ante ortum supra Hori-  
zontem apparere possit,* 35, 36. & seq.  
*Radios luminis incurvari in aëre Ath-  
mosphæra, & quinam inde sequan-  
tur effectus.* 37

## CAPUT V.

### De miranda refractione crytalli Islandici.

*Nascitur quodque hæc crystallus in a-  
liis regionibus,* 39  
*Qui primus de hac scripsit,* 40  
*Descriptio crystalli Islandicæ, ejus ma-  
teria, figura, & proprietates,* ibid.  
*In hac crystallo duæ diversæ observan-  
tur refractiones,* 41  
*Radium qui cadit perpendiculariter  
in ejus superficiem refringi, radios  
verò obliquos rectà transire,* ibid.  
*Observatio in hujus crystalli refraction-  
es,* ibid.  
*Datur in hac una refractione regularis,  
altera irregularis,* 43  
*Modus mensurandi duas refractiones  
crystalli Islandicæ,* ibid.  
*Notabilis proprietas refractionis irre-  
gularis,* 45  
*Hypothesis ad duplicem illam refra-  
ctionem explicandam,* ibid.  
*In crystallo rupis duplex etiam obser-  
vatur refractione,* 46  
*Hypothesis emanationum spheroidæa-*

*rum luminis in crystallo Islandicæ,  
ad refractionem irregularem,* ibid.  
*Quomodo radius perpendicularis pati-  
atur refractionem,* 47  
*Quomodo situs & forma emanatio-  
num spheroidæarum in hac crystal-  
lo possit definiri,* 49  
*Explicatio refractionis irregularis per  
has emanationes spheroidæas,* 50  
*Methodus facilis, quâ refractione irregu-  
laris radii cujuscunque incidentis  
possit inveniri,* 52  
*Demonstratur quòd radius, qui oblique  
crystallum penetrat, non refringa-  
tur,* 54  
*Aliæ refractionum irregularitates ex-  
plicantur,* 56  
*Quid objectum positum sub crystallo  
duplex conspiciatur in duabus ima-  
ginibus diversæ altitudinis,* 59  
*Quare altitudines apparentes unius  
harum imaginum mutantur, si si-  
tus oculorum supra crystallum mu-  
tetur,* 59  
*De diversis crystalli sectionibus, quæ  
adhuc alias producant refractiones  
hanc theoriam confirmantes,* 64  
*Modus singularis expoliendi crystalli  
superficies ubi scissum fuit,* 66  
*Phænomenon mirabile radiorum, qui  
transeunt intra duo crystalli frusta  
separata, & ejus causa nondum  
fuit explicata,* 67  
*Conjectura verosimilis de crystalli  
Islandicæ compositione ejusque par-  
ticularum figura,* 69  
*Rationes quæ hanc conjecturam con-  
firmant,* 71  
*Computationes in hoc capite memora-  
tæ.* 72

## CAPUT VI.

*De figuris corporum Diaphanorum  
quæ ad refractionem reflexio-  
nemque conducunt.*  
*Regule generales & faciles ad inve-  
niendas illas figuras,* 77  
*Inven-*



# TRACTATU DE LUMINE.

Inventio Ovalium D. Cartesii pro	78	Superficies data fuit,	83
Dioptrica,		Animadversio in radios refractos per	
Quomodo illas lineas invenire potue-	82	superficiem sphericam,	88
rit,		Animadversio in lineam curvam que	
Methodus inveniendi vitri superficiem		formatur a reflectione speculi con-	
pro refractione perfecta, ubi altera		cavi spherici.	90

## INDEX RERUM

In Tractatu de causa Gravitatis contentarum.

<b>M</b> eam explicationem gravitatis a		quare corpora cadendo motum suum	
Cartesii explicatione differre,	98	continuo accelerant,	110
Vis centrifuga comparata cum vi gra-		Et quare eorum velocitas crescit ut	
vitatis,	ibid.	tempora quibus cadunt,	ibid.
Quomodo ad gravitatem producen-		De Observatione contractionis penduli	
dam conducatur,	ibid.	singulis minutis secundis vibratio-	
Experimentum quod gravitatis effec-		nem peragentis circa lineam equi-	
tum representat,	99	noctialem,	111
Experimentum Cartesii in eundem		Quenam sit hujus effectus causa, ibid.	
usum,	100	Quantum horologia pendulis instructa	
Hypothesis ad explicandam gravita-		ubi transferuntur Aequatorem ver-	
tem,	101	sus, retardantur, & quomodo hec	
Gravitatis definitio,	103	retardationes supputari possunt,	114
Cur non percipiatur motus materiae,		Quod funis, e quo pendet plumbum,	
qua gravitatem producit,	104	non recta versus Telluris centrum	
Dantur aliae materiae, qua partes		tendat,	115
spatii replent,	104	Tellurem non esse sphericam,	ibid.
Quod materia, qua gravitatis causa est,		Experimentum institutum cum horo-	
transeat per poros omnium corpo-		logiis pendulis instructis ad inve-	
rum notorum,	105	niendum mari longitudinem,	117
Quid faciat diversam corporum gra-		Modus Telluris figuram determinan-	
vitatem,	ibid.	di,	ibid.
Quod gravitates corporum sequantur		Quenam posset esse Telluris figura,	
rationem quantitatum materiae quam		si hac velocius moveretur.	120
continent,	106	Animadversiones in D. Newtoni syste-	
Refutatur opinio Cartesii huic contra-		ma,	121
ria,	ibid.	Difficultates quae in vorticibus Carte-	
Quenam sit velocitas materiae, quae in		sii occurrunt.	122
terra gravitatem producit,	107	An materia Aetherea debeat esse	
Celeritatem istius materiae inservire		rara,	123
explicationi plurimorum aliorum		Quomodo ejus densitas non impediat,	
effectuum naturalium,	109	quod minus corpora sint gravia,	125
Quod eadem illa celeritas sit causa,		Annotationes in extensionem luminis	
		per lineam rectam,	ibid.



# INDEX IN

Annotationes in Lunam, quæ confir-	superficie,	128
mant pondus minui in ratione in-	Conjectura circa causam intensi lumi-	
versa quadratorum distantiarum a	nis Solis,	129
Telluris centro,	De motu corporum gravium, quæ	
An inde secunda irregularitas in pen-	cadunt aut projiciuntur in medio	
dulis nasci non debeat,	resistente,	ibid.
De gravitate quæ percipitur in Pla-	De proprietatibus lineæ Logistica.	135
netis Saturno & Jove & in solis		

## ELENCHUS RERUM

Contentarum in Guidonis Grandi &c. Geometrica  
demonstratione Theorematum Hugenianorum  
circa Logisticam.

### CAPUT I.

- §. 1. 2 **L**ogistica: seu Logarith-  
mica descriptio, 150  
§. 3 Ejus primaria proprietas, 151  
§. 4 Logistica aliorum graduum,  
ibid.  
§. 5 Ejusdem per duos motus ge-  
neratio, ibid.  
§. 6 Axem habet pro Asymptoto, 152  
§. 7 Tam supra, quam infra in in-  
finitum continuari potest, 153  
§. 8 Alio duplici motu describitur,  
154  
§. 9 Spiralis Logarithmica per duos  
motus descriptio, 155  
§. 10 Ejus primaria affectio, ibid.  
— Ad alios gradus extendi potest,  
156  
— Centro per infinitos circinnos  
circumvolvitur, licet longi-  
tudine finita sit, ibid.  
§. 11 Æque inclinatur cuilibet ra-  
dio, ibid.  
— Gravia per ipsam delata eod-  
em semper momento pollent,  
respectu momenti, quod ha-  
berent in perpendicularo, Car-

tesio etiam id primum obser-  
vante, 157. & 158

- §. 12 Per convolutionem primæ Lo-  
gistica gigni potest, 158  
— Fallax, ex nonnullorum metho-  
do, ratiocinium circa ejus  
spatii dimensionem, ibid.

### CAPUT II.

- Logistica proprietates ab Hu-  
genio propositæ. 160  
§. 1. 2. 3 Spatiorum sive ad axem,  
sive ad ejus parallelam or-  
dinatis intersectorum, tum  
ad invicem, tum ad in-  
finitum reliquum Logisti-  
cæ spatium proportio, 160.  
& 161  
§. 4. 5 Subtangenti longitudo sem-  
per eadem & quæ, 161 &  
162  
§. 6 Trilinearum Logistica propor-  
tio, 162  
§. 7 Infinitum Logisticae spatium,  
cujus trianguli duplum, ibid.  
§. 8 Cui rectangulo æqualia reliqua  
spatia, 163  
§. 9. 10 Solida ex infinito spatio Lo-  
gistica



# TRACTATU DE LUMINE.

gistica circa axem, vel circa  
ordinatam revoluta, quam  
proportionem habeant ad conos  
inscriptos? 163

§. 11. 12 Centrum gravitatis spa-  
tii Logistici, in qua ab axe  
& ab ordinatis distantia? 164

§. 13. 14 Prædictorum solidorum gra-  
vitatis centra determinan-  
tur. ibid.

§. 15. Quomodo Logistica Hyperbole  
tetragonismo conducat, 165  
— Et quam proportionem ha-  
beant Hyperbolica spatia ad pa-  
rallelogrammum quodlibet a-  
symptotis inscriptum? ibid.

## CAPUT III.

§. 1. 2 Primo Theoremate proposito,  
ostenditur aggregata quolibet  
geometricè proportionalium a  
minimo esse inter se, ut diffe-  
rentia terminorum maximi  
& minimi. 166. 167

§. 3 Incommensurabiles magnitudines  
per ablationem quantitatis mi-  
noris, qualibet data, reddi  
commensurabiles, 168

§. 4. 5 Hinc primi Theorematis Hu-  
geniani demonstratio more Ar-  
chimedeo. 169. 170

§. 6 Spatia Logistica æquè alta sunt  
inter se, ut homologæ ordina-  
tæ, 170

§. 7 Spatia quoque infinitè longa sunt  
ut bases, 171

§. 8 Quodvis spatium ad subsequens  
infinitum est, ut differentia  
suarum ordinarum ad mino-  
rem, 172

§. 9 Hinc secunda ejus primi Theo-  
rematis demonstratio. 172

## CAPUT IV.

§. 1. 2. 3 Ad secundum Hugonii Theo-

rema demonstrandum, quæ  
sit Logistica parameter osten-  
ditur, & quomodo æqualis sit  
subtangenti. 173

§. 4 Demonstratio secundi Theore-  
matis, 174

§. 5. 6 Determinatio reſtangi æqua-  
lis spatio Logistica infinitè  
longo. 174. 175

§. 7 Exponitur Auctoris circumſpec-  
ta loquutio de ratione infinitè  
spatii ad finitum, 175

§. 8 Ac familiaribus exemplis ſua-  
detur, infinitè longa spatia de-  
terminatæ quantitatis æqualia  
eſſe poſſe. ibid.

§. 9. 10. Spatia per varia rationis or-  
dinatas in Logistica abſciſſa  
quam proportionem habeant?  
177. 178

§. 11. 12 Regula ad dignoſcendum  
quando spatia infinitè longa,  
aut infiniti termini, finitam  
aggregent quantitatem, quan-  
do verò infinitam, 179

## CAPUT V.

§. 1. 2 &c. Quartum Hugonii Theo-  
ma, pridem demonstratum,  
novâ demonstratione per di-  
verſam methodum ſtabilitur.  
182. 183

§. 2 Traſtoriæ proprietas, hinc de-  
ducta, quod ordinatæ ad æqua-  
les curvæ partes ſint invicem  
proportionales, 183

§. 3 Cuilibet curvæ tangentem du-  
cere, ibid.

— Velocitates in diverſis curvæ  
punctis ſunt, ut facta ex or-  
dinatis in ſubtangentes alter-  
ne ſumptas. 185

— In Hyperbola ſunt, ut qua-  
drata temporum contrarie  
ſumptorum, ibid.

§. 4 Determinatio tangentium ad in-  
finitas



- finitas parabolis, 186  
 §. 5 Eadem expeditur, 187  
 §. 6 In aliis curvis quomodo tentanda, 188  
 §. 7 Variarum ad id constructionum demonstratio, 189  
 §. 8 Subtangens curvarum, quæ ad modum spiraliū describuntur. 190  
 §. 9 Infinitæ spiraliū species, quas subtangentes habeant. 191  
 — Et quomodo infinitis parabolis respondeant. 192  
 §. 10 Tangens spiralis Geometrica, & quarumvis figurarum per alterius convolutionem genitarum. 193  
 §. 11 Tangens Conchoidis Nicomedæ, aliis infinitis Conchoidibus & subconchoidibus, applicabili methodo ostensa. 194  
 §. 12 Eadem geometrica demonstratio confirmatur. 195  
 §. 13 Tertia demonstratio quarti Theorematis Hugeniani. 196  
 §. 14 Curva parabolica Logistica semper perpendicularis. 197  
 §. 6 Subtangens Logistica ad quamvis axi parallelam est, ut parallelogrammum Hyperbolæ inscriptum ad spatium Hyperboicum. ibid.  
 §. 7 Demonstrandi modus a scrupulis vindicatur. 203  
 §. 8 Propositio universalior redditur. 204  
 — Quid sit facere universale. 205  
 §. 9 Prima Geometrica spiralis subtangens est ad arcus circulares, ut Hyperbolæ parallelogrammum ad Hyperbolica spatia. ibid.  
 §. 10 Spatia Hyperbolica aut sectores Hyperbolici in ea sunt ratione ad circulares sectores correspondentes, in qua minima ordinatarum Hyperbolæ ad semissem subtangentis Logistica. 206  
 §. 11 Parallelogrammum Hyperbolæ inscriptum ad spatium ordinatarum duplæ proportionis interjectum est proxime, ut 10. ad 7. ibid.  
 §. 12 Quinti Theorematis Hugenii demonstratio. 208

CAPUT VI.

- §. 1 Quintum Theorema proponitur. 198  
 §. 2 Quod ut demonstretur, ostenditur, Hyperbolica spatia parallelis asymptoto proportionalibus definita equalia esse. 199  
 §. 3 Spatia qualibet eam inter se rationem habere, quam extremarum ordinatarum rationes, 200  
 §. 4 Axi logistica parallela inter se sunt, ut Hyperbolica spatia iis respondentia. 201  
 §. 5 In Geometrica spirali, arcus, & sectores circulares ejus ramis interjecti, proportionantur spatiis, & sectoribus Hyperbolicis respondentibus. 202

CAPUT VII.

- §. 1 Sextum Theorema proponitur. 210  
 §. 2 Et universalius demonstratur. ibid.  
 §. 3 Spatia Logistica in data ratione dividere. ibid.  
 §. 4 Cavum trilineum convexo equali. 211  
 — Rectangula spatiis Logisticis equalia. ibid.  
 §. 5 Item spatiis Hyperbolicis. ibid.  
 §. 6 Ordinata in trilineo Logistica, axi parallela, convexis & cavis Hyperbolæ segmentis proportionales. 212  
 §. 7 Eadem aliis figuris applicare. ibid.  
 Hyper-



## TRACTATU DE LUMINE.

- Hyperbolam ducere, quæ datam Logisticam, vel in dato puncto contingat. ibid.
- Maximum parallelogrammum Logistica inscribere & duo utrinque aqualia determinare. 213
- §. 8. Datâ cujusvis figuræ tangente, maximum illi parallelogrammum inscribere, & contra. ibid.
- Idem circa alia maxima præstare per alias Hyperbolas. 214
- §. 9. Infinitarum Hyperbolarum tangentes. 214
- §. 10, 11. Spiralis geometricæ spatia inter se, & cum suis partibus comparantur. 215
- §. 12. Cujusvis convolutæ figuræ, ejusve partium, ad circumscriptum sectorum, & ejus Zonæ, proportio eadem, quæ Conoidis ab evolutâ figurâ, ejusve partium, ad circumscriptum cylindrum & tubos cylindricos. ibid.
- §. 13. Evolutæ ad convolutam ratio, quibus composita. 217
- Exempla in spirali. ibid.
- §. 14. Geometricæ spirali doctrina applicatur. 218
- CAPUT VIII.
- §. 1, 2, 3. Septimum Theorema pridem ostensum, ut novâ demonstratione fulciatur, ostenditur, spatio à qualibet curvâ contento quod ad totum, & quod ad partes, æquale spatium ex subtangentibus ad curvæ puncta applicatis, vel ad respectiva puncta basis. 219, 220, 221
- §. 4. Item ducta per quodvis punctum tangentibus parallela, occurrente ordinatis, puncta intersectionum esse in curvâ, quæ cum priori comprehendit spatium primæ figuræ duplum, adeoque cum ejus basi (nisi hanc nova curva secet ac congruo loco punctum acceptum sit) spatium primo æquale. 221
- §. 5. Eadem opera duæ ejusmodi curvæ describuntur. 222
- Eadem doctrina conversim accepta inventioni tangentium deservire poterit. ibid.
- §. 6. Dimensio figuræ per normam & perpendicularum descripta. ibid.
- §. 7. Spatii Cycloidis, obiter ejus tangente determinata, dimensio, variorumque segmentorum proportio. 224
- §. 8. Segmenta ejusdem quadrabilia. 225
- §. 9. Cissoïdalis spatii, ejusque segmentorum mensura. 226
- Spatium a Tractoriâ, & ejus axæ interceptum æquale quadranti radio suæ tangentis descripto. 227
- §. 10, 11, 12. Infinitarum Parabolarum, Hyperbolarum quodque infinitarum Specierum, spirallium item cujusvis generis, etiam geometricæ, dimensio expenditur. 227, 228, 229
- §. 13. Septimi Theorematis Hugeniani demonstratio ex hac doctrinâ eruitur. 231
- §. 14. Octavum quoque Theorema pridem ostensum, hinc novam demonstrationem assumit. ibid.
- CAPUT IX.
- §. 1, 2. Prima noni Theorematis demonstratio. 232, 233
- §. 3. Hinc solida omnia ex infinitis Logistica spatiis esse ostenduntur, ut quadrata radiorum basis, & portiones ut differ-



# INDEX IN ART

- rentie quadratorum à radiis extremis. 234
- §. 4 Alia Logistica in duplicatâ ordinatarum prioris ratione spatium comprehendit prioris subduplum. ibid.
- §. 5 Item subtangentem subduplam habet. 235
- Generaliter quaecunque fuerit Logistica, ejus spatium & subtangens, tam submultiplex erit prioris, quam submultiplicata ordinatarum ratio. ibid.
- §. 6 Idem nonum Theorema secundo demonstratur. ibid.
- §. 7, 8. In correlatis figuris solidum ab exteriori duplum semper est solidi quod ab interiori circa axem revoluta describitur, & partes partium respondentium. 236, 237
- §. 9 Hinc tertia ejusdem Theorematum demonstratio. 237
- §. 10, 11. Dimensio solidi ex figurâ quadranti correlata, ejusve partibus tum concavis, tum convexis, 237, 238
- §. 12 Item solidorum ex trilineo Cycloidis, ipsave semicycloide circa tangentem verticis revoluta, ejusque partium. 238
- solidorum quoque ex spatio Cissoïdis concavo aut convexo, tum circa Asymptoton, tum circa ei parallelam ex vertice. 239
- §. 13 Conoidum ex infinitis parabolis ad circumscriptos cylindros, vel conos. ibid.
- §. 14 Item solidorum ab infinitis Hyperbolis ratio ad inscriptos Cylindros nota. 240
- §. 3 Infinita series terminorum proportionalium aequatur maximo ducto in exponentem rationis, ac diviso per eundem exponentem unitate minutum. 244
- §. 4, 5 Ex hoc demonstrandi modo, tum finita, tum infinita, series aequales ostenduntur summæ vel differentie duarum potestatum, per summam vel differentiam radicum divise &c. 245, 246
- §. 6, 7 Solidum rotundum, de quo in hoc Theoremate, per infinitæ seriei calculum ad mensuram redigitur. 249, 250
- §. 8 Subtangentem Logisticæ in ordinata acceptæ sunt, ut rectangula Logisticæ inscripta. 252
- §. 9 Solidum ex quovis Logistica spatio circa ordinatam revolutum ad inscriptum cylindrum est, ut congruum trilineum ad inscriptum triangulum. ibid.
- §. 10. Hæc ratio nota esse ostenditur. 253
- Annulis quoque latis, per hæc spatia progenitis, demonstratio applicabilis esse indicatur. ibid.

## CAPUT XI.

- §. 1, 2 Decimum theorema proponitur ac primâ demonstratione stabilitur. 242, 243
- §. 1 Propositio & demonstratio undecimi Theorematum circa distantiam centri gravitatis Logisticæ ab ordinata. 254
- §. 2 Solida infinitorum Logisticæ spatiorum circa ordinatas sunt, ut eadem ordinata. 255
- §. 3 Centrum gravitatis quomodo distet ab alterutra ordinatarum in spatiis determinatis Logisticæ. 256
- §. 4 Solida ex his spatiis circa quamvis ordinatam revolutis. ibid.

Datum



# TRACTATUM DE LUMINE.

- Datum solidum in data ratione dividere &c. ibid.
- §. 5 Propositio ac demonstratio Theorematis XII. circa distantiam centri gravitatis Logistica ab axe. 257
- §. 6 In Correlatis figuris distantia centri gravitatis interioris subdupla est similis distantia exterioris. ibid.
- §. 7 Talis distantia in figura correlata quadrantis circuli est sesquialtera basis quadraticis. 258
- §. 8 Centrum gravitatis trilinei Cycloidis distat a verticis tangente per semissem radii. ibid.
- §. 9 Distantia centri gravitatis semicycloidis, & ejus trilinei a basi & vertice. 259
- Nec non solida ab iis descripta. ibid.
- §. 10 Cissoidalis spatii centrum gravitatis, in qua ab Asymptoto distantia. ibid.
- Ejus solida.
- Atque hinc ratio fusi Cycloidalis ad Cylindrum. 260
- §. 11 Figura, quæ Logistica ad axem correlata est, distantia centri gravitatis ab ordinatâ. ibid.
- Similis distantia in harum, & generaliter omnium correlatarum figurarum complexo. ibid.
- §. 12 Secunda demonstratio duodecimi theorematis, & extensio ad inventionem centri, in quibusvis Logistica portionibus, ad solida ex iis circa quamvis lineam rotandis determinanda, utilem. 261
- Quomodo in ejusdem solidi portionibus indaganda. 264
- §. 3 Prima demonstratio decimi quarti Theorematis. ibid.
- §. 4 Ad majorem rigorem quomodo exigenda. 266
- §. 5 Solidorum ab eadem figura circa basim, & axim rotata distantia centri gravitatis sunt, ut distantia centri gravitatis genericis figura ab hujus axi & basi. ibid.
- §. 6 Altera ejusdem Theorematis demonstratio. 268
- §. 7 Variarum Conoideon centra hinc determinanda. ibid.
- §. 8 In portionibus solidi rotundi, aut Cylindricis Logistica truncis, aut figura Logistica correlata, centra gravitatis dantur. 269
- §. 9 Libræ infinite, geometricæ crescentibus, & æque distantibus ponderibus gravata, aut finitæ quidem, sed per intervalla continue proportionalia arithmetice in infinitum crescentibus quantitatibus onerata, centra æquilibrii determinari possunt. ibid.
- §. 10 Secunda demonstratio a scrupulo vindicata. 270
- Cautio in his adhibenda. 271
- Aliorum lapsus notati, ut devitentur. 272
- §. 11 Curvis superficiebus solidorum generalis demonstratio applicatur. ibid.
- §. 12 Logistica curva centro gravitatis caret. 274
- Circa axem rotata superficiem infinite longam, finitæ dimensionis producit. ibid.
- §. 13 In qua ad determinatam hyperbolam ratione. 276
- Hæc hyperbola, cujus parabolice lineæ in semitransversum ductæ rectangulo æqualis. ibid.
- §. 14 Curva illa superficies, cujus  
b circum-

## CAPUT XII.

- §. 1 Theorema decimum tertium demonstratur. 263
- §. 2 Eadem semper centri gravitatis in quibusvis infinite longis Logistica solidis distantia. ibid.



- circumferentia, & peripheria  
parabolica rectangulo equalis.  
ibid.
- Utejus portiones corresponsdeant  
ejusdem parabola partibus. 277
- §. 15 Tractoria solidum finitâ super-  
ficie gaudet. ibid.
- Ejus curva centro pariter ca-  
ret. ibid.

CAPUT XIII.

- §. 1 Theorema decimum quintum in  
quinque partes divisum alias de-  
monstratum. 278
- §. 2. Figurarum ad eundem axem  
compositarum, si portiones unius  
proportionentur ordinatis alie-  
rius, quomodo tangentes deter-  
minanda. 279
- §. 3. Alia demonstratio primæ, &  
tertiæ partis hujus Theorematis.  
280
- Hyperbolicum spatium equale  
rectangulo ordinatæ in alteram  
Logisticæ subtangentem. ibid.
- §. 4 Tangens expansæ Ungulæ cylin-  
dricæ determinata. 281
- §. 5 Generalis constructio tangentium  
pro omnibus ungulis etiam ex cy-  
lindro non circulari abscissis. 282
- §. 6 Solidi ex Logistica infinite lon-  
gi superficiem finitam esse rur-  
sus demonstratur. 283
- Hyperbola Ungulæ Logisticæ  
correlata. 284
- §. 7 Ut Parallelogrammum Logistico  
trilineo circumscriptum ad ipsum  
trilineum, ita Cylindricus Logisti-  
cus ad truncum suum, ita & Hy-  
perbolicus cylindricus ad truncum  
suum. ibid.
- Rotundum solidum ex Hyper-  
bola ad rotundum ex Logistica,  
ut inscriptum Hyperbolæ paralle-  
logrammum ad Logisticæ subtan-  
gentis quadratum. 285

- §. 8. 9 Cætera Theorematis partes  
ex longioribus Logarithmorum  
tabulis determinanda. 286. 287
- §. 10 Auctoris verba circa Hyper-  
bolæ quadraturam ex tractatu  
de evolutione curvarum ad-  
ducta. 287
- Hyperbolæ quadratura per trac-  
toriam. 288

EPISTOLA GEOMETRI-  
CA G. Grandi ad P. T. Ce-  
vam. 293

- §. 1. 2. 3 Nostra Doctrina de Co-  
nicæ superficiei dimensione per  
P. Cevam ex Pappo confirmata.  
293. 294
- Spiralium diversi generis origo.  
ibid. ibid.
- §. 4. 5. 6 Quælibet Conica superfi-  
cies quomodo in planum expli-  
canda. 295. 296. 297
- §. 7. Et quævis plana figura quomodo  
Cono advolvenda. 297
- §. 8 Quarumvis linearum in Coni  
superficie descriptarum Ichno-  
graphias determinare. 298
- §. 9 Et datis Ichnographiis lineas in  
coni superficie his respondentes  
reperire. 299
- §. 10 Curvarum transformatio ad il-  
las comparandas utilis. 300
- §. 11. 12 Ichnographiarum omnium,  
linearumque ex coni superficie  
in planum explicatarum tan-  
gentes duplici methodo inventæ.  
301. 303
- §. 13 Nova ejusdem supra dictæ nos-  
træ doctrinæ confirmatio. 305
- §. 14. 15 Ad cono-Cylindricæ spira-  
lis extensionem in planum, osten-  
ditur spiralis Archimedæ &  
Apolloniæ Parabolæ æqualitas.  
305. 306
- §. 16 Quorundam lapsus notati. 307  
Infinitæ



## IN DIOPTRICAM.

- Infinitarum Parabolarum & spiralium comparatio. 308  
 §. 17 Novus Cycloidem rectificandi modus. ibid.  
 §. 18 Transversa Cylindri Cycloidalis sectio Parabolæ equalis. 309  
 — Ungula quoque nil nisi Parabola complicata esse dignoscitur. 310  
 — Rotunda superficies ex Cycloide circa basin dupla ejus, quæ ab ipsa circa tangentem verticis rotata producitur. ibid.  
 §. 19 Cylindrum invenire, cujus transversa sectio propositæ cui-  
 bet curvæ sit equalis, & Ungula in quamlibet figuram datam explicetur. 311  
 — Ex Cylindro Tractoriæ secunda est Logistica. 312  
 §. 20 Curva cono-cylindricæ spiralis cuidam Parabola, longitudine, non positione equalis est. 312  
 §. 21 Dimensio superficiei Cylindricæ, utrique spirali, & axi conii interjectæ. 314  
 §. 22 Si spiralis fuerit Geometrica, explicatâ illâ cylindrico-spirali superficie, in rectam expandetur. 315

### Tomi primi Operum Posthumorum Index.

## DIOPTRICA.

### De refractione radiorum.

- PROP. I. & II. Datâ superficie diaphani, quomodo radius extrinsecus in illam incidens refringatur, & ubi diaphanum transpositum fuerit; quanam erit refractionis. 5.6  
 PROP. III. Datâ superficie diaphani, quomodo radius intrinsecus incidens refringatur. 6  
 PROP. IV. Datâ diaphani superficie planâ, & puncto, ad quod radii tendentes in superficiem extrinsecus impingant, invenire punctum concursus refractorum. 8  
 PROP. V. Datâ diaphani superficie planâ, & puncto, a quo venientes radii in illam extrinsecus incidunt, invenire punctum dispersus refractorum. 11  
 PROP. VI. Datâ diaphani planâ superficie & puncto ex quo manantes radii intrinsecus in eam deferantur, invenire punctum dispersus refractorum. ibid.  
 PROP. VII. Datâ diaphani superficie planâ, & puncto extra diaphanum ad quod tendentes radii intrinsecus in superficiem ejus incidunt, invenire punctum concursus refractorum. 12  
 PROP. VIII. Datâ diaphani superficie sphericâ convexâ in quam radii paralleli extrinsecus incidunt, invenire punctum concursus refractorum. 15  
 PROP. IX. Datâ diaphani superficie sphericâ convexâ cui paralleli radii intrinsecus occurrant, invenire punctum concursus refractorum. 17  
 PROP. X. Datâ diaphani superficie sphericâ cavâ, in quam radii paralleli extrinsecus incidunt, invenire punctum dispersus refractorum. 19  
 PROP. XI. Datâ diaphani superficie sphericâ cavâ, in quam radii paralleli intrinsecus incidunt, invenire punctum dispersus refractorum. 19



venire punctum dispersus refractorum. 20

PROP. XII. Datâ diaphani superficiei convexâ vel cavâ, & puncto, ad quod pertinentes radii superficiei dictæ occurrant; si tribus (quæ hic indicantur) ab illo puncto distantibus quarta proportionalis constituantur in axe, qui per centrum superficiei & punctum ipsum transit, terminus quartæ distantie erit punctum quod pertinebunt radii refracti. ibid.  
In dato loco superficiem sphericam constituere, quæ radios ex dato vel ad datum punctum pergentes, ad aliud punctum datum concurrere faciat. 41

PROP. XIII. Sphærâ datâ, quæ sit ex materia diaphana, invenire punctum concursus radiorum parallelorum in illam incidentium. 43

PROP. XIV. Datâ lente, quæ superficiem unam planam habeat, alteram convexam, invenire punctum concursus radiorum axi parallelorum. 45

PROP. XV. Datâ lente quæ cavam & planam superficiem habeat, invenire ante ipsam punctum dispersus radiorum parallelorum. 46

PROP. XVI. Datâ lente convexa parium vel disparium superficierum sive utraque convexa sit, sive altera cava, sed cavitas sit convexitate minor; invenire punctum concursus parallelorum. 47

PROP. XVII. Datâ lente cava duarum superficierum sphericarum punctum dispersus radiorum parallelorum invenire. 49

PROP. XVIII. Lentem invenire cujus superficies altera convexa sit, eadem datâ, quæque punctum concursus parallelorum habeat ad datam distantiam. 51

PROP. XIX. Datæ lenti inæqualiter convexæ vel menisco, lentem

aliâ equivalentem invenire, quæ convexam & planam superficiem habeat, vel utramque convexam æqualiter. 52

PROP. XX. Positâ quavis lente convexâ vel cavâ, utraq; superficie sphericâ constet, sive alterâ planâ; datoque in axe ejus puncto, a quo vel ad quod radii tendentes lenti occurrant: Si duabus (hic indicatis) ab eo punctis distantibus tertia proportionalis statuatur, erit terminus tertie, sumendæ a puncto dato in partem eandem cum prima, punctum concursus vel dispersus radiorum a dato puncto vel ad datum tendentium. 53

PROP. XXI. Radiorum qui ad axes lentium pertinent ab axe primario paulum declinantes, puncta concursus vel dispersus investigare, & ostendere eandem fere harum esse a lente distantiam, ac eorum quæ ad puncta radiorum in axe positorum pertinent, si vel paralleli vel ab æque procul distantibus punctis radii fuerint egressi. 57

PROP. XXII. In omni lente, duarum convexarum aut concavarum superficierum, punctum quoddam est intus, per quod radius quilibet transiens ante & post lentem sibi ipsi parallelus incedit. In Menisco autem & in illa quæ minori cavo quàm convexo constat, punctum ejusmodi extra lentem a parte sphæræ minoris reperitur. 60

PROP. XXIII. Picturæ cujusque visibilis quæ sit in plano post lentem convexam, ad visibile ipsum eam habet rationem, secundum diametrum, quam picturæ distantia a lente ad visibilis ab ea distantiam. 61

De aberrationibus ex figura. 62

PROP. XXIV. In minimis circuli ejusdem segmentis, altitudines seu



# IN DIOPTRICAM.

seu diametri segmentorum eandem inter se rationem habere censenda sunt, quam quadrata basium. 62

PROP. XXV. In minimis circulo-  
rum inaequalium segmentis, aequa-  
les vel eadem bases habentibus, al-  
titudines segmentorum diametris  
ipsorum circulo-  
rum, contraria ra-  
tione respondere censenda sunt. 63

PROP. XXVI. Lentes convexae  
eandem foci distantiam habentes,  
cavæ vero eandem distantiam puncti  
dispersi, si & latitudinem aequa-  
lem habuerint, etiam equali erant  
crassitudine & contra. 65

PROP. XXVII. Ostendere quo-  
modo in lentibus aberrationes radio-  
rum quæ ex figura superficierum  
sphaerica oriuntur compendio inve-  
niantur. Et quamvis lens sphaerica  
convexa melius radios parallelos col-  
ligat investigare. 67

PROP. XXVIII. Concavarum  
lentium quænam melius radios pa-  
rallelos dispergant, investigare. 74

PROP. XXIX. In lentibus di-  
versarum latitudinum, convexis  
aut concavis, quæ superficies radiis  
expositas ex eadem sphaera habue-  
rint, itemque adversas superficies  
ex eadem sphaera licet a priori di-  
versa, vel quæ alteram harum  
superficierum planam habuerint;  
aberrationes radiorum extremorum  
axi parallelorum sunt inter se, sicut  
lentium crassitudines, siue etiam ut  
latitudinum quadrata. 80

PROP. XXX. In lente quavis  
convexa aut cava aberrationes ra-  
diorum axi parallelorum sunt inter  
se sicut quadrata distantiarum eo-  
rundem radiorum ab axe. 82

PROP. XXXI. Oculi constructio-  
nem, & quæ sit videndi ratio ex-  
plicare. 84

PROP. XXXII. Senum & Myo-

pum oculis auxilium comparare  
lente vitrea. 87

PROP. XXXIII. Lentem vi-  
tream invenire, qua sub aquis positi  
distincte videant. 89

PROP. XXXIV. Perspicillum  
ex datis duabus lentibus compositum  
cuiuslibet visui accommodare. 92

PROP. XXXV. Quæ, vel ob  
interpositas lentes, vel ratione  
distantiæ, confuse spectantur, dis-  
tincta reddi possunt, vel addita  
lente una juxta oculum, vel oppo-  
sita ibidem lamina cum foramine  
minimo; dummodo, non in ipso  
maximæ confusionis puncto oculus  
positus fuerit. Utracunque verò  
correctio adhibeatur eadem magni-  
tudine, & positi visibile spectabi-  
tur. 93

De effectu lentium, quo ad magni-  
tudinem & situm apparentem. 95

PROP. XXXVI. Oculo constituto  
inter lentem convexam & focum  
eius, visibile quodvis per lentem  
spectatur situ recto, & auctum  
magnitudine; habetque magnitudo  
apparens ad veram, si visibile lon-  
ginquum est, rationem eam, quam  
distantia inter lentem & focum,  
ad distantiam inter focum & oca-  
lum; si verò propinquum, rationem  
compositam ex eadem, quæ dicta  
est, & ex ratione distantie inter  
oculum & visibile ad distantiam  
inter visibile & punctum dirigens;  
si verò in foco lentis oculus statuatur,  
visibilia longinqua in infinitum au-  
gentur; propinqua verò secundum ra-  
tionem quam habet distantia eorum  
ab oculo ad distantiam oculi a lente. 96

PROP. XXXVII. Posito oculo  
in axe lentis convexæ, sed ita, ut  
ultra focum ab ea distet, visibile  
ad alteram partem lentis situm, sed  
citra punctum respondens, ere-  
ctum. 97



# I N D E X

Etum & majus spectatur. Uterius  
verò quam punctum respondens a  
lente remotum, videbitur inver-  
sum, & majus vel minus pro di-  
versa ipsius atque oculi a lente  
distantia. Ratio autem magnitu-  
dinis apparentis ad veram se habe-  
bit eodem modo atque in Theoremate  
precedenti. 98

PROP. XXXVIII. Posito oculo  
post lentem cavam, visibilia omnia  
erecta videntur, & verò minora;  
habetque magnitudo apparens ad  
veram, si visibile fuerit longin-  
quum, rationem eam quam distan-  
tia inter lentem & punctum disper-  
gens ad distantiam hujus ab oculo.  
Si verò propinquum, rationem  
compositam ex illa quæ dicta est,  
& ex ratione distantie inter ocu-  
lum & visibile ad distantiam visi-  
bilis a puncto directionis. 100

PROP. XXXIX. Datis duabus  
lentibus, & positione earum tam  
inter se, quam inter oculum & visi-  
bile, invenire qua proportionem il-  
lud augeant vel imminuant, &  
utrum situ erecto an everso refe-  
rant. 101

PROP. XL. Si per lentes quotlibet  
visibile conspiciatur, iisque manen-  
tibus, oculus & visibile vicissim loca  
permutent. Eadem hoc, qua prius  
magnitudine apparebit. 107

PROP. XLI. Manente oculo &  
visibili, quocunque loco inter utrum-  
que lens convexa statuatur, cujus  
foci distantia major sit quartâ parte  
intervalli, quod inter oculum & vi-  
sibile, erectum hoc conspicietur; Et  
maximum tunc apparebit, cum  
medio loco inter visibile & oculum  
lens statuatur; si verò foci a lente  
distantia dicti intervalli quarta  
parte minor fuerit, etiam inver-  
sum quandoque visibile conspici-  
tur; eritque inversarum specierum

minima, cum lens medium inter-  
valli locum tenebit. 111

PROP. XLII. Manente oculo &  
visibili, si lens cava inter utrum-  
que constituatur, quo propinquior  
erit loco inter oculum & visibile  
medio, & minorem hujus speciem  
efficiet, & omnium cum medium  
tenebit ipsum. 116

PROP. XLIII. Manente distan-  
tiâ oculi a lente convexa, si inter  
lentem & focum oculus sit, quò  
magis visibile removebitur, eò mi-  
nori conspicietur magnitudine. Si  
verò ultra focum oculus a lente  
distet, abscedens visibile augebitur,  
quandiu erectum apparet; inde  
verò, si porro removeatur, decre-  
cet inversa imago. Quòd si in foco  
lentis constitutus fuerit oculus, qua-  
cunque visibilis a lente distantia,  
eâdem semper magnitudine cerne-  
tur. 118

PROP. XLIV. Manente distan-  
tia lentis ab aspectabili, si fuerit  
hoc lenti propius quàm focus suus;  
quò magis oculus a lente distabit,  
eò minori magnitudine conspicietur;  
si verò ultra focum a lente distiterit  
fuerit aspectabile, removendo ocu-  
lum a lente, augebitur quandiu  
erectum apparebit. Inde verò, si  
porro recesserit oculus, eversa spe-  
cies diminuetur. Quòd si ad focum  
lentis situm sit, quacunque oculi  
a lente distantia, aequali magnitu-  
dine conspicietur. 119

PROP. XLV. Si loco conspici-  
duarum lentium, ejusmodi adap-  
tetur ex solido materie diaphane  
frusto, cujus altera superficies con-  
vexa sit, altera cava, eâdem pro-  
portionem visibilia augebit longinqua,  
atque conspiciendum duarum lentium.  
Scilicet augmenti ratio ea erit, quæ  
distantia superficiei convexæ a foco  
suo ad distantiam foci a cava,  
cui



# IN DIOPTRICAM.

cui oculus ad motus fuit. 119  
PROP. XLVI. Dispositis, in li-

nea recta oculum & visibile jun-  
gente, lentibus aut superficibus  
quotvis, & quibuslibet, communem  
axem habentibus eandem lineam  
rectam, percipiet oculus post om-  
nium refractiones aliquam visibilis  
partem, etiamsi veluti ad punctum  
reductus fuerit, dummodo hoc  
punctum non sit, quo post refractionem  
concurrunt radii a puncto vi-  
sibilis, quod in axe est, egressi. 122

PROP. XLVII. Si inter oculum  
& rem visam quotlibet lentes aut  
superficies diaphani interjaceant,  
& a puncto rei vise, quod sit in  
omnium axe communi, manantes  
radii, trajectis iisdem lentibus aut  
superficiebus paralleli exeant; quo-  
cunque intervallo post ipsos oculus  
statuatur, eadem apparebit rei vise  
magnitudo; idemque positus. 123

DE TELESCOPIIS. 124

PROP. XLVIII. Telescopium ex  
convexa & cava lente compositum  
visibilia longinqua, distincte ac  
recto situ videri facit, amplificat-  
que secundum rationem foci distan-  
tia lentis convexae ad distantiam  
puncti dispersus lentis cavae. 128  
Amplitudinem anguli visorii, seu spatii,  
quod uno intuitu exhibet Telesco-  
pium ex convexa & cava lente  
constructum, definire. 132

PROP. XLIX. Telescopium e  
duabus convexis lentibus compo-  
situm procul posita distincte, sed  
eversa ostendit, amplificatque se-  
cundum rationem foci distantiae  
lentis exterioris ad foci distantiam  
interioris. 134

PROP. L. Constitutionem telesco-  
pii ad observandas solis Eclipses  
maculasve demonstrare, & quanta  
futura sit ejus imago. 137

PROP. LI. Quomodo pro duabus

convexis, tria adhibendo amplior  
fiat telescopii prospectus, quo, ad  
sidera spectanda utimur. 140

PROP. LII. Tribus convexis len-  
tibus distincta & erecta spectare  
visibilia longinqua & majora, se-  
cundum datam rationem. 142

PROP. LIII. E duabus convexis  
lentibus telescopium construere, quo  
visibilia erecta spectentur, ac magna  
copia simul uno intuitu comprehen-  
dantur. 146

PROP. LIV. Telescopii, ex qua-  
tuor convexis compositi, construc-  
tionem explicare, qui res vise  
erectae spectantur & magna copia. 147

PROP. LV. In quibus casibus dif-  
ferentia inclinationum radiorum  
incidentium aequalis est differentiae  
inclinationum radiorum, qui post  
refractionem e vitro exeunt. 150

De lentium aperturis. 153

PROP. LVI. Lentium aperturas  
in telescopiis definire. 158

Tabula ad determinandam proportio-  
nem aperturarum telescopiorum. 162

PROP. LVII. Si in telescopiis  
duobus, differant inter se apertu-  
rarum diametri, & eadem quoque  
proportionem foci distantiae lentium  
ocularium, aequae distincte iis omnia  
conspiciuntur; apparentesque visi-  
bilium latitudines ejus proportionis  
contrariam habebunt; claritates ve-  
ro directe quadruplicatam. 164

PROP. LVIII. Tabulae preceden-  
tis telescopia visibilibus omnibus  
sive diurnis sive nocturnis, appli-  
care. 165

De Microscopiis. 170

PROP. LIX. Simplicium micro-  
scopiorum rationes & usus exponere  
& quomodo sphaerula & exiguae  
lentes parentur. 171

PROP. LX. Microscopiorum com-  
posita. 171



# I N D E X

- positorum rationes explicare. 176  
*De Microscopiorum luce & aper-*  
*turis.* 178  
**PROP. LXI.** Dato quocunque  
*Microscopio ex binis lentibus, quo-*  
*mōdo diximus, composito, potest*  
*aliud brevius reperiri, servatā ea-*  
*dem lente oculari, in quo eadem*  
*fiat rei visæ magnitudo apparens,*  
*eadem claritas, visio autem distinc-*  
*tior, vel servatā eadem distinctio-*  
*ne, major claritas.* 181  
**PROP. LXII.** Quomodo servatā ea-  
*dem claritate & distinctione, item-*  
*que latitudine ad pupillam, quæ est*  
*in microscopio dato, nec non ratione*  
*distantiarum focorum, breviora*  
*fieri possint microscopia, quæque*  
*simul res visas magis amplificent.* 185  
**PROP. LXIII.** Angulum obser-  
*vationis ex dissipatione in dato mi-*  
*croscopio, & quantus in Telescopiis*  
*& Microscopiis nocere non possit,*  
*per calculum inquirere.* 190  
**PROP. LXIV.** Angulum aber-  
*rationis, ex figura eodem modo ut*  
*in præcedenti propositione, per cal-*  
*culum investigare.* 193  
*Si in lentem convexam radii incident*  
*axi paralleli, vel a puncto in axe*  
*ultra focum distante manantes,*  
*efficient ii refracti angulos aberr-*  
*ationis, ex figura, qui proxime*  
*triplicatam rationem habeant ejus,*  
*quam distantie punctorum inciden-*  
*tiae ab axe.* 194  
**PROP. LXV.** Quomodo breviora  
*fieri possint Microscopia & magis*  
*amplificantia, in quibus servetur*  
*eadem claritas & distinctio, nec*  
*tamen priori incommodo a majori*  
*aberratione ex figura fiant obnoxia.* 196  
**PROP. LXVI.** Si Microscopium  
*e duobus convexis lentibus compo-*  
*situm queratur, quod datam habeat*  
*lenti ocularis foci distantiam, item-*  
*que datam amplificationem, & in*  
*quo angulus aberrationis ex diss-*  
*patione radii, ut & claritas, sit*  
*eadem quæ in alio dato microscopio,*  
*invenire foci distantiam lenticulæ*  
*inferioris ejusque positum & aper-*  
*turam.* 199  
**COMMENTARIJ DE**  
**FORMANDIS VI-**  
**TRIS.** 203  
*De efficiendis modulis, & catinis po-*  
*litoribus.* 205  
*De eligendis vitris.* 211  
*De præparatione vitrorum antequam*  
*poliantur.* 212  
*De vitris poliendis.* 215  
*De perpoliendis vitris.* 218

## Tomi Secundi Operum Posthumorum Index.

### DE CORONIS & PARHELIIS.

- §. 1. **D**E Coronis & Parheliis. 3  
 §. 2. *De coronæ formatione, &*  
*causis ubi Cartesii sententia cir-*  
*ca illam refellitur.* 4  
 §. 3-4. *Coronarum phenomena circa*  
*Solem & Lunam explicatio.* 6  
 §. 5. *De Diametro coronæ.* 9  
 §. 6. *De generatione grandinum se-*  
*miaequearum.* 10  
 §. 7. *De Parheliis & Paraselenis,*  
*ubi eorum phaenomena primaria*  
*proponuntur.* 11  
 §. 8. *Phaenomenon Romanum A. 1629.*  
*die 20. Martii a Scheinero obser-*  
*vatum proponitur.* 12  
 §. 9. 10. *Auctoris animadversiones*  
*circa*



# IN DIOPTRICAM.

- circa hoc phenomenon. 13
- §. 11. De causis horum mirabilium phenomenon. 14
- §. 12. De generatione, positu, figurâ, & magnitudine granorum unde Parbelia formantur. 15
- §. 13. Explicatio phenomenoni Romani. 16
- §. 14. Parbeliorum explicatio. 18
- §. 15. De duobus Parbeliis lateralibus. 19
- §. 16. Quod hi parbelii simul cum caudis in magno albo circulo necessariò debeant conspici. 21
- §. 17. Quo loco, quaque a Sole distantia conspici debeant isti Parbelii. 22
- Tabula, quibus constat quòd distantia Parbelii lateralis a Sole eo est major, quo crassior est cylindrus niveus pro ratione aquei, rursusque posita certâ proportionem illius ad hunc, major sit eadem distantia, quo magis alie Sol supra horizontem scandit. 23
- §. 18. Harum tabularum ulterior usus. 24
- Tres Soles quomodo visi fuerint, Augusti Cæsaris ætate. ibid.
- §. 19. De Coronis quæ cum Parbeliis lateralibus fere semper apparent. 25
- §. 20. Illarum causa. 26
- §. 21. Figure Cylindrorum, unde corona illæ producuntur, examen. 27
- §. 22. Quod iidem erecti cylindri, qui magno circulo albo ut & Parbeliis a latere fulgentibus materiam præbent, coronas itidem per Parbelios transeuntes, producant. 29
- §. 23. Cur circulus per Parbelia transiens languidus sæpenumero & evanidus apparet versus superiora & inferiora & maximè lucidus ubi proximè Parbelia attingit. ibid.
- §. 24. Cause binorum Parbeliorum, qui in parte circuli albo postica visi sunt. ibid.
- §. 25. 26. Quæ sit refractio in rotunda gutta, & quæ causa Iridis, quam Cartesius primus invenit. 30
- §. 27. Cur bina Parbelia dicto modo genita non nisi circulo albo inserta spectari possint. 31
- §. 28. Ratio, cur hi Parbelii certis in locis circuli albi conspiciantur. 32
- Tabula quæ exhibet dimidiam distantiam Parbeliorum in albo circulo secundum varias solis altitudines. 33
- §. 29. Binorum Parbeliorum posticorum phenomenoni Romani distantia examen secundum hanc tabulam, ex qua detecta fuit visus fallacia. ibid.
- §. 30. Ejus erroris causa. 34
- §. 31. Cur Parbelia quæ alba dicuntur apparuisse in hac observatione contra colorata esse debuerunt. 35
- §. 32. Cur in pluribus observationibus hi Parbelii omnino visi non fuerint, cum tamen apparuerit circulus albus. ibid.
- §. 34. Cur Parbelia postica ad sphericam magis figuram, quam duo lateralia accedant. 36
- §. 35. Observatio Heveliana 20. Februarii anni 1661, in qua plures Soles pluresque circuli & in utrisque aliqui diverso a præcedentibus situ notantur. 37
- §. 36. &c. Hujus observationis phenomenon explicatio. 40. & seq.
- §. 41. Figuras arcuum coronarum inveniendi ratio. 44
- §. 45. Meteorum a Christophoro Rothmanno observati Cassellis 2. Januarii anni 1586. descriptio. 48
- Tabellarum, quarum mentio facta pag. 23 & 33, constructio, quibus fundamentis nitatur. 49
- Narratio observationis Halonis sive Coronæ circa Solem factæ Parisiis, in Bibliotheca Regia, 12. Maji A. 1667. horâ 9. matutinâ, simul cum dissertatione de causa & origine bo-



# I N D E X

rum Meteororum & Parheliorum. 55

Observatio Scheineri anno 1630. a Gassendo rogata per litteras ad Scheinerum. 65

Responsio Scheineri ad Gassendum. 66

Hevelii observationes anno 1660. die 30. Martii mane conspectae Gedani. 69

Anno 1660. die 6. April. hor. 5. 30. vespere. 70

Anno 1660. die 17. Decemb. Gedani. ibid.

Observatio ex Matthæo Paris. Signum in celo admirabile visum in Anglia anno Domini M. CC. XXXIII. sexto Idus Aprilis, duravit ab ortu solis usque ad meridiem. 71

Vera delineatio Parhelii celo sereno visi Lugd. Batav. A. 1653. Jan. 14. inter primam & secundam pomeridianam, & in observatorio Academico observationes Comm. Car. Kechelio a Hollenstein. ibid.

Hugenii observatio. 72

## DE MOTU CORPORUM EX PERCUSSIONE. 73

### HYPOTHESES. 75

PROP. I. Si corpori quiescenti aliud aequale occurrat, post contactum hoc quidem quiescet, quiescenti vero acquiratur eadem, quæ fuit in impellente celeritas. 76

PROP. II. Si corpora duo aequalia inaequali celeritate lata se mutuo impellant, post contactum permutatis invicem celeritatibus ferentur. 78

PROP. III. Corpus quâmlibet magnum a quâmlibet exiguo corpore & qualicunque celeritate impactu movetur. 79

PROP. IV. Quoties duo corpora inter se colliduntur, eadem est, mu-

tuo respectu, discedentibus celeritas, quæ fuit appropinquantibus. 81

PROP. V. Si duo corpora, eadem celeritate singula ad occursum revertantur, quæ ab impulsu resilierunt, singula, post alterum impulsu, eandem acquirant celeritatem, quæ ferebantur ad occursum primum. 83

PROP. VI. Corporibus duobus sibi mutuo occurrentibus non semper post impulsu eadem motus quantitas in utroque simul sumpto conservatur quæ fuit ante, sed vel augeri potest vel minui. 84

PROP. VII. Si corpus majus minori quiescenti occurrat, minorem ei velocitatem dat quàm duplam suæ. 85

PROP. VIII. Si corpora duo sibi ex adverso occurrant, quorum magnitudinibus celeritates contrariæ ratione respondeant, utrumque eadem quæ accessit celeritate resiliet. 86

PROP. IX. Datu corporibus duobus inaequalibus, directe sibi occurrentibus, quorum utrumque vel alterum tantum moveatur, datâque utriusque celeritate, vel unius, si alterum quiescat, invenire celeritates quibus utraque post occursum ferentur. 92

PROP. X. Celeritas quam majus corpus dat minori quiescenti, ad eam quam simili velocitate minus inprimis quiescenti majori, eandem habet rationem quàm majoris magnitudo ad minoris magnitudinem. 94

PROP. XI. Duobus corporibus sibi mutuo occurrentibus, id quod efficitur ducendo singulorum magnitudines in velocitatum suarum quadrata, simul additum, ante & post occursum corporum aequale invenitur; si videlicet & magnitudinum & velocitatum rationes in numeris lineisve ponantur. 95

PROP. XII. Si quod corpus majori vel



# IN DIOPTRICAM.

vel minori quiescenti obviam per-  
gat, majorem ei celeritatem dabit  
per interpositum corpus media ma-  
gnitudinis iidem quiescens quàm si  
nullo intermedio ipsi impingatur.  
Maximam verò celeritatem tum  
conferet, quum corpus interpositum  
fuerit medium proportionale inter  
extrema. 99

PROP. XIII. Quòd plura corpora  
interponentur inter duo inæqualia  
quorum alterum quiescat, alterum  
moveatur, eò major motus quies-  
centi conciliari poterit. Maximus  
autem per unamquamque interpo-  
sitorum multitudinem ita confere-  
tur, si interposita cum extremis  
continuum proportionalium seriem  
constituant. 102

## DE VI CENTRIFUGA. 105

PROP. I. Si mobilia duo æqualia æ-  
qualibus temporibus circumferentias  
inæquales percurrant, erit vis cen-  
trifuga in majori circumferentia ad  
eam quæ in minori, sicut ipsæ inter  
se circumferentiæ, vel earum dia-  
metri. 114

PROP. II. Si mobilia æqualia in  
iisdem, sive æqualibus, circulis rotis-  
ve gyrentur celeritatibus inæquali-  
bus, verum utraque motu æquali-  
li; erit vis recedendi a centro cele-  
rioris ad vim tardioris in duplicata  
ratione celeritatum. Hoc est, si  
fila quibus illa retinentur, per cen-  
trum rotæ deorsum educantur, susti-  
neantque pondera, quibus vis mo-  
bilium centrifuga imbeatur, atque  
exacte adæquetur, erunt hæc pon-  
dera, inter se, sicut velocitatum  
quadrata. 115

PROP. III. Si duo mobilia æqua-  
lia in circulis inæqualibus, æqua-  
li velocitate ferantur, erunt eorum  
vires centrifugæ in ratione contra-

ria diametrorum, ita ut in minori  
circumferentia dicta vis major exi-  
stat. 116

PROP. IV. Si mobilia duo æqualia  
in circumferentiis inæqualibus cir-  
cumlata vim centrifugam æqualem  
habuerint, erit tempus circuitus in  
majori circumferentia ad tempus  
circuitus in minori in subduplicata  
ratione diametrorum. 117

PROP. V. Si mobile in circumfe-  
rentia circuli feratur ea celeritate,  
quam æquiri cadendo ex altitudine,  
quæ sit quartæ parti diametri æqua-  
lis, habebit conatum a centro rece-  
dendi æqualem suæ gravitati, hoc est,  
æque validè filum, quo retinetur,  
trahet, atque cum ex illo suspen-  
sum est. 118

PROP. VI. Data altitudine, quam  
certo tempore, puta secundi minuti  
unius, mobile emittitur, cadendo  
ex quiete perpendiculariter; inve-  
nire circulum in cuius circumferen-  
tia mobile circumiens horizontali-  
ter, atque uno item secundo circui-  
tum absolvens, habeat vim centri-  
fugam gravitati suæ æqualem. 120

PROP. VII. In curva superficie  
conoidis Parabolici, quod axim ad  
perpendicularum erectum habeat;  
circuitus omnes mobilis circumse-  
rentias horizonti parallelas percur-  
rentis, sive parvæ, sive magnæ  
fuerint, æqualibus temporibus per-  
agentur: quæ tempora singula  
æquantur binis oscillationibus pen-  
duli, cujus longitudo sit dimidium  
lateris recti Parabolæ genitricis. 122

PROP. VIII. Si mobilia duo ex  
filis inæqualibus suspensa gyrentur,  
ita ut circumferentias horizoni pa-  
rallelas percurrant, capite altero  
fili immoto manente, fuerint autem  
conorum, quorum superficiem fila  
hoc motu describunt, axes sive al-  
titu-





ritudines aequales, tempora quoque quibus utrumque mobile circum suum percurrit, aequalia erunt. 123

PROP. IX. Tempora lationum per circulos horizontales, angulo gyrationis eodem existente, sunt in subduplicata ratione longitudinum filorum. 125

PROP. X. Si mobilia duo quelibet filis suspensa gyratione describant circulos horizonti parallelos; erunt tempora circulationum in subduplicata ratione altitudinum conorum, quorum superficies a filis describuntur. 125

PROP. XI. Si mobile filo suspensum, capite fili superiore quiescente, describat motu suo circulos horizonti parallelos inaequales, erunt tempora lationum per dictos circulos in subduplicata ratione sinuum angulorum, quibus filum ad planum horizontis inclinatur. 126

PROP. XII. Si pendulum, motu conico tutum, circuitus minimos faciat; eorum singulorum tempora, ad tempus casus perpendicularis ex dupla penduli altitudine, eam rationem habent, quam circumferentia circuli ad diametrum: ac proinde aequalia sunt tempore duarum oscillationum lateralium ejusdem penduli minimarum. ibid.

PROP. XIII. Si mobile in circumferentia feratur, circuitusque singulos absolvat eo tempore, quo pendulum longitudinem semidiametri circumferentiae ejus habens motu conico circuitum minimum absolvet, vel duplicem oscillationem minimam lateralem, habebit vim centrifugam suae gravitatis aequalem. 128

PROP. XIV. Penduli cujuslibet, motu conico lati, tempora circuitus aequalia erunt tempore casus perpendicularis ex altitudine penduli filo aequali: cum angulus inclinationis fili ad planum horizontis fuerit partium 2. scrup. 54. proximè. Exactè verò, si anguli dicti sinus fuerit ad radium, ut quadratum circulo inscriptum ad quadratum a circumferentia ejus. 129

PROP. XV. Si pendula duo pondere aequalia, sed inaequalia filorum longitudine, motu conico gyrentur, fuerintque conorum altitudines aequales; erunt vires, quibus fila sua intendunt, in eadem ratione, quæ est filorum longitudinis. 130

PROP. XVI. Si pendulum simplex oscillatione laterali maximè agitetur, hoc est, si per totum circuli quadrantem descendat: ubi ad punctum imum circumferentiae pervenerit, triplo majori vi filum suum trahet quàm si ex illo simpliciter suspensum foret. 131

PROP. XVII. Globus filo ex centro circuli ad horizontem perpendicularis suspensus, per circumferentiam istius circuli rotari non potest, nisi filum sextuplum ponderis ap-  
pensi sustinere queat. 132

AUTOMATI PLANETARII DESCRIPTIO. 157





